

V I T A E
ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT.

V O L U M E N III.

AUCTORE

ANGELO FABRONIO

ACADEMIAE PISANAE CURATORE.



P I S I S MDCCLXXIX.

EXCUDEBAT CAROLUS GINESIUS

SUPERIORIBUS ANNUENTIBUS.





MAXIMILIANO

ARCHIDUCI AUSTRIAE
TEUTONICI ORDINIS
MAGNO MAGISTRO ETC. ETC.

ANGELUS FABRONIVS:

Nihil profecto in vi-
ta mihi jucundius accide-
re potuit, PRINCEPS REGIE,
quam Tecum Romae esse,

Tecum aureae aetatis reliquias invifere, Teque admirari memoria repentem exempla veterum Romanorum (ufu hoc enim venit ut acrius & attentius de claris viris locorum admonitu cogitemus) de eorum praeclaris factis copiofe & erudite differentem, aemulantemque iis, qui ea habuerunt, quae Te habere cupiebas. Ex eo tempore in animum induxi meum pro tanto be-

neficio aliquid Tibi repen-
dere; & quoniam maxime
delectaris magnis & illustri-
bus exemplis, haud pror-
sus Te indignum putavi li-
bellum, qui continet vitas
Italorum doctrina excel-
lentium, & laudes Princi-
pum, qui eos voce & prae-
miis ad preclara suscipien-
da excitarunt. Magnum
laboris mei fructum me
percepisse arbitror, si ju-
dicio & comprobatione tua
gloriari potero.


LECTORI:

HAbes, amice Lector, tria volumina eodem tempore edita. Nunc vero multo sum erectior ad prosequendum opus, quod intelligam illud multorum judicio auctoritateque comprobari. Si ea, quae inchoavi, perficere poterò, duodecim usque habebis volumina. Illud quoque te admonitum esse volo vitas Montanarii, Malpighii, Redii, Grimaldii, Baglivii, Cassinii, Maraldii, Guglielmii, Marsilii, Algarotti, Zanotti, & Mitterellii a me nunc primum in vulgus edi, ceteras vero, quamvis jam antea editas, non sine corollario iterum in lucem emitti. Vale.

INDEX VITARUM

QUAE IN HOC VOLUMINE CONTINENTUR.

<i>Nicolaus Steno</i>	Pag. 7.
<i>Geminianus Montanarius</i>	69.
<i>Marcellus Malpighius</i>	128.
<i>Laurentius Magalottus</i>	199.
<i>Franciscus Redius</i>	278.
<i>Iosephus de Papa</i>	329.
<i>Franciscus Maria Grimaldus</i>	372.



ANGELUS FABRONIUS

DOMINICO COTUNIO SUO S. P. D.

Magnum ingenium Stenonis, magnumque prae-
stantissimarum artium studium, tum omnis
liberalis ab eo percepta doctrina singularesque vir-
tutes carere certe non debebant historiae lumine.
Quamvis autem sumptae a me partes sint res Ita-
lorum doctrina excellentium monumentis commen-
dare meis, non tamen prorsus alienum a propo-
sito sum arbitratus de Dano etiam scribere, qui
Hafniam loci & naturae, Florentiam vero juris &
voluntatis sibi patriam fuisse dicebat; quod in po-
puli Florentini Civitatem susceptus fuisset; quod
ibi veritatis consilium ab hominibus sanctissimis
accepisset; quodque commoratio in Etruria ad eas
artes, quas excolebat, plurimum sibi profuisset.
Praeter haec cum opera & consilio magnam uti-
litatem attulerit Steno Academiae Pisanae, haec
fatis iusta mihi poterat esse causa ad illius vitam
conscribendam. Non deerant quidem iis temporibus
Etruriae Anatomici praestantissimi; conducebat ta-
men maxime ad illius Provinciae gloriam, unde

fontes scientiae ad ceteras fluxerunt, plures esse, qui e suo multa in commune conferentes longam & difficilem anatomicam viam, quantum fieri poterat, expeditiorem redderent. Quam porro longa sit anatomes ipsa scientia, quamque difficilis, is demum intelliget, cui musculorum, viscerum, ossium, totque partium, quae aliarum causa sunt constitutae, numerus innotuerit. Profecto vel ipsa tradit historia quantam ii laudem consecuti sint, qui partem ejusdem scientiae licet exiguam tum plene tenere, tum aliis apte tradere potuerunt. Ex quo licet cognoscere vere illud a summo viro dictum fuisse: Ire per omnia & plene omnes regiones corporis humani perspectas habere id quidem & aequae difficile & aequae rarum est, quam plena omnium immensae regionis pagorum, rivorum, valliumque & collium historia: ostendi potest etiam calculo posito, fieri non posse ut intra XX. annos partes corporis animalis omnes plane peragrentur. Nam si quae ab auctoribus tradita sunt aliquo modo tenere satis esset, magnum id quidem videretur ac docto homine dignum. At in hoc studio res ita comparatae sunt, ut nisi naturam in cadaveribus per experimenta rimatus ipse fueris, nunquam ejusdem do-

Arinae laude perfectus possis evadere. Experimenta vero his in rebus quantam per Deum immortalem habent difficultatem atque laborem! Etenim prima lex eorumdem est, non semel, cum de una parte agitur, neque bis institui debere, quod cum periti homines, aliquando neglexerint, maximis in erroribus versati sunt. Plurima enim, quae ad rem non pertinent, in experimenta ipsa sese quodammodo immiscent, neque facile quid alienum ab ipsa re sit, quid non, animadvertas, nisi eadem experimenta saepius instituens, quid natura ipsa ferat, quid aliae causae produxerint, aperte cognoscas. Sed & singula experimenta & otium & laborem haud ita parvum desiderant. Omitto enim res aliquando considerandas esse ita minutas, ut quamvis nudorum oculorum aciem effugiant; quare viris iis juvandi sunt, quae microscopia dicimus. Omitto quot adhibenda sint artificia in incidendo, in exsiccando, in aliis quae sunt ejusdem generis. Illud praecipuum est, artem nescio quam haud sane paucis verbis explicandam in his omnibus adhiberi oportere, quam non pluribus profecto mortalibus a natura concessam novimus, & ab industria frustra requiras. Ut aliquod afferamus exemplum auctoritatis Hallerii confirmatum, sectores plerique superioris

saeculi solabant in eo peccare, quod cum particulam aliquam corporis inspicerent, contemplationem suam, ac vinculorum, quibus anneſcebatur, facile negligebant. Oportet enim vero visceris ejus partes omnes, tum nervulos, tum venas, tum parvas arterias, tum quibus definiatur limitibus inspicere, diligenterque notare; denique ad extremum viscus integrum e vinculis, quae cellulosa dicuntur, exsolvere, atque ab reliquis, quae circumstant, ita liberare, ut omni ex parte tibi mundum appareat; ita tamen, ut quid rejeceris non facile obliviscaris. Expedit etiam aliquando telam ipsam cellulosa omni ex parte resolvere; quod cum a recentioribus diligenter praestitum fuerit, plura sere antiquis incognita deprehensa sunt; cujus generis illa sunt, quod vesiculae seminales non in plura intestina, sed in unicum, eundemque ramosum, quod cysterma chyli in canales lymphaticos, quodque in unicum vasculum epididymis dissoluta evadit. Maceratio etiam huc facit, quae membranarum elementa ob oculos ponit; & inflatio quae nimis minuta quaedam adaugens ut conspicua sint facile praestat. Neque vero tantum in hominum cadaveribus, sed & in diversorum animalium corporibus experimenta instituenda sunt. Haec enim, quae so-

Ita licet, cum adhuc vivunt, incidi, multa quae pertinent ad circuitum sanguinis, subtilioresque ejus motus agnoscendos, ad iter chyli, ad ossium incrementa, ad respirationem, ad intestinorum peristalticum motum intelligendum apte demonstrant. Sed & alia quaedam occurrunt in anatome difficilia, quae vix aut nullo modo solvas, nisi quadrupedum, aut avium, aut aliorum brutorum animalium corpora disseces. Exemplum hujus rei poni potest in ea quaestione, quae de bile jecoris, ac de bile, quae in vesicula fellea deprehenditur, inter Anatomicos agitata est; nimirum utrum omnis in jecore, an ipsa in vesicula, & rursus an aliqua pars in jecore, alia vero in vesicula enascatur. Ea quaestio ex hominis inspecto cadavere solvi non ita facile potest; at vero dissecta animalia tantum luminis hanc ad rem attulerunt, ut dubia non amplius esse videatur. Nam & bestiae non paucae satis ingentes bonam sibi bilem in jecore sine ulla fellea vesicula comparant, & nulum animal sine jecore vesiculam habet, & omne quod habet ita cum jecore conjunctam gerit, ut vel ex eodem existat, vel cum ejus canali, quod vocant excretorium, aperte communicet. Hinc autem in jecore, non in vesicula bilem nasci quis

non fateatur? Haec omnia quae & quanta sustinenda ab illo sint, qui studet anatomiae, satis ostendunt. Sed illud maximum est, nervorum notitiam ac scientiam post centum & amplius annorum spatium ita parum fuisse perfectam, ut praeter quinti & septimi paris historiam, quam Nukelius dedit, & nervos oculi, quos plerique vocant Zinnianos, vix aliquid plena perfectaque scientia comprehensum sit. Haec a te facpius audita, mi doctissime Cotuni, aliisque summis viris notata idcirco proferre volui, quo magis inflammarem adolescentium in nobilissimam facultatem incumbentium studia, & quo magis appareret quanta laude digna sint inventa & labores non solum Stenonis, sed etiam tui, tuique similium, qui una cognitione naturae & scientia beati esse videntur.

Florentiae Kal. Sext. MDCCLXXIV.

N I C O L A U S S T E N O .

Nicolaus Steno , (alii Stenonis ap-
pellant) Hafniae natus est IV. Id.
Januarias an. MDCXXXVIII. Pa-
trem habuit aurificem quemdam ,
& arte qua plurimum praestabat , & studio quo
ardebat in Lutheranam sectam Christiano IV.
Danorum Regi valde acceptum . Hic prout
ipse amabat litteras , filium omnibus doctrinis ,
quibus puerilis aetas impertiri solet , erudien-
dum curavit . Erat autem in puero praeter
docilitatem ingenii summa suavitas morum ,
orisque praeterea & vocis ; quo fiebat ut o-
mnibus esset carissimus . Thomae vero Bar-
tholinio traditus , ut eo magistro medicinae &
anatomiae studeret , ab ipso non secus ac fi-
lius dilectus est , & diligentissime institutus .
Audiit etiam Olaum Borrichium , Simonem
Paulli ceterosque viros , qui physica doctrina
excellere putabantur . Cujus doctrinae insignia
in patria cum accepisset Lugdunum Batave-

rum venit fama accitus Francisci Sylvii, quo
duce non solum in medicina & anatome, sed
etiam in chemia se exercuit. Frequentavit
quoque scholam Jo. Van-Hornii omnium Syl-
vii discipulorum celeberrimi, habuitque ac-
mulos atque imitatores studiorum suorum Jo-
annem Swammerdamium, Carolum Drellinco-
urrium, & quotquot ingenii laude excellere,
& gloriae desiderio tenerentur. Denique Am-
stelodamum concessit, ut ibi quoque doctissi-
mos physicos audiret, cum in una philoso-
phia quasi tabernaculum vitae suae collocas-
set. Ibi exceptus fuit hospitio a Gherardo
Blasio, quo cum diligentius & saepius de a-
natome loquebatur; & quia hunc aequissimum
eorum studiorum, quae sibi cum ipso erant
communia, aestimatorem & judicem se habe-
re putabat, non dubitavit eidem ductum sa-
livalem exteriorem a sese detectum VII. Id.
April. an. MDCLXI. (& notanda quidem sunt
inventorum tempora) semel iterumque com-
monstrare. Blasius invidia commotus alienam
laudem ad se transferre tentavit. Itaque edi-
to de Medicina *Generali Tractatu*, in hujus li-
mine se inventorem illius ductus professus est.

Aegerrime id tulit Steno, qui talis erat vir ut non modo facere, sed ne cogitare quidem quidquam auderet, quod non auderet praedicare: quamobrem furti violataeque fidei Blasium convincere statuit. Sed exitus disputationis tum brevis, tum etiam non difficilis fuit. Hinc enim explicatis propriis inventis, illinc excussis prolatis rebus a Blasio, qui nec verum ortum, nec verum egressum ejusdem ductus cognoverat, nec satis intellexerat quibus illum usibus natura attribuerit, res plane confecta fuit; ipseque ductus ex inventore suo nomen invenit (1). Multum tamen se debere Blasio professus est Steno, quod occasionem sibi dederit sua non modo repetendi, sed & nova quaedam alia inveniendi. Dum enim parotides in vitulino capite, quo Blasius ipsum provocavit, investigabat, & vasa sequebatur, elegantem diversarum in collo glandularum per peculiaris vasa conjunctionem non sine admiratione observavit. Quibus animadvertis rem certius exploraturus bovis caput alterum secuit; dein canes aperuit; ad extremum vituli quoque caput scrutanti salivae vasa quaedam insperato occurrerunt. Nam praeter glan-

dulas maxillares & tonsillas a Wartono descriptas, alias notavit intra buccas sub lingua, in palato, quae omnes inter se in eo congruebant, quod ex plurimis glandulosae carnis quasi fragmentis, immo glomis, fibrarum, nervorum, vasorum & membranarum ope copulatis, essent compositae. Haec satis ostendunt quam immerito a nonnullis Steno eo nomine reprehendatur, quod commodam divisionem a Sylvio propositam glandularum conglobatarum, & conglomeratarum secutus minime fuerit. XVI. Kal. Majas an. MDCLXI. se vidisse ait circa ductum salivalem parotidis ludentes plures nervos (quis ignorat quantum id conducat ad plura explicanda phaenomena, quae in salivae secretionem contingunt?) ab eodem plane distinctos. XII. vero Kal. Junias ejusdem anni glandulas buccarum salivae assignatas anno ante a Sylvio in homine detectas diligentissime examinans invenit excretoria eorumdem vasa, quorum nonnulla praeter detecta a Bartholinio observavit etiam, quamvis essent angustiora, in glandulis, ut ipse appellabat, sublingualibus. Sex post diebus, cum bubulum caput jam totum fere dis-

secuisset, cumque tonsillas excideret, ac vicinias praemeret, tenacem inde elici humorem animadvertit. Hinc totum illud, quod caelum oris constituit, exsectum, digitisque compressum innumeras glutinosi humoris guttulas per exilia foramina, quae membranam veluti cribrum perviam faciunt, emittere vidit. Per eadem tempora invenit Schneiderius membranam illam, unde pituitam exsudare nos docuit, quo de invento, fecit etiam Steno mentionem, ne quis sua cum alienis confunderet. Exposita structura glandularum, eorumque vasorum, quorum munus est humorem praeparare, qui os perpetuo irrigat, unde & quomodo hic humor nascatur, deferaturque in os pluribus declarat Steno, concluditque humorem huiusmodi in glandulis conglomeratis ab arterioso sanguine secretum, & in os per excretoria vasa spirituum animalium in glandulas, & proximos musculos influentium ope compulsam salivam facere, rotundas vero seu conglobatas glandulas, quae in priorum vicinia reperiuntur, acceptam ab exterioribus partibus lympham in venas refundere, ut refluo ad cor sanguini misceatur. Hac occasio-

ne insurrexit Steno in Bilsum hominem intolerandae insolentiae ac superbiae, qui in ea erat opinione non modo salivam, sed etiam humores aqueos omnes a ductu chyliifero, vel, ut ille vocabat, rorifero, non autem a sanguine oriri, in qua confutanda ita se gessit ut omnem humanitatem exuisse videatur. Glandulas etiam oculorum diligentissime suo more exquisivit, deque iis opusculum scripsit, ex quo apparet invenisse illum anno MDCLXII. in vitulis vasa, quae humorem palpebrarum motui necessarium ex arterioso sanguine in ipsis glandulis secretum ducunt, & eundem alio inde reducant. Porro priora vasa nondum, quod sciam, Anatomicis fuerant nota; posteriorum vero quamvis principium non nescirent, tamen quem ad finem progredierentur nondum certum habebant. *Glandularum oculi altera, inquit Steno, quam innominatam vocant, in superiori exterioris anguli regione sua, magna & fere rotunda in eo loco conspicitur, unde ad inferiorem orbitae partem inflexa in angustam veluti laciniam sensim attenuatur. Pars ejus anterior per loborum, in quos eleganter divisa est, intervalla prodeuntibus ex ipse*

glandula, quae humorem ibi secretum excernunt, vasis liberum exitum concedit, quae inde interior rem intra palpebrarum unicam antrorsum pergentia exiguis eandem foraminibus ad brevem a ciliis distantiam pertundunt. In conspectum facile protrahuntur praedictorum fluminum ostia, modo inversam in exteriori angulo palpebrae tantillum extenderis..... Altera lacrymalis dicta oblonga in vitulo, & in cantho interiore seu majore recondita praeter vasa sanguinea & nervos, quae illi cum reliquis glandulis omnibus communia, etiam cartilagine praedita est peculiari, & duobus praeterea lympham evehentibus vasis donata... Haec vasa intra glandulam orta, & ad cartilaginis latera assurgentia, ubi haec superiora, versus arclatur cartilaginem inter & oculum se aperiant ostiis non papilla quadam sed solo hiatu dignoscenda. Licet priora memorata vasa, quae ad glandulam innominatam pertinent, in brutis tantum animalibus observaverit Steno, non dubitavit tamen asserere in humano etiam inesse corpore. Sed haec in homine adeo obscura esse tradit Hallerus (2) ut a se non solum, sed & ab ipso Morgagnio (3) nunquam fuerint visa, etsi non ignoret affirmasse San-

storinum , Winslowium , Briggsum , Brisseauium , aliosque eadem se omnino vidisse. Quamvis autem Morganius allatis Galeni & Faloppii verbis ostendisse videatur neque Galenum puncta lacrymalia & horum usum , aditumque , qui ab iisdem est ad nares usque perpetuus , latuisse ; & Faloppium praeterea meatus ab illis punctis in communem sinum convenientes aperte & nominatim proposuisse , nihilo tamen minus cum ipso Hallero fatendum est , numquam errandi finem factum esse , donec Steno alios ductus hygrophthalmicos , Morganius vero ipse accuratam carunculae anatomen in medium protulere . Equidem non dubito quin maiorem etiam Stenoni laudem tributurus esset Hallerus , si cum ea scriberet , innotuisset quam feliciter Monroous junior hos ductus glandulae lacrymalis excretorios etiam in homine agnoscendos necessario esse demonstraverit . Scripto huic *de oculorum glandulis novisque eorundem vasis* aliud adjunxit Steno quasi operis appendiculam *de narium vasis* , quo declarat se praeter aquaeductum , & glandulas pituitariae , punctorum etiam lacrymalium in nares usque continua-

tionem, aliumque naribus proprium ductum; omnia nares humectantia vasa, & simul angustum quasi fretum, per quod contentus in naribus humor in palatum transmitti non admodum ex vero putabat, observasse (4). Istud oris cum naribus commercium facile iis apparere affirmabat, qui ad anteriorem dentium radicem tunicam vel tantillum prefferint tuberculi ibi exsurgentis, ex cujus oppositis lateribus pressione junctis guttam proflire viderent. Hinc admonet Steno hujusmodi ductus distinctos esse in ceteris animantibus & separatos; in homine vero conjunctos priusquam in os penetrent. Needhamius eadem se praedicat observasse, neque a Stenone sumpsisse dicit. Quod & Colinus fecit. Nemo tamen horum animadvertit quam incerte transferantur ad hominem observata a Stenone in brutis animantibus. Quamvis enim in hominis capite membrana sua denudato hujusmodi canalis reperiatur, si tamen adest membrana vix ac ne vix quidem apparet. Primus id notavit Vereheyenius, qui multam operam in hac re investiganda posuit. Ejus postea exemplum alii secuti sunt, omnibusque anteivit

Morgagnius, ex quo inter caetera scimus, quamvis hujusmodi ductus aperti sint in parte narium, sintque separati & distincti, illorum tamen ostia in palato adeo angusta esse, ut vix liquido humori transitum praebant (1). Omnia fere quae antea separatim exposuerat Steno de glandulis complexus est unico Tractatu de ipsis glandulis. Sed hic quoque habet sua propria, e quibus maxime commemoranda videntur tum canaliculi glandulae epiglottidis per hujus foramina traducti, quae observatione Stenonis licet nihil verius esse doceat Morgagnius, illam tamen aliis additamentis perfici a se oportere putavit; tum descriptio viae quam tenent vasa lymphatica, horumque introitus in glandulas & ab iis egressus. Sunt omnino legenda quae tradidit Hallerus de hoc Stenonis invento, quod quidem magno usui fuit illi ad varias humorum separationes explicandas (6). In hoc de glandulis Tractatu non solum ordine enumeravit Steno illa omnia quae sibi invenire contigit, sed recensuit etiam aliorum reperta, quae suis lucem asferre possent: postremo neque ea praetermisit quae conducere putavit ad explicandas

das

dos plurimos naturales effectus, originem lymphae, lacrymarum, lactis, catarrhi, & humoris, qui in ventriculum perpetuo diffluit. Ex observatis a se probabiliter confici posse existimavit, glandulas conglobatas cribrorum esse quasdam similitudines ita a natura comparatas, ut dum ex arteriis in venas per capillaria transit sanguis, liberatae a sanguinearum amplexibus vi caloris serosae partes per suos quaeque poros expellantur in capillaria lymphaticorum: facere enim ad id nervorum, ut ipse quidem putabat, extremis venis affixorum directionem elcito per sensuum perceptionem mentis imperio subjectam. Quam opinionem licet plerique recentiorum physico- rum, & Malpighius ipse sint socuti ad explicandam praecipue sudoris secretionem, jure tamen meritoque, ut arbitror, nos admonuit Heisterus, non ea esse multitudine glandulas cutaneas, qua superiores illi autumant, iisque attributum munus materiae quae expiratur discernendae a solis in cute arteriis confici posse (7). Tractatum de glandulis secutum est commentariolum de musculis, quod quanti faciendum sit ex praeclaro Boerhaavii testi-

monio colligi potest, qui Stenonem exercitissimum licet Anatomicum non alia tamen parte Anatomes magis excelluisse confirmat (8). Praecipuum operis argumentum quod sibi proposuit Steno fuit cor, cujus fibrarum ductus & varias inlexiones dum sequitur, novis inter dissecandum subinde ortis difficultatibus, musculorum aliorum corde simpliciorum fabricam attentius considerare necesse fuit. Hinc omnes eos musculos, qui respirationem tuentur, descripsit, & de costarum elevatoribus ea tradidit, ut mireris horum inventionem Verheyenio a plerisque tribui. Recte vero monet ab intercostalibus illos distinguendos, quod & ortu diversi sint, & diversum tendinis habeant locum, quamvis omnes idem praestent munus. Sacrolumbi musculi & diaphragmatis, de quibus multa tradebantur dubia, nonnulla etiam commentitia, exquisitam descriptionem fecit, & usus indicavit; inter quae laudare praesertim videtur Morgagnius celeberrimum potissimumque experimentum ad musculorum motum explicandum (9). Inde alios aliosque musculos ad examen vocans Steno inter cetera erroris illos convincit, qui existi-

mabant crotaphiten a maxilla ad cranii usque os minime produci, & linguae muscutorum extrema in peculiarem desinere substantiam. Quamvis nonnulli, & in his Nicolaus Massa negaverint peculiarem hanc substantiam, musculosam eam esse affirmantes, nemo tamen ante Stenonem istud ipsum clara certaue notatione ostenderat. Ex observatis a se concludere se posse ait, in omni musculo esse arterias, venas, nervos, fibras & membranas; illud etiam addit requisisse, num essent lymphatica, quae saepius circa ipsos viderat, sed minime reperisse. Nullum esse musculum docet, cujus singulae fibrae minime abeant utrinque in tendinem; carnem haud differre a fibris; has invicem arteque connexas tendinem componere; laxius junctas carnem formare; alias aliis superimpositas musculi crassitiem seu profunditatem, alias aliis juxta positas ejus latitudinem efficere; & nullam in musculo facile reperiri fibram, quae unam rectam constituat lineam, sed singulas in tres minimum lineas dividi, neque has ejusdem longitudinis, nec semper rectas esse, sed interdum etiam curvas, uti in sphaencleribus vi-

deri praefertim potest, quos e musculorum numero eximendos esse nemo affirmaverit. Si quis haec comparaverit cum iis, quae recentiores tradunt Anatomici, non dubito quin eam maxime conversionem rerum, linearumque divisionem facile sit improbaturus. Membranam non modo transverso fibrarum ductu musculum ambire, sed & eodem modo inter singulas ejus se insinuare fibras tradit, ipsamque non communem esse omnibus musculis, sed cuivis musculo suam, & singularem inesse demonstrat. Explicata musculi structura ad ejus actionem, quam in contractione consistere notum est, transit, eamque ope tendinis, ut vulgo credebatur, nullatenus fieri, neque omnino contrahi tendinem affirmat, sed carnem inter expansiones tendinosas comprehensam, quae in se contracta efficit, ut opposita duo vel plura ejusdem musculi ventris plana ad se mutuo (tendinibus nec longitudine immutatis neque crassitie) propius accedant. Hisce Steno aliisque expositis, quae vel sensus deprehendere vel assequi ratio potest, ad extremum conficit cor animantis vitae fontem atque principium in musculorum classe

jure censendum; nihil enim in eo desiderari quod musculo datum, nec quod negatum in ipso inveniri; inde eos falli qui ajunt cor esse sui generis substantiam, & certae substantiae, ut ignis, calidi, quemadmodum loquebantur, innati, & animae sedem, atque uti sanguinis, ita humoris cujusdam, spirituumque, quos animales fortasse dixeris, officinam. Dum vero totam cordis fabricam persequitur Steno, quanquam labi ille interdum, & confusius atque obscurius loqui videatur, nunquam tamen satis praedicari potest, quod inter primos ad eandem fabricam contemplandam physicam adduxerit; & viam ceteris aperuit ad veritatem aut assequendam aut illustrandam. In eo quoque exquisitissimis verbis laudatur ab Hallerio (10) quod ante omnes viderit externum fibrarum stratum utrumque ventriculorum complectens, quodque fibras, quae ventriculorum caveas subeunt, descripserit post eum a Pechlino dictas, easque etiam, quae circa conum reflexae ad basim redeunt. Addere etiam potuisset Hallerius sibi facem praetulisse Stenonem ad irritabilitatem fibrarum noscendam, quod haud pauca sint in ejus scri-

ptis, & in iis praesertim, quae ad cor spectant, quae haud immerito semina dixeris hujus praeclarissimi inventi. Tanta porro Steno pollebat solertia in cordis anatome praeparanda, ut Ruyschius (11) commemoranda putaverit bina quae ab eodem secta habuerat corda: nihil enim fieri iis poterat perfectius ad fibrarum praesertim cursum noscendum. Ad haec proditum ab aliis memoriae fuit, Stenonem maceratione, coctione, aliisque artibus in filamenta fere ad sumi modum tenuia cordis texturam resolvuisse. Triennio postquam haec vulgaverat Steno, copiosius musculi naturam, partes & fabricam, edito *Elementorum myologiae specimine*, exponere est aggressus: sed magis quam Anatomici Geometrae personam agere voluit, cum ad matheosos regulas musculi figuram apte redigendam, & juxta canones inde sumptos ejus actionem explicandam suscepisset, existimans non posse musculi distinctae partes nominari, figuram exprimi, motum definiri, nisi matheosos subsidio myologia uteretur. *Et quidni musculis id daremus, ajebat Steno, quod Caelo Astronomi, quod Terrae Geographi, quod oculis*

rei opticae scriptores concessere? Res naturales mathematicae tractarunt illi, quo distinctior earum esset cognitio; & musculos mathematicae explicandos illorum fabrica quadam quasi necessitate postulabat. Sed quid musculis ea vindico, quae toti corpori debentur? Organum est corpus nostrum ex mille organis compositum, cujus veram cognitionem, qui absque matheos ope investigandam credit, sine extensione materiam, sine figura corpus credat necesse est. Haec idcirco proferre volui, ut intelligatur, quare proximo exeunte saeculo mechanica, hydrostatica, atque hydraulica dogmata in physiologiam traducta sint. Quae res etsi habeat suas utilitates, habet quoque difficultates praecavendas. Multa enim sunt in animali machina a communibus legibus mechanicis valde aliena: motus magni a parvis causis excitati; celeritates humorum per eas causas parum diminutae, a quibus per receptas leges eas frangi oportuerat; motus a causis pene incognitis existentes; motus vehementes a debilibus fibris geniti; decurtationes fibrarum omni supputatione majores; multa praeterea, quae rerum Opifex veluti quaedam mysteria naturae reclusa vo-

luit esse atque abdita. Neque his rebus repudiandas leges crediderim, quibus extra corpus animale vires motrices reguntur; id contendendo nunquam transferendas ad nostras animati corporis machinas, nisi experimentum consenserit. Sed ut ad praecipuum operis argumentum veniam, Steno postquam ostendisset, qua ratione carnae fibrae in tendinem vel continuarentur vel infererentur ad angulos obliquos, quos musculos dixit pennatos, vel in multos lacertos ordinatae in unum tendinem convenirent, & qua ratione tendines aetate proveciore in ossium ipsorum naturam coalescerent, demonstrandum suscepit musculus dum contrahitur inflari solum posse ob mutationem figurae ex rhomboide in rectangulum, vel, ut ejus more loquar, ob mutationem anguli carnosarum fibrarum cum tendinosi; & hanc mutationem, dum musculus movetur, necessario accidere debere: ex quo infert eos omnes falli, qui novam accedere materiam existimabant ad inflationem efficiendam. Mirandum sane est Stenonem fugisse rem Geometris notissimam; non posse, obliquangula parallelogrammata in quadrata abire aut rectangula;

quin nova accedat materies, qua majores tunc factae areae repleantur *. Objici & illud Stenonis doctrinae potest, in quo ipsa nititur; figura scilicet musculorum. Sumit enim figuram parallelopipedam obliquangulam (licet enim iis Geometrarum vocibus uti) quam inter omnes maxime regularem iidem dicunt, propriam esse carnosae musculorum substantiae; tendinosae autem figuram prismatis tetragoni similiter obliquanguli. Figuram hanc geometricam adamussim ita compositam ne notiores quidem magisque regulares muscoli servant, ut ut ad eam proxime accedant: deest autem omnino multis in musculis, qui per humanum corpus universum late funduntur, quique irregulares vocari consueverunt. His accedit celebre idemque facile experimentum, quo persuaderi videtur, musculos, cum contrahuntur, mole deficere, non autem intumescere, ut cum plurimis aliis Steno ipse docet. Claudit *Elementorum myologiae specimen* epistola ad Thevenotium ex qua apparet ea quae tanquam nova proposuit Steno de cor-

* Vid. Boerhaav. Praelect. Vol. II. §. ccccxv. & Haller, in ipsam commentar.



de, & de vitelli in intestina pulli transitu, iure sibi, contra ac nonnulli clamabant, vindicasse. Liquebat profecto Volkerum Coiterum apophyseos ab intestinis ad vicellum meminisse, eamque modo canalem, modo meatum nominasse. Sed quam obscure id fecerit vel inde patet, quod nec Harvejus, nec Anatomicorum alii, qui Scriptorem illum sedulo eolverunt, in ejusdem rei suspicionem venire potuerunt. Postquam sua ediderat Sieno ex amicorum litteris didicit, Huibertum & Meibonium eundem canalem antea observasse. Quibus ita rescripsit sibi gratulari se non ab aliis monitum eadem quae doctissimi viri observasse, nec moveri quod post alios haec viderit, modo non surripuisse accusaretur (12). In iis quae ad cor spectabant visus est nonnihil loci iniquioribus dedisse lectoribus secus existimandi. Sed ingenue aperteque confessus est, nunquam sibi tantum sumpsisse, ut homines iudicarent se omnium primum docuisse cor musculum esse, & in modum spirae revolutas habere fibras; verum in eo gloriari, quod medium cordis carneas fibras, extremum tendinosas esse demonstraverit, quodque finem

imposuerit controversiae, in qua Hippocratis & Galeni sectatores, Andabatarum fere more pugnabant, quid oppugnarent ac defenderent aut nescii aut saltem incerti. Quoniam vero fundamenta ejus de corde doctrinae maxime nitebantur in fibra motrice, plura exposuit argumenta atque experimenta, quae magis magisque comprobabant, illam in omnibus non hominis solum, sed & cujuslibet animantis musculis inesse. Extrema in epistola iis demum satisfecit, qui myologiam satis illustratam esse putabant; eademque occasione recenset ea quae in musculorum historia restabant indaganda; de qua, ut de ossibus, plura scribere sibi propositum fuisse ait. Absoluta epistola ut varietate lectores oblectet; referet ea quae in dissectione capitis canis carchariae, & alterius piscis ex canum genere observaverat; quae quidem aliis observationibus illustrata non mediocriter zoologiam auxere. Principio confirmavit opinionem, quam in Rajae anatome explicanda antea proposuerat de fontibus unguinosi humoris piscium superficiem oblinentis ad obstantes aquas facilius findendas, & de vasis excretoriis quae a

glandulis, ut ipse putat, oriuntur, five glandulae istae cuti substernantur, five intexantur, five utroque modo sint dispositae. Cutis ipsa crassa admodum & dura tot tantosque in cane carcharia musculorum tendines excipiebat, ut tota nil nisi tendinum illorum textura videretur. Quod idem cum in aliis piscibus, & in serpentibus quoque observasset, suam correxit sententiam, quam Rajae anatomen exponens in medium attulerat, videlicet tendineas fibras non cuti inferi & continuari, sed in membranam cuti arctissime junctam tantummodo porrigi. Hoc loco ostendit etiam, qui muscoli in humano corpore tendines cuti habeant continuatos; & ex multis allatis historiis certe concludere se posse putavit maximam cutis partem, secus ac alias docuerat, ex fibris arteriarum, venarum, nervorum & tendinum contextam esse. In eo quidem deceptus est Steno cum in admodum paucas humanae cutis partes ipsi tendines definant, ac facili negotio, ubi definunt, per artem anatomicam separentur. Sed parcendum est viro, qui plerumque in corporibus dumtaxat brutorum animantium suas observatio-

nes instituire potuit, ac de homine per analogiam quaedam minus vere intulit in iisdem brutis feliciter animadversa; quod ex iis etiam, quae infra de ossium origine dicemus, apparebit. Idem ex demonstrata tendinum incutem insertione evidens esse ait, quid de plerisque membranis statuendum; non illas semper tunicas esse, quae vicinas partes contingerent, hisque tenaciter adhaererent: sed illas esse per saepe iisdem continuatas & junctas ob fibrarum a tunicis in partes vicinas, aut a partibus vicinis in tunicas transitum. Ossium vice erat in cane carcharia cartilago. An ut in animalibus aliis ossa, sic in hujus generis cartilago magnam partem constet ex fibrarum motricium extremitatibus, quamquam dubitari jure possit, id tamen manifestum esse tradit Steno, partem duriores harum cartilaginum innumerabiles tendines excipientem ex iisdem tendinibus quasi totam constare. Postquam Steno non solum carchariae canis, sed aliorum etiam animalium dentes examinasset, tria haec concludere se posse putavit; primum dentium materiem initio mollem, processu temporis, ut reliqua ossa, indurescere; alte-

rum est, hanc duritiem ab apice incipere, & hac in re eos differre ab reliquis ossibus, in quibus fere omnibus primi nodi circa medium conspiciuntur; illud vero extremum fuit, duplicem esse dentium substantiam, externam alteram, alteram internam, neque hanc membranae nomen mereri. Haec pauca admodum esse intelligebat Steno ad obscuram dentium naturam cognoscendam; dolensque ex hujus ignorance multa evenire mala, ejusdem se fore diligentem indagatorem pollicitus est; quod promissum si exolvit, cum in publicam lucem nihil protulerit, haud exolvere videtur. De Glossopetris majoribus, quos veros esse canis carchariae dentes haud dubitat, pluribus differit, eritque alius opportunior rationum hujusmodi sententiae exponendarum locus. Non minus solertem accuratamque descriptionem instituit Steno corporis partium, quas in altero dissecando pisce animadvertit. E quibus illa maxima sunt commemoranda, quae de ovario, oviductu, & ovo exposuit; cumque jam vidisset eorum testes animantium, quae vivos ex se procreant foetus ova in se continere, notavissetque eorundem uterum

itidem in abdomen, oviductus instar apertum esse, se non amplius dubitare ait, quin mulierum testes ovario similes sint, quocunque modo ex testibus in uterum sive ipsa ova, sive ovis contenta materia transmittatur, de quo invento, quod omnes maxime celebrarunt, separatim & distinctius se acturum spondit. Fecit autem peculiari commentario; idque a Thoma Bartholinio relatum fuit in Acta medica Hafnienſia. Declarat nomine ovi se appellare vesiculas rotundas; quae testes magna ex parte formant, hos vero ovariorum, & tubas cornuque & uteros oviductuum nomine designare. In medium attulit magnam observationum copiam quas ex plurimis dissectis animalibus, vaccis praesertim, collegit; hisque se demonstrasse putat in omnibus feminis haec ova inesse; eadem cocta gallinaceorum more coagulari; cum vero habuere maturitatem quamdam suam per superincumbentes tubas in uteri cava descendere. In cadavere cujusdam mulieris, quae annos circiter L. habebat invenit ovaria plena vesicularum; cum premeret cervicem uteri serofus inde prodibat humor. In rotundo liga-

mento uteri fibras motricibus simillimas vidit, quae os pubis versus abibant. Secuit deinde duas alias feminas ejusdem ferme aetatis, & in unius testibus observavit nonnulla arenosa grana, & binos calculos, quorum unus rotundus erat & minutissimus, major alter & plurimis tuberculis inaequalis. In uno teste alterius mulieris erat corpus tuberosum figura simile posterioris, de quo diximus, calculi, materia vero profus dissimile, cum haec non multum differre videretur ab illa ipsorum testium. Quartam secuit mulierem, & hanc juniorem, in qua multa erant ova & rotunda, nec ejusdem magnitudinis omnia, omnia tamen vix separabilia propter soliditatem materiae, qua continebantur. In quinta demum muliere attente observans ligamenta rotunda uteri, invenit vasa sanguinea nervos, & fibras carnosas uteri substantiae contiguas. Tubae extrema laciniata distincta erant sanguineis vasis per longitudinem excurrentibus, fere ut in branchiis piscium. Intra tubas fibrae in longum pari ratione progrediebantur. Inflatus aer ex tuba in uterum transibat. Nemo fuit iis temporibus alicujus nominis Philosopho-

Iſophus ; qui Stenonis doctrinam de ovis viviparorum minime ſit ſecutus ; & quamvis multi ipſam hodie deſeruerint , non tamen eadem plane deſeciſſe videtur. Quid ſentiendum in re dubia minime pronuntiaverim contentus admonuiſſe Lectores Graafium & Van-hoornium fruſtra inter ſe pugnaſſe , cum eorum quilibet hujus inventi gloriam ſibi tribuendam eſſe contenderet ; hanc omnium conſenſu Stenoni deberi (13) ; quamvis ejusdem rudimenta quaedam & veſtigia reperiantur in Hippocrate , in Ariſtotele , recentioribus praeterea quibuſdam Matthaeo de Gradibus , Coitero , Aldrovando , Fabricio denique ab Aqua-pendente . In exponendis iis , quae ad myologiae ſpecimen & ad viviparorum ova ſpectant , argumentorum magis , quam temporum ordinem ſum ſecutus ; quem ut repetam , neceſſe erit cum Stenone ad Batavos reverti . Ibi cum ad enumerandas totius corporis glandulas , & ad miram cordis fabricam indagandumice ſeſſet intentus , de morte cariſſimae matris , aliorumque propinquorum acerbum nuncium accepit . Hic non modo ſtudiorum , ſed & vitae pene jucunditatem illi ademit ; & quo

rebus suis consuleret (nam patrem antea quoque amiserat) Hafniam redire coactus est. Non diutius ibi mansit cupiens Galliam & Italiam invisere. Cumque Parisios an. MDCLXIV. venisset, exceptus hospitio fuit a Thevenotio; illiusque consilio & subsidiis factum est, ut studia anatomica repeteret; & in chemicis, duce praesertim Petro Borello, plurimum se exerceret. Hoc sibi multo jucundius & gratius accidisse dicebat Steno, quod in magna paucitate amicorum, propinquorum, ac necessariorum, qui vere studiis & rebus suis faverent, illum cupidissimum sui, singularemque sibi benevolentiam semper praestitisse cognovit. Itaque in hoc sibi gratulabatur; nec mediocris illa quoque erat causa gratulationis, quod flos doctorum virorum domum Thevenotii, tanquam Academiam, frequentaret. In tanto conventu saepe sua exposuit Steno (14); & ex his maxime commemorabimus, quae cerebri antomen illustrant, quaeque ab ipso in lucem sunt edita. Principio probat quam illus natura sit obscura, & quam difficiles explicatus habeat. Quamvis enim animus hoc maxime instrumento utatur, &

nihil esse videatur, quod ipse mirabili quadam vi rationis, & cognitionis & scientiae assequi non possit, nihilo tamen minus cum domum, ut ita dicam, sese recipit, neque hanc, neque se ipsum noscit. Multa quae iis temporibus vulgo tradebantur diluit Steno, & falsa esse docet; irridetque eos, qui nominibus contenti albidæ & cineraceæ substantiæ, nil aliud quaerere videbantur. Albidam præsertim substantiam fibris præditam esse ostendit, & has miro quodam ordine distribui atque disponi. Enumerat varias physicorum opiniones de separatione humoris, quem ipsi nominant liquidum animale, hasque omnes valide convellit. Dubitari posse ait an humoris, qui in nervos influit, eadem sit materia quæ lucis, quæ de re ei non solum magnam laudem, sed etiam gratiam habebunt, qui nervis *fluidum electricum* tribuunt. Suam rationem in dissecando cerebro hanc docet fuisse, ut sequeretur nervorum fila intra ipsam cerebri substantiam videndi causa qua transeant, & quo pertineant. Haud dissimulat difficillimam esse hanc rationem, sed reliquis omnibus præferendam. Bene irasci & succensere iis videtur qui non

intelligebant, quam in inquirenda cerebri natura necesse esset haud variare illius positionem. Erant enim nonnulli qui quibusdam ejusdem partibus locum illum assignabant, quem non natura dederat, sed qui commodior & aptior erat ad id, quod persuadere volebant. Willis & Cartesii *φυσικῶν* nihil ei videtur absurdus; & inter cetera ostendit horum postremum non bene novisse locum glandulae pinealis, cum eam non posterius, sed anterieus inclinatum esse crediderit. Quaerit utrum ventriculi tales sint, quales vulgo describuntur, probatque ex varia illos dissecandi ratione variam ipsorum formam apparere. Sunt in hoc opusculo multa alia, quae non parum adjuvant praxin Anatomiae, & ad indagandam, atque e tenebris eruendam veritatem vias tradunt. In his vero omnibus semper elucet mira Auctoris prudentia, modestia, ac simplicitas, adeo ut vere praedicatum fuerit ab Hallerio (15) virum fuisse industrium, candidum, innocuum & magnum inventorem. Postquam Steno amoris suo in physicas facultates, quantum satis esse videbatur, in Gallia obsecutus esset, in Italiam

venit exeunte vere an. MDCLXVI. manendique in Etruria caussa fuere Etruscae linguae optimarum artium, & philosophiae studia. Florebant enim tum homines doctrina praeclari Franciscus Reditus, Vincentius Vivianus, Carolus Datus, Laurentius Magalottus, alique plures, qui cum intelligerent, quanto decori & utilitati futurus esset Steno Mediceis Principibus, optimisque disciplinis, quae ab Academia praesertim *del Cimento* excolebantur, de illo retinendo elaborarunt. Unus fortasse Borellius invadebat laudi Stenonis aegre in primis ferens ab illo res tractari, quae ad myologiam pertinebant, in quibus ipse quoque ita versabatur, ut veri inveniendi cupiditati adjuncta esset appetitio quaedam principatus. Et sane operis sui *de motu animalium* initium fecit a censura formae muscutorum, & mechanicae illorum actionis, quales a Stenone expositas fuisse diximus. Porro Magnus Dux Ferdinandus, illiusque frater Leopoldus non habuere quidquam antiquius quam ut familiaritate, summisque beneficiis sibi Stenonem devincerent; nec credibile est quantis exultaverint gaudiis, cum ipse ineunte Novembri

an. MDCLXVII. Lutheranae Sectae, ut Catholicam amplecteretur, nuntium remisit. Non commemorabo quomodo res sit gesta; & quomodo divinae gratiae semina inciderint in concipientem comprehendentemque naturam, nataeque sint materiem, ut ita dicam, qua ali, augeri, & miros procreare fructus potuerint; cum haec omnia sciri possint ex ipso Stenone, & ex iis, quos consiliarios & auctores suae salutis habuit. Eorum enim hac de re literas retuli in II. Volumen operis, quod inscripsimus: *lettere inedite d' uomini illustri*. Quoniam vero vita quidem talis erat Stenonis, talesque mores, ut nihil videretur posse accedere, se habere exemplum innocentiae gloriabatur Magnus Dux Ferdinandus, quod omnes ac filii praesertim sui, imitarentur. Sed tanta virtus, tantaque vis ingenii absuit aliquandiu ab oculis Etruriae, cum is non solum invitatus; sed pene coactus fuerit ann. MDCLXVIII. Danos suos revifere (16). Dum se ad proficiscendum pararet typis commisit *Prodromum Dissertationis de solido intra solidum naturaliter contento*, ut aliquo modo Ferdinandi studiis faceret satis. Hic enim noscens miram Stenonis intel-

figentiam in rebus naturalibus facile ab ipso obtinuerat, ut argumentum omnium difficillimum, unde multa corpora sint orta, generata & concreta tractaret. Hanc Dissertationem Etrusce scribendam susceperat Steno, quo benemeretur de Furfureorum, ut vocant, Academia, in quam cooptatus fuerat; & quo multae res, quae ad Etruriam pertinebant notae ac manifestae fierent omnibus illius incolis. Dolendum vero omisisse ea quae in manibus habebat; nihilque ad nos pervenisse nisi Prodrumum illum, in quo tres opiniones exponit jam tum apud physicos celebratas de origine testaceorum fossilium, aliorumque corporum, quae animalia vegetabilia appellantur, quaeque in superficie, sive in visceribus montium aut collium inveniuntur. Jam tum erant aliqui, qui cum numero potius quam structura talium corporum, quae nunquam satis apte perpenderant, commoverentur, ipsa a terra genita esse affirmabant crystallorum instar & salium, & earum, quae marchesitae dicuntur. Alii credebant a mari advenisse, & ipso mari olim detumescente, ac cedente, solo adhaesisse iis in locis, in quibus repe-

riuntur: alii demum partem eorundem corporum terrae, partem mari acceptam referebant. Ipse autem Steno acerrimus indagator venatorque naturae alteram illam opinionem amplectitur, validisque rationibus, tum experientia tum dialectica innixis ostendit, fossilia testacea fuisse animalium plerumque marinarum spolia. Inter multa observata a tanto viro & animadversa praeclare, mirum profecto accidit ipsum cum tot fossilium, ossium gigantum & elephantum invenire vellet originem, eandem magna ex parte ab elephantibus repetiisse in Etruriam ab Hannibale ductis. Etenim historia docet illustrem eum Ducem post alpium transitum non alios nisi unum, aut ad summum duos elephantes habuisse. Admodum perspicue demonstrat terrarum strata, quibus montes & colles componuntur, ab aquis fuisse relicta. Animadvertit etiam omnia illa strata initio parallela ad horizontem fuisse sita; majorem autem aut minorem, magis aut minus perfectam inclinationem eorundem ad horizontem aut casu aut ab igne subterraneo extitisse; qui cum immensa vi in altum strata projiceret;

efficiebat utique ut ea recidentia in suppositas voragines, figura ipsa haud leviter immutarentur: repeti etiam a subterraneis aquis miraculi causam posse, quae aquae cum eadem strata subter corroderent, cavernasque efformarent, id praestabant, ut ipsa propria lata pondere, fornicem, ut ita dicam, ipsarum cavernarum disrumperent. Hinc vero fieri debebat, ut cum cavernarum lacunas ipsa replerent, aut magis aut minus ad horizontem inclinari debuerint, quod perspicue apposita libro figura idem Auctor ostendit. Ejus autem doctrina in eo praecipue est, ut sex succedaneas facies aut strata terrestris globi consideret. Prima facies ea est qua globus universus aquis contegebatur, quo tempore neque animalia neque vegetabilia existebant; quod quidem etiam sacrorum librorum auctoritate confirmat. Jam vero ab aquis hisce relicta strata unius formae esse debent, neque partes aliquas animalium sive plantarum, aut vegetabilium amplecti. Altera facies plana est atque arida ipsius globi, quem aquae reliquerant, animalibus plantisque distincti. Tertia facies est aspera & inaequalis, quam aut ip-

ignis, ut diximus, aut aquae subterraneae induxerant. Sequitur eam quarta facies, cum iterum diluvii aquis globus universus contectus est, quae scilicet cum terrea multa relinquerent spoliis, ac partibus etiam animalium atque plantarum immixta, novis terrarum stratis valles repleverunt, iterumque planam globi faciem exhibuerunt. Hinc cum aquae marinae confedissent, ea quinta facies aequae in omnes partes fusa, eademque arida globi extitit. Sed ignis & aquae subterraneae adspectum terrae, qua diximus ratione, asperum effecerunt, atque stratorum ordinem multis in locis immutarunt; ex quo factum est ut quae ad horizontis normam jacebant, aliis modis disponerentur, & alias in figuras evaderent, quae nunc a nobis animadvertuntur. Hoc quidem systema suis laborat difficultatibus ac vitiis: Fatendum tamen est doctiorum recentiorum his de rebus excogitata vel eodem numero, vel fortasse majore difficultatum premi. Praeterea de varia crystallorum & marchesitarum, quas diximus figura ac generatione admodum accurate loquitur Steno, ostenditque neque tempori se, neque labori

pepercisse, ut omnia haec suas in classes distributa cognosceret, earumque naturam penitus investigaret. Quare fecit, ut judicaverint homines doctissimi, non facile statui posse magis ne anatome excelluerit Steno, an historia naturali. In utraque certe disciplina se exercendi infinita propemodum subsidia ac commoda habuit a liberalitate magni Ducis; easdemque plurimum auxisset, si ea in vulgus omnia edidisset, quae in Etruria degens seposuerat. Quantam cupiditatem naturae investigandae hominibus injiceret Princeps, si quis unquam alius scientiae cupidissimus, saepe a nobis commemoratum est; nec dubitamus hoc in maxima ejus laude ponere, quam omnibus fere laudibus celebraretur. Cum domi suae collegisset magnam rerum copiam, quae ad historiam naturalem pertinebant, earum ordinandarum, explicandarumque curam Stenoni dedit. Hic vero desiderio Principis non solum Florentiae, sed etiam Pisis cumulativissime satisfacit, cum Pisana Academia ipsa quoque haberet suum museum, quod operam Stenonis desiderabat. Extant adhuc quae ipse hac occasione scripto mandavit, ex quibus

ejus diligentia & doctrina facile cognosci potest. Ex multis vero observationibus anatomicis, quas jussu Ferdinandi fecit, relatae nonnullae fuerunt cum aliis ipsius scriptis in Acta medica Hafniensia, ex quo libro commemoranda seligemus, quae magis favere Stenonis gloriae videntur. Ut autem a laudabilioribus ordiamur, de ovo & pullo ea tradidit Steno, ut amplius dubitare non possimus, quid sit in ovo, quod formando nutiendoque pullo inserviat. Historiam musculorum aquilae sic contexuit, ut eam laudare praesertim debeant, qui sciunt nihil rarius fuisse apud physicos scriptores superiorum temporum novitate rerum observatarum, solertia & acumine in ipsis peragendis observationibus, harumque accurata & facili descriptione. Postquam diu multumque in sefe examinasset peristalticum intestinorum motum, vasorumque biliariorum multos magnosque tumores, ad cor, in quod praecipue inquirebat, remeavit, in eoque quiescentia omnia esse invenit. Sed vix ter quaterque digitis ipsum compresserat, cum illico reddi ei & venae cavae suos motus & hos distinctos, quamvis raros admodum,

non sine admiratione observavit. Renovavit idem experimentum in cane, qui diu mortuus esse videbatur, renascebaturque motus non solum si premeret cor, sed etiam si pungeret dextrum illius ventriculum. Pars ventriculorum ex muscoli massa separata certo quodam tempore movebatur. Cor canis occisi haud multo postquam in lucem venerat rubescebat quando dilatabatur, seu quando illius acies recedebat a basi, ipsa vero accedente, pallescebat. Motum auricularum non semper respondere putavit motui ventriculorum cordis. Vena cava ipsa quoque motum sibi proprium habebat. Motus auriculae ab uno incipiebat angulo, & in alterum desinebat. Idem pro certo se habere dicit praesentiam sanguinis in corde ad hujus pulsationes conferre plurimum. Motum cordis in foetu cuniculi examinans, illud distendi notavit, ubi sese contraxerat. Postquam plane cessaverat motus in cordis ventriculis, animadvertit dextram auriculam moveri, cumque ipsa quoque moveri desiisset, motus signa in vena cava dumtaxat apparebant. Si spiritum immitteret, aut digiti extrema cordi admoveret, in eo motus iterum existeret. Ex

Quibus aliisque rebus tria haec inferre se posse putavit: primum pressione, punctione, flatu, & calore motum in corde renovari; deinde motum hunc non esse universae cordis substantiae, sed singularum fibrarum, quamvis hae extremitatibus suis careant; denique non eodem tempore contrahi fibras omnes, sed sensim & continuata motione quadam ab uno in alterum extremum, eodem ferme modo quo peristalticus in intestinis motus peragitur. Plura se explanaturum promisit Steno in magno opere, quod in manibus habebat de cordis fabrica, cujus rei si non perfectio, at conatus tamen & adumbratio plurimum laudanda est. Quae *de utero leporis proprium foetum resolventis* tradidit Steno declarant qua ratione opus ipsa suum eadem, quae coagmentavit, natura dissolvere potuerit. Et postquam causas hujus dissolutionis ille exposuisset, minime se dubitare dicit quin intra uterum dissolutae quaedam molliores foetus partes per venarum ostia novum sanguini humorem, quo alatur mater, praebere possint. Hoc eodem loco exposuit Steno notata a sese in dissectione duorum anserum, quae probare videntur unde

esse possit magnum jecoris incrementum, & varietas coloris in sanguine. Quae vero signa naturae dare possit haec varietas, ipsius Stenonis testimonio, habitisque ab eo experimentis declarat Thomas Bartholinus in libro, quem inscripsit *Opuscula nova Anatomica* (17). Dissecuit Steno vituli monstruosum caput, in cuius cerebro magnam aquae copiam libras fere IV. pondo, & sub cranio in narium radice apostema invenit tribus digitis longum, sesquidigito latum, & digito fere profundum, repletumque materia quadam alba & pingui. Aqua sapore salso & colore rubicundo praedita erat: adeo vero ipsa dilataverat cava cerebri, ut aegre cerebrum in ipso cerebro invenisses. Cranium vacuae cucurbitae erat simillimum. Quamvis magna facta esset mutatio in cerebri fabrica ob aquae copiam, nihilo tamen minus, quod praecipue erat mirandum, unio manebat tuberculorum secundi paris, & glandula inferior, quam pituitariam dicunt a plerisque Anatomicorum imbibendo cerebri sero destinata magnitudinem, colorem, ceteras notas, quibus distingui solet, integras, nullaque ex parte deformatas habebat: tan-

tummodo supernatabat ipsi magna feri copia :
Unde haec aqua & qualis ; quando circumja-
gentes partes coeperit dilatare ; quare in late-
ra suam maxime vim exercuerit , acute sa-
ne & docte inquit Steno : qua in inquisitio-
ne multa profert ad obscuram cerebri natu-
ram & fabricam illustrandam utilissima . Haec
omnia exposuit Steno italica epistola , quam
mense Junio an. MDCLXIX. Oeniponte dedit
ad Ferdinandum Mediceum , ut ad hominem
harum rerum non solum curiosum , sed etiam
aestimatores aequum & judicem . Libenter
referrem alia observata a Stenone , ut zoolo-
giam augeret , quae commemorata sunt a Re-
dio , a Scriptoribus Actorum Academiae Lon-
dinenfis (18) aliisque plurimis , nisi ego nimis
multa me jam retulisse vererer . Etenim in omni
re videndum est quatenus : etsi enim suus cui-
que modus est , tamen magis offendit nimium
quam parum . Vereor etiam ne secutus ex-
emplum videar Stenonis , qui interdum obscu-
re & confuse loquitur . Perspicuitatem quidem
semper amavi , neque me poenitet aliquan-
do ei posthabuisse puriorem elegantiam latini
sermonis , cum non dubitaverim uti verbis do-
ctri-

Urinarum, de quibus necesse est loqui, propriis, quanquam minus Latinis. Nam illarum finibus longius prolatis, multa etiam vocabula necesse fuit in censum recipi, & Latini quasi jure donari. Sed ad Stenonem revertor, qui cum, ut diximus supra, in Daniam rediisset, hortantibus amicis, ipsoque Cosmo III., qui Ferdinando Patri an. MDCLXX. Magnus Dux successerat, ut Etruriam reviseret, morem ipsis gerendum putavit. Hoc in tempore num aliquid scripserit ad naturae scientiam illustrandam ignoro. Erat quidem saepe cum Redio, nec otiosi poterant esse talium virorum congressus, habebatque commercium observationum naturalium cum Marcello Malpighio, cum quo antea Romae non modo amicitiam, sed & hospitium fecerat. Deseruit iterum Etruriam Steno mense Majo an. MDCLXXII. traditurus publice anatomen regio in theatro Hafnienfi, in quo praeteritis temporibus eandem facultatem docuerant Simon Paulli, & Thomas Bartholinus. Extat in volumine III. Actorum medicorum Hafnienfium *Prooemium*, quo Steno muntus suum ingressus est. In eo exposuit quantae utilitatis sit anatomicae ad prae-

cavendos & curandos morbos, in quo si nimium arti suae concessit, ut opinor, facile excusabitur. Est enim hoc in hominis natura positum, ut quam quisque novit artem, de ea praeclaram opinionem & habere ipse soleat, & ab aliis haberi velit. Ostendit etiam quantum ipsa conducat ad naturae Auctorem noscendum admirandumque; neque illam horridam & moestam esse, sed jucundam oblectantemque mirum in modum studiosos illius. Extrema denique oratione, quae nec elegantia, nec eloquentia, neque eruditione commendatur, proponit Steno rationem, quam tenere meditabatur in erudiendis iis, qui theatrum frequentassent. Quanquam Steno propter multas ejus virtutes, singularemque doctrinam magno apud suos esset in pretio, non effugit tamen multorum invidiam. Interdum etiam ferre debuit accusatores acres & molestos, qui ei probro verterent, quod Lutheranorum castra deseruisset. Quapropter ut Catholicae religionis officiis securius vacaret, tanquam in portum, in aulam Cosini Medicei confugit, a quo ad instituendum filium suum Ferdinandum in morum disciplina liberaliter sane invitabatur. Ex

hoc tempore vale dixit Steno naturalium disciplinarum studiis (19); & novum vitae cursum ingressus est. Factus Sacerdos an. MDCLXXV. nil aliud agere & meditari videbatur, nisi ut in se ipso absolutionem & perfectionem omnium magnarum virtutum haberet. A qua quamvis non multum abesset, nondum tamen fundamenta, quae cogitabat, jecisse sibi videbatur. Nemo enim illo magis modestiam servavit, nemo magis submisit in omni vitae actione se gessit. Gravissimum testimonium Cardinalis Nerli Archiepiscopi Florentini de singulari Stenonis in Deum pietate, integritate, patientia, paupertatis amore, studio devios in rectam viam reducendi, omnesque juvandi retulimus in II. volumen epistolarum clarorum virorum, de quo supra mentionem fecimus. Neque homini tot virtutibus praedito difficile esse debebat ad omne officii munus instruere Principem, qui quidem summam spem praeceptoris & civium, quam de eo jam puero conceperant, continuo adolescens superavit. Biennium praefuit huic muneri Steno, eoque expleto, obtulit Principi librum, in quo breviter comprehensis gravissimis senten-

iis, quasi oracula sapientiae ediderat ad bene beateque vivendum, remque publicam gubernandam. Qui igitur Ferdinando ex Stenone fructus debebantur, ille uberrimos praestantissimosque cepit; dolendumque maxime iis diuturnitatem temporis defuisse. Per haec tempora advectus Florentiam est Gaspar Bartholinus discipulus Stenonis cum fratre & leviro Oligerio Jacobeo. Lacérabatur animus Stenonis cogitans homines carissimos in iis, quae ad religionem salutemque pertinent, devios errore delectari suo; nullique sane pepercit industriae, quo eorum mentes ad veritatem, atque ad officium revocaret. Quaedam etiam scripsit opuscula, quae & iisdem hominibus, & aliis quamplurimis maguo usui esse possent. In iis enim exposuit rationes & vias, per quas ad amplectendam Catholicam religionem traductus fuit, & Haereticorum dolos & machinas quasdam detexit irritaque. Id inique adeo nonnulli eorum tulerunt, ut Jenae publice propugnaverint ediderintque *Dissertationem*, sicuti ipsi appellavere, *Theologicam*, qua omnia prolata a Stenone, mendaci sane trutina, examinarunt, illa redargui & con-

vinci posse sperantes. Ut autem omnia confilia & facta sua ad virtutem atque ad aliorum bonum referebat Steno, ita minime Joanni Friderico Principi Brunopolitano, qui Catholicae religioni nomen dederat, recusavit, ut in illius ditione Episcopi munus sustineret. Ipse Romanus Pontifex, ad cujus aures fama pervenerat de Stenonis sanctitate, eidem hortator atque auctor fuit, magno animo ut onus susciperet; creavitque Titopolitanum Episcopum, posteaque Vicarium Apostolicum in omnibus Boreis regionibus declaravit. Provinciae Magalopolitana & Hannoverana fuerunt principio quasi theatrum illius vere singularis studii in Catholicam religionem. Mortuo Friderico, solum mutare coactus, domicilium Monasterii fixit. Inde quoque non multo post discessit ob offensum ejusdem civitatis Episcopi animum, cui exprobraverat, videri illum omnia omnium concupiscere, quod non contentus Colonienfi, alteroque Episcopatu, tertium contra SS. Canonum decreta esslagigaret. Scriptum invenio nihil non egisse eo tempore Arnaldium, qui optime noverat singularia Stenonis merita, ut *Suffraganeus* adfuisse-

retur ab Archiepiscopo Augustae Trevirorum;
sed contra obfistentibus Jesuitis, qui Stenonis
severitatem verebantur, ipse repulsam tulit.
Itaque Steno aliquandiu mansit Hamburgi,
ac demum Sverinum in veterem sedem Du-
cum Megalopolitanorum venit. Vidisses homi-
nem omnia libentissime incommoda subire
vel externa, vel corporis, vel etiam ipsius
animi, ut lucem salutemque, quacunque pos-
set, afferret; contigitque ei, quod haud scio
an nemini, ut vel pervicacissimos Haereti-
corum, quos in rectam viam minime dedu-
cere potuit, in sui amorem & admiratione-
nem plerumque traheret. Continuis labori-
bus ac corporis afflictationibus oblanguebant
quotidie magis vires illius; sed ferventius erat
studium in rempublicam Christianam. Succu-
buit denique, cessitque languori, acerbissimis-
que doloribus, quos colum & calculus in vesica
peperit. Quarto die antequam moreretur (20)
de rebus divinis ad populum verba facere vo-
luit, & semianimis scripsit ad Magnum Etru-
riae Ducem, commendans ei tres praeclarae
virtutis homines, quos secum habebat. Pro-
fecto omnia summa in Stenonem Cosmi me-

rita confitere. Pecuniam ei suppeditabat, quæ & ipse aleretur, & alios etiam sublevaret. Ejus commendatione & consilio certum hominem Hamburgi habebat, qui sua negotia procurabat; & summa omnium fere mandatorum erat, ut ad omnia, quæ Steno vellet, præsto esset. Juvit etiam pecunia, aliisque rebus Jacobum Benignum Winslowum doctum sane virum, qui magnis propinquitatis vinculis cum Stenone erat conjunctus, postquam is Parisiis opera & consilio Bossuetii Lutheranis renuntiavit. Et ut ubique extarent singularis sui in Stenonem amoris indicia, cum an. MDCLXXXIV. mortem obiisset is, qui Liburni praeerat Ecclesiae principi, nihil non tentavit Cosmus, ut in illius locum Steno succederet, rogans eum, ut valetudini indulgeret suae, cui quidem, dum commodis animarum consuleret, illum non satis servire sciebat. Demum quem vivum haud potuerat, mortuum saltem recuperare voluit; ejusque corpus Sverino, ubi vita decesserat, Florentiam adportari jussit, sepeliri-que in Laurentiana Basilica cum hac inscriptione.

NICOLAI STENONIS
EPISCOPI TITOPOLITANI
VIRI DEO PLENI
QUIDQUID MORTALE FUIT
HIC SITUM EST
DANIA GENUIT ETHERODOXUM
ETRURIA ORTHODOXUM
ROMA
VIRTUTE PROBATUM SACRIS INFULIS
INSIGNIVIT
SAXONIA INFERIOR
FORTEM EVANGELII ADSECTOREM
AGNOVIT
DEMUM
DIUTURNIS PRO CHRISTO LABORIBUS
AERUMNISQUE CONFECTUM
SVERINUM DESIDERAVIT
ECCLESIA DEFLEVIT
FLORENTIA SIBI RESTITUI
SALTEM IN CINERIBUS VOLUIT
A. D. MDCLXXXVII.

(1) Vid. epist. Barthol. Cent. III. ep. 41. & Haller. in not. ad prælect. Acad. Boer. p. 106. edit. Taurinensis Tom. I.

(2) In not. ad Boerhaavium de visu p. 73. edit. Taurin.

(3) Advers. Anat. I. & Adv. VI.

(4) Ex arteriis solis mucus deducebat Scheneiderus, glandulas Stenonius addidit. Haller. Elem. Phys. lib. 14. Sect. 2. §. 14.

(5) Non dissimilia tradidit Heisterus. Ait enim in compend. Anat. p. 33. Venet. edit. Plerique Anatomici recentiores liquidum per hunc canalem ex naso in os influere sustinent, atque hanc ob causam eum Stenonis transeptum a naribus ad palatum vocant, qui etiam in capite osseo satis apertus & amplius apparet. Verum alias iam angustus, ut nequa in vivo, neque in cadavere eum in os hiat, aut secum transmittere unquam deprehendere potuerim.

(6) Ekm. Phys. lib. 2. sect. 3. §. 22.

(7) Compend. Anat. p. 67.

(8) In fin. cap. 2. de anat. in lib. de stud. medic.

(9) Advers. Anat. II. Animad. VIII.

(10) Physiol. lib. IV. Sect. 3. §. 22.

(11) Catalogus Rar.

(12) Liceat hoc loco proferre Malpighii verba minime a proposito nostro aliena. Ait ille in principio vitae, quam de se ipso scripsit. Evolutis antiquorum monumentis excitatoque lucis scintilla, latronis notam inurere ceperant, quem docentem & magistrum mox audire. Rerum inventores Urbium & Reipublicae fundatoribus assimilantur. Hæc namque suum venerantur auctorem, non qui sensum gentem propagavit, loci opportunitate aut sorte coacti, sed qui de

his legibus, distinctis ordinibus, noeniis, vel septo circumvallavit, aut arce firmavit: ita in artibus & scientiis inventor is dicendus est, qui naturae arcanum per suas causas patefecit, rationum & experimentorum cumulatis argumentis firmavit, & usum naturae congruum dilucide exposuit. Hinc Harvaeus sanguinis circulationis inventor asseritur, & Paquetus thoracici ductus auctor vindicatur,} aliaeque consimilia exempla copiosa occurrunt, licet superiori saeculo his praeluisse videantur. Ceterum quod ad me spectat cum amicissimo Stenone repetam: sic mihi gratulor me non ab illis monitum eadem, quae illi, observasse: nec me movet post alios me haec vidisse, modo ab aliis eadem habuisse non accuset.

(13) De hoc invento videndum est opusculum Joannis Swammerdami, quod in scripsit: *uteri mulieris fabrica*, quodque extat in Vol. I. *Bibliothecae anatomicae Mangeti*. Addit etiam Mangetus nobilissimum Stenonem paradoxum hoc stupenti orbi primum obtulisse, ovorumque, ut apud omnes est in confesso, in viviparis inventorem dici. Digna etiam sunt quae legantur tradita haec de re a Valisnerio in libro *della generazione dell'uomo part. 2. in princ. Tom. 2. pag. 145*. Sed praesertim invitandos esse lectores putamus ad ea legenda; quae de Stenonis invento, deque observationibus habitis a Valisnerio ad illud ipsum, si fieri potuisset, confirmandum exposuit Buffonius in Vol. II. *Histoire naturelle*, ubi de animalium generatione agit.

(14) Haec habet de Stenone liber, cui titulus: *Journal des Scavantes an. 1665. m. 12. p. 113*. Eruditus hic Danus immoratur Parisi ubi quotidie exercet sectiones in plurimorum naturae curiosorum praesentia, idque in schola fecit medicorum, ubi admirati sunt eum propter inventa sua nova: *Habet enim id peculiare ut maximam rerum partem tam reddat suis*

filium, ut quivis victas dare manus, mirarique cogatur quomodo subterfugerint ea Anatomicos ante eum omnes.

(15) In not. ad Method. stud. pag. 321.

(16) Vid. Vivianii epistolam ad Magalottum, quae extat in Vol. I. p. 18. epistolarum Magalotti, quas nos edidimus Florentiae an. 1769. Ex ea inter cetera scimus stipendium annuum CCCG. aurorum oblatum Stenoni a Danorum Rege fuisse, potestatemque factam Catholicam Religionem libere profitendi.

(17) pag. 641. edit. Hafnienfis.

(18) V. Redi *Esperienze intorno alla generazione degl' insetti* pag. 75. e 129. & ejus epistolam ad ipsum Stenonem *Opere del Redi* Tom. V. p. 47. Vide etiam Acta philosophica Societatis Regiae Londinensis an. 1666. & epistolam Magalotti ad Falconerium, quam nos edidimus in Vol. I. pag. 172. *delle lettere famigliari del Magalotti.*

(19) Hinc illa quae memoriae tradidit Leibnitius in *miscellaneis Leibnit. Jochimi Frid. Felleri. Je ai appris que son mr. Stenonis se dechargeant de la littérature profane charge m. Oligerius Jacobeus medecin Danois de pousser & de poursuivre ses pensées sur la geographie naturelle, & les changemens physiques de la surface de la terre.*

(20) Extat in Vol. II. epistolarum clarorum virorum epistola de morte Stenonis scripta ad Card. Pallavicinium a Cappellano Theodori Kerchringii, qui Hamburgi Magni Ducis Etruriae negotia procurabat. Ex hujus autem litteris ad ipsum Magnum Ducem inter cetera scimus Stenonem, cum primum coepit aegrotare, petiisse ut Lubeca Sacerdos S. J. ad se veniret, qui illi Sacramenta administraret; sed se illum Patrem excusasse, ita ut deficiente Sacerdote sine Sacramentis obierit 25. Novembris hora 7. matutina 1687. Narrat

etiam Kerchringius inerepanti Medico Stenonem, quod his
 mis corporis afflictationibus indulgisset, respondisse: *Si c'est
 la cause, je ne suis pas s  ch  ; car je suis persuad   que je l'ai
 fait dans l'intention de servir Dieu; il y a eu de personnes qui
 ont v  cu plus aust  rement que moi au pain & a l'eau, & ont
 v  cu long tems; pour quoi ne le ferai je pas, si ce fut ainsi la
 sainte volont   de Dieu que je devois vivre?*

OPERA EDITA.

*De glandulis oris, & novis inde prodeuntibus salivae vas-
 sis observationes anatomicae.*

*De glandulis oculorum, novisque eorumdem vasis observa-
 tiones anatomicae.* Hae observationes editae Lugduni Bata-
 vorum separatim primum fuere. Postea conjunctim cum re-
 spon ione quadam ad Deusingium ibidem impressae fuere an.
 1686. in 12. Extant etiam in Volumine II. *Bibliothecae
 anatomicae*, quam Daniel le Clerc & Jacobus Mangetus con-
 texuere, edideruntque Genevae an. 1685. in fol.

De musculis observationum specimen. Extat in eadem *Bi-
 bliotheca*; impressumque etiam fuit cum duabus epistolis *de
 Anatome Ranae, & de Vitelli in intestina pulli transitu*; Haf-
 niae 1664.

De cerebri Anatome Dissertatio spectatiss. Viri DD.
Societatis apud D. Thevenot Parisiis collectae dicata. Extat
 in eadem *Bibliotheca*. Parisiis primum an. 1669. prodit haec
 Dissertatio Gallicae scripta, & secundo Lugd. Bat. an. 1671.
 cum in Latinum conversa fuisset.

*Elementorum myologiae specimen, seu musculi descriptio
 Geometrica, cui accedunt canis carchariae dissectum caput; &
 dissectum piscis ex eanum genere.* Florentiae 1667. in 4.

De solido intra solidum naturaliter contento, Dissertationis prodromus. Florentiae 1669. in 4.

De Vitula hydrocephalo epistola ad S. Magnum Etrusiae Ducem Ferdinandum II. ex Italico in Latinum translata a D. Mathia Motthio. Extat in Vol. II. commemoratae Bibliothecae Anatomicae.

Observationes Anatomicae spectantes ova viviparorum. Extant in Vol. I. ejusdem Bibliothecae Anatomicae, eademque legi etiam possunt in Actis medicis & philosophicis Hafniensibus editis a Thoma Bartholinio Hafniae typis Georgii Godiani 1673. ib. 4.

Iisdem in Actis haec etiam sunt, quae pertinent ad Stenonem.

Ova viviparorum spectantes observationes aliae.

In ovo & pullo observationes.

Observationes circa motum cordis auricularum & venae cavae.

Historia muscutorum Aquilae.

Embryo monstra affinis Parisiis dissectus.

Uterus leporis proprium foetum exsolvens.

De vitulo.

Prooemium demonstrationum Anatomicarum.

De prima ductus salivaris exterioris inventionione & Bilisania experimentis. Extat apud Thomam Bartholinium in Centuria epistolarum ejusdem Epist. 24. Hafniae 1667.

Epistola Stenonis ad Croan, qua declarantur experimenta quaedam habita Romae de Salamandra. Extat in Actis philosophicis Societatis Regiae Londinensis an. 1666.

Epistola ad virum eruditum cum quo in unitate S. Rom. Ecclesiae aeternam amicitiam inire desiderat de methodo convincendi Acatolicum juxta Chrisostomi Homiliam 33. Florentiae

ex typographia Nicolai Nacufii 1675. in 4. Plures aureas Chrysostomi sententias haereticorum malitia vitiatas suo reddidit Auctor nitore.

Epistola de Interprete S. Scripturae: Florentiae 1675.
In hac epistola satis superque exagitatam quaestionem de Interprete S. Scripturae tractat. Vander Waen Calvinianorum causam defendenti respondet, atque SS. PP. dicta ab eoprolata in ipsum acute retorquet.

Epistola ad novae Philosophiae Reformatorem de vera philosophia. Florentiae 1675.

Epistola de propria conversione. Florentiae 1677.

Elucidatio Epistolae de propria conversione. Hannoverae 1680.

Scrutinium Reformatorum ostendens Reformatores morum fuisse a Deo, Reformatores autem fidei & doctrinae non fuisse. Florentiae 1677.

Occasio Sermonum de Religione cum Jo. Sylvio 1678.

Examen objectionis circa diversas Scripturas Sacras eodem anno.

Defensio Scrutinii Reformatorum. Hannoverae 1679.

Tractatus de Purgatorio cum Discursu virum Pontificum: in Protestantes in Religionis negotia conscientiae suae rectius consulant. Hannov.

Epistolae duae ad J. Brufmannum. Hasiiae 1680.

Parochorum hoc age, seu evidens demonstratio, quod Parochus tenetur omnes alias occupationes dimittere, & suae attendere perfectioni, ut commissas sibi oves ad statum salutis aeternae ipsi a Christo praeparatum perducant. Jussu Cosini III. M. E. D. impressus hic liber fuit Florentiae 1683. Vid. Do. Mariae Mannii opus, quod inscribitur: Vita di Niccolò Stenone ec. Fuenti 1775. p. 126.

*Antilogia contra M. Siricu ostensionem abominationum
Papae Idolatricarum. Rostochii 1637.*

Epistola Italica ad nobilissimam feminam Arnolsiniam,
in qua Steno exponit rationes, quibus convictus fuit ad amplectendam Catholicam Religionem edita est in Vol. II. *delle lettere d' uomini illustri Fiorentine* 1774. quo in volumine
extant quoque binæ aliae epistolae Stenonis ad res physicas
pertinentes.

OPERA INEDITA.

Experimenta naturalia ad Sacrae Scripturae & Christi divinam auctoritatem agnoscendam non parum conferentia pro illis, qui vel omnino non credunt, vel ex non credentium sermonibus gravia dubia experiuntur.

Experimenta & argumenta pro libertate voluntatis ex natura & Scriptura desumpta contra modernorum quorundam necessitatem absolutam aeternae concatenationis causarum secundarum.

Demonstratio falsae Acatolicorum persuasionis de divini in sacris literis mandati omnes rationis usum habentes fideles ad calicem sumendum obligantis.

Extat in *Magliabechiana Bibliotheca* manu scriptum volumen cum hac inscriptione:

Nicolai Stenonis Episcopi Tiopolitani Ferdinandi Magni Etruriae Principis quondam magistri opera. Haec sunt sermones de rebus divinis XXXV. & opuscula XIII. ad varias res theologicas, praesertim morales, pertinentes. Claudic volumen epistola hortatoria Joannis Sterech S. J. ad Stenonem, qui ipsum monet, ne nimis corporis afflictationibus indulgeat.

Trattato di morale per un Principe.

ANGELUS FABRONIUS

SEBASTIANO CANTERZANIO

S. P. D.

SI quando Bononiensium civitas liberalibus studiis floruit, id maxime accidisse videtur incunante hoc saeculo, cum semina sapientiae, quae per Montanarium praesertim sparsa fuerant, fructus uberri-
mos edidere; adeo verum est unum hominem, quē ad adspiciendam lucem sit vocatus non ad breve, sed ad diuturnum tempus, neque uni modo civitati, sed universae etiam consulere posse provinciae. Hominibus huiusmodi celeberrimo aliquo in loco statua quidem ponenda esset, ut accepti beneficii esset indicium, ceterosque ad illorum praedara facta imitanda accenderet. Mihi ante oculos versatur squalor philosophiae, antequam Montanarii vox Bononiensi in Gymnasio illam commendaret atque sustineret; nihil illa foedius, nihil servitute, qua illam Scholastici oppresserant, acerbius & durius: ubi vero extollere jam caput, & aliquando recitari coepit, tanta in se fuit pristinam dignitatem recuperan-

perandi, ut non dubitaret quin per se Bononienses aliquando gloriam aemulari possent Florentinorum, unde optima philosophandi ratio, ut & aliae multae praeclarae artes, orta atque in omnes terras distributa putatur. Non inanem fuisse spem facile iudicabunt ii, qui memoria repentent, quot ex Malpighio, Fracassatio & Valsalva adjumenta & praefilia anatome habuerit, quid debeat Gulielminio & Eustachio Manfredio aquarum & rerum caelestium scientia, quid hujus fratri algebra, quid Stancario omnes fere physicae & mathematicae disciplinae, quid chymica & medicina Beccario, utque de innumeris fere silcam, quid gesserit Ferdinandus Marsilius non modo ad naturalis historiae, quam scriptis suis illustravit, sed ad scientiarum omnium incrementum, cum Institutam, & quae ei adjuncta est, Academiam condidisset. Deberi hoc a me tantis hominum ingeniis putavi, ut, cum etiam nunc vivam, illorum memoriam teneamus, hanc immortalem procerdis illorum monumentis, si possem, redderem. Sed priusquam de illis dicam, exponendam Montanarii vitam putavi, quem ii ipsi, quanquam non omnibus, utpote disparibus aetate, eundem audire contigerit, omnes tamen aequam praeceptorem agnoverunt atque suscep-

runt, cum ab eo, quidquid tum scirent de rebus
physicis, praesertim mansisse judicarent. Excitabo
etiam laudatorem Laelium Trionsetum, qui philo-
sophiam publice docuit Bononiae annos amplius
quadraginta (vixit enim ad summam senectutem) &
qui cum in hac non modo facultate, sed & in bota-
nica & universa naturali historia magnum sibi no-
men comparasset, omnem celebritatem suam Mon-
tanario referebat acceptam. Pauca hoc loco de ho-
mine immortalitate dignissimo commemorabo; non
enim nunc libet separatim de ipso scribere. Alco
multa in eo elucebant atque eminebant, ut etiam
mediocriter doctos admiratione quam afficeret.
Disputabat subtiliter, graviter, & satis etiam or-
nate. Oratio erat copiosa, erudita, & varia; dul-
cis in primis, & quae repugnantes quoque duceret &
impelleret: persuaderi tibi, etiam cum persuassisset,
desiderasses. Nihil novi in re physica prodibat in-
lucem, quod ipse noscere non cuperet, & de quo
suos non doceret discipulos. Sentiebat occurrendum
esse imperitorum machinis, ad quos omnis verita-
ti aditus, qui pene solus superstitioni, errori, fa-
bulis patebat, obstructus erat: idque fecit patientia
atque constantia prope incredibili. Insectabatur vi-
tia, non homines, nec castigabat errantes, sed

emendare studebat. Etiam in senectâ hoc reputa-
 bat jucundissimum, instruere studiosos philosophiæ,
 affirmans hanc esse philosophiæ pulcherrimam par-
 tem, agere rem publicam, promere quæ lectio &
 usus docuerat, omnibusque lumen ingenii & con-
 siliî sui porrigere atque tendere. Pro quibus meri-
 tis, cum primum Institutum conditum est, cunctis
 Senatus suffragiis Praeses est declaratus, quem ho-
 noris gradum ad annum usque millesimum septin-
 gentesimum secundum tenuit, quo vitam finivit.
 Lege cautum erat, ne quis in Instituto duobus
 fungeretur muneribus: sed Trionsetum excipi li-
 buit, cum naturalis historiæ provincia ei quoque
 demandata fuisset. Nullum sane erat honoris ge-
 nus, quod sibi a civibus suis polliceri non posset,
 sed ea erat modestia, nullum ut exoptaret ac re-
 quireret. Vitæ integritas summa, comitas par cum
 gravitate conjuncta; occursum reveritus esset, non
 reformidasset. Habere quidem solet gloria, in stu-
 diis præsertim, quiddam ἀκρίβητος: Trionseto ta-
 men nullum certamen, nulla contentio, nulla in-
 vilia; adeoque oderat consuetudinem nonnullorum
 litteratorum, qui idcirco disputare videbantur, ut
 mutuis se injuriis lacerarent, ut a tranquilla,
 quæta, beata viâ Sapientiam minime disjungi pos-

se affirmaret. Commemoratio meritorum in litteras Trionfetti, ceterorumque illustrium hominum, qui e schola Montanarii prodierunt, accommodata ad id, quod institui, plerisque, ut spero, videbitur. Si aliter tu judicabis, tibi ipsi assigna, qui me inflammasti studio doctiorum Italorum praeclara facta persequendi. In quae cum intueor, maxime mihi occurrit atque lucet Bononia tua, quae cum floruerit semper omni genere laudis, hac tamen laude fuit clarissima.

Pisis IX. Kal. Decemb. MDCCLXXVIII.

GEMINIANUS MONTANARIUS.

Geminianus Montanarius natus est Mutinae Kal. Junii an. MDCXXXIII. loco honesto, & urbe Cisalpinae Galliae ob editos praesertim doctrina excellentes viros in primis nobili. Ingenue a matre educatus (nam cum decem esset annorum patrem amisit) spem in illa excitavit meliorem per se fore familiae fortunam. Itaque juris prudentiae, quae artium & doctrinarum omnium quae-stuosissima putatur, sese tradere coactus fuit. Ad hanc discendam, postquam in patria animum praeparasset humanioribus litteris & philosophiae studio, Florentiam venit, deditque se in disciplinam Jacobo Federighio homini ea vitae ac morum integritate, eaque juris civilis, ac Pontificii scientia, ut judicari haud facile posset, utrum melior esset an prudentior. Erat libenter in Etruria Montanarius (fuit autem triennium) doctrinarum dulcedine, Etrusci sermonis venustate, & pri-

cupationes patiebantur, libentissime in Cartesianorum dogmatum meditatione versabatur. Sed in magnis tenebris erroris clarissimum lumen sibi praetulisse dicebat Paullum Bonium Galilaei discipulum, quem Viennae offendit, cuique se totum dedit. Ex eo tempore Montanarius omnis doctrinae physicae principem habuit Galilaicum; hunc ferme unice admirabatur, hunc omnibus non solum gravitate rerum, sed & copia dicendi anteponebat. Cum vero intelligeret physicum, quamvis scientiae praecepta perceperit, magnum quidquam sine usu & exercitatione haud consequi posse, consilium cepit de investiganda per se ipsum natura; cumque socium & ducem Bonium adhibuisset in capiendis experimentis, nova quaedam detegere potuit, quae inventori haud mediocrem pepererunt gloriam. Haec Bonius referebat Academicis Florentinis, quibuscum societatem quamdam studiorum habebat, hi-que nonnulla suos in commentarios intulerunt. Ex his nominabo instrumentum, quo cognitum est haud comprimi posse aquam, & quae de pullorum ortu per artificiosum calorem primus tentavit Montanarius. Viennae

præcerat Bonius monetali officinae; cumque ea de causa fodinas Stiriae, Bohemiae, & Hungariae an. MDCLVII. invisere deberet, secum habere voluit Montanarium veluti comitem observationum. Ii quidem multa percunctando observandoque operosae arti ea tribuerunt, quae opificum saluti, & rationibus Caesaris maxime conducere videbantur. Physicam quoque auxerunt aeris natura & motu, causisque investigandis, quare non semper cursus certos & constantes in fodinis habeat. Illud & quaesierunt num eodem modo augeantur metalla, quo plantae, scilicet per circumstantem terrae succum. Illa quidem crescere & maturescere citius ferrum, serius autem aurum, certissimis argumentis se novisse putabant; sed qua ratione id fieret incertum reliquerunt, quanquam Montanario ad veritatem illa videretur esse propensior opinio, quae fermentationi hanc maturitatem tribueret. *Utinam*, agebat Montanarius, *tam facile vera invenire possem, quam falsa convincere*; & convicit quidem levitatis & infirmitatis eos, qui Gregorii Agricolae praesertim testimonio credebant in fodinis volitare & vagari umbras quasdam

homunculorum specie, a quibus saepe perturbarentur operarii. Nemo ignorat quam facile verba sibi dari patiantur in hujusmodi rebus Germani; & si verum est, ut ait Cicero, credulitatem in optimi cujusque mentem facillime irrepere, non dubitabis illas gentes bonitate ceteris anteponere. Physicae investigationes Montanarii & Bonii suspectae esse debebant iis in regionibus, iisque temporibus, quibus nihil tam vereri homines videbantur, quam clarissimum veritatis lumen adspicere. Accessit eo, quod cum ii viri auctores esse voluissent, ut non solum jucundissima, sed etiam utilissima studiorum societas cum aliis doctrina praestantibus iniretur, occasionem malevolis dedere calumniandi hujusmodi societates, periunde ac si perniciem Reipublicae molirentur. Indignatus Bonius hujusmodi voces in Pannoniae Regis aulam confugit, ibique non multo post vitam finivit. Vivat hoc loco praeclarissimum de illo Isinae-
 lis Bullialdi testimonium afferre, ex quo facile cognosci poterit, qui quantusque vir fuerit. *Quoniam injecta mihi est* (sic ad Leopoldum Medicum scribit (1)) *a Seren. Cel. tua men-*

(1) In Vol. I. epist. p. 200.

tio de nuper defuncto in Poloniae Regis aula Paulo de Bono luctum de illo amisso comprimere meum hic nequeo. Ingenio enim in mathematicis ac praecipue in mechanicis valebat, moribusque probis & honestis praeditus erat, sique diutius in vivis egisset plura procul dubio praestiturus. De Republica litteraria ac philosophica, quam animo conceperat, ac statuere cogitabat, aliquid intellexi. Excelsae quidem mentis, & ad magna viri nati propositum erat; sed hisce temporibus sedes inter Europaeos quaerere non debebat, cum omnibus in regnis & rebus publicis orbis nostri nulla societas iniri queat, quae suspecta dominantibus non sit. Sed ad Montanarium revertor, qui Vienna discedens semel iterumque adiit periculum vitae in itinere, quod per Germaniam fecit. Incidit etiam in morbum articulorum, ac satis vehementer diuque aegrotavit. Confedit demum in patria haud mediocribus invitatus beneficiis ab Alphonso IV. Duce; cumque quotidie magis illi spes ostenderetur fore melius fortunas suas, facile de uxore ducenda consilium cepit. Sed qui locus quietis plenissimus fore videbatur, in eo turbulentissimae temperates extiterunt, quas aulicorum invidia, pro-

pinguorum aviditas, & ipsius Montanarii ingenium morosum, anxium, iracundum excitarunt. Ea propter Florentiam remeavit sperans fore, ut sibi ab juris prudentia suppeditarentur quae ad victum & cultum essent necessaria. Sed quia nil decet invita, ut ajunt, minerva, brevi foro renuntiavit, physicasque exercitationes, plaudente maxime Leopoldo Mediceo, repetiit. Interea Alphonfus Dux, qui tantum ingenium a patria abesse dolebat, de illo revocando cogitavit. Neque id conjectura prospiciebat, sed jam expertus videbat, fore ut per illum mathematica & physica studia plurimum proveherentur. Commisit igitur illi, ut in hanc rem omni cura cogitationeque incumberet, large ac liberaliter subsidia promittens. Aemulus fortasse & imitator esse cupiebat Mediceorum Principum, qui immortalē gloriam sibi pepererunt ob illustratam Etruriam omni praeclara arte atque doctrina, & sapientibus viris ornatam; sed illorum instituta atque exempla laudare facilius poterat, quam aemulari. Obstitit etiam mors, ne ea, quae consulebantur, ad exitum pervenerint, quapropter desperans Montanarius re-

bus & studiis suis, iterum patriam deserendi consilium cepit. Mansit in Pansano, quod non longe Mutina abest, apud Cornelium Malvasiam, suamque illi operam obtulit ad perficiendas, in quibus elaborabat, caelestes ephemerides. Ex hoc tempore magnus Malvasiae amor in Montanarium est exortus, & desiderium excitatum, susceptumque consilium, ut patriae Academiae illum addiceret. Quod quidem homini auctoritate summa haud difficile fuit. Minus igitur cum an. MDCLXIV. assignatum fuisset Montanario docendi mathematicas disciplinas, sategit ut non tam discipulorum utilitati, quam suae & Academiae gloriae serviret. Quod magni referre putavit esse, qui astronomicas ephemeridum scriptiones a Malvasia institutas persequeretur, hoc libenter sustulit oneris, adjuvantibus Grassinio & Mezzavacca, hominibus in subducendis calculis experientissimis. Libellum itaque hac de re edidit, qui .i. ephemeridem continet an. MDCLXVI. ex Jambergianis tabulis magna ex parte deductam. Sed breviori, quam Lambergius, incessit via, ejusdemque errores quosdam correxit de marte praesertim & mercu-

rio. Quod ad solis motum attinet excogitatam a Jo. Dominico Cassinio theoriam, & quas inde derivatus est summus astronomus tabulas, secutus est Montanarius. Hisce vero ephemeridibus addidit observationes quasdam, & exempla de usu refractionum, cum solstitialibus diebus aedem observationes habentur, quibus celeberrimam de eclipticae obliquitate controversiam se confecisse putavit. Erant enim qui vellent angulum, quem facit ecliptica cum aequatore, eundem semper esse; alii contra mutari continenter arbitrabantur, & paullatim in annos singulos minui. Suas cum duorum saeculorum observationibus comparans Montanarius, omnesque ad easdem refractionum tabulas exigens, cognovit toto hoc tempore minime extitisse in ecliptica varietatem, quae sensu deprehendi posset. Multi alii doctissimi viri in eadem re inquirenda postea elaborarunt; & Maraldus praesertim & Malezieus magno observationum numero se deprehendisse existimarunt nullam omnino in eclipticae & aequatoris angulo factam fuisse mutationem. Quorum hominum auctoritas plane me moveret, nisi alii non minoris do-

Arinae astronomi contrarium affirmarent. Ce-
 terum Montanarium suimet poenituit, quod
 in solaribus tabulis consiciendis principio refra-
 ctionum minime rationem habuerit: habuit
 postea motus auctoritate Cassinii, cujus sen-
 tentia, cum oppugnaretur a Ricciolio, non
 rationibus modo, sed & experientia illam de-
 fendit. Notatis enim in meridiana, quae in S.
 Petronii extat, linea variis locis, ad quae pro-
 varia tum Cassinii tum Ricciolii hypothese so-
 lis imago accedere debebat, rei semper exi-
 tus prioris veritatem comprobavit. Inter haec
 cometa apparuit, qui omnium fere astrono-
 morum oculos & studia commovit. Primus
 illum fortasse vidit Montanarius, cum Muti-
 na Bononiam rediturus ad villam hospitis Fran-
 cisci Insulani Senatoris divertisset. Illius mo-
 tum, viam, formam, magnitudinem, paralla-
 xin, & si qua sunt alia phaenomena diligen-
 ter observavit, deque iis librum scripsit, quem
 LVviris Senatus Bononiensis dicavit. Cum au-
 tem nulla re magis astronomicae observationes
 conturbentur, quam refractionibus, deque iis
 variae & discrepantes sint astronomorum sen-
 tentiae, Montanarius rationem excogitavit.

qua suae observationes cum illa opinionum varietate facile convenirent. Supra lunam fuisse illum cometam ait, ductoque argumento ex solaribus maculis, quae ex aethere existere putabantur, ex densioribus caeli particulis gigni huiusmodi corpora credidit. Harum vero caudam quasi vaporem, qui ab ipsis emanat, & a quo involvuntur, habendam esse; vaporisque partem, quae a sole est averfa, haud facile ab ipso dissipari, eaque propter longo temporis & loci conspici intervallo. Cum vero dissolvi incipit, tantam esse illius tenuitatem, ut fugiat aciem. Vetus haec erat opinio, & eam secutus videbatur Cassinius cum de cometa, qui apparuit anno MDCLII. librum edidisset: quae quidem exposuisse satis est ad eorum levitatem confutandam. Nec minus in physicis quam in astronomicis studiis versabatur Montanarius, ad quae excolenda cum instituta fuisset Academia quaedam apud Carolum Antonium Samperium, hanc maxime frequentabat, novi semper aliquid afferens, quo audientium animos delectaret atque doceret. Ex his autem ea in vulgus edidit, quae de liquoribus in

Vitreis tubis contentis, experientia duce, cognoverat, quae paucis persequemur, ut intelligatur quantus ille speculator venatorque naturae fuerit. Principio examinat quae Fabricius, Grimaldus S. I. homines, Boyleus, & Fabricius Guastaferrus hac de re excogitaverant, multusque est in illorum opinionibus confutandis. Haec subtiliter & recte dicta videntur, si ea excipias, quae ad Grimaldium pertinent. Vir enim acutissimus ab attractione aquae in vitrum effectus illos, hoc est a vera causa, repetierat. Sed hic ipse cum mechanicam ejus rei rationem ignoraverit, non injuria semper a Montanario reprehensus est. Post id philosophus noster sua cogitata proponit. Ex ea facilitate, qua modo dilatur aer, modo densatur, illum insert ex partibus constare propter figuram suam implendo spatio non satis idoneis, atque hinc etiam superficiei admodum laevi corporis alicujus non satis apte respondentibus. Aer etiam est gravitate praeditus, & ideo premit undique, & ad motum impellit leviora corpora, fluida praesertim, in quibus est vis resistendi minor. Aqua vero gluten nescio quod habere videtur,

tur,

tur, cujus vi particula quaevis haud movetur, quin alias post se trahat. Eiusdem aquae particulae tam facile flectuntur aëque pliantur, ut magis quam aereae vitri superficiei congruant. Cum aer igitur aquam premit, hujus particulae vitro adjacentes in illa spatiola vacua, quae sunt inter aerem & vitrum ipsum, subire compelluntur, atque ideo alias post se trahentes particulas ascendant, quousque totius aquae molis pondus, cum vi, quam particulae illae ad ascendendum asserunt, sit in aequilibrio. Sed quemadmodum aqua melius quam aer vitro congruit, fluida etiam corpora esse possunt, quae minus congruant quam aer ipse; tunc autem ea deprimi debent, ut in hydrargyro accidit. Cum vero ad id minime sufficiat, aerem vitro magis quam hydrargyrum congruere, nisi aliquid in ipsius particulis gluten, ei quod jam dicebamus valde simile, dicatur inesse, id etiam Montanarius conatur ostendere. Utitur autem ad id ea difficultate, qua particulae aeris a corporibus, quae sub aqua sunt, divelluntur, quorum superficiei adhaerentes exiguas quasdam bullas efformant. Nemo est quin videat, quam

falsa haec doctrina sit, postquam attractio Newtoniana per tot insignes philosophos tantopere illustrata est, atque ad id praesertim, de quo agitur, explicandum a Delalandio adhibita. Praestat id nobilis hic scriptor in epistola, quae legitur inter ephemerides doctorum hominum, quae Parisiis prodeunt, ad mensem Octobris an. MDCCCLXVIII. At Montanario in iis, quae tam subtiliter excogitavit, magna laus ingenii denegari non potest, praesertim cum ἀναλογία aut similitudinem, quae inter ascensum aquae in tubis capillaribus, ascensum humoris, qui nutritioni deservit in vasis plantarum, intercedit, animadverterit. Contra Montanarii doctrinam aliqua sunt objecta per Sampierium, quibus ille in epistola eodem anno MDCLXVII. Bononiae edita respondere conatus est. Argumenta Sampierii tam valida erant, ut non satis apte possent a Montanario confutari. Ingenii tamen laudem ea etiam responsa merentur, quibus identidem non pauca quaedam animadversa subtilius admixta sunt. Hoc eodem loco dispersum in athmosphaera vaporum cum iis, quas chemicas dicimus solutiones, pluvias autem cum iis, quas

praecipitationes, artis chemicae usi vocabulis; appellamus, ingeniose comparat, quamvis ea phaenomena non satis explicet. Quemadmodum vero salis particulae, quamvis aqua graviores, in ea sustinentur, neque in fundum decidunt, nisi cum in grandiores massas, quae vincant aquae oppositum, coaluerunt, ita vult vapores aere graviores in atmosphaera sustentari posse, neque decidere, nisi cum iis in guttas grandiores coagulatis proportio superficiei ad massam ita sit imminuta, ut vis, qua contra casum ipsorum renititur aer, pondere deorsum impellente minor evaserit. Nihil certe melius per ea tempora asferri poterat, quibus electricitas terrestri atmosphaerica, nec non quidquid ea praestit in extollendis, dispergendis, ac demum in densandis ac deiciendis vaporibus penitus ignorabatur. Quod cognoverit ille vapores non oportere aere leviores esse, ut in aere ipso extolli ac sustineri possent, quae sententia tunc apud philosophos fere omnes obtinuerat, non exiguam profecto laudem meretur. Vix annus intercefferat postquam haec Montanarius in vulgus emiserat, cum Donatus Rossellus librum edi-

dit (*Antigone* inscribitur) quo omnia fere Montanarii cogitata se evertere gloriabatur. Minime intelligebat homo ambitiosus & petulans se satis virium non habere, ut luctari & congregi posset cum Montanario, qui quidem, uno alteroque vulgato scripto, omnia ab adversario contra se allata diluit. Dilatavit praesertim hac occasione atque explicavit celebriorum mathematicorum ac physicorum dogmata de centro gravitatis & de iis, quae aquae insident, ad quae pleraque objecta a Rossetto referebantur. Sed fuit Montanario in hac re non modo calamo, sed etiam dimicatione quadam elaborandum. Ea propter Augustam Taurinorum venit, qua in urbe Rossettus primarii mathematici munus sustinebat. Cum dicendi veniam obtinisset a Maria Sabaudiae *Ducissa*, coram ea orationem habuit, in qua totius controversiae originem, seriemque rerum exposuit; qua ex narratione quilibet intelligere per se poterat Montanarium indignis habitum modis a Rossetto ipsumque indignum hac injuria fuisse. Cum Maria non ferendum esse putaret, ut homines doctrina clari, gravissime inter se dissen-

tirent, seque maledictis mutuo insectarentur,
 egit de reconciliatione gratiae. Tantaе femi-
 nae consilium auctoritatemque ii secuti sunt,
 & quamvis Montanarius esset ingenio acri &
 vehementi, nec facile injuriae oblivisceretur,
 cavuit tamen semper ne cui suspicionem fidei
 reconciliatae gratiae daret. Singularibus enim
 beneficiis atque honoribus, tanquam praedi-
 bus, illius voluntatem obstrinxisse videbatur
 Maria. Eodem tempore, quo Montanarius scri-
 ptis cum Rossetto dimicabat, multa alia illi e-
 rant in manibus, nec videbatur unum homi-
 nem tot ingenii & corporis labores diu ferro
 posse. Cum intelligeret se non minus Bono-
 niensibus, quam illos sibi esse jucundos, non
 defugiebat munus instituendi quotidie adole-
 scentes tum mathesi, tum civili, ut vocant,
 architectura, tum physica, tum astronomia;
 veniebat in publicum gymnasium frequens,
 ultroque afferebat res multum & diu cogita-
 tas; multum tribuebat temporis caelestibus
 observationibus, investigandaeque per experi-
 menta diversorum corporum naturae; con-
 sulentibus respondebat; omninoque sibi in his
 studiis laboribusque semper viventi nullum ex

quiete & remissione dari videbatur oblectamentum. Demum se ipsum coarguere debuit; quod intemperanter adeo corporis viribus abusus fuerit, cum cruditate, insomniis, ophthalmia, aliisque valetudinis incommodis affici coeperit. Ea propter consulentibus non modo, sed etiam invitantibus amicis, itinera fecit per Cisalpinam Galliam & Etruriam. Hoc itinere adeo gravi morbo afficitur oculorum; ut postea nunquam dextro acque bene usus sit. Redeunti Bononiam cum melius esset factam, haud se continere potuit, quin ad veteres occupationes, & ad astra praesertim, rediret. Invitamentis nobilissimae facultatis accedebant voces Jo. Dominici Cassinii, qui coactus Bononiam & Italiam deferere, astronomiam, & quae hanc plurimum illustravit; constructam a se meridianam lineam in S. Petrouii Aede, ingenio & diligentiae Montanarii commendavit. Quid illi non commisit, quid cum ipso non communicavit? Vir sane summus Eustachius Manfredius magno studio quaesivit collegitque, quae Montanarius alii-que ope illius praeclari & singularis instrumenti observaverant, cumque eadem in vul-

gus edidisset, plurimum illustravit eam astronomiae partem, quae ad elementa pertinet. Mandavit quoque Cassinius Montanario, ut etiam atque etiam videret, num plurium annorum intervallo quaedam in ipso gnomone facta esset mutatio. Quod negotium subtiliter sane & diligenter confecit, comperitque nihil omnino in perpendiculo mutatum, & inarmora tantum, in quibus meridiana linea erat descripta, ab horizontali positu alicubi declinasse. Inter haec cum telescopium viginti palmos longum per se fabricasset (erat enim in illo summae genus solertiae, ad omnia imitanda atque efficienda, quae ab quoque traherentur, aptissimum) diu observare & diligenter notare potuit magnum illum stellarum numerum, quae circum Plejades versantur. Eo magis laetatus est ista sua notatione, quod affirmavit Cassinius plurimum illam valere ad illustriorum astronomorum, & Galilaei ipsius errores quosdam de iisdem stellis corrigendos. Videbatur porro Montanarius esse in omni re astronomica & physica exercitatus, & paratissimus ad bene de multis merendum. Ea propter plures erant, qui aliquid de iisdem

doctrinis ab eo requirerent, & aliquam quaestionem ei proponentes ejus verbosiores elicerent epistolas. Horum in numero fuit vel ipse Magnus Etruriae Dux Ferdinandus II., & extat epistola ad ipsum, qua Montanarius rationem reddit, quare vitreae guttulae, in quacumque parte sint fractae, in minutissimam statim abeant pulverem. Rationem quoque docuit Montanarius hujusmodi vitreas guttulas fabricandi, de qua saepius se expertum fuisse affirmat, praesertim coram Stenone & Rinaldino, cum anno MDCLXIX. Venetiis apud amplissimum virum Hieronymum Savorinianum diversaretur. Ad hunc quoque epistolam dedit, cum habere se quaedam diceret, quae in illam priorem epistolam ad Ferdinandum Mediceum adderet. Ex editis Montanarii litteris illae quoque commemorandae videntur, quibus de mutata sede a quibusdam stellis fixis, deque ratione hujus observandi phaenomeni primus docuit astronomos; nec non illae, quibus Londinensis Academiae Socios admonuit binas secundae, ut vocant, magnitudinis stellas obscuratas esse, atque evanuisse; & quae demum praecepta tra-

dent montium altitudines barometri ope mensurandi. In vulgus has Montanarii epistolas emisimus, cumque illae exceptae libenter fuerint, id alias ex pluribus lectas edendi alacritatem nobis addidit. Hae autem sunt ejusmodi, ut elegantiam differendi non contempsisse videatur Montanarius, imitatusque eos illos, qui in epularum apparatu a magnificentia recedentes non parci solum, sed etiam elegantes videri volunt. Dolebat vero sibi verum exquirere haud licere sine invidia, disputavitque saepe cum aemulis suis non solum vehementer, sed etiam iracunde. Exarsit praesertim contra Ferronium Jesuitam, qui erat ex Borellii discipulis unus; & ex homine; quocum dulcissime per decennium vixerat; intelligere se dixit difficillimam esse cum Jesuitis societatem. Et quidem ex eorum numero omnes fere erant partim obscurius iniqui, partim non dissimulante irati in Montanarium, ceterosque, qui omnis auctoritatis, ipsa re & ratione exquirebant veritatem. In exagitando quoque Petro Cavina iracundiam exprompsit suam. Neque injuria. Homo enim durus & agrestis, mediocris.

eriterque doctus, quidquid ex Montanario audiebat & compererat, se multo ante illum scisse gloriabatur; antevertere quoque conabatur explicationem earum rerum, de quibus scripturum putabat Montanarium, & si quid inter eos minime convenisset, non tam ratione quam injuriis pugnabat. Aliquandiu sibi temperans, tacuit Montanarius: postremo cum ea ferre non posset, quae asperius & inurbanus sibi a Cavina objecta fuerant de igneo quodam globo, qui per ea tempora in sublimi apparuerat & de quo libellum ediderat, ea proferre & patefacere decrevit, quae harum rerum inscitiam in adversario probarent. Defensionem praeceptoris suscepit quoque Gulielminius, ediditque summam rerum & sententiae illius cum multis & gravibus argumentis, quibus praesertim docebat illud *μυρίσπον* genus ab oriente fere ad occidentem iter suum absolvisse, circulum maximum confecisse celeritate mirabili, neque propius terram fuisse millibus passuum XXXIV. neque longius millibus XXXXI. Ortum habere flammam illam ab exhalationibus terrae persuaderi plane non potuit Montanario, qui adver-

sus Honoratum Fabrium pluribus argumentis
 probaverat vapores, qui ex aquis tepesculis
 a sole excitantur, non ultra millia passuum
 duo extolli. Videbatur credere eandem fere
 esse materiem (fluidam nempe) huiusmodi
 flammaram & fulminum, & in ignoratione
 earum rerum, quae ad electricitatem spectant;
 ea protulisse iudicandus est Montanarius, quae
 a veritate non plurimum aberant. Eodem
 tempore magnum & difficile opus habebat in
 manibus, quo totam de fluidis corporibus sen-
 tentiam explicandam susceperat. Cum esset
 opus unum hoc maxime physicum, politius
 ipsum limavit. Non tamen, quod mireris, per-
 vulgavit, ut integram rem totam Gulielminio
 reservaret, qui ex hoc praesertim fonte quid-
 quid de hydrostatica in medium protulit, se
 hausisse gloriabatur. In quo tamen ipso licet
 hominis modestiam singularem suspicere. Nam
 praeceptorem in eo, quod ab illo didicerat;
 longe multumque superavit. Illud vero Etru-
 scis hominibus gloriofum, quod per Montana-
 rium artem, quae dirigendarum aquarum scien-
 tiam profitetur, apud illos ortam ad Bononien-
 ses detulerint, a quibus postea longissime (ma-

gna enim est vis necessitatis) provecta est :
Erat porro Montanarius unus homo ex omni-
bus , qui cunctis prope civibus disciplinarum
cupidis lumen ingenii & consilii sui porrigere
atque tendere posset ; & ea sane praestitit Bo-
noniae , quae aeternitatem immortalitatemque
merentur . Cogebatur in domo illius flos ju-
ventutis (huic hominum societati nomen im-
positum Academiae *della Traccia*) & ad quam-
cumque disputationem illi cuperent accedere ,
non desugiebat Montanarius , cui nihil esse
novum , nihil inauditum esse videbatur . Sed
praesertim exercebat eos in experimentis phy-
sicis habendis , & quae ab hominibus callidis
& peritis animadversa & notata fuerant , sta-
tuebat ante oculos Academicorum suorum .
Addebat etiam plurima de suo , quod maxi-
me fecit in aeris natura , ac miris ejus inve-
stigandis proprietatibus , harumque legibus qui-
busdam , si fieri potuisset , constituendis . Qua
de re cogitabat librum edere , qui non modo
physicam , sed etiam astronomiam & opticam ,
in eo quod pertinet ad refractiones , esset il-
lustraturus . Sed aegritudo ob imminuta Do-
ctorum stipendia , ac retardatam eorum solu-

cionem sine ulla rerum expellente molitorum
 pene omnes arduum involuimus in Mon-
 tanario erunt. Venit enim in eam cogita-
 tionem alio migranti, & Academiam Pisa-
 nam, invivante maxime Magliabecchio, ceteris
 praetulit, nisi recens fuisset memoria earum
 rerum, quas Bellinus aliquo doctissimi viri
 a Marfilio ejusdem fuerant. Et sane quis fuit
 sic quidem reperti fuerant in exagitanda atque
 tam insigniter impudens in exagitanda? Ita fa-
 contemnenda recentiorum operam suam Acade-
 miam ut Montanarius operam suam (cum datum ei mu-
 niae fuisset) res erat iniuriata & nova) ex-
 plendi astronomiam, atque *peritiam*. Sensere
 statim Veneti quantas utilitates ex uno ho-
 mine ipsi capturi forent. Itaque adhibebatur
 ab iis tum ad aquarum, aliasque res belli-
 cas perficiendas, tum demum ad monetales
 officinas bene & utiliter gubernandas. Qua-
 rum rerum causa plura suscipere itinera de-
 buit, quae non sine magno incommodo homi-
 nis perditur fere valetudine fuisse. Hoc vehe-
 -menter intererat Reipublicae, salubritati Vene-

tiarum consulere, cui officii ab proxima lacuna putabatur. Huiusmodi malum tribuerat praesertim Benedictus Castellius materiae, quae a mari infundebatur in lacunam, quapropter suadebat haud removenda, quae in ipsam influunt, flumina, sed augendam potius aquarum copiam, tum ad exonerandam facilius materiem, tum ad impediendum, ne a terra ab aquis derelicta vapores excitarentur. Hanc sententiam visus est confirmasse Alphonsus Borrellius. At cum hac ipsa de re consultus fuisset Montanarius, non dubitavit affirmare quotidie magis lacunam terra repleti ab influentibus fluminibus illuc advecta, & ex mixtione aquarum marinarum & fluvialium, cum facile eae putrescant, praesertim oriri insalubritatem illam: quocirca avertenda illa flumina, & ad mare usque deducenda. Auctoritas Gulielmini, &, quod magis est, experientia ipsa veritatem sententiae Montanarii comprobavit. Confecit ipse hac eadem de re librum, qui inscribitur: *Il mare Adriatico, e sua corrente esaminata* ex Marinas aquas contento, sed perquam lento cursu (vix enim unius diei spatio tria millia passuum conficiunt) a sinistra ad

dextram juxta litus ferri certissimis argumentis sibi liquere asserit, ex eoque fieri ut quaedam sit aquarum communicatio inter Adriaticum, Mediterraneum, magnumque Oceanum. Ex hoc aquarum motu plura inferi sane utilissima ad avertendas, quae a mari cum ipsis aquis feruntur, arenas, neque fore huic malo utilius remedium, quam si flumen aliquod, quod in mare deducatur, iis marinis aquis opponatur. Quod enim infra est litus, seu portus, habet in iis fluminibus, quorum velocitas ad longum maris tractum durat, quasi aggerem quemdam, qui subsidere arenas cogit. Etsi negotiis publicis impeditus vix satis oîi suppeditare posset Montanarius astronomiae, voluntas tamen Hieronymi Cornelii hominis nobilissimi illum commovit, ut de cometis scriberet, fumeretque iterum in manus, quod Bononiae inchoaverat, opus de instabilitate (sic enim appellabat) firmamenti, cum uranometria quadam, quam in rem plures seposuerat observationes. Optasset etiam quaedam ad physicam pertinentia perpolire & in vulgus edere, dolens nobilissimae scientiae studium obsolevisse eo tempore, quo multa

Vehementius erat retinendum, & studiosius adaugendum. Nam quo indignius rem honestissimam rectissimamque violabat stultorum temeritas & audacia summo cum Reipublicae detrimento, eo studiosius & illis resistendum, & Reipublicae consulendum esse intelligebat. Quapropter nec deferendum officium putavit publice & privatim instituendi adolescentes, eosque praeparandi ad rectam studiorum rationem excolendam defendendamque, e quibus nominabo praesertim Franciscum Blanchinium, & Alloysium Ferdinandum Marsilium, quorum vivet immortalis memoria & gloria. Sed non omnia quae volebat semper praestare potuit Montarius, seque oneribus susceptarum mandatarumque rerum & officii oppressum esse saepius dolere debuit. Idcirco minus studuit vulgaris scriptis suis, quorum pleraque, eaque insigniora, occultantur adhuc. Extant, ut vulgatorum narrationem persequamur epistolae tres ad Antonium Magliabechium, de cometis, qui apparuerunt exeuntibus annis MDCLXXX. & MDCLXXXII. Memorabiles quidem hi duo cometae sunt, quod occasionem Newtono dederint intelligendi cometas omnes. e numero ex-

ran-

stantium astrorum esse, iisdemque omnino legibus subiectos, eaque propter sic ipsos volvi circa solem, ut elipsin, quae ad parabolam accedit, describant. Hallejus, quod dictu inopinatum atque mirabile videbatur, incredibili prope labore manifestum fecit. Ceteri ante illum astronomi, & vel Cassinius ipse, & qui hunc sequebatur Montanarius, in ea erant sententia, cometarum motus centrunt, ipsam tellurem esse. Scripta epistola ad Carolum Patinium medicinae doctorem plura adest argumenta adversus eos, qui cometas visos annis MDCLXXXI. & insequenti non plures, sed unum eundemque fuisse cometam putabant. Desectionem lunae, quae fuit v. Kal. Sext. an. MDCLXXXI. sic observavit descripsitque, ut ex ejus scripto plura sumpserint astronomi tum ad meridianorum differentiam poscendam, tum ad hypotheses quasdam de lunae motibus comprobandas, Eodem tempore, quo summi mathematici Hugenius, Roemerius, Picardius, Hirijs, alique in sua quadam propria invenienda libella adlaborabant, idem tentavit Montanarius, neque infelici successu. Nam cum aquae libellae octo

pedes longae telescopium uno pede majus firmiter junxisset, illud obtinuit, ut ex eodem loco eodemque tempore unius milliarii distantiam, & majus etiam spatium, si in aequo & plano loco confisteret, dimetiri posset. In hac vero majori distantia dimetienda cum quaedam haberi ratio debeat telluris figurae, id ipsum admonuit Montanarius, & praecepta ad rem exequendam dedit. Opus *de libella* aliud excepit, quo instituendos & erudiendos suscepit ballistarios (nam, ut diximus, Veneti utebantur opera Montanarii in bello, in otio, & in negotio) ea omnia in medium proferens, quae summi mathematici hac de re excogitaverant, quaeque ipse per se expertus fuerat. Eam vero laudem is ducebat maximam cum illis placeret, qui tum omnium Italorum sapientissimi existimabantur, quique benignitate liberalitateque singulari ejusdem ad scribendum augebant industriam. Qua in re mirificus erat omnium Venetorum consensus, cum summa esset Montanarii prudentia in eorum quoque retinendo usu atque benevolentia, inter quos maximarum rerum non solum aemulatio, sed etiam obrelectio

intercedebat. Colebat vero maxime Hieronymum Cornelium, de quo nunquam ita magnifice quidquam dici potuit, quod virtus non superaverit illius. Cumque doctrina is etiam excelleret, speculam in ejus aedibus faciendam Montanarius curavit, quae & meridiana linea ceterisque astronomicis instrumentis, quorum magnam partem per se fabricaverat, & copia atque praestantia observationum brevi illustrata est. Sed ut ad Montanarii edita scripta redeat oratio, is vulgato libro, quem inscripsit, *La tromba parlante*, studuit obsequiis, qui a se requirebant qua de causa inventum tubae genus a Morlandio Anglo noctu ad III. & amplius passuum milia, interdiu vero ad D. passus usque voces referret. Hoc in libro explicavit totam Galilaei doctrinam de sono, suis ipsam experimentis & observationibus comprobans. Et quoniam in omni pene re physica mirabilis erat artifex Montanarius, in hoc quoque sibi elaborandum putavit, ut per opifices Italos hujusmodi efficerentur tubae, quae perfectione Britannicis minime concederent. Hoc opus secutum est illud, quod *de viribus Aëoli* scripsit. Saevus enim ante

MCCLXXXVI. extiterat turbo, isque igneus;
 qui Veronensium & Patavinorum fines va-
 stavit. Nec aliquid mirabile in natura ac-
 cidere posse videbatur, quin harum rerum
 curiosi explicationem a Montanario require-
 rent. Non fatis is fortasse intelligebat *mutiplex*
 causas habere obscurissimas, & explicatu
 difficillimas, ut jam physici plerique, cum ad
 hunc locum venerint, fatis habeant ea col-
 ligere, quae miremur. Nihil certe mirabilius
 turbine, de quo Montanarius in disputatione
 & dialogo scribendum suscepit, vix ut majore
 extitisse crederet. Exortus ille ab africo
 iter in latitudinem quingentorum passuum,
 in longitudinem autem quadraginta passuum
 millia confecit. Nihilo tamen minus dimidia-
 ti quadrantis spatio dissipatus est. Non unum,
 sed plures fuisse ventos, qui in diversa ni-
 tentes, & circumacti immanem vorticem ef-
 fecerunt plurimis ex signis apparuit. Hic au-
 tem vortex cum e centro aerem abire co-
 gat, fit ibi vacuum, quod superincumbentis
 athmosphaerae vi coacta corpora occupare
 compelluntur. Ex hac causa oriri putat Mon-
 tanarius maximam vim illam, qua turbo qua-

eunque transit, multa cujusque modi rapit; nec aquas solum, homines, armenta, lapides, sed & magnos arborum truncos ceteraque hujusmodi gravissima corpora sublime fert, & longo transvehit spatio. In hac exponenda sententia multa alia physica affert, quod ad rem, de qua egit, pertinere putavit, utque varietate quadam dialogum condiret. Quem cum ad umbilicum minime perduxisset, praestitit id ejus amantissimus discipulus Franciscus Blanchinius. Hic autem in illo cedendo rem gratam se lectoribus facturum arbitratus est, si ipsi adderet quae de vacuo quondam disseruerat. Montanarius, & de hujus vita pauca quaedam exponeret. Mirum profecto videri debet quadraginta tribus post annis eodem ferme loco, eodemque anni tempore turbinem multis modis similem extitisse. De eo plura retulit Heraclitus Manfredius ad Academicos Bononiensis Instituti, spem habens fore ut si plurima hujus generis *mutata* descripta fuerint, quemadmodum procellarum systemata ab aliquibus jam conduntur, sic etiam turbinum aliquando condi possint; idque a posteris quasi requirebat. Voluntas

non improbanda (1). Sed illuc revertor. Fuerunt, qui putarent nihil tum accidisse, quod vere ab astrologis quibusdam non fuerit ante praedictum. Irrisit semper Montanarius huiusmodi praedictiones, dolens tantam apud omnes fidem mereri dicta, quae sine ulla probabili conjectura rationeque, sed casu ac fortuito pronuntiabantur. Itaque non tam stultis hominibus quam temporibus iratus saepe ac vehementer contra astrologos declamabat, neque ullum munus majus meliusve reipublicae afferre se posse putavit, quam si doceret juventutem praesertim, quae facile in errorem rapitur, ex fraude, fallaciis, mendaciisque illos constare totos. Cum vero id effici non posse consideret sola rationum copia alienisque exemplis, usus est propriis, & iis quidem claris & illustribus. Per plures enim annos confecit astrologicas ephemerides, idque secreto, licet in iis conficiendis plures adessent prudentes viri, quos non modo testes, sed etiam socios habere voluit Montanarius suarum fortuitarum praedictionum. Quamvis sine ratione ulla, aut arte, aut usu, aut conje-

(1) Vid. *Commentar. Acad. Inslit.* Tom. II. part. I, pag. 458.

ctura, sed temere & casu quid principibus viris eventurum, quo quisque fato natus esset, qui rerum publicarum motus, quae tempestates futurae essent, praenuntiaverit, nullumque divinationis genus ab eo relictum esse videretur, saepe tamen res & eventus praedictionem comprobavit. Narrationem harum rerum aptissimam esse putavit ad vanitatis non solum & imprudentiae, sed etiam amentiae convincendos eos, qui astrologiae se dediderunt, quod in ea nulla esse possit praesensio, aut scientia veritatis futurae. Liber itaque, quem hac de re vulgavit, ab eo inscriptus est: *L'astrologia convinta di falso*, in quo multa etiam astronomica sparsit, cum sibi proposuisset ostendere, quid in rebus terrestribus re vera possint astra, & quomodo accessus & recessus maritimorum aestuum lunae motibus gubernentur. Sed nihil necesse est de singulis dicere. Tantum sat est intelligi fuisse Montanarium hominem prudentissimum in separandis iis rebus, quae vel opinione vulgi, vel doctrina continentur. Iis profecto temporibus, quibus multa erant inventa fallacis aut ad quaestum, aut ad superstitionem, aut ad er-

rorem, quibusque haud quidquam tam vulgare erat, quam *nihil sapere*, illud profecto opus & munus hominis sapientis proprium esse maxime videbatur a philosophia commentitias fabulas explodere, ac superstitionis stirpes omnes, si fieri potuisset, evellere. Si quieto & vacuo animo fuisset Montanarius, multa quidem hujusmodi sparsisset in vulgus, cum in ipsis gravissimis Senatus Veneti mandatis exequendis sibi aliquid seposuisset temporis ad perficiendum opus, quod inscripserat: *Fasciculus epistolarum physico-mathematicarum*. In eo locos graves ex physica, matheſi & astronomia tractabat, ea probabat quae simillima veri videbantur, conferebat causas, & quid in quamque sententiam dici posset non solum docte & erudite, sed etiam eleganter, & interdum hilare, ut severitatem argumenti mitigaret, & lectores magis alliceret, expromebat. Sed cum opus hoc, & illud alterum *de montanis*, quod maxime *πολιτικόν* esse dicebat, haberet in manibus, oppressit ipsum mors, quam obiit III. Id. Octobris MDCLXXXVII. Quinquennio ferme antea e periculosa & diuturna febris, quam levis apoplexis excepit, conva-

luerat. Cum suaderent medici ut a lectione
 scriptiōneque se abstineret, & ab omni occu-
 patione scholae paulisper facefferet, eorum
 non paruit consiliis; qua re factum est, ut
 veteri morbo oculorum, aliisque valetudinis
 incommodis gravius tentaretur. Praevidit tum
 se diu non esse victurum; quare decrevit re-
 ligioni impensius vacare, ne invitus & impa-
 ratus ex hac vita migraret. Sepultus est cum
 pompa funeris ad S. Benedicti, tumuloque
 haec posita inscriptio.

HIC JACET

GEMINIANUS MONTANARIUS

CIVIS MUTINENSIS

PHILOSOPHIAE JURISPRUDENTIAE

AC MEDICINAE

DOCTOR

MATHEMATICUS NULLI SECUNDUS

PRIMUM BONONIAE

PER XIV. ANNOS PUBLICE DOCUERAT

DEIN IN EJUS HONOREM

A SER. REPUBLICA

ERECTAM IN ARCHI-LYCEO PATAVINO

ASTRONOMIAE CATHEDRAM

METEORUM DISCIPLINAE CONJUNCTAM
 PLAUDENTE SENATU ACADEMIA
 ORBEQUE LITTERATO
 PER IX. ANNOS
 DILIGENTISSIME CONSCENDIT
 TANDEM STUDIIS POTIUS
 QUAM ANNIS CONFECTUS
 FREQUENTI PERCULSUS APOPLEXIA
 MORTALES RELIQUIT EXUVIAS
 PATAVII
 A. C. M. DC. LXXXVII. AETAT. LV.
 LAURENTIUS BACCHETT.
 PATAVINUS JURISCONSULTUS
 MED. DOCTOR ET PROFESSOR
 PRAECEPTORI SUO DILECTISSIMO
 M. H. P.

Heredem fecit hominis amicissimi filium, cum
 ex Elisabetha uxore nullos suscepisset libe-
 ros. Qua de femina hoc memoriae proden-
 dum esse videtur, haud ignaram physicarum
 rerum fuisse, & artem novisse telescopia,
 ceteraque hujusmodi instrumenta fabricandi.
 Non lautum quidem & copiosum patrimo-

nium reliquit Montanarius, quanquam illius augendi occasionem ipsi dederint Veneti & datis muneribus, & aucto annuo stipendio ad nongentos usque florenos. Benigne quoque ac liberaliter se gessit in Rinaldium Ruacum Gallum, qui sibi a studiis fuerat, hominem sane probum ac multarum rerum peritum, qui postquam plura itinera fecisset, praesertim in Africa & America, tanquam in portum, in Montanarii domum confugit. Omnes quidem commemorabant de singulari comitate Montanarii in amicitius tuendis; & quia is florebat gratia atque hospitibus nobilissimorum hominum, multi ejus commendatione fortunas haud vulgares consecuti sunt. Cum adolescentiae cupiditates in eo defuerbissent, consedissee quoque videbatur ille ardor animi, quo non tam dimicare & vincere, quam ulcisci adversarios in illis suis litterariis disputationibus optabat. Quapropter ne laeessitus quidem ab Honorato Fabio, qui multa attulit in suis dialogis physicis contraria sententiis Montanarii, quidquam illi respondit; nec questus est aut cum Antonio Grandio, aut cum Claudio Chalesio, qui a se multa sur-

repta, tanquam propria, callide venditarant. Quid profecto superbius quam irasci ac succensere omnibus iis, qui a nobis dissentiunt; & quasi multae offensionum datae sint causae, assiduas jacere ore & scripto querelas, omnesque invitare ad nostram causam cognoscendam defendendamque? Si qui fato malo disputare aut ament aut cogantur, quam velim illos dictis factisque non iracundiae & dolori, sed publicae utilitati, dignitatique litterarum servire!

O P E R A E D I T A .

Cometes Bononiae observatus an. 1664. & 1665. Astronomico-physica Dissertatio Geminiani Montanarii J. V. D. Mutinensis in alno Bononiensi Archigymnasio mathematicarum scientiarum publici Professoris ad Illustriss. DD. Sapientissimi Bononiensis Senatus L. Viros. Bononiae 1665. in 4.

Ephemeris Lambergiana ad longitudinem almae matris studiorum Bononiae ad an. 1666. nuperrime supputata a Geminiano Montanari J. V. D. Mutinensi Bononiensi Archigymnasii mathematicarum scientiarum publico Professore. Addita in fine ephemeride motus solis ex tabulis Excellentiss. Do. Jo. Dominici Cassinii ejusdem Archigymnasii Astronomi una cum ejusdem D. Cassinii ep. responsiva ad auctorem: multa de ejus solari hypothese & refractionum doctrina ad dubia R. P. Jo. Baptistae Ricciolii tollenda continent, Bononiae ex typographia Ferroniana 1665. in 4.

Pensieri fisico-matematici sopra alcune esperienze fatte in Bologna, intorno diversi effetti di liquori in cannucie di vetro, ed altri vasi ec. in 4. Bologna.

Lettera all' Illustriss. e Rev. S. Abate Sampieri, in risposta ad alcune obiezioni intorno a' suoi pensieri fisico-matematici, in 4. Bologna 1667.

Scritti varj intorno alle controversie col Rosselli 1668. Horum scriptorum quaedam proprio vulgavit nomine Montanarius, quaedam alieno. Ex ipsius Montanarii narratione intelliges, quae fuerit controversiarum origo. Quomodo vero se excusaverit Rossellus, ut omnem culpam in Montanarium transferret, ex ipsius intelliges epistola, quam nos edidimus in Tom. I. Delle lettere inedite d' uomini illustri pag. 229.

Speculazioni fisiche del Dot. Geminiano Montanari Modanese, sopra gli effetti di que' vetri temprati, che rotti in una parte si risolvono tutti in polvere, esposti in due lettere una al Ser. Granduca Ferdinando II., l'altra all' Illustriss. Sig. Co. Girolamo Savorgnano nobile Veneto. In Bologna per li Manolesse 1671. in 4.

Discorso accademico sopra la sparizione di alcune stelle, ed altre novità scoperte nel cielo, inserito fra le Prose de' SS. Accademici Gelati, del Dott. Geminiano Montanari, l' Elevato Accademico, in 4. Bologna 1672.

La Livella diottrica del Dot. Montanari ec. nuova invenzione per livellare il cannocchiale con maggiore esattezza e facilità, che per l' addietro con altre livelle non si è fatto, aggiuntovi il modo di misurare una distanza incognita con una sola stazione, guardando nel cannocchiale, e un nuovo e facile modo di misurare mediante la livella medesima il vero circuito della terra. In Bologna 1674. in 4.

Fiamma volante gran meteora veduta sopra l' Italia la se-

del di 31. Marzo 1676. *Speculazioni fisiche ed astronomiche* espresse dal Dott. Geminiano Montanari in una lettera al Sig. Marchese Gonzaga. Bologna per li Manolesi 1676.

Copia di lettera del Dott. Montanari scritta al Sig. Marchese Gio. Giuseppe Orsi a Mantova sopra un'impressione meteorologica. Bologna per li Manolesi 1676.

Lezione accademica avuta nell'Accademia di S. A. R. in Torino il giorno 5. Marzo 1678. dal Dott. Geminiano Montanari Modanese ec. sopra le controversie letterarie passate fra lui e il dottissimo Sig. N. N. dedicata a Madama Reale in Torino 1678. per Bartolommeo Zappata.

Manuale de' bombisti, ovvero ristretto delle avvertenze più necessarie per ben maneggiare i mortari, aggiuntovi le tavole delle inclinazioni di essi mortari per fare i tiri giusti, calcolate secondo la dottrina del Galileo e di altri matematici, e ridotte ad uso facile da servirsene senza far conti ec., seconda impressione. In Verona 1682. per Gio. Batista Merlo in 24. In fine extat epistola sopra la linea parabolica descritta dalle palle.

Copia di due lettere scritte all'Illustriss. Sig. Antonio Magliabechi sopra i moti e le apparenze delle due comete ultimamente apparse sul fine di Novembre 1680. nelle costellazioni di Vergine e Libra, e sul fine di Dicembre in quella di Cepricorno.

Copia di lettera scritta al medesimo intorno alla nuova cometa apparsa in quest'anno 1682. sotto i piedi dell'Orsa maggiore. Padova 1682.

L'Astrologia convinta di falso. Venezia 1685. in 4.

Discorso sopra la tromba parlante del Sig. Dot. Geminiano Montanari Professore delle matematiche in Padova, aggiuntovi un trattato posumo del mare Adriatico e sua corrente.

MONTANARIUS III

esaminata, e la naturalezza de' fiumi scoperta, e con nuove forme di ripari corretta: Pensieri del Dott. Geminiano Montanari espressi già tempo fa in due lettere alla gl. mem. dell' Em. Sig. Card. Pietro Basadonna, e ora pubblicato a comun beneficio. Opera postuma Venezia 1715. per Girolamo Albriizzi.

Le forze di Eolo Dialogo fisico-matematico sopra gli effetti del vortica o sia turbine detto negli Stati Veneti la Bischiavoua ec. opera postuma: Parma 1694. in 12. Ibi extat quoque Discorso del vacuo recitato nell' Accademia della Traccina an. 1675. Extat etiam: Lettera in cui risponde il Sig. Dot. Montanari al quesito perchè li forestieri che capitano in Venezia si stancano nell' andare in gondola, e li Sigg. Veneziani non sentono alcuna stanchezza dal lungo andarvi.

Epistola Montanarii ad Carolum Patinum de cometis anni 1681. & 1682. Plures Montanarii epistolas nos edidimus quæ in libro, qui inscribitur, Lettere inedite d' uoimni illustri,

OPERA INEDITA.;

L'ingegnere civile diviso in due libri, nei quali si contiene tutto ciò che dalle scienze matematiche ha bisogno di sapere un pubblico perito per gli usi civili.

L'ingegnere militare diviso in sei libri, ne' quali la fabbrica offesa, e difesa delle fortezze, il maneggio dell' artiglierie, de' mortari, e de' fuochi artificjati, breve e chiaramente s' insegnano.

L'ingegnere d' acque, nel quale la scienza della misura dell' acque correnti vien promossa, corretta, e dilucidata per la pratica. La natura de' fiumi, l'arte di ripararli, dirigerli viem con nuove dottrine, ed esperienze stabilita & dichiarata.

• *La natura, peso, ed equilibrio de' corpi fluidi, trattato fisico-matematico.*

De usu reticulæ in telescopio ad caelestia, & ad terrestria adhibendæ, tractatus astronomico-geometricus.

La caccia del frugnuolo, ovvero l'astrologia giudiciaria con nuove dottrine confutata, e con nuove esperienze delusa, e denisa.

L' esame delle comete nel quale oltra l' istoria e osservazioni delle due comete apparse nel 1680. e 1681., si discorre fisico-astronomicamente in cinque dialoghi

1. *Della reale, o apparente esistenza delle comete :*

2. *Della parallasse, o nuovo modo dell' Auore d' osservarla esente da refrazioni :*

3. *Della linea del moto della cometa, o sia sua trajettoria nel cielo :*

4. *Se le comete siano corpi temporanei, o coetanei al mondo :*

5. *Delle conseguenze che dal moto delle comete altri volesse dedurre per il sistema del mondo.*

Contemplazioni diottriche, opera geometrica, nella quale da' suoi principj si dimostrano tutti gli effetti, e difetti del Telescopio, e del Microscopio.

Meteorologia physico-astronomica : Exercitationes in IV. libris meteor. Aristotelis.

L' instabilità del firmamento : osservazioni astronomiche ec.

Compendio della scienza meccanica, e sue figure.

Trattato della trigonometria piana. Compendio della natura de' logarithmi.

Compendium doctrinae sphaericae, & geographiae.

Compendio dell' architettura militare, o sia fortificazione

Diviso in due parti, nella prima si contiene la fabbrica, nella seconda si contiene la difesa, e l'offesa.

Trattati di geometria pratica.

Lettere, e manoscritti di diversa materie.

Trattato delle vere cagioni del crescere di valore le monete, danni pubblici, e privati che ne provengono, e modo di sfuggirli. Multum elaboraverat Montanarius in hac opere conficiendo. Minime vero ingratum lectori futurum arbitror, si hic afferam epistolam ejusdem Montanarii ad Jo. Dom. Cassinium, ex qua intelligi poterunt multa ad illud ipsum opus, & ad Audorem pertinentia.

Illustris. Sig. mio Sig. Colendiss.

NON molto buone nuove di me avrà recato con sue lettere a VS. Illustr. il P. Coronelli, che m'ha favorito della pregiatissima sua lettera nel suo ritorno passando a Venezia. Battuto questo autunno scorso d'una doppia terzana continua con recidiva, accompagnata di vertigini, e intermittenza del polso, e seguitata da lunga e debole convalescenza, finalmente la mattina de 26. Dicembre la mano del Signore Iddio mi toccò d'un accidente apopleptico. Leggiero nella parte sinistra, se si può dir leggiera l'apoplessia. Vado però col divino ajuto rimettendomi assai bene, e col decotto di cina, e stufa, che questa primavera mi preparano, spero riuverarmi assai bene, non avendomi il male impedito se non leggermente il moto, aggravando qualche cosa più il senso del tatto alla parte che però vado riavendo; e per altro camino, e parto spedito. Ma il peggiore de' mali è la debolezza del capo, che reg-

ge poco alle applicazioni, di che sono state elle stesse la causa.

Io mi viveva in assai prospera salute dopo avere acquistata (lode a Dio) in questo paese stima assai maggiore del merico, mentre la Sereniss. Repubblica si valeva quasi del continuo di me a consulta ne' Magistrati dell'acque, dell'artiglierie, delle miniere, delle monete, ed altro, ed era in piedi qualche trattato di darmi titolo di Consultore matematico, con buona provvisione per dovere star sei mesi dell'anno in Venezia, e sei a Padova; e frattanto m'avevano rinnovata la condotta quasi due anni prima di compire la prima con 300. ducati d'aumento, onde ho adesso per la sola Cattedra 900. ducati l'anno, che sono circa da 200. doble l'anno, compreso l'esenzioni, e di più l'utile del Collegio ec. Ma perchè fui sempre destinato a faticar molto, e goder poco, ora mi conviene disputar la vita con i Medici, e Speciali, quando era tempo ormai di cominciare a vivere. La colpa è però della mia solita troppa applicazione, e in particolare l'aver frapposto a tant'altri studj anche quello delle monete, e fatti questa estate sforzi di studio per compire un'opera sopra questa materia che intitolero forse; *Il Consultor di Zecca, o la Zecca regolata ec.* nella quale esamino le vere cagioni dell'accrecimento che va sempre facendosi al valor delle monete, i danni che ne ricevono i Principi, e i Popoli, e le vere regole da preservar gli Stati da cotali pregiudizj; e farà opera, se non m'inganna l'amor proprio, di universal utile, non solo per non essere stato fin qui chi di tal modo esami questa materia, e ne riduca in chiaro le vere massime, come ho fatto io, ma dilettevole ancora per averla vestita d'erudizione antica, e moderna, con molte importanti notizie, e casi

Acceduti a' nostri giorni, e nel passato secolo, che dilucidano mirabilmente la materia. Sono restati attoniti a Venezia quando ho fatto veder loro dimostrativamente che dal 1605. in quà eglino hanno perduta quasi la metà dell' entrate pubbliche a causa dell' alzamento delle monete, e che tutto è provenuto dell' alterazione dello zecchino, nel quale avevano per massima costante d' avere fatto altissimi guadagni.

Questo è stato lo studio, che m' ha portato le infermità, ma, grazie a Dio, l' opera è finita, e solo vado rivedendola, e facendola copiare al pulito, per metterla sotto il torchio verso Pasqua. Il R. Coronelli m' ha detto che vi sono adesso grandissimi disordini per le monete in Francia, il che avevo pronosticato io due anni sono in certa mia scrittura a questi Signori sul fondamento d' alcune informazioni, che ebbi da chi veniva di costà, che mi disse essersi battuta gran quantità di monete da quattro soldi, se non erro, che non contenevano il suo valore; il che avrà creduto S. M. e suoi Ministri risulti a profitto. Regio; e infatti non può non risultare a danno grandissimo e delle Regie entrate, e dei Popoli.

Ora quest' opera vorrei io raccomandare a VS. Illustr. perchè col solito suo amore sincero, di che m' ha sempre favorito, m' avvisasse, se stimerebbe cosa a proposito dedicarla a cotesto gran Re, al quale destinavo prima dedicare la mia opera fisico-astronomica sopra le comete, ma le pubbliche occupazioni, e lo stato presente di mia salute non m' assicurano più di finirla, e non vorrei morire senza avermi preso l' onore di consacrar alcuna cosa del mio a sì gran Monarca. Il volume veramente non è grande perchè non credo eccederà 35. in 40. fogli; ma se VS. Illustr. mi darà animo, io lo farò stampare in forma magnifica, e

nobile. Altro mezzo che lei non ho, nè voglio cercare; perchè ella nel mio cuore è descritta per il piu vero, ed amorevole amico, che io mai avessi, ed ha ella tutti i mezzi necessarj, quando nelle congiunture correnti, ella ne approvi il pensiero; onde la supplico con tutto il cuore a favorirmi del suo parere ed aiuto. Godo infinitamente delle nuove che m'ha dato il P. Coronelli dell'ottima sua salute, e di Madama sua, e de' Sigg. suoi figli, a' quali tutti prego dal Signore Iddio perpetua felicità, e gli assicuro che io ne godo quanto d'ogni mia maggior fortuna farei.

Fui a Bologna l'estate decorata, trovai la sua nobile meridiana in cattivo stato perchè era stata staccata dal suo luogo la piastra del forame, ed io non ebbi tempo di collocarla di nuovo al suo luogo come desiderava solo quando era per partir fra due giorni: ne parlai però all'Illustriss. Fachinetti che diede ordine perchè occorrendo potesse andarci, ed esser assistito occorrendo il Sig. Dott. Guglielmini già mio scolare, e che è bell'ingegno, e diligente, al quale promisi mandar istruzione pienissima per situarla senza errore; e pregai il Sig. Quaranta Bentivogli favorirlo, ed egli cortesemente mi promise assistere a tutto, e levar ogni ostacolo anche di borsa occorrendo, il che faceva egli di tutto genio: ma giunto a casa fui chiamato a Verona, ove m'infermai, e d'allora in quà non ho potuto più applicarmi. Tornò poi di Francia il Sig. A. Felice Marfilj, e mi disse il P. Coronelli eh'egli aveva particolari istruzioni da V. S. Illustriss, ond'egli può supplire alle mie forzose negligenze, massime unendosi, come sento, col Guglielmini, perchè altrà non v'è a Bologna che sia a proposito. Io aveva destinato prima di sapere del Sig. Marfilj, di riportarmi a Bologna la primavera ventura per le rogazioni. Ma l'apoplessia mi vuol

In forno a quel tempo, onde non sò ciò che sarà, che per altro avrei avuto ambizione a servirla io in persona, e mi dolessi non averlo saputo a tempo quest' estate, perchè fui forzato per pubblico negozio di quà ritornare a casa. Per altro il P. Coronelli m' ha fatto un officia su quest' affare, e per parte di VS. Illustr. e per parte del Sig. Anton Felice ch' era affatto superfluo, e tanto, che posso giurare a VS. Illustr. che prima del P. Coronelli non ho avuta notizia di cosa veruna per conto del Sig. Anton Felice, ed io che non ho altra ambizione e desiderio che servir alla gloria di lei, e che sono sì antico servitore suo, e del Sig. Anton Felice, non sò come mai possa chiechessia figurarsi che io avessi puntigli improprij in un negozio ove ogn' uno concorre nel desiderio del pubblico servizio e del particolare di lei ancora.

Che però ho scritto al medesimo Sig. Anton Felice, acciò resti persuaso dell' animo mio lontano da ogn' altra ambizione in questo fatto, fuor di quello di servire all' uno, ed all' altro, onde rimetto in lui l' operare, il valersi di chi a lui piace, e il comandarmi se dal mio canto possa in alcuna cosa contribuire, sebbene quando sia già instrutto da lei, basterà; ma occorrendogli non mi risparmierò in conto alcuno; e volesse pure Iddio, che io passassi con felicità, e utile la mia lunga purga, che devo fare, il che però spero, e certo se mi troverò bene di salute in tempo, non mancherò d' andare.

Mia consorte riverisce VS. Illustriss., e Madama sua, e figli: abbiamo noi ancora un figliolino di due anni, ma posticcio. Questo fu l' unico maschio che lasciò il Sig. Giacomo Fighi Anatomico primario di questo Studio, mio strettissimo e cordialissimo amico, che morto in età di 34. anni

ha privato questo Studio della più bella gioja che vi fosse, e lascio questo bambino, e due bambine, e lo stato suo così tenue, che pagati i debiti, e la dote della moglie, non m'è restato nulla, onde io mi presi questo per figlio, e mia consorte lo alleva con tenerezza più che di madre. Oh se VS. Illustr. aveste conosciuto questo bell'ingegno, quanto rara cosa sarebbe parso a lei ancora! Lo chiamavano quela Sirene dello Studio, perchè le sue lezioni, e il suo parlare anche estemporaneo era d'una sì tersa, e dilettevole latinità, che pareva sentir leggere il Barlaam, ma l'ingegno nella fisica, l'erudizione e la finezza del giudizio non avevano paragone, e quel che era più, bellezze d'anima le più scelte che si sappiano descrivere. Due grandi amici, che ho avuto in questo mondo, de' quali come di grandissima fortuna mi pregiavo, gli ho goduti poco, perchè non li meritavo; uno ch'è VS. separatomi con tanta distanza, l'altro il Pighi toltomi per l'affatto dalla morte. Dio conceda lunga vita a lei, onde possa vedere i pronepoti, e godere tranquillamente le meritate sue fortune.

La supplico favorirmi di qualche comando qualche volta quà, se vaglio o per lei o per altri. Avendo un pò di tugurio in Padova ove passando qualche suo amico posso anche riceverlo, e servirlo, e darle saggio almeno della mia cordialità.

Finisco col soggiungere, che io aveva già qualche piccolo impegno con un Senatore o due per dedicar il libro alla Sereniss. Repubblica, ma ora che si tratta di guerra v'è altri pensieri, onde posso liberamente, tanto più che forse tratterebbero di farmi Cavaliere del Senato, ch'è bene un onore stimato quà, ma non ho ancora sieno abbastanza per tener cavalli, e non voglio esser Cavaliere a piedi. Ho

MONTANARIUS 119

qualche servitù con codesto Eccellentiss. Veniero Ambasciatore, e però può VS. Illustriss. dar le sue lettere a S. E., che io pure a S. E. manderò le mie col piego pubblico, e così potremo rivederci in carta con meno incomodo: e frattanto pregandola scusare la mia lunghezza resto col giversela ossequiosamente.

Padova 25. Febbraro 1684.

Di VS. Illustriss.

Se potesse ella darmi qualche ragguaglio de' disordini delle monete costi, mi farebbe grandissimo favore.

Dev. ed Obb. Servitor
G. Montanari,

H 4

ANGELUS FABRONIUS

DOMINICO COTUNIO

S. P. D.

Quoniam me tecum, doctissime Cotuni, de re anatomica balbutire finis, non ab re erit, postquam superiori epistola exposuimus hujus artis percipiendae tractandaeque difficultatem, nunc ortum ejusdem progressionemque persequi. Credibile quidem est haud ignaros utilissimae scientiae fuisse Judaeos, ceterasque antiquissimas gentes, Chaldaeos, Persas, quibus mos erat hostias immolare. Aegyptii, quamvis omne fere bestiarum genus consecrare, & carnificinam prius subire, quam aut taurum, aut felem, aut canem, aut crocodilum violare consueissent, satis tamen periti zoologiae fuisse videntur, cujus rei monumenta certa esse possunt Sphinges quaedam in eorum obeliscis expressae, & marmorea illa Leonum signa, quae Romanum Capitolium, & fontem, ut vocant, Felicem ornant. Quod ad anihropologiam pertinet; nemo ignorat consuetudinem illius gentis aperienti

condiendique cadavera, quae res ad eorum miram fabricam noscendam facile conducere poterat; & sane praecclara adeo ab Homero & Herodoto de Aegyptiorum medicina praedicari haud potuissent, nisi subsidium anatomes ad illam exercendam sibi comparassent. De Graecis nihil attinet dicere: nam cum ab his philosophia, omnesque ingenuae artes aut progenitae aut perfectae fuerint, negligi ab iisdem non posse videbatur anatome, a qua non medicina modo & chirurgia, sed & sculptura atque pictura maxime adjuvantur. Quare minime est mirandum si praecclarus ille universae naturae pictor Homerus in lethalibus vulneribus suorum Heroum describendis se peritum adeo structurae humani corporis ostendat, ut tendinum non modo insertiones indicet, immo & ligamentum, quo hepar septo neclitur, & reconditos ischiorum sinus rotundos, quibus femorum capita arclantur atque moventur. Hoc autem studium anatomes commune fuisse universae Graeciae videtur; & quod Crotone unus omnium maxime floreret Timaeus Locrus, hunc auctorem & ducem habuit Plato in conscribendo dialogo, quam ab illius nomine appellavit, in quo multa de mira hominis fabrica; & de viribus, quibus & movemur & sentimus.

Errata vero quaedam ei facile condonabimus, si recordabimur non meliora fortasse protulisse Democritum, & ipsum medicorum principem Hippocratem. Maxime autem vir prudentissimus eas rationes exquirens, quibus non magni in re anatomica progressus fiebant, nihil non egit ut hominum mentes liberaret superstitiosa sollicitudine erga defunctorum corpora, acute eleganterque probans animum, cum semel corpus tanquam alienam domum reliquerit, non curare amplius quid de eo fiat. Ex quo evenisse puto, ut magnus ille humanæ naturæ investigator Erasistratus ab Antiocho Syriæ rege obtinuerit facultatem incidendi nocentium corpora, qui morte damnati fuerant. Hujusmodi mos postea transiit ad Aegyptios, imperantibus utroque Ptolemaeo Lagi filio, & Philadelpho; favitque adeo fortuna Herophilo Chalcedonio in secandis capite damnatorum cadaveribus, ut vasa chyliфера viderit, & figuras suisque plurium viscerum ignoratos descripserit. Quis profecto non mirabitur solertissimo viro vel illud innotuisse, jecur perquam raro in hominibus, non raro autem in brutis in sinistra parte repetiri? Habuerint hæc inventa obtusationem. Tantis enim viris maledici deesse non poterant, qui eosdem criminati sunt.

vivos interemisse homines. Sed non propterea iis
 & lingua obmutuit, & manus obtorquere, ex quo
 veluti fonte manarunt veriora medicinae dogmata,
 & illius praesertim, quae manu carat, quorum ple-
 raque ad nos usque pervenere. Extinctis Ptolemaeis,
 qui omnis praeclaræ artis atque doctrinæ patro-
 ni, custodes defensoresque fuerant, religioni iterum
 haberi coepit mortuorum corpora cultro secare,
 honoremque sepulchrae iis denegare; quod quidem
 speciem quamdam humanitatis habere videbatur,
 cum re vera inhumanum esset, retardare progres-
 siones scientiæ, cui hominum salus proposita est.
 Itaque in tot veterum scriptis post Herophilum nul-
 lum extat exemplum dissecti cadaveris præter u-
 num aut alterum vel hostis in bello caesi, vel
 mortui infantis exposui, quæ etiam festinanter &
 meticuloſe dissecta fuisse animadvertimus. Non id-
 circo tamen tum apud Græcos, tum apud Roma-
 nos Græcorum aemulos omnem humani corporis
 cognitionem a diligentibus medicis neglectam fuisse
 iudicare debemus; quin immo studioſe illam per-
 quæſiſſe monumenta testantur. Nihil dico de A-
 ſclepiade, Musa, Archigene, Sorano, Marino,
 quod eorum scripta ad nos minime pervenerint.
 Ruſi proſecto, Celsi, Aretæi & Averliani miræ

in hac re diligentia & sagacitas apparuit, ut per eam maxime nobilitari voluisse videantur. Quis est, cui perspicua non sint singularia studia Galeni, qui licet hominem nunquam secuerit, collectis tamen collatisque superiorum medicorum libris, omnique arrepta occasione inspiciendi aut vivi corporis vulnera, aut mortui ossa, & continua brutorum animalium sectione, quod tum disci potuit de anatome didicit, & quod iis, qui illam tractaverant; defuit, ipse magna ex parte attulit? Atque haec singularis hominis diligentia retardasse potius, quam excitasse posteriorum medicorum industriam visa est, cum naturam non amplius in ipsa natura, ut Baconis verbis utar, sed in Galeni libris inquirerent. Consecuta postea ea sunt tempora non medicinae modo & anatomi, sed cunctis disciplinis ingenuisque artibus calamitosissima, cum sempiterna nox offusa iis Barbarorum opera videretur. Fatendum tamen est Arabes medicos in tantis tenebris novisse praestantiam anatomes, atque utilitatem, quam medicina & chirurgia ab ea comparari sibi poterant. Sed suis occupati tricis, nugis, erroribus superstitionibusque nihil adjumenti nobilissimae facultati attulerunt. Quo tempore ad adspiciendam lucem revocari coeperunt litterae, conditaeque in

universa Italia publicae Academiae fuerunt, ad quas tanquam ad mercaturam omnium bonarum artium proficiscerentur studiosi adolescentes, in honore quoque fuit anatome, sectaque publice morte punitorum cadavera, primusque medicorum exiit Mundinus, qui de rebus a se in cadaveribus observatis librum conscripserit. Sunt haec quidem mediocria, & quasi incunabula renascentis anatomes dixeris. Saeculo demum XVI. quando mirus quidam omnium quasi consensus doctrinarum concentusque esse coepit, plurimi sic excoluerunt anatomem, ut omnia, quae erant jam inventa examinaverint confirmaverintque, alia correxerint, & multa nova detexerint. Tum etiam uti coeperunt anatomici tabulis pro litteris, ut totum illud, quod noscebatur, facilius oculorum commendatione discipulorum animis traderetur. Ipsi Principes cum admirarentur istam scientiam propter utilitatem & praeslantiam illius, magnam curam de eadem provehenda adhibuerunt; nec defuerunt etiam, qui in maximis imperii occupationibus aliquid temporis ipsi impertiverint. Quare minime est mirandum, si magnus anatomicorum numerus tum fuit, & quae-libet ferme cultioris Europae provincia propria sua hac in facultate gloriose jaçet inventa. Ecce tibi

In Britannia exoritur Guillelmus Harvaeus, qui sanguinis circuitum primus omnium vel excogitavit, vel certissimis argumentis, quod nonnulli antea suspicari visi fuerant, comprobavit, quod inventum non est credibile quantum aliorum anatomicorum industriam excitaverit. Sic cum Warthorius corporis glandulas, Glissonius jecur, Lowerius cor & motum illius, Willis cerebrum & nervos examinandos susceperant, magna anatomiae incrementa attulerunt. Eadem laude floruit Gallia, quae semper exiit in omni praedara arte Britanniae aemula; huic tamen plurimum concessit & numero & praestantia inventorum, cujus rei hanc causam fuisse putat Senacus, quod plerumque Galli, quasi quodam aestu ingenii abrepti haud patienter naturam inquirant, & systematum amore facile capiantur. Quantum anatome debeat Daniae ob inventa a Thoma Bartholinio vasa lymphatica, quibus ignoratis, intelligi ullo modo non poterat universus humorum circuitus, nullus est qui nesciat. Nec suis modo van-Hornis, Swammerdamis & Graafis aliisque gloriatur Batavia, sed merito etiam confertur, quod prima cavos canales corporis colorato liquore vel cera implere docuerit, unde vasorum minutissimae propagines, viscerumque & glan-

*dularum recondita structura sub oculos poni potuer-
re. Quam artem quod in primis calluerit Ruys-
chius tantam celebritatem nominis consecutus est,
ut nemo ei par poneretur, & quasi anatomiae pa-
rens ab omnibus praedicaretur. In his ut & in aliis
studiis non minus lucet Italia nostra, ejusque glo-
ria quo studiosius ab invidis scriptoribus, praeser-
tim Gallis, opprimitur & absconditur, eo magis e-
minere & apparere videtur. Nec parum facit ad
laudem illius, quod Vesalius, quem multi prin-
cipem recentioris anatomiae dixere, hanc celebra-
tem praesertim Italiae, ad quam, deserta patria, stu-
diorum causa venit, se debere confessus fuerit.
Haece enim ab eo tempore, quo secari mortuorum
cadavera libere permissum est, anatomicos quasi
majorum gentium procreavit, de quibus nunc non
dicemus, cum propositum sit de singulis separatim
scribere. Ordiam a Malpighio, qui eorum omnium
dux & princeps esse videtur ob excellentiam do-
ctrinae & judicii, & inventorum copiam. Nolo ta-
men ejus vita in lucem exeat quin prius subierit
judicium tuum, in quo mihi aequae jucunda erit
corrigentis severitas, quam comprobantis auctori-
tas. Vale.*

Pisis Kal. Jan. MDCCLXXIX.

MARCELLUS MALPIGHIUS.

Marcellus Malpighius honesto genere natus est Crevalcorii in oppido Bononienſis ditionis ineunte Martio an. MDCXXVIII. Fuit hic quidem vir mirabili ac pene divina quadam ingenii facultate praeditus ad omnia naturae abſtruſiora myſteria indaganda atque deſcribenda. Is omnium primus non ſolum praecipua vitae organa in ſuas partes reſoluta & diſiſa patefecit, ſed &, quod plurimi faciendum eſt, poſteros omnes ſuo exemplo docuit in omni naturali hiſtoria verum a ficto ſcernere. Hic ſimplicem atque unam, eamque perpetuis mechanices legibus obſtrictam methodum naturae in corporum viventium actionibus obeundis, innumeris experimentis detexit & explicavit, & notata a philoſophis de plantis, de humano corpore, omnique genere animalium, quae nihil commune habere videbantur, quaeque diſperſa ac vage diſjecta erant, feliciffime junxit, mutuamque ſibi
lu.

lucem afferre ostendit. Ad haec bona consequenda vel a prima aetate praeparavit adjutoria singularis industriae, adeoque ardebat cupiditate discendi, ut amissis mature parentibus, hac una cogitatione orbitatis suae abstergeret molestiam. Cum domicilium Bononiae sibi constituisset propter summam & doctorum auctoritatem & urbis, applicuit se praesertim ad Franciscum Natalium, qui longe ceteris philosophiae doctoribus tum excellere putabatur. Ex hujus autem, ut & aliorum scholis talis evasit Malpighius, ut ad omnem reconditiorem scientiam adipiscendam maxime natus aptusque videretur. Nihilo tamen minus ceteris abdicatis, unam artem medicam sibi excolere proposuit, quod opūmo ab eo factum consilio, cum perquam raro accidat, ut qui in plura studia animum intendit, in una aliqua arte perfectus evadat. Erant tum Bononiae plures sapientes viri, qui sordibus & squalore, in quibus jamdiu jacuerat medicina, liberandam ipsam susceperant. Inter hos tamen eminebant Bartholomaeus Massariius rei anatomicae studiosissimus, & Andreas Marianus, qui cum & res novas per se

quaereret, & aliorum inventa prudenter examina-
 ret, unus videbatur posse in tantis tenebris clarissimum lumen praeferre. Hos praefertim magistros habere voluit Malpighius. A Mariani vero latere minime cum discederet, ab illo semper rationem poscebat quare quidque diceret & faceret, & si quando gravioribus morbis periculosas curationes & ancipites adhibere cogeretur, omnia curiosius conquirebat discipulorum diligentissimus, & in adversaria conjiciebat. Investigabat etiam morborum sedes in humanis cadaveribus, ad quae dissecanda cum ducem & magistrum Massarium haberet, eam in hac facultate praestantiam brevi consecutus est, ut cum experientissimis compararetur. A discipulo vero id exigebat Massarius, ut de observatis a sese coram lectissimis viris, quos statis diebus domi suae ad anatomica studia excolenda congregabat, disputaret, resque ipsas ante oculos statueret. Quae discendi ratio cum minus multis probaretur (saepe enim fit, ut ea solum homines honesta, utilia, ac laude digna putent, quae a veteribus sunt accepta, idque in disciplinis praecipue, in quibus nihil tutum arbitrantur nisi

quod ab illis profectum est) non desuere qui non solum objurgatione, sed etiam irrisione Malpighium incesserent, quod viam laudis, quam majores tritam reliquerunt, ipse desereret, & contemnere videretur. Quae contumelia non fregit eum, sed erexit. Nam cum judicasset sine summa industria non posse eam extinguere, magis magisque se dedit medicis studiis, diligentius praeceptoribus, famaeque serviens. Multum in nosocomiis versabatur, frequentabat omnes litteratorum virorum coetus, res diu mukumque cogitatas afferebat, facile easdem oratione explicabat. Neque minus in curandis aegrotis promptus, quod & de instantibus verissime judicabat, & de futuris callidissime conjiciebat. Quo factum est ut brevi tempore illustraretur. In hac celebritate nominis facile a Senatu Bononiensi obtinuit, ut publicus medicinae magister fieret, quadriennio postquam laurea ceterisque doctrinae insignibus decoratus fuerat. Hoc tamen beneficio diu ille uti noluit. Parendum enim existimavit Ferdinandi II. Magni Etruriae Ducis voluntati, a quo honorificentissimis litteris, honestissimisque conditionibus invitatus est ad tradendam theori-

cam medicinam in Academia Pisana. Hic ita vixit, ut omnibus merito esset carissimus, omnesque studio suo incitaret. Cum vero penitus se immerfisset in Alphonfi Borellii consuetudinem, multa ab homine, qui maximus omnium judicio aestimabatur, adjumenta habuit ad illas suas physicas & anatomicas exercitationes. Quia immo quidquid in libero philosophandi genere profecisset, id totum illi se debere palam profitebatur. At si amorem ejus in multis rebus utilibus suscipiendis perspexit, fidem desideravit, cum de se praedicari ac nominari voluisset Borellius, quando spiralis fibrarum humani cordis figura detecta est. Tota enim hujus inventi gloria Malpighio debetur, quanquam illius & testem & spectatorem Borellium fortuna constituit. Interea assiduis experimentis capiendis cum multa sibi jam comperta esse videret, quae si palam fierent, medica ars mirifice illustraretur, ea de re dialogos vernaculo sermone scripsit nonnullos. In his maxime exposuit quae de sanguinis natura observaverat, rationemque reddebat, quare ejus color mutetur, si cum eo diversa corpora, ac praesertim oleum vitrioli

misceantur. Multas & magnas res afferebat de distillatione & concretionem feri, de saliva, ceterisque humoribus, quorum ope cibus mutatur & concoquitur. Ad haec exponere quantae interdum utilitatis, quantique saepe detrimenti in acutis praesertim morbis sint purgationes, Galenicos irridens, qui hoc remedio omnes fere sanari posse morbos putabant. Exemplo suo invitare omnes volebat Malpighius ad noscendam miram corporis fabricam, naturamque earum rerum, quae prodesse & obesse possunt, consulendamque illam omnium rerum magistram experientiam. Hi porro dialogi adeo probati sunt Borellio, ut de illis edendis hortari non cessaret Malpighium. Sed cum hic rem procrastinaret, incensa nescio quo casu ejus domo, omnes magno litterariae Reipublicae damno perierunt. Dum semper aliquid inquirebat Malpighius quod spectaret ad rem anatomicam provehendam, manu ferme duxit Claudium Auberium in vera testium structura detegenda; qua occasione Auberius ipse ductum, quem ab ejus inventore Highmorianum vocant, & vasa, quae illi adhaerent, diligentius investigavit & clarius

exposuit. Hae res eo magis valuerunt ad gloriam Borelli, Malpighii ceterorumque, quos in studiis physicis habebant adjutores & socios, quod ab iis occasionem sumpserunt Medicei Principes eos instituendi litteratorum virorum coetus a quibus tantopere naturae scientia provecta est. Quanquam videret Malpighius in studiis suis gratiae plurimum & gloriae esse, iis imperantibus Principibus, qui in philosophiae sinu educati esse videbantur, consilium tamen cepit deserendi Academiam Pisanam, aeris insalubritatem caussatus. Accidit id an. MDCLIX. triennio scilicet postquam ad illam venerat. Cum itaque Bononiam ad suum pristinum munus rediisset inconstantiae labem singulari diligentia studuit eluere. Ibi multos habebat cum amicitia, tum studiis exercitationibusque conjunctos, e quibus praesertim dilexit Silvestrum Bonfiliolum, & Carolum Fracassatium. Erant qui haec ipsa studia exagitarent, quorum ineptias & stultitias non ferebat, iracundiusque respuebat, sive morose, ut putabatur, sive ingenuo liberoque fastidio. Non propterea tamen ejus tardabatur industria, gaudebatque sibi adeo fortunam

propitiam esse, ut aliquid semper novi detegeret. Cum an. MDCLX. sanguinis motum & praecordiorum fabricam diligentius inquireret, factum est ut de pulmonibus, microscopii praesertim ope, ea observaret, quae omnium anatomicorum oculos antea fugerant. Vidit itaque rotundas vesiculas, ex quibus pulmones constant, formari ramis bronchiorum in ampullas dilatatis (1): vidit etiam arteriam pulmoneam reticulum efficere, suisque ramis ceu annulis, vesiculas complecti, eoque in loco per anastomosis, ut loquuntur, cum venis conjungi. Cum observasset rete, quod totum est ex fibris muscularibus, circumdari pulmones ranarum, eandemque rem sibi videre visus esset in agnis, non dubitavit quin idem eveniret in hominibus. Hoc tamen fibrarum implexu non hominum modo, verum etiam omnium animalium, quae calida dicere solemus, pulmones carere affirmat Hallerius. Dubitare etiam videtur de ranis, quam-

I 4

(1) Admonendos Lectores putamus magni nominis Anatomicos esse qui dissentiant a Malpighio in eo quod pertinet ad figuram hujusmodi vesicularum. Vid. Barth. *Cent. IV. ep. 55.* Cowper, *Tab. XXV. fig. 6.* Haller. *phys. lib. VIII. §. 29.*

vis Morgagnii affirmatio accesserit (1) propterea quod pulmones quadrupedum illa sua *irritabilitate* spoliatos esse observavit. Non effugere acutos Malpighii visus tum extrema arteriarum in suos minimos ramos divisarum, tum cellularis tela, quae pulmonis lobos jungit, & quod medium inter eos est replet. In hac ipsa tela sedem idatides habere is affirmavit. Explicata pulmonis fabrica, suam quamdam protulit hypothecin de sanguinis generatione, hanc ab alterno motu vasorum pulmonis, quibus chylus premitur, repetens, qua in re exemplo branchiarum piscium opportune utitur. Nihil vero similis vel ex recentiorum physiologorum sententia, proferri sane poterat; quanquam Malpighius ipse quaedam se habere postea dixerit, quae huic opinioni suae adderet. Suspiciatus enim est aliquid etiam fermentationi hac in re esse tribuendum. Magnam his inventis gloriam consecutus est Malpighius, neque eam multorum obrectatio devincere potuit. Fuerunt nonnulli, & in his Fracassatus, qui suas cum Malpighii observationibus minime consentire dice-

(1) Adv. Anat. V. animad. 29.

rent; alii, quibus mos semper fuit praesentia invidia, praeterita veneratione prosequi, quod his se instrui, illis obrui crederent, inconsultius res ipsas rejecerunt; alii demum malignitate & procacitate intolleranda, aut quod cognitum habebant, negabant, aut surripuisse Malpighium a Cornelio ab Hogelande quae pro suis venditabat, affirmabant. Pluribus rem ipsam narrat Malpighius, & quamvis ex antea vita omnes de se iudicium facere possent, suae tamen gloriae propugnator esse voluit. Scripsit etiam hac de re plures ad Borrellium epistolas, qui magnopere auctor fuit, ne disferret typis committere quae pro sui defensione scripto mandaverat. Sed, quod mireris, ille testis & laudator inventorum Malpighii, mutata subito voluntate, in eundem calumum sumpsit (1), quae quidem inconstantia ex multis exarsit vitiis, & praesertim ex invidia, quae illum lacerare solebat. Praeter quam quod nemo ignorat, quam natura is esset propensus ad amicitias dissuendas. Sed haec antequam acciderent, magnum inter eos erat commercium medicarum atque anatomicarum.

(1) De motu Animalium lib. II.

observationum, & jure laudantur, quae spe-
 ctant ad contagiosas febres, quae in toto a-
 gro Pisano manarunt latius cum magna ho-
 minum internecione. Inter cetera admonet
 Malpighius quam caute & prudenter purga-
 tiones adhiberi debeant in acutis morbis, ex
 quibus aliisque facile intelligi potest quantus
 usus ad illius summam prudentiam in medi-
 cina facienda accessisset. Interea Messanae de-
 moritur Petrus Castellus, qui in illa Acade-
 mia medicinam profitebatur. Cum de succes-
 sore eligendo ageretur, factum est commen-
 datione Borellii, ut Malpighius in illius locum
 succederet, annuo M. centussimum stipendio illi
 assignato. Dumque iter Neapoli faceret cum
 Thoma Cornelio ac Lionardo a Capua viris
 litteratissimis, ac in omni re physica exerci-
 tatissimis amicitiam iniit, quam vel absens
 semper coluit diligentissime. Messanam mense
 Octobri pervenit an. MDCLXII. ibique hu-
 manissime exceptus a Jacobo Ruffo Francavil-
 lae Vice-comite, quocum familiariter Pisis vi-
 xerat, quod magno studio is deditus philo-
 sophiae esset. Eo vero auctore, non tam do-
 cere, quam facere medicinam aggressus est,

sic tamen ut non intermitteret consuetudinem
 pristinam aliquid semper novi in naturali philo-
 sophia inquirendi. Et jam quasi voto quodam
 & promisso ad hanc rem se teneri putabat,
 cum in omni sermone, & in ipsa, quam ad
 Messanenses, quo die primum ingressus est
 ad dicendum, habuit oratione, declaraverit
 quantum his studiis egeret medicina, postquam
 omni errore ab Arabis & Barbaris inquinata,
 deformata, ac pene everfa fuerit. Ipse locus, in
 quo dicebat, occasionem Malpighio dedit osten-
 dendi, quam veteres Siculi, ac Graeci omnes
 optime de medicina meriti fuerint, quo magis
 illa depravatio ac deformitas appareret, au-
 ditoresque ad majorum exemplum imitandum
 excitarentur. Rusticabatur ipse non longe ab
 urbe apud Ruffum, cum in castaneae frustulo
 ductus aeris, seu, ut vocant, tracheas depre-
 hendit. Repetitis experimentis, affirmare se pos-
 se putavit, illos ductus omnibus inesse plan-
 tis, & non solum aeri, sed etiam humori;
 quo ipsae plantae aluntur ferendo idoneos
 esse. Ipsa loci opportunitate admonitus mul-
 tum impendebat temporis secandis piscibus.
 In omenti structuram intendit primum e-

culos, omniumque primus descripsit ovatas & caecas ampullas, quae cum extremo articularum conjunguntur, a quibus in ipsas ampullas pinguitudo, & oleum animale transit. Illas globatas, & reticulatis vasibus praeditas esse ait, quae agnita forma a recentioribus quoque anatomicis fuit. Suspiciatus est separari animale oleum per proprios adipatos ductus, eam ob causam quod in histricis omento adipatas strias (comitantur hae rubra vasa) & quasdam lineas globulis adipatis, qui varii sunt pro variis striis, turgescere vidit. Cupiebat aliquid odorari diligentius, & certius comprobare, sed multum licet laboris hanc in rem insumpserit, eam tamen non nisi conjectura, a qua non satis veritatem illustrari dicebat, se perspexisse ingenue confessus est. Cui ingenuitati maximas sane laudes impertire summi viri Morgagnius & Hallerius, quamvis tota sententia a Malpighio dissenferint. Vidit hic in sanguine oleosas particulas, ex quibus fit pinguitudo, neque hoc modo, sed & varios usus olei animalis exposuit, quod pro explorato habebat ab incerto distinguens, cum nihil indignius philosopho putaret quam

incerta pro certis venditare. Cum totus esset in tynni & gladii oculis observandis, multa nova deprehendit de motoribus musculis, de figura & fabrica humorum, de membranis, vasisque, a quibus eae circumdantur. Praeter id branchiarum structuram indagavit, observataeque a se diligentissime in gladio piloricas, ut vocant, appendices nil aliud esse vidit nisi ingentem struem parvulorum intestinorum, quae repleta sunt liquore quodam a magna glandularum copia expresso. Hunc liquorem digerendis cibis idoneum, & vices pancreatis, quo plerique piscium carent, agere putat. Descriptionem quam fecit crystallinae lentis, & anasarum, quibus utrinque sustentatur (sunt enim hae loco processuum, ut vocant, ciliarium, quibus omnes pisces carent) magno exceperunt plausu rei anatomicae studiosi; & miror equidem Hallerium hujus inventi gloriam Peireschio unice tribuisse. Quoniam res una aliam saepe secum trahit, Malpighio piscium cerebrum contemplant felicitate accedit, ut de medullari substantia, quam in omnium animalium cerebro inesse ait, ea proferret, quae innumeris postea experimen-

tis recentiores confirmarunt anatomici. Rationem quoque docuit coquendi cerebrum ad clarius distinguendas medullares fibras, & fasciculos, in quos ipsae fibrae colligantur. Tota vero errasse via dicendus est Malpighius, quod succum nerveum se vidisse putaverit, in cuius usu explicando, causisque morborum, qui ab eo pendere arbitratus est, indicandis levi conjectura rem ponderasse videtur. Nec a veritate ille minus deflexit, cum cerebri corticem ex glandulosa materia constare sibi persuaserit. In tyuno & gladio dum nervi optici fabricam attentius investigaret, magnam admiratione comperit illum non ex fasciculo funiculorum, sicuti ceteros nervos omnes componi, sed totum esse ex lata fascia, quam cerebri medulla effecit. Illa autem pia matre tegitur, & in sua membra plicatur, atque a dura matre undique circumdatur. Non idem reperit ceteris in piscibus, ex quo conijcere se posse putavit, quodammodo naturam indiguisset hac varietate ad replendum magnum illud cavum, quod in hujusmodi piscium oculis fecit. Haec ut in vulgus sparsa fuerunt, defensores & oppugnatores habue-

iunt. Fracastorius & Borellius ex illorum numero fuere, contra maxime obnitentibus Finchio, qui Pisus anatonem profitebatur, & Tilemano, quo is sectore utebatur. Multa deinde a Malpighio de torpedine, in qua praesertim vasa quaedam mucoso alboque humore plena, quae oriuntur a racemo glandularum in interiori cerebri parte locato, indagavit. Positum etiam excretoriorum vasorum, quae sunt extra cerebrum, indagavit, sicque magis magisque eam anatomiae partem illustravit, quae spectat ad vasa, & quibus sudor alique humores emanant. Post haec rerum naturalium studio paullisper intermisso, non autem omnino seposito, opus magnum omnino aggreditur, quo universam anatomiae disciplinam vernaculo sermone complecti volebat. Adjuvandos enim discipulos suos putabat earum rerum explicatione, quae se usus & continua scriptorum lectio docuerat, ut se duce venirent eo, quo sine duce ipse pervenerat, quoniam meliora tradere non poterat. Initium operis a corde fecit, ut ad alias deinde partes, quae ab eo pendent, progrederetur; ac singularum singillatim naturam

ex Italorum primum, qui plurimum hoc in genere valuerunt, sententiis, tum deinceps ex omnium exterorum doctrina quam accuratissime exequeretur. Cum partem illam absolvisset, quae est de visceribus a thorace comentis, hanc Borellio & Fracassatio misit illorum judicium exquirens. Hi quidem singularem Auctoris industriam magnopere laudarunt. Nihilominus minus ipsum hortati sunt, ut ab incepto desisteret, & quod res erat laboris prope immensi, & quod facile erat incurrere in odium offensionemque multorum, cum judicium de alienis scriptis esset ferendum; & quod gloriosius Malpighio putarent ipsum novam, ut ita dicam, scientiam creare & gignere, quam aliorum inventa scrutari. Subjicitur etiam a Borellio Ruffus, qui hanc rem distrahat, & reliqua, quae agere Malpighius instituerat, impediat. Cum tantorum virorum judicio consuesset Malpighius permittere omnia, quod ii jusserunt fecit, & ad pristinas occupationes rediit. Igitur, quod jamdudum constituerat, linguam primum tentandam suscepit, multisque in ea observanda perspectis, de his Fracassatius & Bellinius per Borellium certant.

iores facti sunt. Qua arrepta occasione, ii quoque in eandem rem inquiserunt, deque ea libellos ediderunt. Nemo tamen est, qui non facile Malpighio gloriam concedat, quod primus observaverit papillas, unde tactum & gustatum habemus, neque has modo, sed & fibras, quae ita varie sunt dispositae, ut per eas facile lingua in quamcumque partem moveatur. Tria in genera pro varia earum figura linguae papillas distinxit: has omnes nervis praeditas esse ait, ac transire per reticulum vel membranam adeo perforatam, ut tot foramina quot papillas numerare possis; demum easdem epidermide sic contegi, ut singulae in ea suas habeant vaginas. Verum recentiores anatomici nos docent neque has vaginas, neque perforatum reticulum in hominis lingua reperiri, & idcirco, correctione quadam adhibita, sententiam Malpighii, qui suas observationes in vituli lingua instituit, retinendam. Eodem tempore, quo in inquirendo usu papillarum linguae elaborabat, aliarum papillarum inquisitor esse voluit; qua in re favit illi fortuna, cum eas in cute, in manibus, in toto externo corpo-

re invenisset. Has quoque nervosis filis muniri animarique coniecit, quod multo postea a Kaw-Boerhaavio apertissime comprobatum est. Tum in brutis, tum in homine earum figuram magnitudinemque notavit Malpighius, quodque ipsis ea maxime abundare membra animadvertit, in quibus tactus est vividior, hoc argumento in primis confirmari putavit, quod de tactus instrumento protulerat. Texturam quoque cutis, & quomodo pili ac pennae ei inserantur, & vasa illa, quorum usus est in perspiratione & in sudore, exposuit in epistola, quae est ad Jacobum Ruffum. Voluit etiam ab eo invitatus rationem reddere nigritudinis Aethiopum, cujus sedem esse arbitratus est in reticulo, seu mucosa substantia, quae epidermidi subjicitur, quaeque ab ejus inventore Malpighiana appellatur. Illud vero quod tum a Malpighio, tum a Stenone affirmatum est de glandulis sudatoriis, & de valvulis, quas unice destinatas rebantur ad claudendos aperiendosque excretorios ductus earundem glandularum, multis nunc rationibus & experimentis, sicuti alibi quoque docuimus (1) re-

(1) Pag. 17.

futatum est. In hujusmodi rebus inquirendis
 exponendisque cum totus esset Malpighius,
 habuit & bene longam & satis litigiosam di-
 sputationem cum Michaeli Liparo, quae non
 mediocriter ipsum a studiis suis avocavit. Mos
 erat Messanae, ut quo tempore a Senatu Ma-
 gistratus, quorum potestas esset annua, crea-
 rentur, urbis etiam Archiater eligeretur, quod
 sane munus quamvis illi plerumque ex medi-
 cis deferri solet, qui magnam sui concitaf-
 set expectationem, exigebatur tamen ab eo,
 qui illud postulabat, ut doctrinae atque ingenii
 specimen publice disputando ederet. Unus e-
 minebat inter competitores Liparus, pertina-
 citer Neotericis omnibus infensus, a quibus
 quo studiosius Galenicorum sapientia opprime-
 batur & abscondebatur, eo magis illam elu-
 cere atque apparere dicebat. In certamen ita-
 que vocavit Malpighium, & qui studiorum so-
 cietate erat ei conjunctissimus, Catalanium,
 illudens praestantiora recentium physicorum
 inventa, & praesertim sanguinis circuitum.
 Malpighius certe statuerat non adesse, quod
 nec dignitatis, nec famae suae putaret esse
 hujusmodi implicari disputationibus: si amice

& privatim secum contendere Liparus vellet
haud se detrectaturum certamen. Erat tum
Messanae Franciscus Maria Giangrandius flo-
renti aetate, & acuto ingenio medicus, quē
competitricem scenam cum Liparo habere cu-
piebat. Rogat itaque Malpighium, ut sibi qua
consilio, qua opera auxilium ferat. Annuit
Malpighius, excerptisque thesibus quibusdam
ex anatomia & physiologia, in quibus illu-
striora Neotericorum inventa continebantur,
ei se ducem in illis memoria, & scientia et-
iam comprehendis fore spondit. Recusavit
tamen in illa disputatione adesse, non tam ut
sibi, quam ut Catalanio rem gratam faceret,
qui vehementer optabat, additis quibusdam
de suo in illas theses, se omnium consiliorum
auctorem & praeceptorem judicari. Hujus rei
fama, ipsaeque theses brevi per universam
Siciliam & Calabriam pervulgatae sunt. Quo
facto cum Liparus vehementer commotus es-
set, librum statim Latino sermone vulgavit,
qui *Galcnistarum triumphus* erat inscriptus, quā
non magis in recentiorum medicorum senten-
tias, quam in Catalanium & Malpighium ip-
sos acerbius & contumeliosius invehebatur,

Indignas responsione, & plane contemnendas
 hæc injurias esse putavit Malpighius, & quod
 hujusmodi homines coercendi magis quam de-
 docendi esse videantur, & quod ille pro inge-
 nii sui lenitate valde ab omni contentionum
 genere semper abhorruit. Nihilo tamen minus
 cessit Alberti Tuccari aliorumque consiliis, qui
 ab eo, tanquam a tutore, non modo postula-
 bant, sed etiam exigebant recentioris medicinae
 defensionem. Librum itaque hac de re scripsit
 gravem sane & doctum, nomine Placidi de
 Papadopolis, qui sui & Catalanii olim audi-
 tor fuerat, supposito. Plurimum is quidem li-
 ber apud eruditos celebratus est; nunquam
 tamen adduci potuit Malpighius ut ipsum ty-
 pis committeret, quanquam a Borellio, Fra-
 cassatio aliisque quamplurimis, id ut faceret,
 rogabatur assidue. Neque vero his rebus mul-
 ti tam amici Malpighio sunt facti, quam a
 Liparo alienati. Ipse Senatus Messanenensis cum
 acerrimi viri præstantem prudentiam in om-
 ni re physica cognosceret atque admirare-
 tur, pertimuit ne caritate patriae & taedio
 contentionum, ad quas compellebatur, motus
 Malpighius aliquando ab ipsis discederet.

Itaque omni officiorum genere ipsi sibi magis
 magisque devincire studuit. Non tamen ab
 ipso impetrari potuit, quominus expleto magi-
 sterii sui curriculo (id ad quadriennium erat)
 ad suos rediret, illud pollicitus, cum primum
 per domestica negotia licuisset, se Messanam
 rediturum. Non tamen quod promiserat prae-
 stitit, quamvis novis a Messanensi Senatu in-
 vitaretur beneficiis. Etenim cum videret se
 res domesticas & familiares posse & melius
 tueri & lautius, si Bononiae consisteret, &
 in summo apud Bononienses honore esse, quas
 excolebat, facultates, statuit ab iis non disce-
 dere. Placuit ei vero nec pristinum docendi
 munus deponere, nec recusare cuiquam ope-
 ram suam in medicina faciendam: & si occupa-
 tus proderat civibus suis, iis etiam prodesse
 studebat otiosus. Otii fructus fuere quae *de vi-
 scerum structura, de cordis polypo, & de cerebri
 cortice* in vulgus ann. MDCLXVI. edidit. Ne-
 gligentius quidem superiores anatomici versa-
 ti fuerant in inquisitione tum viscerum ma-
 teriae, quam carneam putabant, & parenchi-
 matis nomine designabant, tum illorum fabri-
 cae. Glissonius pauca quaedam haud impro-

banda de jecoris natura protulerat; sed haec tanti non erant, quin merito in spem venerit Malpighius se quoque posse novi aliquid invenire. Cum itaque plurimorum animalium, quae perfecta & imperfecta dicebat, jecur spoliasset sua externa membrana, hoc totum constare animadvertit ex lobulis, qui in corpuscula vinaceos acinos imitantia desinebant. Hos ipsos acinos vero cum valis, quae ferendo & referendo sanguini sunt destinata, interjectos esse vidisset, concludere se posse putavit nil aliud esse jecur nisi conglomeratam glandulam. Neque uno, sed pluribus argumentis utebatur, ut probaret cavos esse acinos illos, atque humori, qui separatur, retinendo idoneos. Ducebat illa ex aliarum glandularum analogia, ex observatis a sese microscopii ope in insectorum jecore, quod totum ex strue cavorum sacculorum compositum apparebat, ac demum ex hepaticiis morbis, in quibus cernere licet visceris illius acinos aut aqua repletos, aut gypsea quadam materia, aliisque similibus rebus. Felicinus postea Ruyschius eandem rem quaesivit, adhibitisque miris illis suis, ut vocant, injectionibus, o-

rendere potuit Malpighianos acinos minime
cavos esse, cum ex glomeribus vasorum ipsi
componantur. De reliquo quod ad glandulas
conglobatas conglomeratasque attinet, quae
tum in jecore, tum in aliis visceribus inesse
Malpighius monstravit, hujus opinioni standum
ipse ceterique putarunt. Attentissime etiam
consideravit Malpighius bilis cursum, ejusque
ductus, & quomodo haec separetur, & ex-
cernatur explicavit. Debitas tribuit laudes
Bartholinio, quod haud ignoraverit esse in
hepate lymphatica vasa, & glandulas conglo-
batas, sed negat ullum esse commercium in-
ter excretorios bilis ductus, & lymphatica va-
sa, & quidquam habere commune congloba-
tas glandulas cum conglomeratis, ex quibus je-
cur constare putat. Eadem ferme protulit de
cerebri cortice, cum hunc quoque ex parvulis
glandulis constari crederet, quae simul jun-
ctae glandulam conglomeratam efficerent. Hu-
jus vero vasa excretoria in fibris medullaris
substantiae inesse arbitrabatur, quibus de re-
bus, ut inter homines peritos nunc constare
video, Malpighio haud assentiendum est. Re-
gum fabricam tum in foetis, tum in multis

brutis animalibus, ac praesertim in avibus diligentissime inquisivit, cum multa tradi de iis aut dubia & incerta, aut falsa & certe obscura ab anatomicis intelligeret. Docuit ergo illos ex multis lobulis constare, hosque veluti totidem glandulas separandae urinae a natura destinatos fuisse: injectionis vero opem ductus excretorios uniuscujusque lobuli se vidisse putaret, hoc argumento maxime confirmari judicavit ipsos aut glandulas esse, aut partes glandularum agere. Exstitit Peyerus, qui se huic sententiae opposeret, nil aliud esse hujusmodi lobulos pugnacissime contendens quam glomera vasorum in papillas desinentia. Quapropter Malpighius & id quod intendebat novis comprobandum argumentis; & id quod contra dicebatur refellendum suscepit. Hinc vero occasionem sumpsit examinandi lienis, quem etiam suis cavis acinis minime destitui credidit. Cum observationes suas in liene bubulo instituisset, hunc, non sicuti humanum, unica, sed duplici membrana contentum esse comperit. In humano quoque multa lymphatica vasa in superficie extantia observavit. In iis quae de fibris, vel lacertis ma-

secularibus tradidit, solent recentiores anatomici a Malpighio dissentire, quamvis ipse plurimum hoc invento gloriari videretur. Lienis usum dum inquit, hepati hunc samulari ex vero judicavit: minus tamen vere, qua ratione id fiat, explicare videtur. Exprimi enim putavit ab illius glandulis succum quemdam, qui ipsi sanguini commixtus viam quodammodo huic separationi aperiat. Ceterum nunquam satis laudari potest singularis Malpighii diligentia, qui microscopii, injectionum, & macerationis ope adeo multa in animalium visceribus quaesivit feliciterque invenit, quae quidem non tam a superioribus anatomicis ignorabantur, quam multis erant circumvallata erroribus, quo difficilius inde verum emergeret. Quia vero non erat ignarus multos studiose contra se esse dicturos, quod vitare nullo modo potuisset, nisi nihil omnino scripisset, multa anteoccupavit, quae oppositum iri arbitratus est suis inventis, multosque invitavit ad illa novis experimentis confirmanda. Quorum testimonia sane honorifica retulit in commentariolum vitae, quam de se ipso scripsit. Quod autem haud paucis in rebus

diffentire a Malpighio visus est Jo. Baptista Blanchius, illius defensionem suscepit Morgagnius, & sententiam de glandularum acinis, seu folliculis, seu globulis disertissime exposuit (1). Postquam illa, quae diximus, de viscerum fabrica explicasset Malpighius, de cordis polypis agendum suscepit. Hi in dextro praesertim cordis ventriculo gigni putat ex nimia acoris copia, aliisque causis, quibus sanguis libere fluere impeditur. Implicantur enim sanguinis ipsius fibrae: implicatae vero sensim solidam efficiunt corpus, quod vel interstitiis lacertorum, quibus interiores cordis & auricularum parietes contextuntur, adhaeret, vel in medio ventriculi cavo locatur. Multis & praesertim Kirckringio visum est hanc fieri concretionem non posse, ipso praesertim vigente sanguinis motu, & idcirco hominis vitam finem habere necesse esse eodem momento, quo polypus gigni incipit. Sed Malpighius affuso sulphuris, vitrioli & aluminis acore, qua ratione in modum polypi conefcat sanguis ostendit: probavit etiam certissimis argumentis, generato polypo, posse diu hominem vivere, &

(1) In epist. Anat. epist. alt. p. 277. edit. Lugd. Bat.

tamdiu durare vitam, donec ex aucta polypli
 magnitudine viae, per quas sanguis transit, o-
 mnino obstruantur. Ceterum tantum aberat
 ut scribi contra se Malpighius nollet, ut id
 etiam maxime optaret; & profecto tanto in
 honore nunquam philosophia fuisset, nisi do-
 ctissimorum contentionibus diffensionibusque vi-
 guisset. Quamobrem hortabatur omnes, qui
 facere id poterant, ut hujus quoque generis
 laude florere Bononiam vellent. Profecto plu-
 riuni ejus voce & exemplo excitati ad haec
 studia confluxerunt, a quibus etiam non medio-
 cria habuit auxilia, cum quisquam in ea, quae
 proposuerat, conaretur invadere. Curavit et-
 iam ut sibi non epistolarum modo, sed etiam
 anatomicarum observationum commercium ef-
 set cum Sylvio, Willisio, Bartholinio, Steno-
 ne aliisque, qui ceteros physica scientia an-
 tecellere tum putabantur. Quibus non com-
 mendantibus modo, sed pene etiam invitan-
 tibus, unde concretae, & quomodo factae
 sint glandulae conglobatae accuratius inqui-
 rendum suscepit. In illas ipsas glandulas cum
 atramentum per arterias injecisset, non au-
 geri glandularum corpus, sed solum repleri

sanguinea vasa vidit, quo capto experimento, miror equidem ipsum non revocasse in dubium, essent ne revera folliculi in glandulis, iisque coagmentarentur. Sed saepe fit, ut quod opinione tenemus, tanquam infixum in natura arbitremur, comprehendique suis cujusque posse sensibus sic, ut contra si quis dicere velit, non audiatur. Similibus experimentis fabricam praegnantis uteri tum in vaccis, tum in aliis animalibus Malpighius indagavit, in quibus lymphatica vasa, naturamque humoris, qui ab his continetur, primus omnium inspexit. Eadem postea observarunt in humano utero Meryus, Morgagnius, Winslowius alique, quo facto magnum sane addidere pondus inventis Malpighii. Examinauit hic ova ovorumque sedem, sed verecunde ingenueque falsus est, se haud detegere potuisse illorum structuram; nec multum haec licet quaeviserit, novisse originem & vias, per quas tubarum vasa transeunt. Multa tamen in lucem protulit de iisdem vasis, quae erant occultissima, ut & de tubis perforatis, quarum extrema carnis fibris praedita esse vidit, de fontibus muci, quos in praegnantis vaccae

utero quaeſivit, & de venoſis demum ſinubus uteri, totaque interiori ejuſdem ſubſtantia. Ex acervo enim lacertorum illum eſſe putavit, quod indicare ſibi videbantur muſculares fibrae ſic implexae, ut retis figuram imitentur. Cui opinioni fidem auctoritatemque adjunxit quidem multorum anatomicorum, & praefertim Morgagnii confirmatio. Viam a veſica ad allantoidem directam eſſe in quadrupedibus comperit; cotyledonum minima vaſa, chorii globulos a glandulis diſtinctos obſervavit; ac demum in ovis amnio fiſtuſoſas quaſdam appendices detexit, quas fruſtra in homine quaeſiveris. Haec brevi non in Italiam modo, ſed & in Bataviam & Britanniam pervulgata fuere Sponii, Stenonis & Graafii opera, quibuſcum eadem Malpighius communicaverat. Cum ſibi propoſuiſſet Malpighius non una aliqua in re, quae ad animalium fabricam pertineret, ſeparatim elaborare, ſed omnia, quaecunque poſſet, ſcientiae perveſtigatione comprehendere, a viſcerum contemplatione ad oſſa tranſiit. De quibus ea protulit, ut ſummus vir Hallerius quidquam adhuc ſe non inveniſſe firmius affirmare non du-

bitaverit. Quin immo cum adversus Hamelium, defendendum suscepisset quod ducuerat jam Malpighius, ossa videlicet gigni a coagulato induratoque succo quodam, in suis capiendis experimentis eandem viam visus est sequi voluisse, quam tenuerat Malpighius. Porro hic, cum observare institisset tum brutorum animalium, tum hominum foetus, in iis filamenta & fibras, ut vocant, longitudinales, quae in modum retis disponuntur, inspexit. Succum osseum omnino idoneum esse comperit replendis filamentorum intervallis, ipsisque ossibus coagmentandis, quod exemplo quoque cranii piscium comprobavit. Quas partes habeant sanguinea vasa in huiusmodi coagmentatione incipienda, quas squamae vel laminae in eadem absolvenda ostendit. Postquam vero multis certissimisque argumentis ex ossium praesertim, quae iterum coaluere, fractura ductis probasset, esse revera succum osseum, unde ille nascatur, quomodo a vasis erumpat, suumque opus efficiat pluribus exposuit. Qui fieri possit ut quaedam corporis partes, haud immutata propria illarum figura, osseae evadant,

& quomodo ossa ipsa in lapides convertantur; docet; qua occasione multa sane curiosa ab illo & ab aliis animadversa, quae naturalem historiam haud parum illustrent, narrantur. Atque hoc loco illud non queo praeterire, quod quamvis ab Hallerio, aliisque diligentissimis hominibus sagaciter pervestigatum sit, inessent ne sanguini, ut putabat Malpighius, succi ossi elementa, nullus tamen eorum inventus est, qui eidem hac in re minime sit assensus. De dentium natura ea quoque exposuit Malpighius, quae omnium nunc confirmantur anatomicorum consensu, adeo ut vere mihi videar hoc esse dicturus, in nulla pene re inquirenda ipsum elaborasse quin, quod voluerit, sit consecutus. Cum videret vero sic inter se jungi copularique posse naturalem historiam, medicinam, & anatomicum, ut magna sibi vicissim eae facultates suppeditare potuissent adjumenta, hac in re quoque hominibus ille prodesse voluit. Et sane tantum illis ipsis facultatibus sibi nomen comparavit, ut id admirari praesertim debeant, qui nolunt eundem pluribus rebus excellere posse. Quod ad naturalem historiam pertinet,

tinet, vix credibile est quot falsis & mendacibus opinionibus atque dictis omnia referta essent, ut non immerito quibusdam visum, nihil certum sciri, nihil plane cognosci & percipi posse. Quapropter nobilissima scientia, quae latissime patet, ab homine acuto, & natura usuque callido, qualis certe erat Malpighius, expectabat, vel potius exigebat, ut aliquando ad lucem adspiciendam per eum vocaretur. Qua in re perficienda non ipse quaesivit quid ceteri cogitarent, sentirent, opinarentur, ut mos erat omnium philosophorum, sed sagaciter pervestigavit, quid in ipsis rebus, quas noscere volebat, contineretur, quarum vim & naturam non ratio, sed experientia explicat. Atque ex multis animalium generibus bombycem praesertim observationibus suis dignum putavit Malpighius non tam propter utilitatem difficultatemque rei, quam quod de eo vix tolerabilia prodita litteris fuerant. Per plures menses assidue, incredibilique prope labore eandem rem persequutus est, ex quo factum ut feбри & oculorum morbo tentaretur. Levia tamen haec putavit philosophus homo prae gaudio, quod

cumulatus est ob inventionem rerum occultissimarum. Quae forma bombycis externa esset, quae fierent in omni aetate mutationes, quique omnium minimarum partium usus esset, primum exposuit. Post id illa interiora scrutatus est. Mirari licuit tracheae truncos, a quibus rami, arteriarum instar, in singulas corporis partes, quod est ad vitam & ad motum necessarium, propagantur: interdum etiam in oblongos & subrotundos sacculos laxantur, specie & forma pulmonum. Ambit tracheas zona quaedam argentei coloris in spiram collecta, quae patentem efficit tubulum. Zonae constant ex lamellis ita dispositis, ut non secus ac piscium squamae, compresso & dilatato tubulo, ipsae contrahi ac protrahi possint. Eaedem a lateribus oriuntur, ita ut singuli annuli geminum habeant trachearum truncum atque hiatum, quod aliis etiam insectis commune est. Cor continuum tubum a capite ad extrema usque corporis ductum esse ait, nisi mavis dicere esse in bombyce ordinem seriemque cordium, ut haec annulorum numerum aequent. Eo in tubo cernere licet tracheae ramos hinc illinc sparsos, adhaerent-

tēque mucosam materiē, quam satis probabiliter omentum appellaveris. Eosdem ramos esse quoque videbis in ventriculo, cujus membranacea moles magnitudine reliqua viscera multum vincit. Oritur ab ore, terminaturque in ano. Ambiunt ipsum carnae fibrae & vasa, globulique exterius sic locantur, ut vice glandularum eos fungi manifesto appareat. Circa pylorum hiant oblonga intestinula magnitudine & colore diversa ad bilem & pancreaticum succum separandos. In ventriculi lateribus bina existunt vasa gummosum liquorem, ex quo sericum efficitur, continentia. Mira est illorum implicatio & circuitus in toto vermī corpore, claudique videntur ipsorum extrema capita. Haec quoque tracheae ramis minime carent. Neque viscera modo, sed & spinalem medullam, cranium, dentes, mandibula, & qui prope illa jacet, carneum tumorem, per quem stamen transit, quidquid demum in capite notatione dignum putavit, minute describit Malpighius. Post id quomodo opus suum efficiat bombyx, & chrysalis papilioque demum evadat, ab eodem narratur. Papilionis minimas partes scrutatur, &

curiosa praesertim in alium non solum forma, sed & motibus, quos numerare illum non piguit, animadvertit. Plurimum elaboravit in noscendo toto eo, unde ova generantur; quodque reprehensus fuit a Swammerdamio se quaedam minus vere protulisse, quae ad generationem pertinent, id occasionem illi dedit praeteritas observationes renovandi confirmandique, quibus res prorsus miras atque occultissimas patefecit. Quamvis vix ulla appareat varietas in vermis & papilionis corde, non sine tamen admiratione animadvertit Malpighius, liquorem ab eo contentum ex superiori ad inferiorem partem in papilione, contrae fit in verme, moveri, quod tamen neque semper, neque sine varietate quadam, & copia phaenomenorum sane curiosorum accidere affirmavit. In his quidem explicandis fortasse minime haesisset, si irritabilitatis, ut loquantur, vis illi plane nota fuisset. Quoniam ad ea, quae quaerebat, multum proficere aliorum insectorum atque animalium inspectionem intellexit Malpighius, multorum historiam sic junxit explicavitque, ut inde magnum naturae scientiae allatum sit incrementum. Neque

his rebus tantummodo gloriam, sed gratiam quoque adeptus est Malpighius. Adeo enim Socios regiae Britannicae Academiae, ad quos dissertationem suam, ineunte an. MDCLXIX. de bombyce misit, sibi devinxit, ut hi ei uni plurimum viderentur tribuere. Edendam quoque curarunt eandem dissertationem, & ad simillima munera mittenda ipsum invitarunt. In quo non Malpighii modo, sed etiam ipsius Academiae gloria agebatur, cum in eam honorificentissimo decreto cooptatus fuisset. De bombyce quoque accurate scripsit ad Silvestrum Bonfilium, qua de re & praefens cum illo egerat. Id enim opportunum & necessarium esse putavit ad confirmanda nonnulla, quae in dubium docti homines revocaverant: Exploratis hominum, brutorum, & insectorum visceribus, plantarum anatomen tractandam suscepit, haud dubitans quin ex ea plura mutuare posset, quae magis magisque noscendae animalium fabricae conducerebant. Quoniam vero res erat prope immensi laboris, ab omni alia occupatione se expediendum, urbemque relinquendam putavit, ut illi uni vacaret. Quanta voluptate hominem phi-

Iosophum perfusum existimabimus in otio ac solitudine contemplantem terrae vim ac naturam, quae cum gremio molito ac subacto semen accepit, primum id occaecatum cohibet, deinde complexu suo diffundit, & virgultum ex eo elicit, quod nixum fibris sensim adolescit, & in varios se fundit ramos, vestiturque foliis, a quibus orientes fructus sese ostendunt, qui cum & succo terrae, & calore solis augeant ac maturecant, res rusticas factas faciunt. In hac vita plures consumpsit menses Malpighius: observationibus vero illius nihil invenit solertius Britannica Academia, ad quam adumbratam quamdam operis, quod instituerat, formam misit. Istud opus, quod haud immerito omnium Malpighii maximum judicaveris, binas in partes dividitur. Cortex, quo obducuntur plantae, primum examinatur. Vestitur hic epidermide, cui subjiuntur reticulatae fibrae paribus intervallis distantes inter se, in quibus videre licet utriculos pelucido liquore refertos, & vasa lacti, aliisque humoribus, quibus plantae nutriuntur, deferendis idonea. Eadem ferme de libro dixeris. Nutricius humor in corticis utriculis concoqui-

tur. A cortice ad truncum transit Malpighius. Hic quoque, non secus ac cortex, suos utriculos, quorum nonnulli ab ipso cortice ad medullam recta feruntur, suaeque vasa habet, per quae aut succus aut aer transit. Aerea vasa conflantur squamosa lamina argentei coloris in spiram collecta, in qua tubi & vesiculae pulmonibus insectorum ferme similes includuntur. Unde plantarum liber, & quomodo in illis fibrae nodique sensim augeſcant minute persequitur Malpighius. Neque minus, illo docente, ignoraveris quomodo existat tum ea, quae gemma dicitur, tum ex hac orientes frondes & flores, in quibus non sine admiratione omnes ferme plantae partes, vasa, tracheas, utriculos adumbratos inspexeris. In explicando harum omnium rerum natura & usu ostendit Malpighius magnam esse inter plantas & animalia corpora similitudinem, quapropter folia cuti, stylum uteri tubis comparat: in seminibus vero eandem vim rationemque generandi, ac in viviparis omnino agnoscere videtur. Haec quidem in priori operis parte. In secunda autem seminum ſatus, ortus, incrementa exponuntur. Plurimis

comprobat experimentis plantas minime adolefcere, nifi uterum in terra habeant, cotyledones in foliis, inque cotyledonibus umbilicalia vafa atque utriculos, quae nutricium humorem recipiant, ac foetui tradant. Post haec natura exponitur tumorum, quos quorundam infectorum aut morfus, aut ova, aut aliae hujusmodi generant cauffae. Pilos & spinas a tranſverſis, qui continuantur, utriculis, deflexoque a ſua via nutritio humore gigni putat. Post id naturam earum plantarum inquiri, quae multiplici lapſu & erratico ſerpunt, quaeque claviculis ſuis, quaſi manibus, quidquid ſunt naſtae complectuntur. Neque harum modo plantarum, ſed & illarum, quas paraſitas appellare ſolemus, fabricam proprietateſque examinat: ex ſemine ipſarum pleraſque oriri aſſigmat, & inclinare quoque videtur ad ſemina danda fungis, mucori, & muſco. Demum ſic deſcribuntur plantarum radices, ut eas a trunco minime diſſerre appareat, ſi vafa tamen aerea excipias, quorum major eſt copia in ipſis radicibus, in quibus medullae locum occupant. Haecenus ſatis mihi videor dixiſſe de operis diſiſione ac materia,

Si qua praeterea sunt (sunt autem plurima) ab ipso, si videbitur, Malpighio quaerito. Cujus quidem laus est singularis, quod primus plantarum fabricam sic examinavit, ut omnes earum partes atque munera, quae illi natura assignavit, noscere atque explicare potuerit. Non erat nescius cum id aggressus est, fore ut hic suus labor in varias reprehensiones incurreret. Quibusdam enim totum hoc philosophandi per experimenta genus displicebat, quo multa ex eorum scriptis recidi necesse erat; alii quibus novitas rerum suspecta erat, & quod alienae inviderent laudi; libenter, ac interdum etiam acerbe & contumeliose in omnia Malpighii inventa atque scripta invehebantur. Sed haec facile contemnebat philosophus homo, quem non magis novitas, quam magnitudo rerum debebat ad exquirendas causas excitare. Praeter quam quod se solari poterat multorum doctissimorum hominum, & ipsius Britannicae Academiae honorificentissimis testimoniis; neque illud erat ad gloriam mediocre, quod multi ejus libris ad scientiam rerum naturalium comprehendendam amplificandamque impulsu fuere.

Eodem tempore, quo is plantarum anatomiam explicabat, in eadem re elaborabat Britannicus homo praestanti doctrina Grewius; sed neque ab eo, neque ab aliis quidquam sumpsit Malpighius, qui, ut ita dicam, novavit & fecit ipse hanc historiae naturalis partem. Quapropter miror equidem virum summum Linnaeum in explicando modo, quo plantarum folia in calyce plicantur, affirmasse se *praetervisa antecessoribus* investigasse, quasi Malpighius hac in re, ut & in aliis multis, doctorum desiderio minime satisfecisset (1). Jam vero illa longam orationem desiderare putavit, quamobrem existimaret necessaria esse vegetationi plantarum folia, ut ipse vocat, feminalia, quae locum placentae, seu cotyledonum tenere dixerat ad succum a terrae utero receptum ipsis plantis deferendum. Nam huic sententiae sese opposuerant Jo. Baptistæ Triumphettus Romanus horti Praefectus, & Alphonsus Borellius, quorum argumenta siquidem infirmavit ac diluit (2) ut quod dubium & incertum esse videbatur,

(1) Vid. Adanson *familles des Plantes*. *Preface* pag. cxxxv.

(2) Legi haec possunt in operibus posth. p. 63. & seq.

manifestum fecerit. Probavit etiam quodammodo injuriam sibi Borellium fecisse, cum fingeret causas ad discordiam, eaque sibi objiceret, de quibus antea, ut de probabilibus rebus, secum convenerat. Sapientius quidem se gessit vir politissimus, & prudentia singulari Franciscus Redius, ad cujus manus cum pervenisset Malpighii dissertatio *de Gallis separatim* in Anglia impressa, suam quamdam, quam de iis antea scripto propugnauerat, sententiam mutavit. Silentio praetereo quae Jesuita Philippus Bonannius adversus Malpighium scripsit, quod eum infra infimos omnes, qui hujusmodi studiis dediti fuerunt, homines fuisse puto, quamvis omnes garrulitate superaret. Cum totum se Malpighius in contemplandis rebus perspiciendisque posuisset, facile ab eo obtinuit Britannica Academia, ut opus, quod instituerat, *de formatione pulli in ovo & de ovo incubato* edolaret. Id eo libentius aggressus est, quod eam naturae consuetudinem esse diceret, *ut omnia ab ovo produceret, vel saltem omnia ad modum ovi exordia & augmenta capesseret*. Innuit quae Hippocrates & Aristoteles, e recentioribus ver-

ro Aquapendens & Harvæus attulerant ad animalium generationem illustrandam, ne ea quae peperisse ipse putabatur, aliunde didicisse videretur. Et profecto adeo pauca in re omnium obscurissima noscebantur, adeoque omnia plena erant errorum, ut novas se peragrassæ terras haud injuria gloriari potuerit. Sed ne latius hæc patere viderentur (quis enim est tanto inflatus errore, ut omnia quæ ad generationem pertinent se scire posse arbitretur?) paucis complexus est, quæ sibi fortunate videre contigit, quæque hic referre haud pigebit. *Ex serie* (ait ille) *observationum in incubatis gallinarum ovis facpius repetita colligere licet, secundis ovis inesse, tanquam principem partem, cicatricem, quæ nihil aliud est, quam fluidi quædam congestio, aggere quasi conclusa, in qua prima animalium rudimenta continentur. Instiuta itaque incubatione, vi tepidi caloris, rarefcente fluido, continentès, & ambientes solidæ paries, intercurrentibus lymphis, quasi in tot sulcos solvuntur, & discontinuantur, & humor effluit, & pedetentim conclusus in centro cicatricis turget, & augetur. In hoc pariter manifestari incipiunt primæ partium stamina, in quibus compangendis videtur*

Natura primo quasi assurgentes parietes excitare, quorum variis inclinationibus, & incurvationibus concavitates consurgunt: intercepta itaque spatia subintrans fluidum replet, hinc carina, seu rudimentum spinæ, emergit. In exaratis parietibus lateraliter tumores fiunt per longum statuti, qui loculos orbiculares referunt, subingressu sensim ichore manifestatos, a quibus vertebrarum prima compages. Spatium vero inter erectos parietes, admissio fluidi, amplas vesiculas in latiori arca exhibet, unde cerebri inchoamentum, ab his oblongus canalis, fluido resectus, appensæ spinalis medullæ inchoat compagem. Quapropter Naturæ institutum videtur, omnia ex fluido tamquam prima materia, singula excitare, hac tamen ratione, ut solidiori materia delineatis veluti tot præsepibus, & alveolis, partium delineamenta, & extimos fines describat. Quinimo partium delineandarum inchoamenta utriculis, & sacculis membranosis inchoat, quorum poris, quasi tot glandularum cribris, separat determinatum fluidum ab eo, in quo innatat, & ita custoditum plastico spiritu pervaditur, & organizatur, transpiratis incongruis, & facta debita suarum partium adaptatione. Hoc evidentiùs in papilionum partibus videmus, in quibus

Iaculi pro alis, antennis, & consimilibus, quæ ultimo manifestantur, longo tempore præexistunt primo delineati, tandem fluidis replentur, & solidifacta partis substantia, a continentibus sacculis, veluti enses e vagina eruantur. Taliter igitur incedendo Natura carinam, cerebrum, & spinam plasmat. Et quoniam animalibus necessaria est fluidi perennis circumvolutio pro vita, nutritione, & motu, ideo novam instituit choream. Ab extremo igitur cicatricis limbo tubuli veluti tot radices manifestantur, qui in truncum desinunt: hic ad centrum cicatricis deductus curvatur, & in globulos laxatur, circa quos carnei lacerti circumducuntur, quibus veluti tot digitis comprimantibus, novus motus contento fluido communicatur, & cordis rudimentum excitatur. Propulsum itaque fluidum ulterius intra tubulum progreditur, donec re-
dux ad limbum venarum & articularum, & successively sanguinis circulationi inchoamentum exhibeat. Ex subministrata vero pædetentim materia a limbo derivatis humoribus ab exarato canali appendices sunt, ex quibus viscera, & muscoli confurgunt. Hoc rotum meditantæ mutationes, & manifestationes expositas primis diebus incubatus patebit; unde concludere licebit, naturam ex fluida materia con-

Cavitates solida substantia circumvallatas excitare, quibus admittitur congrua materia, quæ in compagem partis assumitur, & statuta hac solida partium textura, tamquam corporis basi, canales manifestari cum propriis fluidis motum, sensum, nutritionem, reliquaque exequentes. Ex his igitur, & similibus probari videtur, in cicatrice adesse compendium animalis, hoc est, delineationes primas principalium partium; eximos scilicet fines, qui, vegetatione media, communicato fluidis motu, cum sensum repleantur concavitates, & turgcant obviae fiunt sensibus. Quapropter incubatis solum motum communicat contentis fluidis, & partes extuberare facit, easque pervias reddit, & tandem consolidando firmat; hinc superfluum videtur quaerere, an cor ante cerebrum, an sanguis ante cor gignetur, cum sensibus pateat, ante incubatum, carinam manifesto in cicatrice jacere; inchoato autem incubatu, vasa in limbo repleta turgendo occurrere, deinde ex motu cordis ventriculos, & exinde continuatos arteriarum tubulos. Et licet excurrentis fluidum notas omnes non habeat veri sanguinis, probabiliter tamen censere possum, sanguinis non solam materiam esse, vetum & sanguinem, cum ipso partes vivificentur,

& augeantur, ut in adultis contingit. Haec Malpighius, de quo Hallerius ait (1) ceteros phyzicos omnes ab illo, cum *de formatione pulli in ovo* scripsit, addita autem priori operi appendice *de ovo incubato* ipsum a sese superatum. Quoniam vero quaedam de formatione cordis prolata a Malpighio confirmatione & commendatione quoque egere putavit Hallerius, illud ipsum argumentum iterum tractandum suscepit. Et sane divino quo erat ingenio praeditus, & inusitato quodam mentis acumine haud pauca ab aliis ignorata per se vidit, lapsusque Malpighium probavit, quod dextrum cordis ventriculum primum in pullo formari putaverit, & illam aortae partem, quam bulbum appellat, pro sinistro habuerit. Illius profecto si valuisset sententia, haud intelligi potuisset qui fiat sanguinis circuitus. Quoniam vero naturae lumen statim apparere videbatur, aliquid inquirente Malpighio, multi ab eo postulabant ne cessaret ab opere animantium varios ortus, variamque fabricam explicandi. Quae esset differentia quorundam viscerum in eis, quae cibum aut sugunt, aut carpunt,

aud

(1) *Preface sur la formation du poulet.*

aut vorant, aut mandunt, notavit. Descriptio-
nem etiam separatim fecit unius alteriusque
aquilae a se dissectae; & minute exposuit,
quae forma esset tum externa, tum interior
vermium, qui in hominum & brutorum in-
testinis reperiuntur. Plura quoque persecutus
est de noctilucis, papilionibus, insectisque aliis,
quae aliquid commune cum noctilucis habere
videbantur. Cum animadvertisset contineri suc-
cum quemdam eo in cavo, quod bini extre-
mi annuli faciunt, hunc materiem & causant
lucis esse minime dubitavit. Quamvis satis
accurate aliis locis uteri fabrica a Malpighio
exposita fuisset, rem eandem iterum tractan-
dam suscepit in ea, quam an. MDCLXXXI.
ad Sponium scripsit, epistola. Hoc autem loco
consideranti sibi vim naturae, dum animalia &
plantas generat, multa sane occurrerunt,
quae utrique rei mutuam afferre lucem pu-
tavit. Esse etiam nonnullam similitudinem in
monstrosis foetibus non solum inter animalia
& plantas, sed etiam inter lapides pluribus
exemplis postea probavit. Qua de re dum
disputat, eorum favere sententiae videtur, qui
superfoetare posse animalia arbitrabantur. Or-

tum incrementum, fabricam cornuum primus ex vero explicavit Malpighius, cujus rei occasionem illi dedit monstruosum cornu, quod e bovis collo emerferat. His autem scriptis exposita etiam sunt ea quae de fibris musculosis, de fontibus muci, vasisque uteri antea protulerat, quo majoribus argumentis inventa sua confirmaret. Idem fecit cum de glandulis conglobatis iterum scribendum suscepisset rogatu Ricardi Vallerii, qui Henrico Ondelburgio (erat hic Regiae Londinensi Academiae ab epistolis) successerat. Perseverabat ille quidem, & in sua veteri sententia permanebat, numeranda esse in glandulis non modo pericardium, peritoneum, pleuram, testium membranam, quam vaginalem dicunt, sed etiam intestina ipsa, ventriculum, cotyledones, omnesque magnos corporis humani cavos, qui totidem folliculi sibi esse videbantur. Hoc opusculum propter bella, quibus ardebat Anglia, sero ad regiam Societatem perlatum est. Cum ad eam tamen pervenit, & magno exceptum planctu, & ipsius Societatis sumptu typis commissum fuit. Eodem ferme tempore de pinnarum textura,

& de pilis, quae antea vix attigerat, de unguibus, aliisque corpusculis e cute prodeuntibus uberius scripsit. Diverſa pilorum genera recenſet, in quibus etiam echini ſpinas numerat. Sed ad illorum ſtructuram noſcendam uſus praefertim eſt apri ſetis, & pilis, qui vel in inferiori labio equi & aſini, vel in naribus bovis enaſcuntur. Illos plantae comparat, quae germen ſub cute habet. Conſiderat quibus uſibus natura provida utilitatum opportunitatumque omnium eos deſtinavit. Fieri etiam interdum ait, ſed praeter naturam, ut circum viſcera pili generentur, quod uno alteroque probat exemplo. Quomodo ii augeſcant ac nutriantur, exponit. Eodem modo pinnarum omnes mutationes, naturamque perſequitur. Harum germen foetui comparat, cum & ipſum quoque membranacea vagina placentaſimili, per quam alitur & pubeſcit, includatur. Nominatim etiam explicat omnes minimas earum partes; quare haud eſt mirandum ſi recentiores phyſici nihil habuerunt, quod ad inventa Malpighii huiusmodi in rebus omnibus adderent. Atque illa quidem dum tractaret, ſaepe deducebatur ad eam co-

gitationem, num fieri posset, ut oculis subji-
ceretur inventum omnium nobilissimum de san-
guinis in animalium corpore circuitu. Neque
enim sensuum fidem sine ratione, neque ratio-
nes sine sensibus exquirere solebat Malpighius.
Huic rei opportunissimae fuerunt ranae, in
quarum mesenterio & intestinis, quod fru-
stra in multis animalibus quaesierat, tandem
invenit. Vidit itaque varios sanguinis motus,
qui sunt & ex arteriarum, & venarum varie-
tate, & ex disparili diametro vasorum, diver-
sisque eorum flexibus; medio in canali magis
quam ad latera moveri sanguinem ait; quibus-
que de causis hic motus aut languescat, ac
rursus reviviscat, feliciter indagavit. Post haec
colorem sanguinis consideravit, & ubi major
esset copia globulorum, ibi magis illum rube-
re animadvertit. Erant qui hos globulos in
gyrum agi crederent, quos facile fuit Mal-
pighio erroris convincere. Mirari equidem pos-
sumus acri diligentia & judicio res hujusmo-
di quaesitas a Malpighio, diu non attendisse
philosophos nimium calculis suis tribuentes,
quibus omnia, quae ad sanguinis motum per-
tinent, explicare se posse rebantur. Neque mi-

ius illud mirandum, quod cum ratio philosophandi tradita a Malpighio nunc in honore esse coeperit, audeant nonnulli tanquam nova in lucem proferre, quae solertissimi viri libris continentur. Quos ego libros si pulcherrimarum ac reconditarum rerum thesauros appellem, minus quam debeam, praedicem. Et si artis maxime proprium est creare & gignere, non sane video qui cum Malpighio conferri possit, qui in excolenda anatome & historia naturali tot magnarum rerum semina jecit, quae postea, accedente gravissimarum facultatum scientia, & doctissimorum hominum experientia, quasi mollita & subacta, sensim adolevere, & tandem aliquando laetam tulerunt atque uberem verae germanaeque sapientiae frugem. Neque minus dedit ille materiem invidiae, & stultorum hominum criminationibus, qui cum viderent se decus & dignitatem non posse servare, si vigeret institutum a Malpighio philosophandi genus, hujus studia plena futilitatis esse summaeque levitatis clamare non cessabant. Non commemoranda esse puto horum nomina, quae posteritas quasi perpetua oblivione obruit. Multorum

quoque scripta Malpighius ipse indigna responsione putavit, praesertim cum haberet suavem recordationem omnium magnorum hominum, qui gravissimas injurias scientiarum, quas excoluerunt, causa libenter pertulerunt. Si mihi facere licuerit, scribebat ille aliquando ad amicum, quod jamdiu cogito, aut alius quispiam, aut me impedio occupavit, aut mortuo effecerit, ut quae dispersa sunt, scripta mea colligam, emendem, augeam, facile tum per se judicabunt aequi homines, non illi quos praepotens & temeraria philosophia delectat, quantum contulerim ad utilissimarum disciplinarum incrementum incognita aperiendo, obscura explicando, & multa, quae erant dissoluta & diversa, conglutinando, & ratione quadam constringendo. Interea ne minus lucide appareret quid praestiterit, suam ipse vitam narrare instituit, quod fiduciam potius morum gestarumque rerum, quam arrogantiam fuisse judicaveris. Apud priores, agebat Tacitus iniquitatem suorum temporum conquerens ac deplorans, ut agere memoratu digna primum, magisque in aperto erat, ita celeberrimus quisque ingenio ad prodendam virtutis memoriam sine gratia aut ambitione, bonae tantum conscien-

næ pretio ducebatur. Non artem adhibuit Malpighius, non ornatum orationis, ut quæ suæ mens, mores, disciplina, studia, inventa, disputationes, fortunæ fuissent, explicaret. Facile tamen ex narratis ab illo intelliges quantum præstiterit prudentia ceteris omnibus, & nullum ferme fuisse locum paullo obscuriorem in universa anatome & historiâ naturali, cui non aliquam lucem attulerit. Sæpe etiam hominum segnitiam & inertiam castigat, quos labor deterret, quominus naturam inquirent; eorumque levitatem coarguit, quibus cum obijciatur species quaedam veritatis, eam sic tenent, ut nihil amplius inquirent. Atque hoc vitium tum commune erat omnium ferme philosophorum. Itaque cum nunquam ipse conquiesceret in separando vero a falso, & in confirmando exquisitis experimentis & rationibus omni eo quod se invenisse putabat, si id sibi assumebat, viam, quæ ducit ad veritatem, ceteris monstrasse, videbatur id suo jure quodammodo vindicare. Fontes quidem, unde tantarum rerum scientiam hausit, atque itinera ipsa ita putavit esse demonstranda in commentario de rebus suis, ut qui hunc le-

git non multum desideret lectionem operum illius; quin immo ut studiis eorum satisfaceret, qui quae videbantur aut obscura, aut dubia & controversa illustrari & confirmari postulaverant, plurima in hanc rem contulit, quae frustra in operibus ejusdem quaesiveris. Quod commentarium cum ad regiam Londinensem Academiam mitteret, ipsum inter cetera scripsisse narratur: *non expectate a me, eruditissimi homines, ornatam orationem, cui nunquam studeo; ipsaque illa, quae in commentarium meum retuli, sunt ejusmodi, non aliqua mihi doctrina tradita, sed ab ipsa sumpta natura, duce & magistra experientia; quae si vobis non probabuntur, vestram iniquitatem accusate, qui ex mea quaesieritis, quae ego nescirem, meam facilitatem laudate, cum vobis non meo judicio, sed vestro studio inductus non gravate satisfeci.* Non satis vero dici potest quantis estimationis significationibus hujusmodi munera a doctissimorum hominum coetu acciperentur, qui quidem una voce de Malpighii doctrina in omni re anatomica & naturali sic praedicabant, quasi is artis suae antistes esset, & philosophorum Homerus. Ad quam prome-

rendam laudem id praesertim conduxisse arbitror, quod ejus industria minime in plura studia esset dilacta, & quod. easdem res contemplandi nunquam diligentiam & patientiam amiserit. Sunt quidem plurima hujus solertiae illustra exempla, sed praesertim recordari libet, quod de Philopoemene narrat Livius, cujus exemplum utinam omnes imitarentur, qui in aliqua praeclara arte excellere cupiunt. *Erat autem Philopoemen, ait ille, praecipuae in ducendo agmine locisque capiendis solertiae atque usus, nec belli tantum temporibus, sed etiam in pace ad id maxime animum exercuerat. Ubi iter quopiam faceret, & ad difficilem transitu saltum venisset, contemplatus ab omni parte loci naturam, cum solus erat, se cum ipse agitabat animo: cum comites haberet; ab iis quaerebat, si hostis eo loco apparuisset; quid si a fronte, quid si ab latere hoc aut illo, quid si a tergo adoriretur, capiendum consilii foret? Posse instructos recta acie, posse inconditum agmen & tantummodo aptum viae, occurrere. Quem locum ipse capturus esset cogitando aut quaerendo exequabatur; aut quot armatis, aut quo genere armorum (plurimum enim interesse)*

*usus, quo impedimenta, quo sarcinas, quo
 turbam inermem rejiceret. Quanto ea, aut quali
 praesidio custodiret: & utrum pergere qua coepis-
 set ire via, an ea qua venisset repetere melius es-
 set. Castris quoque quem locum caperet, quan-
 tum munimento amplecteretur loci, qua opportu-
 na aquatio, qua pabuli lignorumque copia es-
 set. Qua postero die castra moventi tutum maxime
 iter: quae forma agminis foret. His curis, cogi-
 tationibusque ita ab ineunte aetate animum agita-
 verat, ut nulla ei nova in tali re cogitatio es-
 set. Satis de Malpighii studiis me dixisse arbi-
 trabor, cum illud addidero vel in maximis
 occupationibus ipsum nunquam intermisisse me-
 dicam operam, quod munus se Reipublicae
 in primis debere putabat. Quando in subur-
 banum rus concedebat, ut ibi liberius rerum
 naturalium inquisitioni vacaret, assidui ad eum
 fiebant hominum consilia de rebus medicis ex-
 quirentium concursus, & a principibus viris,
 quorum salus in discrimine versaretur, eam-
 dem ob causam accersebatur saepissime. Sunt
 in manibus hominum plurima, quae exara-
 vit, consilia (sic enim appellant) ex quibus
 intelligi potest, quam prudens, quam cautus,*

quam saepe etiam felix fuerit in arte omnium periculosa & incerta exercenda. Ea propter sic vivebat Bononiae Malpighius, ut in eum omnium oculi coniecti essent, & nihil ei deesse videretur neque ad honorem, neque ad gloriam acquirendam. Sed placuit Innocentio XII., ut in clariori luce tanta virtus versaretur. Nam cum ad Pontificatum Maximum evehctus esset, statim ad se advocavit Malpighium, cui valetudinis suae curam committeret. Vixerat cum eo familiariter quando Legatus Bononiensem Provinciam gubernavit; praeter quam quod nemo ignorat Pontificem illum, licet ei nec velox esset ingenium, nec multis subactum disciplinis, litteras tamen in aliis adeo amasse, ut quos ipsarum compotes reputavit, cunctos honoribus ac liberalitate sit prosecutus. Malpighio Romae viventi & propter singularem doctrinae opinionem, & propter Pontificis gratiam favebatur quidem ab omnibus; & cum in gravioribus morbis ab omnibus ferme consulere-tur, vix tempora subcisa incurrerant, quae iis rebus, quas persequimur meditatione, concederet. Arcadicis tamen conventibus recens

institutis identidem intererat, quod magnam ex poetâ voluptatem caperet, quodque plures tum essent poetae, qui cum magnâ speciem doctrinae sapientiaeque prae se ferrent, audiebantur, legebantur atque ediscebantur, penitusque inhaerebant in mentibus. In eorum Academiam ipse quoque legi voluit, Theonis Philacii nomine adscito. Atqui non laudibus modo, sed & liberalitate acuit nonnullorum industriam, cum consuetudine beneficentiae paratus esset, & tanquam exercitatus ab bene de multis promerendum. Quid vita Malpighii non habebat commodi, quid non honoris? Non tamen christianus homo commotus est, cum actatis peractionem, tanquam fabulae, adesse sensit. Annus erat MDCXCIV. quando macie sensim deformari, & respirationis difficultate aliisque valetudinis incommodis laborare coepit: quae cum graviora quotidie magis fierent, demum IX. Kal. Quintil. apoplexi ille correptus est. Habuit morbus a salutare arte levamenta, non illa tamen, quae virium & memoriae usum, qua praecipue praefluerat, aegro redderent. Itaque cum vitae exitum instare ille sentiret, nihil antiquius

habuit, quam ut scripta sua colligeret, ordinaretque, quae ad Bonfiliolum misit, illum etiam atque etiam rogans, ut eorum impressioni praeesset: si minus id posset, alicui saltem ex discipulis suis id negotii daret. Hanc rem egit Bonfiliolus cum Sociis Britannicae Academiae, quos ita in Malpighium animatos esse intelligebat, ut ad eorum mentes flectendas oratione minime indigeret. Convertit ille quaedam ex Italico in Latinum, quibus locus datus est inter opera posthuma. Exitit etiam Ludovicus Donellius, qui Malpighii opusculum adversus Galenistarum triumphum Latinum fecit. Ceterum illa ipsa Academia, quae gloriam Malpighii sibi cum eo esse communem arbitrabatur, summa diligentia mandatum perfecit; & cum ad Bonfiliolum litteras daret, significavit illi, se ex omnibus maxime Malpighii mortem doluisse; dolore etiam quod eo frui sibi non licuit, & beatissimos se putare, apud quos ille diutissime commoratus est. Decessit autem Malpighius III. Kal. Octob. MDCXCIV. in Aedibus Quirinalibus, cum iterum apoplexi perculsus fuisset; quod quidem illi minime improvisum inopinatumque accidit. Nam cura

totus esset in christianae religionis officiis ob-
beundis, dicere solebat se praestolari mor-
tem, cum in vita nihil inesset nisi propagatio
miserrimi temporis. Defuncti corpus balsamo
obliniendi causa dissectum (jusserat enim il-
lud adsportari Bononiam ac sepeliri in S. Gre-
gorii) mortis causam liquido ostendit. Si-
quidem in laevo cerebri ventriculo binæ
transfusi sanguinis unciae, in dextero au-
tem magna lenti humoris copia, & hæc
flavi coloris inventa est. Qua de re ex-
tat Baglivii scriptum, qui lacrimans extre-
ma persolvit amantiſſimo praeceptoris offi-
cia. Statura fuit modica, pleno gravitatis
adspectu, colore inter rubrum & aquilum,
curvis humeris. Valetudine usus est tenui:
nam adolescens & renum dolore vexatus, &
stomacho graviter laboravit; senex vero cor-
dis palpitationibus, capitisque vertiginibus
fuit obnoxius. Uxorem habuit Franciscam
Maſſariam magistri sui sororem magna pru-
dentia & castimonia feminam, cum qua vixit
conjunctissime. Cum ex ea nullos suscepisset
liberos, heredem instituit fratrem natu mino-
rem, aliosque cum fratris ejusdem, tum sorore

rum filios. Rei familiaris ad paucos, sapientiae ad multos venit hereditas. Nam ex ejus schola multi prodierunt discipuli, per quos ad nos usque, quasi per manus tradita, recta philosophandi ratio tum in medicina, tum in anatome, tum in historia naturali pervenit. Glorians aiebat Morgagnius se nepotem esse Malpighii, qua re innuere volebat, se rei anatomicae, qua tantopere floruit, doctrinam accepisse a Valsalva, qui totum illud, quod de physicis sciebat, Malpighio referebat acceptum. Pro quibus meritis Bononienses non solum vivo, sed etiam mortuo singulares honores decreverunt. Posita est ei statua, cufum numisma, aliisque monumentis hominis sano immortalitate dignissimi consecrata memoria,

OPERA EDITA.

Epistolae duae de pulmonibus. Bononiae 1661. fol.

----- *Iterum cum Thomae Bartholini Disseribe de pulmonum substantia, & motu impressae Hafniae 1663. in 8.*

Tetras anatomicarum epistolarum Marcelli Malpighii, & Caroli Fracassatii de Lingua, & Cerebro. Accessu Exercitatio de Omento, Pinguedine, & Ductibus adiposis. Bononiae 1665. Ex his quatuor epistolis superiores duas Malpighius, posteriores Fracassatius scripsit.

Exercitatio anatomica de viscerum structura, cui accedit Exercitatio de Polygo cordis. Bononiae 1666. in 4.

----- *Iterum Amstelodami* . 1669. in 12.

----- *Iterum Jenae* . 1677. in 12.

----- *Iterum Francfurti* . 1678. in 12.

----- *Iterum in Biblioth. Anat. Mangeti* .

----- *Iterum Galliae reddita* . Parisiis 1682. in 12.

Dissertatio Epistolica de Bombyce figuris illustrata . Londini 1673. in 4.

----- *Iterum Galliae reddita* . Parisiis 1678. in 4.

Dissertatio de externo tactus organo . Neapoli 1665. in 12.

Anatomes plantarum idea .

Anatome plantarum cum figuris , cui accesserunt *Observationes de ovo incubato* . Pars I. Londini 1674. fol. Pars II. ibidem 1679. fol.

Epistolae quaedam circa tractatus de anatome plantarum ultra citroque a Malpighio & Oldemburgo scriptae .

Dissertatio epistolica de formatione pulli in ovo .

Epistolae quaedam circa hanc de ovo dissertationem , aliasque ex occasione subnata argumenta ultra citroque scriptae .

Appendix repetitas auctasque de ovo incubato observationes continens .

Dissertatio epistolica de cornuum vegetatione , utero , viviparorum ovibus , plantis &c.

In Biblioth. Anatomica de le Clerc ex Malpighii operibus leguntur ;

Responsio ad epistolam de recentiorum Medicorum studiis Tom. I.

Exercitationes anatomicae .

----- *De Glandularum structura* . ibidem .

----- *De externo tactus organo* . ibid.

----- *De Cornuum vegetatione* . ibid.

----- *De omento* , pinguedine , & ductibus adpositis . ibid.

----- *De*

----- *De hepate . ibid.*

----- *De renibus . ibid.*

----- *De utero & viviparorum ovīs . ibid.*

----- *De polypo cordis , & pulmonibus . ibid.*

----- *De cerebro . ibid.*

----- *De lingua . ibid.*

Opera omnia figuris illustrata . Londini . 1686. in fol.
Vol. II.

----- *Iterum opera illa , quae , dum viveret , Malpighius in lucem emisit , edita sunt Lugduni Batavorum an. 1687. in 4.*

Opera Posthuma figuris illustrata , quibus praefixa est Auctoris vita ab ipsomet scripta . Londini in fol. 1697.

----- *Iterum Amstelodami cum Praefatione , & Supplementis necessariis Petri Regis Monspeliensis . Editio longe priorē anteponenda .*

----- *Iterum Venetiis 1698.*

Marcelli Malpighii Consultationum medicarum Centuria prima , quam in gratiam Clinicorum evulgat Hieronymus Caesar : Patavii ex typographia Seminarii 1713. in 4.

Marcelli Malpighii & Jo. Mariae Lancisi Consultationum medicarum collectio : Venetiis ex typographia Josephi Coronae 1747. Cum ad Mangeti & Valentini manus pervenissent duo Malpighiana consilia , tanti illa aestimarunt , ut libris ille Bibliothecae Medico-Practicae , hic suae medicinae insalubili , tanquam artis miracula , insisterent .

ANGELUS FABRONIUS

JULIO ORICELLARIO

S. P. D.

ET mea sponte optabam antea, & post tuis cohortationibus magnopere sum commotus, ut vitam explicarem literatissimi viri Laurentii Magalotti. Opus perfeci quam diligentissime potui, nec mediocrem laborem in eo consumpsi, cum conqui-
renda mihi fuerint monumenta rerum ex ingenti praesertim, eaque non jam in unum locum collecta, sed in multis diffusisque dispersa ac disseminata multitudine epistolarum, quas ille vir dare ad amicos, & ab iis accipere solitus fuerat. Nec praetermisi quoque naviter evolvere omnia, quae extant Magalotti scripta apud nobilissimum, humanissimumque virum Cosmum Venturium, ad quem illa cum omnibus Magalottiae familiae bonis hereditate pervenerunt; & quidquid sciri potuit ex memoria patrum, quod pertineret ad illius mores, factaque cognoscenda, curiose investigavi. Restat, ut a te intelligam quid de eodem opere

sentias, si modo tanti putabis, ut illud prudenti
 sinceroque judicio tuo expendendum subjicias; &
 certe putabis, si humanitati ac benevolentiae er-
 ga me tuae constare voles. Vereor, ne puidum
 sit tibi declarare, quae me causae impulerint, ut
 de viris Italis, & Italarum litterarum gloria ex-
 cellentibus Latine scripserim. Feci id non odio pa-
 triae linguae, sed quod melius consultum iri famae
 summorum virorum, reique litterarum publicae sem-
 per putavi, si illorum facta, quae cognita omni-
 bus essent profutura, eo explicarentur sermone,
 qui ab omnibus, qui summis saltem labiis gusta-
 runt studia doctrinae, intelligeretur. Qua in re
 imitatus sum illorum Romanorum exemplum, qui
 quondam res Romanas litteris Graecis tradiderunt,
 ut eae patrios transgressae fines ad longinquas re-
 giones, & ad ultimas etiam terras pervenirent. Ac-
 cedit eo, quod magnopere interesse sum arbitra-
 tus optimae studiorum rationi, ut quisquis pro vi-
 ribus elaboret Latinas excolere litteras, quoniam
 in ea devenimus tempora, quibus stulta quaedam
 opinio transalpinis profecta regionibus permultorum
 occupavit animos, Latinam linguam, tanquam ae-
 tate jam grandi effoctam anum, turpem, rugo-
 sam, edentulam, deliram negligendam; frustra te-

ri tempus in Latinis vocibus ediscendis, cum Latinorum doctrinam omnem intelligentes interpretes in vernaculas linguas transfulerint; has ipsas linguas, ac praesertim Italicam, satis graves, satis splendidas, satis suaves, satis copiosas esse, ut iis unice contenti esse debeamus; has unas provehendas, amandas & , ut ita dicam, procandas. Ex quo factum puto, ut propemodum nunc pudeat Latinum aliquod asferre in litteratorum hominum conventus, qui nullo non in Italiae angulo sunt instituti; & si libri edantur, vix aliqui Latino sermone, eoque puro & casto sint conscripti. Profecto non ego id statuo, ut linguam, quam in cunis cum lacte nutricis ebibimus, contemnamus; quin immo cum iis actum esse praeclare arbitror, qui in ea multum operae studiique posuerint. Verum illud coniendo, Latinam linguam, quam tot saecula foverunt, minime de sinu ejiciendam; ad hanc tanquam ad matrem suam confugere debere Italicam, ut ex ea opes, prudentiam, artem, ornamenta colligat; neque aliter se gerere debere nostros homines in Latinas litteras, quam doctissimi Romanorum in Graccas se gesserint. Scimus enim Ciceronem, Virgilium, Horatium, Propertium, aliosque diurna nocturnaue manu versasse Graccorum volu-

mina, & ex his sumptis omnium rerum affluentibus copiis scripta sua locupletasse: scimus Autum Albinum, Lucium Lucullum, Titum Pomponium, ipsumque Ciceronem, Acilium, Aelianum, ceterosque Graece scripsisse; neque ignorare possumus praecepisse Quintilianum, ut puerilis institutio a Graeca lingua inciperet, quod Latinae disciplinae a Graecis fluxerunt, quodque Latinae linguae scientia a Graeca prorsus lingua penderet. Sed si verum amamus, non aliter de Latina lingua nos Itali judicare debemus; cujus studium plus etiam prodesse poterit Italicis litteris, quae arctioribus vinculis cum Latinis, quam hae cum Graecis conjunguntur. Quapropter sapientissime monitum est a Leonardo Salviato, cujus iudicium omnes profecto sciunt quanti in hoc rerum genere faciendum sit, neminem, qui non gustaverit Latinas venteres, & aureos Latinitatis scriptores diu multumque volutaverit, & imitando expresserit, posse ad perfectam Etrusce scribendi laudem aspirare. Qua laude clariores non tulit certe haec civitas Dante, Petrarca, Boccaccio, & Casa, quos multo studio se exercuisse in Latine scribendo constat inter omnes. Videtur equidem ineptus esse voluisse, quod tecum egerim de utilitate, necessitateque Latinarum litte-

rarum. Nemo enim haec te melius novit, qui cum ex schola Iosephi & Nicolai fratrum Averaniorum prodieris, ab iis non solum magnarum rerum scientiam, sed etiam luculenter scire Latine didicisti; sic vero cum Latinis Graeca conjunxisti, ut aemulari voluisse videaris majorum tuorum Joannis, & Bernardi Oricellariorum gloriam, quorum floribunt nomina, dum optimarum artium studia vigebunt. Quod te scire velim, illud superest unum, brevi in lucem hominum prodituras Latinas epistolas, sane doctas & laboriosas, quibus Hieronymus Ferrius Rhetor Faventinus, amicissimus meus, idemque liberalibus doctrinis politissimus defensionem suscepit Latinae linguae adversus Gallos, ceterosque, qui illi horribile ac nefarium bellum indixisse videntur. Habes epistolam verbosioram fortasse quam velles. Cura ut valeas.

Florentiae Idibus Junii MDCCLXVIII.

LAURENTIUS MAGALOTTUS.

Laurentius Magalottus nobilissima inter Florentinas familia Romae ortus Id. Decembris (1) ad. MDCXXXVII. parentes habuit Horatium Magalottum, & Franciscam Venturiam. Is acceptam a majoribus nobilitatem plurimum doctrina, virtuteque auxit, ad quas concipiendas ab ineunte aetate praeparatus est. Matrem enim habuit castissimam, diligentissimamque, nec vulgariter eruditam, patrem satis studiosum litterarum, quem munus Praefecti tabellariorum, quod sustinebat apud Urbanum VIII. P. M., aliaeque publicae

N 4

(1) Scripserunt de vita Magalotti pauca quaedam Salvius Salvinus, & Cajetanus Cambiasius, hique errarunt in notando die ortus Laurentii nostri. Erroris suspicionem mihi movit epistola ejusdem ad Leonem Stroctium. Itaque communicata re cum viro clarissimo, amicissimoque meo Petro Aloysio Galletio Abbate Cassinensi, quem non ignorabam evolvisse omnes libros, in quibus describuntur nomina eorum, qui Romae ortum habuerunt, vitamque amiserunt, ad contexendum Romanum Necrologium, ab eo quid certi esset comperi.

cae occupationes minime impedivere ab instruendo optimae spei filio. Hic e domestica disciplina venit ad Jesuitas, cum ageret annum decimum tertium. Adolefcens vero factus cum philosophiae tenendae studio esset incensus, multa ad eam rem habuit adjumenta ab Antonio Oliva, qui tum Barberiniis sese devoverat, posteaque Pisis medicinam docuit; ab Jesuita Honorato Fabrio, & ab Antonio Lancio Canonico, ut vocant, Regulari, hominibus sane praestanti doctrina. Sed mira praesertim Laurentius de Lancio praedicabat, cum hunc vel ipsi Galilaeo in epistola quadam ad amicum comparare videatur. Hoc confecto Romae studiorum curriculo, ad Academiam Pisanam venit an. MDCLVI. ea mente, ut juris prudentiae praesertim studeret. Non hanc hausit, sed voravit. Testatur enim de se ipso illam facultatem sic tenuisse non amplius sexdecim hebdomadarum spatio, ut praeceptores eum ab se summa admiratione dimiserint. Profecto si de illa juris prudentia omni eruditionis dote locupletata, quae nunc est in usu, loqueretur, meras fabulas illum loqui judicaremus. Eodem anno & insequentì haud mediocriter

incubuit anatomiae, quod illum ad suas anatomicas exercitationes Malpighius & Borellius facile admitterent, capti adolescentis humanitate atque ingenio. Ut vero plane satisfaceret amori, quo maxime ferebatur in mathematicas & philosophicas disciplinas, per triennium Florentiae operam dedit Vincentio Vivianio, quem sic sibi devinxit, ut nemo ei perpetuo fuerit carior. Quantam vero opinionem de Magalotti ingenio haberet Vivianius satis declarant ea, quae ipse scripsit in praefatione libri *de maximis & minimis*, quaeque hic referre libet, quoniam sunt ad adolescentis laudem maxime illustria. *Nec praestantissimo adolescenti Laurentio Magalotto celatum volui, insimul ratus amicitiae candori labem inferre, si haec mea qualiacunque inventa felicissimum, atque admirabile prorsus ingenium latuissent, mathematicis non minus, quam philosophicis, atque anatomicis studiis impense addictum, Juris prudentiae sacris initiatum, Musis, qua Latinis, qua Etruscis apprime carum, ad omnia egregia acque natum, nullisque demum equestrium exercitationum decoribus destitutum, qui ingenium, & ornatissimum Patricium decent, e cujus tam clara adolescentiae aurora fulgentissimum*

virilitatis meridiem Patria haec merito auguratur.
 Merito quidem augurata est. Nondum enim
 ex adolescentia egressus erat Laurentius, cum
 ea gessit in litterarum bonum, quae non tam
 spe & expectatione, quam re & maturita-
 te fuerunt laudatissima. Ad quae declaranda
 non ab re erit de Academiae *del Cimento* hi-
 storia nonnulla subtexere. Florebat unus o-
 mnium maxime e Mediceis Principibus Leo-
 poldus Cosmi II. Magni Etruriae Ducis, &
 Mariae Magdalenae Austriacae filius. *Fuit enim*
 ut de Tito Capitone praedicavit C. Plinius
 Secundus, *vir optimus, & inter praecipua saeculi*
ornamenta numerandus: colebat studia, studio-
fos amabat, fovebat, provehebat, multorumque,
qui aliqua componebant, portus, sinus, praemium;
omnium exemplum, ipsarum denique litterarum
jam senescentium reductor, & reformator. Sic fere
 accidere videmus, ut qua in familia laus aliqua
 floruerit, eam, qui sunt ejusdem stirpis, cu-
 pidissime persequantur. Neque Leopoldus prae-
 clarae illi suae in litteras voluntati se satis-
 facere posse putavit, nisi Academiam suis in
 Aedibus institueret, cui naturae per experimen-
 ta investigatio, quod studium ipsi & fratri

Ferdinando II. Magno Etruriae Duci jamdudum erat in deliciis, unice proposita esset. Regendam hanc dedit quibusdam viris geometriae scientia insignibus, & Alexandro Seignio munus assignavit describendi quidquid experimentorum in eadem Academia haberetur. Sed hic non triennio amplius in suscepta provincia permansit, eique datus est successor Laurentius Magalottus, commendatione praesertim Borellii & Vivianii, quorum magna erat propter singularem eorum doctrinam in Academia auctoritas. Cunctis Academicis praeerat Leopoldus, qui saepe etiam collegae partes agebat, qua experiendo, qua cogitata a se in medium afferendo; videbaturque odorari omnia, & peruestigare acutissime, diligentissimeque. Conventus Academicorum celebrari coeperunt anno MDCLVII. quibus nullam aliam legem praescripsit Leopoldus, nisi ut nihil praejudicati illuc afferretur, & sine studiis dissensionis veritas quaereretur, inventaque suo in lumine collocaretur. Porro haec una laus deesse videbatur illi omnium pene doctrinarum & artium vel inventrici, vel resitutrici Florentiae, ut prima exemplum

daret illorum coetuum, in quibus rerum physicarum studia pulcherrime colerentur. Tam illustris civitas merito quidem gestiebat, cum videret ea parari ab Academicis suis, quae clarissimam lucem in obscuritate rerum naturalium, qua tum omnes fere Europae scholae misere involvebantur, essent allatura. Ad quam rem obtinendam curavit Magalottus, ut suae partes minime desiderarentur. Erat enim in Academia assiduus, notabat omnia diligenter, studebatque non tam dilucide, quam eleganter experimentorum narrationem exponere. Quod quidem ei multo labore stetit. Etenim quo tempore Romae fuit (fuit autem ad annum usque MDCLV.) minus studuerat Etruscae scribendi elegantiae; & primis annis, quibus in Etruria commoratus est, effusa sine intermissione contentio ad majores facultates, minime illi studio locum reliquerat. Volens itaque Laurentius temporis jacturam refarcire, totum se dedit lectioni optimorum scriptorum, ac praesertim Boccaccii; cumque a nonnullis reprehenderetur, quod in eo, tanquam in silice quadam, adhaerere videretur, ille sui judicii potius quid se facere par esse intueba-

tur, quam quod alii laudaturi forent; solitus dicere malle se similem esse Boccaccii, quam Lauretani, Mascardii, & Cardinalis Bentivoli. Nae totum Decameronem memoriter ipsum tenuisse oportet, utpote qui nonnullas fabulas dicendi modis ex eo libro sumptis, quasi tessellatum opus, componere potuerit. Cujus industriae profecto eundem non poenituit: succo enim, & sanguine illo incorrupto, qui a scriptis veterum petitur, sic aluit stylum suum, ut nemini elegantia, ac munditia orationis concederet. Sensit ille narrationem experimentorum, quam fecerat primis temporibus, quibus Academiae operam suam dederat, vix dignam esse illa facultate, quam ex diuturna veterum lectione, exercitationeque consecutus fuerat. Itaque de retexendo opere cogitavit; sed ne faceret varia obstitissent impedimenta. Interea jussus est a Leopoldo librum experimentorum edere. Qua re imperata, non plus habuit temporis Laurentius, ut multa mutaret, multa de integro texeret, quam quod sibi a typographo concedebatur. Diu tamen duravit impressio libri, qui cum exeunte an. MDCLXVI. in publicum prodiret.

set, ab intelligentibus viris sic exceptus est, ut in eo non minus styli elegantiam, quam novitatem, gravitatemque rerum admirarentur. Illa tamen plane contentus non erat Magalottus, sicuti declaravit Octavio Falconerio, cui etiam fassus est, nonnulla exquisita nimis sibi excidisse: sed haec mediocria, aut nullius momenti fuisse oportet, quoniam Iosephus Averanius (qui quantusque iudex!) non dubitavit aureum plane dicere hunc librum, & dignum quem sibi omnes, in philosophicis praesertim describendis rebus, tanquam exemplar, ad imitandum proponerent. Ex eo profecto intelligi potest nihil tam horridum tamque incultum esse, quod non splendet oratione, & tanquam excolatur, nihilque magis ad legendum allicere, quam elegantiam & munditiam sermonis. In praefatione autem ad hanc elegantiam adjunxit etiam Magalottus illa oratoria ornamenta dicendi, cum philosophiam, id est veritatis scientiam, omnium matrem artium, donum atque inventum Dei fuisse probare vellet. Tantum quidem hujus operis elegantiae tribuit Academia, quae est Etrusci sermonis custos & mo-

deratrix, ut saepe exemplis ex eo sumptis utatur ad comprobandum quod rectum est in oratione. Pleraque in eodem libro contenta declarant aeris pressionem, reliqua vero spectant naturalem congelationem aquae aliorumque fluidorum corporum, varios caloris, & frigoris effectus, aquae compressionem, nonnullorum corporum, quae omnino levia putabantur, gravitatem, magnetem, succinum, aliaque electrica corpora, lucem, colores, sonum, projectus, hisque similia. Neque solum experimentorum libro scribendo utilem operam praebuit Academiae Magalottus, sed etiam ejus nomine multa per litteras communicando de rebus naturalibus cum doctissimis viris, praesertim Gallis & Anglis. Scripsit etiam opusculum an. MDCLX. ad Christianum Hugentum, in quo multa erant astronomica, suppeditata praesertim a Borellio, quae mirifice confirmabant ejus de Saturni annulo inventum. Quinquennio tamen tardius illud impressum est; qua occasione optasset Joannes Dominicus Cassinius, ut libro quaedam adjungerentur, quae sursum aperirent, quod Hadrianus Auzutus se-

cerat suae theoriae de reversione, & motu
 constanti cometarum; nec, non quaedam alia,
 quae attingerent disceptationem, quam cum
 Bulialdo habuit de determinando geometricae
 apogaeo, & excentricitate cuiusvis planetae,
 positis duobus intervallis inter locum verum,
 & locum medium. Verum ad haec delabi non
 debere putavit Laurentius. Illa tamen decla-
 rant quantum Cassinius tribueret iudicio Aca-
 demiae, quae non mediocria sunt, aut obscu-
 ra ad laudem ejusdem. Non progrediar longius
 in narratione rerum, quae ad historiam omnium
 nobilissimae Academiae pertinent. Si quis ta-
 men scire cupiat quo tempore, quibusque de
 causis illa esse desierit, illum ad Clementis IX.
 vitam rejicimus, in qua plura hac de re per-
 secuti sumus. Magalottus quidem, ut illa re-
 vivifceret, non solum desideravit, sed etiam
 vehementer poposcit & flagitavit. *Suscipisti,*
& gessisti, scribebat ille aliquando ad Leopold-
 dum Principem, *res prope incredibiles ad scien-*
tiarum incrementum. Maxime quidem intererat,
in physicis praesertim, hominum mentes ab erro-
re deducere, verum a ficto, certumque ab incer-
to, ac probabili discernere, remove multa, quae
obsta-

obstabant, quominus veritatis lux appareret. Huic quidem rei gloriose a te consultum. Restant tamen alia multa, cum nisi gradatim nobis Dii ad magna inventa pervenire concesserint. Quare jure meritoque a te omnes non solum postulant, sed etiam exigunt, ut pergas conficere iter reliquum. Extat etiam Italicum carmen Magalotti ad ipsum Leopoldum (1), quo hunc cohortatur ad retinendum rerum physicarum studium; sed tanta rerum facta erat commutatio tum ob discessum ab Etruria illustrium Academicorum, tum ob novum vitae genus, quod Leopoldus creatus jam Cardinalis instituere coactus est, ut inanis omnis cohortatio fuerit. Eodem tempore, quo Laurentius occupabatur in scribendis Academiae commentariis, veniam a Leopoldo obtinuit Romam redoundi ad patrem. Visa est occasio commoda & idonea ad consulendum virum perfectâ doctrina Michaelē Angelum Riccium de iisdem commentariis, ceterosque, a quibus se corrigi & doceri posse putabat Laurentius. Verum ad hoc suscipiendum iter magis illum moverunt domestica negotia, spesque obtinendi cessionem cujusdam divitis sa-

O.

(1) V. Vol. 1. *delle lettere inedite d' uomini illustri* p. 1125.

cerdotii a Cardinali Barberinio, quocum non uno cognationis vinculo conjungebatur. Is enim matrem habuerat a domo Magalotta, & Laurentium e sacro baptismatis fonte suscepit. Egit rem per amicos ejusdem Cardinalis; verum ubi de illa impetranda spem se fecellisse intellexit, constituit optimum esse Florentiam regredi, eoque curas intendere, ut referretur in numerum nobilium cubiculariorum, qui officia sua Ferdinando II. praestabant. Quod quidem ei facile fuit. Nam huic suae voluntati favit, adjutorque fuit Leopoldus Princeps, a quo omnia sibi poterat polliceri; eaque erat opinio, quae virtutis, doctrinaeque illius occupaverat animum Ferdinandi, ut hic nihil magis vellet, quam ut tantus adolescens (tunc enim vix excefferat quintum & vicesimum aetatis annum) apud se esset, ejusque quotidiana consuetudine uteretur. Ad illa animi ornamenta accedebat magna corporis dignitas, quae non minimum commendat, scientiaeque saltandi, equitandique, sic ut plane ad aulam Laurentius natus, instructusque esse videretur. Non mediocris quoque erat in eo cognitio architecturae, & praesertim pi-

cturae, cujus rei hoc satis erit testimonium, quod Cyrus Ferrius plurimum ejus consilio usus est in pingendis Saturni, & Apollinis fabulis in Mediceis aedibus. Sed quam naturaliter esset in hanc artem propensus ex hoc puto conjici posse. Quadrimus idem erat, cum forte incidit in quamdam Titiani tabulam eximia pulchritudine. Exhibebat haec pueri imaginem, quae facile potuit ad se allicere aequalis oculos. Ut vidit Laurentius, quaesivit illico a matre, a cujus latere nunquam discedebat, quis tam praeclarum opus pinxisset? *Se ignorare*, respondit mater. Cui Laurentius; *quoniam in hac re mihi non satisfacis, patiare saltem illud me quantum libet contemplari*. Tam alte impressa est in pueruli animo picta imago, ut posteaquam grandior factus est, per se judicare potuerit illam Titiani opus esse; & sexaginta quinque post annos tam minute, tam graphice non amplius visam tabulam amico cuidam descripserit, perinde ac si ante oculos tum sibi proposita fuisset. Quod quamquam nonnullis leve visum iri putem, nolui tamen praeterire, ut facilius homines intelligant, quam fauricem Laurentius nactus sit

naturam in tribuendo ingenio ad omnia pene apio. Quare minime est mirandum si Principibus suis fuerit carissimus, & saepe Magnus Dux socium studiorum suorum (erat enim non vulgariter litteris deditus) ipsum habuerit. Non leve quoque ei indicium dedit voluntatis & existimationis suae Alexander VII. P. M. quo tempore a Leopoldo Principe accepit magnam instrumentorum partem, quibus Academia *del Cimento* ad experimenta utebatur. Nam cum rationis eorum tractandorum perspicuam, & dilucidam cum elegantia descriptionem fecisset Laurentius, hujus operam remunerandam putavit Pontifex; ipsumque donavit quadam, ut vocabant, Hispanica pensione, ex qua quinquaginta aurei nummi ad sex annos eidem redire. Idem Pontifex non cessabat quoque celebrare purum quasi quoddam, & candidum orationis genus, quo Laurentius illud suum experimentorum naturalium opus perpoliverat, cum judicium fecisset ex aliquot ejusdem operis paginis, quas priusquam illud in vulgus ederetur (editum enim est mortuo eodem Pontifice) Romam ad se afferri curaverat. Sic cum fama, atque opinio de

Magalotti eruditione, doctrinaque quotidie magis invalesceret, is ad egregia ingenii facinora maxime impellebatur. Erat enim laudis cupidus; partaque jam gloria majorem in eo gloriae suum videbatur accendere: Suscepit opus, quo explicaret, quomodo esse possint suavitates odorum sine ullo corporis, a quo assilantur, detrimento atque jactura; quod cum alienum a veritate videretur, praeclare secum agi putavit Laurentius, si in ejusmodi re verosimile quod esset invenisset. Neque solum in hoc pertractando argumento physici partes agere volebat, sed etiam eruditi; cum ad illud ipsum ornandum e scriptis veterum omnia, quae pertinebant ad odores, collegisset. Verum opus hoc imperfectum & rude reliquit. Absolvit tamen Italicam orationem, nobilem illam quidem, & elegantissimam, qua carpsit variam hominum voluptatem in novis quotidie admittendis odorum generibus, cum accideret, ut qui odores semel perplacuerant, mox fastidirentur. Ceterum Magalottus erat odorum amantiſſimus, eorumque componendorum valde studiosus. Quam in re tempori serviebat, cum rudis & im-

fitus tum haberetur, qui haec minime curaret. Eodem tempore laboravit in contexendo opere de vi electrica, quod cum in duas partes divisisset, alteram experimentorum historiae, eorumdem examini alteram attribuit. Hoc opere fortasse supplere volebat quod deesse videbatur Florentinae Academiae commentariorum libro. Sed iis temporibus tanta in ignoratione rerum electricarum vel doctissimi homines versabantur, ut magni quidpiam ab iis minime expectari potuerit. Sed indagatio ipsa rerum occultissimarum habebat oblectationem. Vix etiam dici potest quam delectaretur Laurentius in notando astrorum cursu. Contemplans enim supera atque caelestia videbatur sibi elatior fieri, & humana, tanquam exigua & minima despicere. Et ne ullus praetermitteretur tempus aliquid agendi, cogitandique, postmeridianas horas tribuebat lectioni SS. Patrum, e quibus mirabiliter diligebat Tertullianum; videbaturque Laurentius illud dolere, quod minime tulisset Deus, ut se totum sacris studiis, sacraeque vitae adiceret. Cum ineunte an. MDCLXV. Florentiam advenisset Jesuita Joannes Graeberus, &

ex ipso curiosa multa ad historiam rerum Sinenſium pertinentia (diu enim in Sinarum regno Religioſus ille commoratus fuerat) didiciſſet, eadem libello complexus eſt, quem ad Coſinum Ferdinandi II. filium inſtituit. Quamquam libellum hunc ſe ſcripſiſſe raptim fateatur Laurentius, talis tamen eſt, ut Janus Vincenſius Gravina affirmaverit epiſtola Latina quadaſi ad eundem Magalottum, in eo praeter novitatem, varietatemque rerum maxime admiratum fuiſſe ſtyli perſpicuitatem, candorem, atque elegantiam, praecipue vero feſtivitatem ſermonis, artemque res etiam per ſe humiles venuſtate orationis attollendi. Cui laudationi haec, ut puto, notatu digna addidit idem Gravina: *ſuccenſere ſe Laurentio, quod cum tales haberet facultates, quales ex illa narratiuncula, tanquam Apellem ex linea, ipſe cognoverat, non ſe conſerret ad ſcribendam ſuorum temporum hiftoriam. Id enim ſi faceret, rem faſturum dignam animo, ingenioque ſuo, & patria, quae ſummis viris e ſinu ſuo editis collubentem iterum Italiae doctrinam omnium prima reparavit. Neque illud eſt mediocre ad laudem memorati libelli, quod Melchifedech Thevenotus Ludovici XIV.*

Galliarum Regis a bibliotheca illum ipsum Gallicum in sermonem vertit. Exposuit etiam Italice Laurentius, cum interpretem habuisset Siculum quemdam cognomento Intorcetam ex eadem Societate Jesu, opus morale illius Confucii doctrinarum omnium divinarum, humanarumque apud Sinenſes magiſtri. Erat enim non magnus, verum aureolus, & ad verbum ediscendus libellus. Eodem ferme tempore ſcripſit Magalottus de ſalium natura ad Horatium patrem, qui ſaepe hujusmodi munuscula ab induſtrio filio flagitabat. Sed haec, & quae de atomis frigoriſeris ad Horatium Oricellarium ſcripſit, haud magni momenti eſſe putaveris. Sunt & quaedam de circuitu aquae per nervos, & vaſa lymphatica, quae ejus de rebus anatomicis ſcientiam declarant. Cum autem is vellet relaxare animum a philoſophia, aliisque gravioribus ſtudiis, ad Italicam poeſim ſe conferebat, ad quam eum ſinſerat natura. Sed illam in pueritia coluerat negligentius. Saepe enim ſumpſerat in manus ſcriptores abhorrentes a recta & ſimplici, in qua praecipua poetarum ſita laus eſt, imitatione naturae;

ab illis nonnihil contraxerat fucati illius splendoris, qui ita occaecaverat animos hominum, ut qui versum maxime inflasset, & sententiam maxime contorsisset, is majori in pretio haberetur. Ut autem coepit Magalottus gustare scripta optimorum poetarum, mirum quanta, & quam brevi tempore sit consecuta mutatio. Ex omnibus unum maxime diligebat Dantem, nihilque curabat magis, quam ut suis carminibus vim illius exprimeret, & formas illas, comparationesque ex rerum natura, & veritatis exemplis desumptas in sua scripta transferret. Quare minime est mirandum si multum operae ad sensus ejusdem penitus intelligendos contulit. Qua in re cum longius, quam ceteri omnes interpretes, processisset, cogitavit aliquando commentata, & scripta a se in lucem proferre. Quod vero rem minime perfecerit, nec reliquerit nisi interpretationes in quinque priores cantus Inferni, plurimum dolere debent illius Poetae amatores. In hoc quoque sese ostendebat amor, quo flagrabat Magalottus in Dantem, quod saepe sententiis ex ~~99.~~ ^{99.} ~~distipatis~~ ^{distipatis}, tanquam fulgentibus gemmis, scripta sua, sermones-

que suos illuminaret. Deditus quoque fuit a pueritia Latinae poesi: sed non multum in hac profecit; & quidquid Latine scripsit (non multum autem scripsit) sive numeris adstricta, sive soluta oratione, ei flos, & color defuit aureae aetatis scriptorum. Attigit etiam poetas Graecos: satis enim luculenter Graece sciebat, qua in facultate praeceptorem habuit Joannem Targionium Florentinae Basilicae S. Laurentii Canonicum. Quod maxime eluxit in ea, quam Anacreontis fecit Italicis versibus interpretatione, quae tota concinna est, elegans, & venusta, & mirabiliter exprimens poetae sensus. Ad laudum autem summam accedit, quod Magalottus aut primus, aut in primis certe fuerit, qui illam rem tentaverint. Opus enim anno MDCLXX. perfecerat, biennio antequam Philippus Corfinius interpretationem suam ederet. Quid autem a proferendo illud ipsum in aspectum hominum Laurentium retraxerit, ignoro. Interea Florentiam advenit Bartholomaeus Herbelottus vir doctus, & Arabicae linguae peritissimus. Tenuit, quam optabat, ejusdem linguae addiscendae occasionem Laurentius;

neque satis dici potest quam feliciter hoc illi processerit. Tanta vero felicitas animum ei adjecit ad alias Orientis linguas percipiendas, ac praesertim in Turcica versatus est, quod ex hac facilem ad ceteras (ex omnibus enim ferme componitur) ascensum esse intelligeret. Quas vero loquuntur linguas cultiores Europae populi, eas usu magis, quam studio didicit; idemque non solum pronuntiabat, sed etiam scribebat Gallice, Hispanice, & Anglice sic, ut appareret in eo nativum quemdam leporem esse, non adscitum. Quod opportunitate trium itinerum, quae per illa regna fecit, consecutus est. Ingressus est primum an. MDCLXVII., cum habuerit comitem Paullum Falconerium, virum omni liberali arte, maximeque poesi, & architectura eruditissimum, quocum, totaque domo Falconeria maximis erat Laurentius amicitiae vinculis conjunctus. Longius ipsi trans alpes, & mare processerant, cum regredi jussi sunt a Ferdinando II. Magno Etruriae Duce, comitarique una cum aliis optimis viris filium suum Cosmum in itinere, quod is per Europam faciebat. In hac peregrinatione Lauren-

tius incidit in febrim, ex qua non convaluit nisi sex post menses. Is autem non magis sibi, quam Principi carissimo se convaluisse existimans, nihil aliud egit, quam ut ipsi in omni re consilio, fide, atque opera praesto esset. Ut primum in Angliam venit Magalottus maxime optavit, ut sibi aditus daretur ad ineundam amicitiam cum Roberto Boyleo, quem cum Oxonii convenisset, honorificentissime ab eo exceptus est: etenim illi fama bene cognitus erat. Cumque conspectu ipso, congressuque majorem etiam de se opinionem fecisset, brevi mirabilis quaedam inter eos exarsit benevolentiae magnitudo, quam ad extremam aetatem aluit praesertim similitudo studiorum. Nullum vero majus testimonium asserre possum hujus conjunctionis, quam quod eo tempore, quo Laurentius Londini aeger fuit (fuit autem duobus fere mensibus) tanta diligentia ei Robertus officia sua praestitit, ut quotidie ad duas, tresve horas ejus lectulo assideret. In summa oblectatione ac solatio, quod ex viri amantissimi consuetudine percipiebat Laurentius, dolebat unice, quod non iisdem Religionis ac Fidei, sicuti

amoris vinculis utriusque animi inter se jungerentur. Quae res eum impulit, postquam in patriam rediit, ut eidem scriberet longissimam epistolam, qua convellit errores, quos illum ab amplectenda Catholica veritate abstrahere putavit. De hac vero epistola cum judicium exquisivisset doctissimorum Theologorum Michaelis Angeli Riccii, & Hieronymi Casanatae, qui tum Romae maxime florebant, ab his laudes non mediocres reportavit, eorumque monitu quaedam etiam in ea meliora fecit. Sed non fivit Deus, ut illa expugnaret animum hominis ceteroquin maximis clarissimisque virtutibus praeditum, de quibus multa mirabiliter & magnifice scripsit Laurentius principio ejusdem epistolae. Tanta vero erat in eodem magnarum rerum, atque artium scientia, ut Laurentius ipsum judicaverit totius Angliae doctissimum; nec satiari unquam potuerit ejus scripta legendo, inter quae opus *de Seraphico amore* magna ex parte in Etruscum sermonem ex Britannico convertit. Magna extat copia epistolarum, quibus Magalottus Ferdinandum II. certiore faciebat de omni eo, quod in itinere accidebat; ex quibus profecto

intelligi potest fuisse hominem singulari prudentia, praeclara eruditione atque doctrina, & eccellente ingenii magnitudine. Interdum etiam litteras dabat ad Leopoldum Principem hilaritatis & facetiarum plenas, ut judicari ex ea potest, in qua festive sane Hispanorum mores & inscitiam pingit, quamque nos edidimus in I. epistolarum clarorum virorum volumine. Ipsa descriptio itineris, quae pluribus in voluminibus continetur, satis declarat nihil indiligenter a Magalotto factum, & plane cum satisfecisse Principis, quem comitabatur, voluntati. Ostendit hic quidem universae Europae eam esse naturam Mediceorum Principum, ut gloriam quaerere non, ut plerumque accidit, in vexandis bello finitimis, in crudelitate exercenda, & injuria inferenda, sed in fovendis praeclaris disciplinis & artibus, in excitandis liberalitate & diligentia hominibus ad laborem & laudem; quamobrem cum ad caelum efferretur Cosmus, nemo dubitabat quin Magalotti praesertim consiliis obtemperans praestantissimum & singularem Principem sese esset praebiturus. Accessit ille quidem non multo post ad imperii gubernacu-

lum; & quanquam non alienum dignitati suae putaret esse, quod ipsi Agamemnoni regum regi fuit honestum, habere aliquem in consiliis capiundis Nestorem, perpauca tamen ad Magalottum detulit. Ipsum quidem misit ad Ferdinandum Carolum Mantuae Ducem, non solum ut illi fausta & felicia omnia precaretur ob conjugium cum Anna Isabella e Guastallae Ducibus, sed etiam ut cum eo de quibusdam rebus suis gravissimis ageret. Quo expleto mandato, coepit Laurentius, ut erat honorum cupidissimus, majora cogitare, nulla non prece sollicitans Principem ad legationem sibi dandam vel ad Caesarem, vel ad Galliarum regem. Hac spe quod diutius teneretur, nihil non egit ut excitaret vel sopitam, vel suspicione aliqua retardatam erga se Principis voluntatem. Sed dum sustineret magnam honorum expectationem, summo animi sui angore praeficitur a Cosmo τῆς συνταγῆς rerum naturalium, qua, curante praesertim viro maximo & spectatissimo Nicolao Stenone, Magnus Dux Ferdinandus suas aedes ornaverat. Reliquit hanc curationem Steno, quia ad Danos populares suos Rex illum re-

ducem esse voluit. Sed qui ab iis venerat Heterodoxus, rediit Orthodoxus; quam religionis conversionem non mediocriter adjuvit consilium, atque opera Magalotti, in cujus familiaritatem Steno penitus sese dederat. Credibile autem est Laurentium, cui in naturae contemplatione a pueritia plurimum studii fuerat & temporis, cumulate satisfecisse muneri suo. Eodem tempore exercebat quoque studia antiquitatis, & prae omnibus, quibus ad eam rem usus est scriptoribus, amavit Tritanum, cujus singulare acumen in interpretandis numismatum exergis non satis se admirari posse dicebat. Sed acceptis quibusdam domesticis calamitatibus, a contentionibus, quibus summis uti solebat in studiis doctrinae, non parum relaxavit. Patrem habuerat, non eum quidem suarum rerum & attentum, & prudentem patremfamilias; cumque hereditatem illius non adiisset, bona sua repetere ac persequi lite & iudicio debuit a paternis creditoribus. Quod si fuit huic malo aliquod levamen, id fuit in amore carissimae matris, quae summo in honore & pretio erat apud omnes, & apud Mediceos Principes praesertim, quorum in aula amplifi-

mum

cum tenebat locum. Sed hanc quoque, el mors an. MDCLXXI. eripuit; quo casu se non modo afflictam, & sed dolore confectam fuisse amico cuidam declaravit. Post illius interitum coepit a fratribus, quos duos. habebat, de domesticis rebus diffidere; & ad declinanda maiora diffidia patria, Italiaque cedere constituit. Accidit ei opportunum, quod ille suus amicus, & tanquam alter idem Octavius Falconerius ad Belgas hoc tempore proficiscebatur, ut munus apud eos Pontifici Internunti, si hoc verbo uti possumus, sustineret. Ad eum igitur sese junxit Laurentius, cujus professionis quanquam non fuerit suator, approbator certe fuit Cosmus III. Usui enim foris rebus suis Magalotti in Belgio commorationem non dubitabat. Porro ab eo singulis hebdomadis doceri volebat de rebus publicis (bello enim ardebant Hollandia, aliaeque finitimae Provinciae) aliquando etiam ei mandata dedit, quae per se, vel per amicos, quos multos & illustres habebat, curaret. Cumque exeunte anno MDCLXXIII. Coloniae Agrippinae conventus haberetur ad pacem conciliandam, huic suo nomine adesse Laurentium

jussit. Magnum opus, magnique consilii esse videbatur pacem componere inter bellicosas nationes. Sed qui hujus procurandae rei causa convenerant, sex integris mensibus, quibus eo loci fuerunt, vix semel de re publica collocuti sunt, cum omnia mensa, venatio, saltatio, scena, aliaque oblectamenta occupassent. Pax tamen confecta est; neque quisquam fortasse fuit, qui in tanti momenti negotio expediendo plurimum consumptum fuisset & laboris & temporis non judicaverit; adeo saepe hominum judicia specie rerum decipiuntur. Confecta pace, facile Laurentius impetravit a Magno Duce, ut Daniae & Sveciae regna inviseret; qua in peregrinatione multa observavit atque collegit, quae pertinent ad declaranda studia, mores, omnemque vitae rationem incolarum, leges, quibus illi reguntur, situs locorum, caelique naturam. In perdiscenda vero Svecica lingua haud pauca notavit, e quibus bene originem duci putavit verborum quorundam Italicorum; unde eos errare dicebat, qui etymon omnium vocabulorum, quibus nos Itali utimur, quaerunt semper vel in Graecia, vel in Latio.

quin unquam adeant Septentrionales regiones.
 Quibus in regionibus diu commorari medita-
 batur Laurentius, cum sua sponte, tum in-
 vitatu hominis amantissimi Nicolai Stenonis,
 cujus jucundissima consuetudine eo tempore,
 quo Hafniae fuit, sic usus est, ut prorsus u-
 na viveret, nec fere ab illo unquam discede-
 ret. Sed repente eum in patriam redire iussit
 Cosmus Magnus Dux; quae revocatio, cujus
 causam ignorabat Laurentius, incredibilem
 ei attulit dolorem. Cum Florentiam igitur
 summa celeritate sub finem an. MDCLXXIV.
 venisset, intellexit se destinatum fuisse Lega-
 tum ad Caesarem, quod illi plane inocerorem
 omnem absterfit. Consumpsit hyemem infe-
 quentis anni in apparando itinere, aliisque
 rebus, quas nova dignitas flagitabat. Ineun-
 te autem vere Viennam se contulit, ibique
 exceptus honorifice, quod multa ac prae-
 clara de eo fama nuntiaverat. Non paucos,
 qui virtutis, honorum, & generis summam
 nobilitatem habebant, brevi sibi conciliavit:
 insinuavit etiam se penitus in benevolentiam
 Imperatricis; nullumque suum dictum, aut
 factum pro Magno Duce intercessit, quod

Leopoldus Caesar non illustri gratia exceperit. In deprecandis quoque amicorum periculis, vel in eorum fortunis, honoribusque provehendis, saepe cognitum est; quantum gratia, auctoritateque Magalottus valeret. Sed cum continuis fere affligeretur valetudinis incommodis, ac praesertim ophthalmia, cepit illum taedium commorationis Viennensis; ad quod levandum hortos in suburbiiis conduxit, ibique frequenter cum mansuetioribus musis habitabat. Illud etiam queiebatur, quod Magnus Dux videretur reprehendere, & subaculare ejus largitatem; quodque nimium Quae-flores cunctarentur in persolvendis sibi pensionibus, iisque pecuniae summis, quas Principi expensas ferebat. Cum ad ceteras molestias illa quoque adjuncta fuisset, quod graviter Florentiae aegrotaret Ludovicus frater, repente, & ne venia quidem a Magno Duce impetrata, in patriam reversus est Laurentius exeunte vere an. MDCLXXVIII. Hoc eodem tempore nuntius Florentiam affertur, Laurentium toto animo cogitare de ducenda uxore principe quadam femina cognomento Pia. Egerat ipse per se, & molitus aliquid erat de

hac re, priusquam Vienna, ubi solitus fuerat frequentare domum illius primariae feminae, proficisceretur. Sed ut intellexit id displicere Magno Duci, susceptam cogitationem abiecit. Is longius ductum iri existimans morbum fratris (hydrope enim laborabat) Viennam remigrare ad suum munus destinavit. Sed obstitit Magnus Dux, qui retinendum apud se magni consilii, & altae mentis hominem putavit. Itaque & gradum honoris in sua aula, & sedem in suis aedibus, & annum stipendium sexcentorum centussium eidem assignavit. Viennam vero legavit Petrum Antonium Gerinium, qui quod gratissimus ea in civitate fuerit, commendationi in primis Magalotti se debere confessus est. Alias quoque, neque obscuras declarationes dedit Cosmus opinionis suae de Magalotti prudentia ac fide. Sed cum ex omnibus partibus Principis amor minime se Laurentio ostenderet, id ei erat molestissimum. Qua in re non satis se videre ostendebat, illam laudem sapientiae esse maximam, non aliunde pendere, nec extrinsecus tranquille vivendi suspensas habere rationes, praeserim cum idem haberet solatia,

quibus se sustentaret, optimae mentis conscientiam, maximarum rerum gloriam, & optimarum artium scientiam. Doluit etiam mortem fratris, quam obiit mense Novembri anno MDCLXXIX. & acrem doloris morsum in eo fuisse satis declarant epistolae plenae querelarum & luctus, quas hoc tempore ad amicos dedit. Solus cum sustinere deberet onus domesticarum rerum (nam qui supererat frater Alexander Neapoli commorabatur) de levando sibi hoc molesto onere cogitavit. Egit igitur semel iterumque de ducenda uxore; egitque primo cum Olinda Piccolominea, deinde cum Portia Romulia feminis primariis, & viro non solum maturis, sed etiam assuetis, cum harum utraque matrimonio antea juncta fuisset, liberosque suscepisset. Sed ne res conficeretur variae obsiterunt difficultates. Magnam tamen Laurentio praebebant levationem ac perfugium humaniora studia, quibus indulgebat praesertim, cum se de aula & urbe, tanquam ex vinculis, in otium solitudinemque conferret. Anno MDCLXXXIV. odas xv. Italicas condidit, quibus pingit formam quamdam mulieris nobilitate insignis,

eximiaque pulchritudine, neque tam corporis, quam animi bonis omnibus praeditae, quid illa agat, ut se oblectet, quibusque induatur ornamentis. Non hanc reperiri posse in natura putavit Laurentius, quapropter inscripsit libellum hunc carminum, *La donna imaginaria*; in qua muliere exprimenda tantam magnitudinem, varietatem, novitatem, multitudinemque colorum adhibuit, ut si dilatarentur, ac spargerentur, quae idem uno libello collegit, contraxitque cogitata, multorum possent poetarum condire volumina. Sed dum nimium veritati rerum servire voluit Poeta, haud potuit libere vagari poetico stylo, & efficere, ut delicate & molliter versus fluere; ipsaque copia rerum eam saepe obscuritatem affert, ut vel ipse Auctor in his suis legendis odis aliquot annos postquam eas composuerat, non semel haesisse confessus sit. Utitur etiam interdum verbis novis, novisque dicendi modis; quod condonandum est poetae, qui res non antea dictas, & quae recentissime in usu, atque mulierum more versabantur, exprimere sibi proposuit. Ceterum qui has ipsas odas contemplatur, nun-

quam satis admirari potest in Magalotto reu-
men ingenii, & magnarum rerum scientiam,
quod iudicium fecerunt quoque summi poe-
tae Franciscus Reditus, Vincentius a Filica-
ja & Paullus Falconerius, quos in primis ha-
bere voluit suorum carminum Aristarchos.
Sed praesertim excellentem eruditionem, at-
que doctrinam ostendit Laurentius in triginta
novem epistolis, quas ad amicum scripsit,
ut ei probaret Deum esse, seu potius ut
dilueret omnia, quae adversus hanc verita-
tem obijci solent argumenta. Non dubitat
neminem, aut perpaucos esse, qui veri sint
atheis: hos Deum negare, quia illum pecca-
torum vindicem metuunt & oderunt, aut
quod ipsum intelligere se posse desperant.
Quod omnium gentium generumque homini-
bus persuasum semper fuerit Deum esse ali-
quem, id satis magnum argumentum cense-
ri debere dicit ad convincendos atheos: ri-
tus ac caeremonias Christianae, ac praeser-
tim Catholicae religionis sanctissime tuendas,
neque in eis quidquam esse, quod minus pie-
tatem redoleat. De ortu mundi differens non
repugnat esse quaedam perquam obscura in

principio Genesis, ubi Moyses historiam creationis mundi narravit, maxime tamen convenire ait humanae rationi philosophiam Moysicam: acute explicat quomodo dici potuerit, uno eodemque loco originem habuisse Tigrim, Euphratem, Gangem, & Nilum: probat Democriti corpuscula haud esse rerum naturale principium; neque ex concursu sortuito materiae effectum fuisse caelum & terram: ipsam materiem, ipsumque mundum aliquo a principio, id est a Deo, minime vero ex aeterno tempore intelligi debere: convincit necesse esse, eos turpissime labi in rerum divinarum opinione, qui illas se assequi arbitrantur, duce & magistra philosophia; qua occasione prudenter differit de diversis philosophorum sectis, eorumque usu in theologia. Ostendit demum, & quidem subtiliter, rationis expertes esse homines illos, qui rationem, ceteraque, quae sunt propria spiritus, inesse in materia posse sibi fingunt. Et haec quidem in prima parte operis. In secunda autem hoc primum vult persuadere auctor, haud esse sane quod athei signa & miracula requirant, ex quibus probetur Deum

esse, cum tota, aut magna vis eorum sita sit in Fide: quare hujus Fidei expertes illa semper elusuros esse ad arbitrium libidinemque suam: deinde exquisitis rationibus evincit, quae de Christo multis ante saeculis praesensa & praedicta vere fuerant, totam illius vitam, leges, instituta, clarissima esse ipsius divinitatis argumenta. Quae quidem omnia, quanquam non ita tractentur, ut continuatio quaedam, seriesque rerum appareat, neque una ex altera nascatur epistola, omnesque inter se colligatae sint, hae tamen continent quasi thesauros rerum divinarum, ad quas explicandas non solum adhibuit Laurentius genus orationis solidum, saepe illuminatum translatis verbis, & cum dignitate elegans, sed etiam copiam sententiarum, & ἀντορτυμματα, narrationes rerum gestarum, crebras similitudines, comparationes, exempla, auctoritatesque gravissimorum scriptorum. Profecto tanta cognitio rerum, quae ad theologiam pertinent, non admodum expectabatur a Magalotto, qui totam vitam in aliis studiorum generibus consumpsisse videbatur. Sed incredibilis quaedam ingenii magnitudo

potuit hanc quoque laudem ceteris adjuungere; neque illam mediocrem fuisse oportet, cum vir eruditione praeſtans Petrus Franciſcus Toccius Laurentianae Florentinae Baſilicae Canonicus non dubitaverit affirmare in vita Vincentii Vivianii, nihil & ſua & patrum memoria vidiffe Italiam, quod pertineret ad convincendos atheos, quod cum Magalotti epistolis comparari poſſet. Quarum epistolarum fama cum ad multos ſtatim pervaliſſet, invito quidem auctore, qui eas occultare volebat, non potuit hic ipſarum lectionem negare quibuſdam intimis amicis ſuis. Fuit inter hos Jeſuita Franciſcus Raſponius, qui nimium invidens laudi & gloriae Magalotti, hanc ei eripere, veteris oblitus amicitiae, cogitavit. Dialogum enim ſcripſit totum ſerme compoſitum verbis & rebus, quas ex iſdem epistolis ſumpſit; & edidiſſet quoque in vulgus, niſi re comperta, illius impudentiam opportune repreſſiſſet Laurentius. Quo obtento, culpam violatae fidei reo libenter condonavit, quod magni animi eſſe cenſebat injurias obliſci. Neque illud leve reconciliatae gratiae argumentum, quod eundem rure ſuo ſubur-

bano, ubi magnam anni partem degebat; humanissime receperit, & cenforem epistolarum una cum Petro Pinotio Monacho Cisterciensi, aliisque doctis viris habere voluerit. Hae autem epistolae etsi utilissimae & salutares fore hominibus viderentur, non minorem tamen utilitatis fructum iisdem se allaturum putavit Laurentius, si libro exponeret artem instituendi Principem, regendique populos pie, iuste ac prudenter. De quo opere, quod inscripsit: *La concordia della Religione e del Principato*, factum est ab eo diligenter, multumque ipsum in manibus habuit. Itenim non communia & contrita praecepta tradere volebat, sed e media sumpta philosophia ac politica, quae haberent ordinem, & quasdam in administratione Reipublicae errare non patientes vias. Quod idem opus, postquam magna ex parte absolvisset, facti nescio qua de causa poenitens in ignem conjecit. Eiusdem tamen superfuit sylvae quaedam rerum & sententiarum, ex qua apparet eum egisse primo de religione & iustitia, deinde modum docuisse parandi sibi fidos atque optimos amicos, servos, & administratores,

verosque a falsis dignoscendi, & explicasse sicuti se gerere debeat Princeps cum pauperibus, delatoribus, criminum ac praesertim privatorum reis, nobilitate, & plebe; ut benevolentiam, & timorem sibi conciliare, liberos educare, publica spectacula moderari, bellum administrare, fines imperii propagare, commercium augere, & non solum domesticas, verum etiam externas res sagaciter indagare queat. Eodem tempore, quo haec scribebat Laurentius, habuit familiaria negotia, sane molesta, ad quae incumberet, quarum causa debuit Romam, & Neapolim, ubi frater illius Alexander degebat, advolare. Mortuo vero eodem fratre, quod fuit anno MDCLXXXVII. mense Novembri, Romam rediit, ut illatam litem a Savellis & Ursinis in partem hereditatis, quae sibi venerat a Cardinali Laurentio Magalotto propinquo suo, praesens propulsaret. Disceptare quoque debuit cum Quaestoribus Pontificiis causa spoliatorum, quae frater, cui duo satis ampla sacerdotia fuerant, reliquerat. Explicatis magna ex parte his negotiis, cogitavit sedem ac domicilium collocare in ipsa Urbe, nomen-

que dare aut Clericali, aut Hierosolymitano-
rum equitum militiae. Verum hortatu Aloyſii
Onicellarii, Philippi Martellii, aliorumque a-
micorum propositum mutavit. Florentiam igitur
autumno anni MDCLXXXIX. remigravit;
eodemque ferme tempore factus fuit a Con-
siliis Magni Ducis. Ab hoc etiam adhibeba-
tur ad alias res, in primis ad excipiendos,
sociandosque dignitate illustres homines, qui
Florentiam adveniebant; parumque absuit, quin
mitteretur in Hispaniam, ut conciliator esset
matrimonii inter Carolum II. Regem, & An-
nam Mariam Ludovicam ejusdem Magni Du-
cis filiam. Curasset profecto Laurentius man-
datum diligenter dextereque, adeo ut non
sine caussa plerique contrarium rei exitum tri-
buerint mutationi consilii, quam fecit Cosmus,
cum Marchionem Castilioneum elegisset, cui
illud oneris committeret. At praesertim fi-
dem, prudentiam, officia, observantiamque
Laurentii diligebat Cardinalis Franciscus Ma-
ria Mediceus; & incredibile est quam ejus con-
gressus, sermonesque sapientiae plenos opta-
ret: cum vero ab urbe abesset, nulla fere heb-
domada intercedebat, qua non ad eum scrip-

beret, & modo aliquid de rebus publicis ab eo requirens, modo aliquam eruditam quaestionem proponens ejus verbosiores eliceret epistolas. Factum ejus consilio, ut de Leopoldi Cardinalis laudibus pauca quaedam scriberet Laurentius, ex quibus magna, praeclara, ac pene divina illius immortalis viri in omnes nobiliores artes ac disciplinas merita cognoscere possumus. Interdum etiam accipiebat ab eo hendecasyllabos, quibus describebat aliquid modo jocosè, modo serio, modo pressius, modo elatius, cum ipsa varietate tentaret efficere, ut alia aliis, quaedam fortasse omnibus placerent. Omnino nihil non indulgebat Laurentius voluntati Principis, qui nihil a se secretum non jocularè, non serium, non triste, non laetum esse volebat. Quae quidem, quamvis honorificentissima, seu quod contemnere didicisset Laurentius, seu quod majora, ut multi suspicionibus judicarunt, concupisceret, expectaretque a Romano Pontifice, seu quod desiderio aestuaret obligandi se sacrae militiae sacramento, a qua non suam voluntatem, sed suas vitae rationes ab ineunte fere aetate susce-

pias se prohibuisse dicebat, Romam venit ineunte Martio an. MDCXCI. & in collegium Sacerdotum a S. Philippo Nerio institutum cooptari voluit. Pervulgata & percelebrata sermonibus illico res fuit non solum in Italia, sed etiam apud exteras cultiores gentes, quibus notissimus erat Magalottus; deque ea ceteros inter scripsit Leibnitius in epistola quadam ad amicum, negans id consilii se probare posse in altae mentis, summaeque prudentiae homine. Probavit certe Magnus Dux Cosmus; utque intellexit multa invenisse Laurentium in novo vitae genere, quae illius natura pati omnino non poterat, ipsum per litteras hortari non cessavit, ut constantia impedimenta superaret, & in repugnantia tot rerum, animique angore dolos, machinas, & praestigias communis hostis agnosceret. Nihil haec consilia levabant Laurentium, cujus animus majoribus quotidie exedebatur curis. Itaque ne diutius miserrimam vitam degeret, ad pristinum suum statum quinque post menses tyrocinii rediit. Quod si datum est iis, qui ab itinere sibi a Deo assignato melioris boni specie paullum decerraverunt, corrigere

errorem poenitendo, omnem profecto inconstantiae maculam eluit Laurentius, in quo tanta vis fuit poenitendi, ut misericordiam commoveret. Roma contulit se ad villam suam, quam habebat loco montoso & sylvestri septimo a Florentia lapide, quo facilius ibi non solum consuetudinem, sed etiam aspectum hominum vitaret; tantusque erat in illo solitudinis desiderium, ut in tenebris, tanquam in gurgustio, habitare optasset. Non potuit tamen novem post menses, quibus remotus ab omnium oculis vixerat, recusare Magno Duci, quin Florentiam ad eum veniret; cumque & benigne exceptus, & in pristino dignitatis loco repositus ab illo fuisset, sensit se aliquantulum acerbissima aegritudine sua levari. Non mediocri quoque levamentum reperiēbat in studiis suis, quae colebat praesertim ruri dum esset. Erat autem quantum patiebantur munus suum, & officia, quae Principi praestabat. Studium philosophiae jamdiu intermissum revocare cogitavit; eaque propter iterum sumpsit in manus ab adolescentia inchoatum opus de naturalibus quaestionibus; sed brevi illius absolvendi stu-

Q

dium deposuit. Hoc opus quale futurum esset facile existimabit is, qui leget volumen illud, cui titulus: *Leuere scèntifiche ed erudite del Co. Magalotti*, quodque an. MDCCXXI. in lucem edidit Thomas Bonaventurius. Sunt enim in eo epistolarum volumine haud pauca, quae ad easdem naturales quaestiones pertinent, qualia sunt illa, quae summam frigoris potestatem explicant; quae repetunt a diversa salium natura & figura, quibus vina, aliaque corpora sunt praedita, quosdam sanguinis aestus; quae rationem reddunt si non vere, sane ingeniose, motus corporum gravium, & lucis; quae cum elegantissime, tum acute exponant illud Galilaei effatum, nulla re alia vinum componi, nisi luce & humore, quod vidisse etiam Dantem existimo; & quae versantur in investigatione unde fiat, quod facilius ab odoratu, quam a ceteris sensibus decipiamur. Quidquid scripsit de odoribus Magalottus, profecto ita scripsit, ut se percupidum eorum, & cuiusvis ferme generis & intelligentem, & copiosum ostenderet; adeoque extulit odorum scientiam, ut affirmare videretur, multa in ea reperiri politices, at-

que ethices femina, hasque facultates maximam habere similitudinem inter se. Ad res naturales, quae in memorato epistolarum volumine continentur, referri etiam debent observationes habitae an. MDCLXIII. coram Magno Duce Ferdinando, quibus probatur, viperas habere venenum in vaginis quibusdam, quae dentes tegunt; & quae demum rationem reddunt, quare diu aciem oculorum intendenti in cometam, qui apparuerat anno MDCLXIV. hic non amplius radiatus cerneretur, iterum vero cerneretur, si palpebrae moverentur. At quae hoc loco attingit Magalottus de theoria cometarum, nequaquam consentiunt cum iis, quae tradidit Ioannes Dominicus Casfinius, cujus sententiam una voce & consensum approbarunt Astronomi. Accedunt ad pretium ejusdem voluminis elegans descriptio, quam Laurentius fecit sui Lonchiani ruris, in quo imitari voluit exemplum C. Plinii Secundi, S. Basilii, aliorumque veterum scriptorum; enodationes locorum quorundam Tertulliani, S. Augustini, & Synodi II. Nicenae, nec non explicatio argumenti satis probabiliter ostendentis ex amore, quo multi feruntur in bru-

ta, haec anima praedita esse. At qui talia, & majora etiam ex se gignere poterat, non dubitavit tamen, quod mireris, ad occupationem descendere convertendi aliorum scripta in Italicum sermonem; tamque multa & varia convertit iis temporibus, quibus rus abdidit se, ut hac re maxime videretur delectari. Fecit Italica, ut praecipua commemorem, opuscula haud pauca Sancti Euremon-di, in quibus, ut & in ceteris praeclari illius viri scriptis, admirabatur praestantiam iudicii, magnitudinem cognitionis, & genus orationis totum splendens & sententiis & verbis. Non semel ego notavi ex iisdem scriptis totidem ferme verbis transtulisse Magalottum in sua illustriores sententias; & ut se aequaret Sancto Euremondo, scribens ad amicos modo de animi fortitudine, quae aequaliter omnibus hominibus est distributa, modo de aliis rebus, quae in disceptationem quaestionemque vocarentur, tractavit. Expressit de Anglico Italicis versibus, quos solutos appellamus, partem poematis, quod de amisso Paradiso fecit Mil-tonius, & poemata hujus aemuli & imitatoris Joannis Philippi, quae inscribuntur *il Si-*

dro, & *lo Scelino lampante*, alterumque poema ab Edmundo Walerio conditum de certamine Bermudarum. Sunt in manibus quæ ex eadem Anglica lingua in Italicam convertit de Nilo, ejusque alluvionibus, de rarissimis quibusdam avibus, de Imperatore Abyssinorum, de mari Rubro, de palma, ejusque utilitate atque cultu. Vertit etiam nonnulla ex Arabo, Syriaco, Turcico, Hispanico, Gallico, & Lusitano sermone, quorum pleraque ornant volumen, cui titulus: *Canzone anacreontiche di Lindoro Elato*, quod nomen erat Magalotto apud Arcades. Quoniam autem mentionem fecimus hujus voluminis carminum, admonendos lectores putamus, nihil in illo esse quod venustate non affluat, & imaginibus agentibus & insignitis; neque satis quempiam admirari posse varietatem, novitatemque rerum, quas coloribus poeticis pingendas Auctor suscepit. Extant quoque in eodem volumine carmina quædam dithyrambica de vasis illis fictilibus Americanis, quæ aspersa aqua terram olent, quæque *Buccheri* appellamus. Porro ita meritis est Laurentius de hoc vasorum genere, ut

non contentus suis illa carminibus celebraſſe ;
 obtinuerit etiam ab illuſtrioribus Italiciſ poeſiſ
 amicis ſuis, ut eorundem laudes canerent .
 Qua in re non tam ſatiſfecit ſuo in odores
 amorī, inter quos jam ab antiquiſſimis tempo-
 ribus, ut Cicero & Plinius teſtantur, ſummo in
 pretio fuerunt, qui terram ſapiunt, quam vo-
 luntati leſtiſſimae ſeminae Octaviae Stroctiae.
 Hujus rogatu ſcripſit etiam octo epiſtolas ſane
 longas, plenasque leporis & feſtivitatis, qui-
 bus omnia, quae vel per ſe, vel per amicos
 ſide dignos de *Buccheris* ſcire potuerat, expo-
 ſuit, notans nominis erymon, illorum diver-
 ſa genera, uſum cum apud Americanos, tum
 apud Europaeos, ſive is pertineat ad priva-
 tum & publicum luxum, ſive ad medicinam,
 ſive ad ornamentum, ſive ad oblectationem;
 qua occasione exponit, quid inter ſe differant
 populi Orientis & Occidentis ſenſu & ſtudio
 odorum. Neque illud eſt praetereundum, Ma-
 galottum omnium primum ex Hiſpania in I-
 talias traduxiſſe uſum *Buccherorum* tum ad
 voluptatem odoratus, tum ad ornatum cubi-
 culorum; a quo tamen uſu jamdiu ſaſtidio
 quodam & ſatietate abalienati ſumus. Poſt-

quam volumen illud epistolarum de *Bucheris* Romam miserat Laurentius ad Octaviam Sirociam, laboris sui illum vehementer poenituit, quod diceret, has ineptias haud dignas esse profecta aetate sua, ac dignitatis gradu, quem obtinebat. Tum optime se collocare operam judicabat; cum Magno Duci, quod non semel accidit, de augendo in Etruria commercio consulenti responderet; cum instrueret aut voce, aut scripto quos idem Magnus Dux ad Europae Principes legatos designabat; & cum vel coram amicis, vel per epistolas locos graves ex theologia tractaret. Inter ceteras hujus generis epistolas illa commemoranda in primis videtur, quam ad Franciscum Frosinum Archiepiscopum Pisarum dedit, in qua hanc Algeri Cluniacensis sententiam explicandam suscepit: *Scilicet quomodo* (ait ille) *impossibile videtur, ut caro Verbi Dei, quae multo spiritualior, & potentior est verbo nostro, sit tota, & integra in ore omnium sumentium; cum verbum nostrum unum idemque totum & integrum sit in auribus omnium audientium?* Magnum quoque operae & laboris fructum se colligere putabat, cum amicis prodesset. Quare

minime est mirandum, si saepe occupabatur in illorum scriptis virgula censoria notandis; quod officium praestitit, ceteros inter, Francisco Redio, Vincentio Filicajae, Laurentio Bellinio & Gabrieli Fasanio in iis rebus, quas versibus mandarunt, Philippo Corfinio in ea, quam fecit Mexicanæ historiae Italica interpretatione, & Seraphino Francisco Regnerio Gallo, cum hic Italicis carminibus reddidisset Anacreontem, & Homeri Iliadem. Suspicio etiam Mariam Selvagiam Borghiniam auxilium haud mediocre habuisse a Magalotto in difficillimo, quod susceperat, exequendo munere transferendi in Italicam linguam Tertuliani opera, quae idem scripsit antequam Montani haeresi inficeretur. Nec minus faciles in se expertus est amicos, cum eorum censorium judicium de scriptis suis exquireret. Quae quidem societas & communicatio utilitatum fuit semper propria sapientum virorum, qui & reprehendi, & reprehendere libere & amice nunquam recusare solent. Tanta autem vis erat amicitiae in Magalotto, ut non solum ingenii, sed etiam rei familiaris facultates ad amicorum subsidium paratas haberet; nec

facile invenias , qui illo magis in amicitiiis conciliandis , colendisq̃ue excelluerit . Et si quando caussae suspicionum offensionumque datae sunt , aut eas vitabat , aut elevabat , aut patienter ferebat . Bis accidit , ut reprehenderetur a Falconeriis fratribus , quasi descivisset ab officio amicitiae , quod eos participes non fecerat quorumdam negotiorum , quae taciturnitati suae concredita fuerant ; sed ita se illis purgavit per litteras , ut in his clarissima fidei , probitatis , & virtutis suae testimonia reliquerit . Sic cum se gereret , facile illud assequebatur , ut veterrimas retineret amicitias , quas , ut ea vina , quae vetustatem ferunt , suaviores esse dicebat . Possem hoc loco enumerare illustriores ejusdem amicos : sed id nimis longum , atque adeo etiam injucundum foret . Cum quidem ille multas Provincias peragrasset , ubique , ac praesertim in Anglia , & Gallia amantissimos sui reliquit , a quibus & praesens , & absens singularibus affectus fuit honoribus . Saepe etiam accidit , ut qui ne de facie quidem noverant Laurentium , moti celebritate nominis , ipsius amicitiam appeterent , quos minime repudiabat ,

si spes erat fore, ut tanquam herbae non fallaces, fructus laetos & uberes essent allaturi. Horum in numero fuit Joannes Sommerſius Anglus, vir multis nominibus ſpectatiſſimus, cujus officiis retulit acceptum Laurentius, quod an. MDCCVII. cooptatus fuerit in Regiam Londinenſem Societatem, a qua praeclara ſane, debitaque ejus doctrinae teſtimonia accepit. Plurimis quoque aliis officiis Sommerſius in perpetuum ſibi Magalottum devinxit. Crebris enim litteris amoris & obſervantiae plenis illum appellabat; ad omnia, quae ipſum velle arbitrabatur, ita praesto erat, ut non alienam ſed ſuam rem agere videretur; eundemque donavit etiam aliquando horologio opera mirabili conſecto, quod donum plane regale reputatum eſt. At Magalottus, qui nullum officium referenda gratia magis eſſe neceſſarium videbat, & qui majore etiam menſura, ſi modo quis poſſet, reddere beneficia praecipiebāt, neque amore, neque liberalitate ſe a Sommerſio vinci eſt paſſus. Sic communicatis animi ſenſibus, ultro & citro datis, acceptiſque beneficiis & muneribus, in his duobus viris illud effectum

est, ut aequè quisque altero delectaretur, ac se ipso. Nec mediocris est illa laus Magalotti, quod in Heterodoxorum amicitia ita se gereret, ut nullam occasionem porrigendi, ac tendendi lumen veritatis amitteret; illudque fuit postremum religiosi hominis opus, quod scripsit, ut amico persuaderet, divina providentia factum fuisse, ut miracula, veluti insignes verae Fidei notae, nullo non tempore apparuerint. Haud scio an quidquam fieri perfectius possit hoc commentariolo, quod tanquam suavissima cycnea vox proxima Laurentii interitum visum est praenuntiasse. Aliquot jam erant menses cum ille coeperat incommoda esse valetudine; vix somnum capere poterat; vires, quibus satis firmis, ingravescente etiam aetate, usus fuerat, multum ipsum defecerant; & interdum anhelans ex imis pulmonibus aegre spiritum ducebat. Namque tabes ipsos pulmones infecerat; cumque remedia nulla fuissent, vi morbi consumptus est Magalottus postridie Kal. Mart. an. MDCCXII., cum compleisset quatuor & septuaginta annos, menses duos, dies septemdecim. Fuit haec mors acerba patriae, in

qua ille florentissima multum omnibus gloria praestitit, luctuosa amicis, & bonis omnibus, quibus suavitate ingenii & morum Laurentii frui licuit, gravis Italarum litterarum amatoribus, qui conqueri non cessabant hujusmodi casu damnum irreparabile ipsas litteras fecisse. Sepultus est ad S. Florentii in monumento majorum suorum. Scripsit heredem Hippolytum Venturium, quo neminem arctiore propinquitatis vinculo conjunctum habebat. Nam familia Magalotta, illustris illa quidem & pervetus, cujus nobilitatis gravissima & certissima monumenta vel a saeculo XIII. reperiuntur, extincta est morte Laurentii. Sed vigebit ejus nomen memoria aetatum omnium, praesertim ob partem illi a Laurentio gloriam, cujus singularis doctrina & excellentes virtutes vel obscuram potuissent illustrare familiam. Ex omnibus autem ipsius virtutibus eluxit in primis pietas adversus Deum, cujus rei haec erunt testimonia. Nullum quamvis leve religionis persolvebat officium, quin ex toto corporis habitu quidam animi ardor emicaret: preces illas, quibus veteri Ecclesiae instituto sacris initiati utuntur, quoti-

die recitabat: mirifice oblectabatur divino-
rum librorum lectione; & postremis, quibus
vixit annis, in hoc praesertim occupatus est,
ut in Etruscum sermonem transferret aut Pro-
phetarum cantica, aut Davidicos psalmos,
aut aliquod Sanctorum Patrum opusculum,
aut partem operum Sanctae Theresiae, alios-
que hujus generis libros sive Latinos, sive
Hispanicos, sive Gallicos agentes de rebus
caelestibus, humanaque vita sancte guber-
nanda. Obibat etiam octavo quoque die sa-
era Confessionis & Eucharistiae mysteria; &
semel aut iterum in annos singulos se abde-
bat in religiosam domum, quam Florentiae
incolunt Sacerdotes ii, qui *Congregationis Mis-*
sionis dicuntur, ut liberius Deo vacaret. Ex
hac autem incensa in Deum caritate egregius
in homines amor redundabat, cui unice tri-
buenda sunt multa, quae scripsit, ut erran-
tes animos, quos miserabilis Dei divinaeque
legis ignoratio tenebat, ad veritatem tradu-
ceret. Fuit, ut alibi diximus, gloriae hono-
rumque cupidus; quod animi vitium ut de-
bellaret, & radicitus evelleret, visus est in-
terdum repuerascere. Nequo illud edomitae

ambitionis mediocre est indicium, quod hoc peccato, aliisque, in quae incurrit, dum prima juvenus efferbuit, graviter sese accusaret. In eo etiam gloriae cupiditatem continuit, quod non passus est sua scripta, si ea excipias quae pertinent ad *Academiam del Cimento*, & pauca quaedam alia, in aspectum hominum prodire; quodque multa eorum, quibus extrema manus jam accesserat, cremavit. Invitanti amico cuidam, ut exemplo Francisci Redii, qui suum vulgaverat *Dithyrambum*, ipse quoque ederet *Eclogam dithyrambicam*, quam condiderat de florum laudibus, cuique nomen imposuerat *La Madre selva*, respondit illis Statii versibus:

. *nec tu divinam Aeneida tenta,*

Sed longe sequere, & vestigia semper adora.

Quae quidem, aliaque multa, quae possem afferre, satis comprobant nihil a Magalotto abfuisse longius fastu & arrogantia; quod vitium tum in se, tum in aliis, quanquam ei esset persuasum, nobis inter nos nostra esse sive vitia, sive incommoda toleranda, pati minime poterat. Summam ei natura tribuerat gravitatem, confirmaverantque doctrina, ac-

tas, & amplissima, quibus functus est, munera; sed illam ipsam tanta comitate facilitateque condiebat, ut homines non minus ad se diligendum, quam ad observandum alliceret. Augebat gravitatem dignitas oris, in quo effictam majestatem dixisses. Non propterea tamen multa non erat, cum tempus posceret, in eodem hilaritas; & delectabatur etiam interdum genere jocandi eleganti, urbano, ingenioso, faceto: dicebat enim saepe accidere, ut plus profici possit lepore & facetiis (non enim vivimus cum perfectis hominibus) quam philosophia. Sed praesertim excelluit illo facetiarum genere, quod positum est in narratione aut fabellarum, aut rerum ex historia sumptarum, quae similitudinem faciunt. At sive de jocosis, sive de seriis rebus loqueretur Magalottus, decorum semper servavit; quod mirabiliter etiam praestitit in aequalitate universae vitae, singularumque actionum. Nihil enim in eo dissonum, nihil fallax, nihil non flexibile ad bonitatem. Liberalis, non prodigus; beneficus, minime vero gratiae exactor; prudens, non timidus; pectore candidus, non asper & maledicus; doctus, non

gloriosus, aliorumque contemptor; philosophus, sed a tristi, & horrida sapientia prorsus alienus. Elegans, splendidusque omni diligentia munditiam, non mollitiem affectabat; omnibusque rebus, quae ad vitae cultum pertinent, optimis usus est. Domum habebat trans Arnum prope pontem Sanctae Trinitatis, cujus amoenitas constabat non laxitate, & magnificentia aedificii, quod tamen satis habebat salis, sed silvula, horto floribus halante, picturis, & multa suppellectili, non illa quidem luxuriosi hominis, sed tamen abundantis, & in omni re exquisito iudicio pollentis. Saepe autem cum ad prandium invitaret amicos hos non minus animo, quam ventre pascebat, cum aut excitaret eruditae quaestiones, aut sermones de rebus publicis induceret, aut legeret aliquid, aut visa a se in diuturna peregrinatione narraret. Et amplam quidem segetem narrandi is habebat, qui fuit perspicacia singulari, & incredibili in noscendis hominum moribus, civitatumque, atque imperiorum fortunis, ac statibus, neque minori diligentia in notandis. Ei rei sunt indicio tria volumina, quae scripsit de quibusdam

dam regnis a se peragratís, in quibus etiam, ut vates, nonnulla futura praedixit, facile ut existimari possit prudentiam esse divinationem. Minime igitur est mirandum, si ejus consuetudo expeteretur ab omnibus; si ejus domus summorum hominum splendore celebraretur; si magna, & in primis gravis esset apud omnes ejus auctoritas, & multi saepe ab eo consilia peterent. In explicandis autem cogitationibus suis, praesertim si magnitudo rei postulabat, tantum eloquentia valebat, ut Suada ipsa, quemadmodum de Pericle scriptum est, in ejus labiis fessitare videretur. Fuit aliquando, ut supra narravimus, oratio Magalotti tota pura, totaque Etrusca. Postquam autem idem multorum vidit mores, atque urbes, multasque exteras didicit linguas, infusus in illam aliquid peregrinitatis; eaque propter saepe reprehensus est a civibus suis. Nihilo tamen minus vere contendere mihi posse videor illum retinuisse semper opimum quoddam, & quasi adipatae dictionis genus; & in iis praesertim quae scripsit cum esset aetate provectior, facere orationem pompae plenam, illustrem, splendidam, ut habeat sum-

nam speciem, & dignitatem, prae se feratque, quod de Messala olim praedicatum est, Auctoris nobilitatem. Hanc autem laudem debuit in primis Magalottus rerum magnarum usui, & matri illi omnium non solum benefactorum, sed etiam bene dictorum philosophiae, qua pectus suum oneraverat atque compleverat. Nullius philosophorum disciplinae ignarus fugit veteris auctoritatem, risitque semper eos, qui unius disciplinae legibus adstricti, suumque minime adhibentes iudicium, id habent ratum, quod ab eo, quem probant, iudicatum vident. Hinc in disputando rationum tantummodo momenta quaerebat, acuteque expendebat; & in investigatione naturae nullam aliam ducem, quam sequeretur, praeter experientiam voluit. Non negabat tamen multa reperiri in Democraticorum, & Epicureorum libris, quae satis probabiliter rationem redderent quorundam naturalium effectuum. Plurimum usus est Platoniorum opinionibus in scribendis versibus. In eo certe non se Platonis studiosum ostendit, quod aversumis auribus fuerit a musica. Dicebat etiam, idcirco quod multa sint in Pla-

tonis libris, quae valde congruere videntur cum iis, quae Christiana Religio tenet, saepe accidisse, ut non pauci specie veri in errorem inducerentur. Unde illud in ore habebat ex Tertulliano: *doleo Platonem, cetera bonum, haereticorum omnium conimentarium factum.* E recentioribus philosophis unum prae ceteris admirabatur Galilaëum; & beatos illos appellabat, quibus contigit cum eo versari, illiusque vocem sapientiae plenam audire. De opinione autem doctrinae & virtutis, quam Magalottus habuit apud summos viros, quid plura commemorem? Prope infinitum esset, si colligere vellem amplissima testimonia, quae eidem tributa sunt non solum ab Italis nostris, sed etiam ab illustrioribus alienigenis; satisque erit dicere omnes uno ore consensisse, fuisse hominem quasi divinum, undique spargentem lucem ac lumen ingenii virtutisque suae. Hoc repraesentat exergum numismatis, quod aeternae ejusdem memoriae dicatum est, in quo exergo conspicitur radiata Phoebi imago cum hac inscriptione: OMNIA LUSTRAT. Haec quoque gloriosa fuerunt Magalotto, quod Franciscus Redius, Lauren-

tius Bellinius, & Franciscus Seraphinus Re-
gnerius opera quaedam sua illius nomini nun-
cuparunt; quodque Iosephus Averanius ipsum
funebri oratione laudavit. Bene enim Cicero:
*gloria est consentiens laus bonorum, incorrupta
vox bene judicantium de excellentie virtute.*

OPERA EDITA.

Saggi di naturali esperienze fatte nell' Accademia del Cimento sotto la protezione del Sereniss. Principe Leopoldo di Toscana, e descritte dal Segretario di essa Accademia. In Firenze per Giuseppe Cocchini all' insegna della Stella 1666. in fol. magno. Iterum opus hoc editum est Florentiae an. 1691. apud Joannem Philippum Cecchi in fol. Alibi quoque typis impressum est. Summum vero ejusdem operis ornamentum reputari debet, quod clariss. vir Petrus Muschembroeckius illud ipsum notis illustravit. Pertinent etiam ad Academiam del Cimento quae Magalottus scripsit ad Octavium Falconerium ediditque an. 1664. de Saturno ejusque annulo, aliisque rebus physicis.

Lettera proemiale per la traduzione della Concordia dei quattro Evangelisti di Gianfenio, stampata in Firenze sotto il titolo di Specchio della vita di G. Cristo 1680.

Relazioni varie cavate da una traduzione Inglese dell' originale Portoghese; del Nilo, e perchè il Nilo inondi e metta sotto le campagne d' Egitto nei giorni del maggior caldo d' Europa; dell' Unicorn, e del passaggio della Fenice; dell' Uccello di Paradiso, e del Pellicano; perchè l' Imperatore de-

gli *Abissini* si chiami comunemente il *Prete Janui*; del *Mar Rosso*, e sua denominazione; della *Palma*, sue varietà, frutto, utilità, e cultura. In Firenze presso *Pietro Mauui* 1693. in 8.

Il mendicare abolito nella Città di *Montecalbano* da un pubblico ufficio di carità, con la replica alle principali obiezioni che potrebbon farsi contro questo regolamento. Tradotto dal *Franzese* in Firenze 1693. appresso *Gio. Filippo Cocchi* in 8.

Relazione della *China* cavata da un ragionamento tenuto dal *Gesuita Graeber*. In Firenze 1697. presso *Giuseppe Manni*.

Ragionamenti di *Francesco Carletti Fiorentino* sopra le cose da lui vedute ne' suoi viaggi sì dell' *Indie Occidentali*, e *Orientali*, come di altri paesi ec. In Firenze nel Garbo nella Stamperia di *Giuseppe Manni* 1701. in 8. Ideo retulimus inter opera Magalotti hanc descriptionem itinerum Carletti, quia Magalottus illam ordinavit, emendavit, & indice copiosissimo auxit.

Lettere familiari del *Conte Lorenzo Magalotti Gentiluomo Fiorentino*, e *Accademico della Crusca* divise in due parti. In Venezia 1761. appresso *Sebastiano Coletti* in 4. Hae sunt celeberrimae epistolae, quas Magalottus adversus atheos scripsit, quasque ad *Carolum Theodolum* amicum suum instituit.

Lettere scientifiche ed erudite del *Conte Lorenzo Magalotti Gentiluomo trattenuto*, e del *Consiglio di Stato dell' A. R. del Sereniss. Granduca di Toscana*. In Firenze 1721. per i *Tartini e Franchi* in 4.

Canzonette anacreontiche di *Lindoro Elateo Poeta Arcade*. In Firenze 1723. per *Gio. Gaetano Tartini*, e *Santi Franchi* in 8. Horum carminum nonnulla reperiuntur in parte 4. della *Raccolta del Cobbi*.

Lettere del *Conte Lorenzo Magalotti Gentiluomo Fiorentino*

tino. In Firenze presso Giuseppe Manni 1736. in 4. *Perus*
totus componitur hic liber ex familiaribus epistolis, quas
Magalottus scripsit ad Leonem Strodium.

Il Sidro poema tradotto dall' Inglese. In Firenze 1749.
presso Andrea Bonducci.

* *La donna immaginaria, Canteniere del Conte Lorenzo*
Magalotti con altre di lui leggiadrissime composizioni inedite ecc.
In Lucca 1762. nella Stamperia di Giovanni Riccomini in 8.
Extat etiam in hoc volumine Dichyrambus, quem scripsit
Magalottus de floribus, cuique titulum fecit *la Madre selva*,
de quo non injucundum erit intelligere quid scripserit Vin-
centius a Filicaja in epistola ad Magalottum. Sono addosso
al vostro Ditirambo, e lo trovo sempre più splendido, e grande;
ma veggio in esso una tal profusione di bei concetti, e di belle
idee, che io non so, come voi possiate scampare la taccia d'un
ingegno scialacquatore, che non conosce moderazione, e vuol
sempre mettere in grande tutte le cose più piccole, e farle tale-
mente crescere di statura, che di nane che erano, diventino gi-
gantesche.

Lettere familiari del Co. Lorenzo Magalotti vol. II. In
Firenze nella Stamperia Granducale 1768. in 8. Sunt in his
voluminibus sparsa carmina nonnulla Magalotti; & in pri-
mo extat etiam hujus vitae Italica interpretatio, quam fecit
Petrus Cianfogno Canonicus Laurentianae Florentinae Basili-
cae.

In I. volumine *delle lettere inedite d'uomini illustri*,
quod nos Florentiae edidimus an. 1773. extat, *elogio del*
Card. Leopoldo scritto dal Co. Lorenzo Magalotti, & extant
quoque plures illius epistolae tum ad ipsam Leopoldum, tum
ad Franciscum Mariam Cardinales Mediceos. Habe etiam vol.
II. nonnullas epistolas Magalotti, & plura ad ipsam perti-

mentia . Anno 1765. Florentiae Typis Bonduccianis impressa
 sus est libellus cum hoc titulo:

*Gli amori innocenti di Sigismondo Conte d'Arco con la
 Principessa Claudia d'Inspruck tradotti dalla lingua Spagnuola
 dal Conte Lorenzo Magalotti.*

OPERA INEDITA.

*Lettere VIII. sulle terre odorose d'Europa, e di Ameri-
 rica, dette volgarmente Buccheri, scritte alla Sig. Marchesa
 Strozzi. Epitomen rerum omnium, quas explicavit Magalot-
 tus in his epistolis, ipse fecit in fine VIII. epistolae, quam
 hoc loco referre libet. Il Signore Iddio ha creato in queste
 Mondo alcune vene di terra odorose, alcune in Europa nel Re-
 gno di Portogallo, e alcune in America, che una nel Regno
 di Cile, e due in terra di Messico. In quelle di Portogallo
 in qual più, in qual meno, in tutte però l'odore è più ten-
 nue, più semplice; e benchè assai grazioso, ed amabile, pu-
 re si allontana meno da quello, che esala ogni terreno divam-
 pato dal Sole al cadere della prima pioggia. In quelle dell'In-
 die sul fondo di questo stesso odore spicca un aromatico, dove
 più, e dove meno alterato, ma un aromatico pastoso, e che
 conforta senza invasare. La singolarità di quest' odore ha in-
 vitato gli uomini tanto di quà, che di là a fare di queste terre
 vasi da beverci l'acqua, per godere nell'istesso tempo dell'urio-
 le, e del dilettevole. A poco a poco tra la curiosità, il lusso,
 e l'immaginazione è talmente cresciuta particolarmente nella
 Dame la vaghezza, la passione, o la frenesia di questi vasi,
 che moltiplicatene dal grande spaccio le fabbriche, e ragunate*

colla grand' aura la materia di lavorargli, si vedono in oggi ridotti a far figura quasi in tutte le Corti d' Europa, di rarità ne' musei, d' arredo galante ne' gabinetti, e di suppellettile deliziosa nelle profumerie, nelle credenze, e nelle bottiglierie per servire alla curiosità, al lusso, o al regalo.

Selva d' una lettera al Principe Leopoldo, con cui si pretende d' assegnare un modo, come gli odori possano essere senza che da' corpi odorosi fluisca, e si perda un minimo che della loro sostanza.

Orazione del vario genio del secolo in materia d' odori.

Anacreonte tradotto dal Greco in versi Toscani.

Lettere intorno a questioni naturali.

Comento sopra i primi cinque canti dell' Inferno di Dante.

Sommario del libro della concordia del Principato, e della Religione.

Miscellanea Varia. Extant in hoc libro;

----- *Orazione di ringraziamento all' Accademia della Crusca per essere stato aggregato in essa. Vix in hac oratione eucharistica agnosces Magalotti elegantiam.*

----- *Apologia contro Benedetto Gori Censore della Crusca, che calunnia di sediziosa, e piena di mal talento un' impresa che assunse il Magalotti detto il Sollevato. Era quest' impresa un cantuccio immerso in vino rosso contenuto in una tazza di cristallo, nella quale si vede salire il vino sopra il livello col motto del Petrarca: Ove per se non sale.*

----- *Discorso Accademico. Casus Tantalii narrat. Fabula haec omnes venetres habet, quam idcirco se narrasse Academicis suis dixit Magalottus, ut iis originem exponeret aquae, quam dicimus cedrota. Mellis & lubrica est in ea parte, ubi describit somnium, in quo Tantalus obiecta est Faigetes.*

----- *Orazione sul riapimento della Crociata detta l'anno 1663. nel dì 27. di Novembre, con cui si dimostra, essere tutte le anime da un medesimo creatore Iddio con eguali forze, potenze, e virtù create, ed essere in tutte egualmente puro lume di divinità riposto; e d'onde avvenga, che alcune più, alcune meno risplendano, e mostrino di quella fiamma, che dalla loro origine ebbero. Elegans, venusta, litterata Orazione.*

----- *Novella di Rosana d'Antemore e Giovanello. Elegantissima favella, in qua Magalottus Boccaccii stylum non adumbravit, sed ad vivum expressit.*

• *Lettera al Sig. Roberto Boyle in materia di controversia.*

----- *al Principe Leopoldo sopra il vacuo.*

----- *al Padre D. Angelo Maria Quirini sopra la dottrina dell'immortalità dell'anima.*

----- *al medesimo per provare, che non v'è maggior timore per Dio, che quello di Re de' secoli.*

----- *Al Marchese Gio. Vincenzio Salviati sul combattere le passioni della superbia, lussuria, e avarizia.*

• ----- *a Roberto Hefson sopra la Fede.*

• ----- *a Filippo Bonarrossi sull'etimologia di Lonchio e sue adjacenze.*

----- *a Monsignor Frosini sull'Eucarestia.*

----- *al Barone Bettino Ricafoli destinato Inviato straordinario del G. Duca in Francia intorno ai costumi dei Francesi, e dei Spagnuoli.*

• *Ristretto intorno alla pace de' Pirenei, cavato da memorie originali, e diviso in libri sei.*

• *Memoria per uso di diversi istrumenti mandati a Papa Alessandro II.*

• *Relazione del Regno di Svezia.*

Osservazioni sopra varie Corti, e particolarmente sulla Corte d'Inghilterra. Vol. II.

Caratteri di diversi illustri personaggi.

Trattato al G. Duca Cosimo per regolare il commercio del vino.

Registro di lettere scritte al G. Duca nel 1673. allora ch'è il Magalotti era Ministro in Vienna.

Traduzioni di varie opere di S. Euremont, che sono; Riflessioni sopra Annibale dopo la battaglia di Conne; Osservazioni sopra Tacito, e Sallustio; L'idea della donna, che non è mai stata, e che non ci sarà mai; Quelli scienze convenivano più a un galantuomo; Dissertazione sopra Alessandro Magno; Su quella massima, che agli amici non si ha a mancare mai; Su quell'altra massima, che si ha da differir la fortuna, e non si curar della Corte; Dello studio, e della conversazione; Della seconda guerra Punica; Dell'eloquenza; Dell'amicizia; Giudizio sopra Seneca, Plutarco, e Petronio; Parallello di Alessandro, e di Cesare; degli Storici Franzesi; de' Traduttori Franzesi; Del gusto, e discernimento de' Franzesi; L'interesse sordido; La virtù troppo rigida; Riflessioni su i diversi genj de' Romani ne' diversi tempi della Repubblica; Delle prime guerre de' Romani; Il genio de' Romani al tempo che Pirro fece loro la guerra; Contro l'opinione di Livio sulla guerra immaginaria, che ei fa fare da Alessandro ai Romani; Della tragedia; della commedia; della commedia Italiana, e Inglese; e dell'opere in Musica.

Traduzioni varie, parte dal Latino, parte dallo Spagnuolo, parte dall'Inglese, e parte dal Franzese tutte di cose spirituali, cioè di Thomas à Kempis dell'imitazione di Gesù Cristo; di G. Co. Cossimo Eremita dell'abito de' Monaci; il Cristello interiore di S. Teresa; Opuscoli di D. Lorenzo Grazian;

Dell' Amor Serafico di Roberto Boyle; Orazione dell' uso de' Sacramenti della Penitenza, e dell' Eucarestia presa dal libro intitolato: Journe Chrestienne.

Traduzioni di poesie dell' Inglese; Lo Scellino Lampante, e la Battaglia delle Bermude di Filips, e d' una parte del Paradiso perduto di Milton. Vercit & alia poetica ex aliis linguis Magalottus, quorum pleraque sunt edita.

Poesie varie.

Lettere familiari. Nimis longus essem, si vellem singulos recensere, ad quos litteras dare solitus erat Magalottus. Quas ipse ab amicis acceperit omnes pene extant apud nobilissimum virum Cosmum Venturium; apud quem extat quoque maxima pars operum, quae reliquit Magalottus, quaeque nos supra retulimus. Haec enim cum ceteris Magalottae familiae bonis ad eum hereditate pervenerunt. In tabulario Mediceo magna extat copia epistolarum, quibus Magalottus certiorem faciebat Magnum Ducem Ferdinandum de omnibus iis rebus, quas eum scire velle putabat, cum iter per Europam illius filius Cosmus faceret.

ANGELUS FABRONIUS

JOSEPHO PETRIO SUO

S. P. D.

ITa natura comparati sumus, ut cum aliquem vel doctrina, vel prudentia, vel alio virtutis genere excellere supra ceteros videmus, & sententiae principatum tenere, statim quaeramus, quibus potissimum initiis & fundamentis laus haec excitata sit. Itaque ignosci mihi velim, si cum de Francisco Redio dicendum susceperim, pauca ex historiae monumentis deprompsero, ex quibus intelligi possit quantum intersit in medicina facienda non ingenio indulgere, non temporibus servire, non optemperare paucorum, quos probamus, auctoritati, sed ratione, consilio, caute, prudenter, & per experimenta, in quo praecipua Redii gloria posita est, morborum causas ac remediorum naturam inquirere. Profecto nulla non laude celebrandi sunt sapientes ii viri, qui sic excoluerunt physicas facultates ac praesertim medicinam, ut in experientia omnia ferme posita esse putaverint, nullamque capitalio-

rem esse pestem, nullam majorem contagionem, nihil tam exitiosum, quam libidinem systematum atque hypothesium; ad quas quoniam omnium hominum ingenia sunt propensa, nunquam satis admoneri illi possunt de iisdem declinandis fugiendisque. Ortum inquiramus medicinae apud Babylonios, Chaldaeos, atque Aegyptios, & tum facile intelligemus quidquid ad illius incrementum inventum est, id totum deberi observationibus atque experientiae. Proponebantur aegroti in frequentioribus locis, ut a transcuntibus discerent quid sine periculo & cum utilitate hi in similibus morbis experti fuerant, & quod iterum ac saepius salutare fuisset illae gentes noverant, hujus memoriam tanquam praedari alicujus Deorum inventi in celebrioribus templis consecrabant. Tum quidem adolescere coepit medicina quando hujusmodi multa, quae dispersa erant, quaeque infinita videbantur, ratione & distributione colligi, & sub uno aspectu poni coeperunt; & difficultas laborque redigendi ad artem, quae a multis erat descripta & notata, immortalitatem Hippocrati comparavit. Natus hic in Insula Co in primis clara & valida, & Aesculapio dicata, longe laetique peregrinatus est, ut se externis ditaret divitiis, quamvis nulla res esse videretur in usu

medicinae posita, quae sapientissimi viri scientiam effugeret. In Thessaliam quoque eadem de causa, in Hellepontum alioque filios & discipulos suos misit; atque ex rebus undique exquisitis, collatis, arcessitis, comportatis medicinam instituit genuitque, quae Clinice vocatur. Huic successit temeraria atque inconsiderata medicina Chrysippi, aliorumque opera, qui nihil observationibus tribuentes, omnia novitati, loquacitatique animas aegrorum, ut ita dicam, negotiari velle videbantur. Viguit malo hominum fato eorum auctoritas ad Acronis Agrigentini usque tempora, qui in Sicilia Empiricorum sectam condidit. Ab hac aliae inter se dissidentes sectae proflexerunt, quarum varia fors fuit ad Hierophli usque aetatem, qui eas omnes damnavit in muscos pedes, ut ait Plinius (1) venarum pulsū descripto per aetatum gradus. Deserta deinde & haec secta est, quoniam necesse erat in ea litteras scire. Plurimum operae, studii, diligentiae, laboris contulit Aesclepiades magni Pompeii aetate ad revocandum simplex & naturae consentiens medendi genus. Sed salutares, quas ipse dedit humano generi, leges paullo post abrogavere multi, quos temeritas & casus, non ratio & con-

(1) Praef. lib. 29.

filium in medicina facienda ducebat: satis vero mirari non possumus hominum facilitatem, ne dicam stultitiam, qui corpus suum turpissimo medicorum quæstui omnique superstitionis generi addicebant. Floruit sub Augusto Antonius Musa felicitate magis quadam, quam prudentia clarus; & quamvis non adeo profluxerit ad hominum famam Cornelius Celsus, qui Tiberii fortasse ætate vixit, omni tamen laude celebrandus is est, quod scriptis de re medica libris octo, nullo non rerum & verborum delectu habito, veterem simplicitatem dignitatemque medicinæ restituere curavit. Sed circulatorum strepitu completæ aures hominum obscuruerant, & violentis affecti medicamentis irridebant eos, qui tuto, blande, & jucunde ex Asclepiadis præcepto se curaturos ægrotos pollicebantur. Quo quidem tempore omnium sermone celebrabatur novæ & temerariæ sectæ conditor Vectius Valens, cujus, ut & majorum omnium placita paullo post funditus sustulit, Nerone imperante, Thessalus, rabie quadam, ut ait Plinius, in omnis ævi medicos declamans. Quanta vero prudentia ingenioque is esset, ex eo judicari potest, quod monumento suo, quod erat Appia via, iatronicen se inscripserit. Reliquos medicos omnes fama & divi-

eius visus est superasse Crinas Massiliensis, qui ad
 siderum motus omnem medendi artem dirigebat; in
 quem ceterosque irruit postea ex eadem civitate
 Charmis, qui tantum frigidae tribuebat, ut ea om-
 nes sanari posse morbos affirmaret. Sic alius alii
 succedens, ut quisque loquacitate, novandique in-
 genio pollebat, hominum vitae necisque satum re-
 gere videbatur. Ex quibus intelligi potest Hippocra-
 team medicinam ex magna spe juvandi homines
 deturbatam prorsus in oblivione jacuisse. Neque
 dubium est quin consequentes medici majora attu-
 lerint medicinae detrimenta, quibus nihil non li-
 centiae atque aulaciae dabit hominum inscitia
 atque credulitas. Profecto si a veterum industria
 rationeque minime deservissent medicinae cultores,
 non utique doleremus utilissimam scientiam non so-
 lum per tot saecula haesisse, sed etiam retro sub-
 lapsam in pejus ruisse, atque ad humani generis
 perniciem totam conversam fuisse. An melius ac-
 tum cum hominum vita & medicina existimabi-
 mus, quando Galenus hujus principatum adeo te-
 nuit, ut quidquid ipse proferret ex oraculo dici
 putaretur? Et nimirum ille medicorum, si Super-
 ris placet, princeps, neglecta experientia ob-
 servationeque, tot a Peripateticis mutuatus est, qui-
 bus

bus tanquam alienis fœdibus obsolevit medicina, ut nil minus quam hominum salus propostâ illi fuisse videatur. Cujus ego viri placita de occultis qualitatibus (ut or jampridem disciplinarum ipsarum vocabulis, ne si aliter fecero, & obscurus, & nimio plus diligens fuisse videar) de elementis, de facultatibus, de sympathiis, de mirabilibus remediorum potestatibus, de pharmacis electivè purgantibus, de specificis, de antidotis, de universa denique morborum ratione si hoc loco referre vellem, ineptissimus judicaretur. Mirum profecto videri debet permultos non mediocris ingenii existisse homines, qui hujusmodi ineptiis atque stultitiis auctoritatem adjungere magno conatu studioque allaborarunt, inter quos post Oribasium, Aetium, Alexandrum Trallianum, Paullum Aeginetam, eminere videntur Actuarius & Myresius, a quibus ad Arabes, paucis immutatis, universa Galeni doctrina traducta est. Sed Arabum sectæ, quamvis totæ esse viderentur in veterum libris interpretandis, nova tamen excogitarunt remedia, novisque a chemia nuper inventa paratis sibi præfidiis, medicinam modico instrumento locupletarunt. Quo successu eo paulatim processit audacia & impudentia chemicorum, ut nobiliores medicorum deriderent at-

que contemnerent, nihilque esse putarent, quod per ipsos effici non posset ad hominum salutem vel conservandam, vel restituendam. Quae sunt illa Paracelsi in Galenum ejusque sectatores? Profecto illi gratia aliqua habenda est, quod servile Scholasticorum jugum a medicorum cervicibus dejicere studuerit; ceterum nil stultum magis, ac risu magis dignum, quam quod ipse ceterique, qui inani, speciosa tamen, prudentiae laude delectabantur, de aegritudinibus, deque remediorum naturis effutire non dubitarunt. Sed plerique Principum ita in eos effusi erant, ut diu eorum steterit fortuna & auctoritas, magnaue voce jurabant homines vere jurasse Helmontium a concusso Archæo & irato febres morbosque omnes oriri, horumque omnium unicum domitorem esse Alkæst. Hujusmodi similitumque somniorum plurimi extiterunt vasserrimi interpretes & sectatores, quoad Otho Tachenius, & Sylvius de le Bois novi aliquid severe in inculto & derelicto solo. Docebant hi summam esse vim in humanis corporibus acidorum & alkalium; esse alkalicam felli vim, esse acidam pancreaticae lymphæ, mixtam, superante acido, salivæ. Horum quasi triumviratu cuncta administrari; acido fermento subigi cibos in stomacho,

demum transmissos occurſu bilis ſerveſcere, turbari, ſecerni; hinc per inteſtina diſpelli, inde in ſanguinem, iterumque abortis turbis in corpus omne diluci; alterutrius vitio gigni viſcidum, ſuperante bile, fervorem, unde febres, & aegritudinum agmina. Poſt hæc placuit Williſſo, magna ceteroquin doctrina homini, omnia tribuere ſulphuri, fermentis & ignibus, cum quæ in quibuſdam corporibus artis chemicæ ſubſiſſio accidere vidimus, eadem in humano corpore fieri ſibi perſuaderet. Tum enim erat omnibus philoſophis commune vitium ex uno pauciſque experimentis, ex adumbrata veritatis imagine, interdum etiam ex conſectis principiis concludere quid eſſet in natura rerum omnium, quod in univerſum dominaretur, quoque cognito, latebras naturæ omnes ſic peragrarè poſſemus, ut nihil amplius futurum eſſet oculum atque reconditum. Quæ quidem omnia facile oſtendunt quam diſſolute, quam turpiter, quam pernicioſe per tot ſæcula philoſophati ſint medicinæ ſtudioſi. Hinc ſectæ hoſtili odio invicem infeſtæ, ingenia certis hominibus certisque ſententiis ſacramento ad dicta, impotens atque infinita pugnandi libido, nova rebus nomina indita ad lites alendas ex compaſſo inſtitutas; fallaces & captioſæ interrogation-

nes, certae quaedam & solemnes formulae, quibus nihil subesset nisi strepius; subiles & acutae speculationes de iis, quae nunquam fuissent, aut vero esse possent; perpetuae, & ad ravim usque productae inani labore disputationes; omnia prius quaesita quam veritas & natura. Interea mathematici nacti tempus idoneum ad tot debellandas sectas, vehementes quidem fuerunt, & omnes profuderunt vires ingenti, ut persuaderent hominibus non solum mancā & imperfectā, sed nullam fore medicinam, nisi in subsidium illa mathematicas disciplinas advocasset. Latissime quidem parent hae disciplinae, sed si earum mechanicis principiis omnis animalis vitae rationem explicare voluerimus, inconsulta experientia, nil facilius erit, quam ut incognita pro cognitis habeamus, hisque temere assentiamur. Age dum statuamus medicinam non exquisitis argumentorum subtilitatibus contineri, ejus artem non a systematum & hypothesium inventionē, sed ab experientia observationibusque rite ac saepius habitis pendere, eumque fore utilem medicum, qui principia causarumque rerum, quae latent obscuritate involutae naturae, praetermittens totus est in harum effectibus noscendis, atque inter se comparandis, inquirendoque prudenter pa-

clenterque quid natura ferat, aut usus doceat, aut evidens ratio confirmet. Haec pristina simplicitas est, quae propter novitatis amorem diu non sine maximo Reipublicae detrimento obsolevit, cujus quod apud nos restitutor fuerit Franciscus Reditus vir sane divino ingenio & prudentia singulari, quodque exemplo praeceptisque suis nos docuerit, qua ratione ingredi sine casu aut prolapsione vix possemus via omnium maxime lubrica, rem illum gessisse omnium saeculorum memoria dignam, ac pene caelestem judicare debemus. Vereor equidem necum de tanto viro dicendum susceperim, minuiam potius, quam augeam ejus gloriam. Quid porro praestiterim nemo te melius judicabit, qui sic polles omni physica scientia, ut non modo aequorum expectationi, sed etiam iniquorum invidiae satisfacere potueris. Vale.

Pistis III. Non. Martias MDCCLXXIX.

FRANCISCUS REDIUS.

SI quis haud invidiose perpenderit quae quantaque fluxerint ex libris Francisci Redii, quos complures brevi tempore edidit ad usum hominum, & ad medicae artis, historiaeque naturalis incrementum, fateri minime dubitabit singulari Dei beneficio concessum Etruriae hominem fuisse, ut florentissima Provincia in hoc gloriari maxime posset, nullam esse philosophiae partem, quam ipsa e tenebris in lucem, ex servitute in libertatem non revocaverit. Habuit ille, ut Galilaeus ceterique insigniores philosophi, objurgatores vituperatoresque, sed cum in incepto itinere constanter perseverasset, demum effecit ut alteros se reprehendisse poeniteret, alteri se didicisse gauderent. Natus ille Aretii anno MDCXXVI. XII. Kal. Martii nobilissima Etruriae urbe, nobilissimisque parentibus Gregorio Redio, & Caecilia Ghincia, educatusque Florentiae mature praeparavit animum hu-

maniorum litterarum studio ad sapientiam concipiendam. Hujus rei causa ad Academiam Pisanam venit, in qua ineunte Majo anno MDCXLVII. philosophiae & medicinae laurea insignitus fuit. Sunt qui narrant ducem & magistrum Redio fuisse in optima philosophandi ratione Famianum Michelinium, postquam, ut fit, ad ejus scholam fortuito venisset; quod quidem minus vere affirmari existimo. Perscriptum enim invenio in monumentis ejusdem Academiae vocatum Michelinium fuisse ad tradendas mathematicas disciplinas anno postquam Redius studiorum curriculum confecit. Pisis quidem dum esset Redius maxime se applicuit ad familiaritatem Paganini Gaudentii, cujus magnum erat nomen in litterarum humaniorum, quas docebat, cultoribus. Valebat ingenio, vincebat omnes industria, perfecte eruditus Graecis non solum Latinisque litteris, sed etiam Haebraicis atque Arabicis, omnique eo, quod ad antiquitatem quomodo-
cumque pertineret, orationem subito dicere non verebatur; quodque vehementissime in his subitis dictionibus se exercuisset, illud paratius atque accuratius dicendi genus negligere vi-

debatur. Quare minime est mirandum si multorum, quae reliquit, scriptorum fama ad nostram usque minime mansit aetatem. Illius certe opera & consilia utilissima fuere Redio, qui incendebatur quotidie magis ad studia oratoria atque poetica. Sed dum ipse incertus esset quodnam curriculum habitura esset sua industria, offertur illi munus tradendi humaniores litteras in Columnensium Principum domo. Romae quidem illum fuisse an. MDCL. scriptum invenio, ibique frequentasse illustriores bibliothecas atque Academias, maguaque habuisse subsidia in illis suis philosophicis exercitationibus a Raphaele Magiotto, quem post Galilaei mortem multo doctissimum philosophum nostram tulisse Etruriam vere videor posse contendere. Neapolim quoque concessit, cum in rarioribus exquirendis rebus naturalibus curiosus esset, cupidusque doctos homines audiendi, sibi conciliandi. Sed inter haec spectans Etruriam, & ad suos redire cupiens nihil potius habuit, quam ut aditus sibi ad gratiam Ferdinandi II. Magni Etruriae Ducis daretur. Quod quidem ei facile fuit, cum tam cognatum nihil esset Principis sapien-

tissimi ingenio, quam eos omnes complecti, in quibus non vulgaris esset vis rationis, cognitionis & scientiae. Et quidem non tam voce, quam praemiis Redium ad magna suscipienda illico stimulare coepit; cumque de illius doctrina mira aliquando praedicasset, designavissetque jam medicum suum; *gaude, inquit, isto tuo tam excellenti bono, & fruire cum fortuna & gloria, tum etiam natura & moribus tuis.* Erat enim supra quam cuiquam credibile est modestus, dulcis, festivique sermonis, & ad omne obsequium humanitatemque accommodatissimus. Multi tum erant, qui sine instrumento rerum mathematicarum ad ullam rem illustriorem satis ornatum atque instructum accedere quem posse putabant, sed cum ad earum intelligentiam minus a natura habuisset Franciscus praesidii, nil invita faciendum Minerva putavit, praesertim cum aliae non deessent viae, quas ad gloriam proximas, & quasi compendiaras esse intelligebat. Ad medicinam igitur & historiam naturalem omni errorum & mendaciorum genere contaminatissimas expurgandas se convertit, in quo tanta felicitate usus est, ut earum disciplinarum parens

jare dici possit. Illud & suscepit Redius, ut probaret exemplo suo hominibus, hoc vehementer interesse dignitatis & gloriae litterarum ab elegantia doctrinae eloquentiam minime segregare. Quemadmodum enim ille optimus orator est, ut ait Cicero, qui non temere & impudenter, sed ex arte dicit, & in dicenda causa argumentis aptissime ductis texit orationem, & philosophiae studiis adjutus quocumque vult animos trahit, ita & philosophus ille probatissimus est, qui res magnas & obscuras inventas aperit, atque illustrat, & ab oratore instructus puris & electis verbis vestit res ipsas, ne obscure & perverse dicendo offendat eorum animos, qui in cogitando & quaerendo sunt defatigati. Ex multis autem dicendi generibus quod aequabile & temperatum est, non solum judicio & voluntate, sed sponte atque ipsa natura Redius excoluit in primis, effecitque, quod perpaucis adhuc contigisse video, ut par esset tum in numeris adstricta, tum in soluta oratione. Omnino, ut de Nestore & Ulyssæ dicebat Homerus, melle dulcior & nive candidior ex Redii ore fluere videbatur oratio;

quod quanti faciendum sit ex aliorum praefertim Scriptorum comparatione intelliges, quos omnes fere mala, quae tum vigeat, disciplina, pravaeque opiniones corruperant. Profluxit autem Reditus primum ad hominum famam suis Italicis carminibus; cumque sua sponte deditus esset poesi, hanc etiam eo magis excolendam putabat, quod per eam ad sapientiam concipiendam animi praeparari & excitari consueverint. Pleraque ejus carmina sunt amatoria, quae legens aegre putabis illum ex aliis potius, quam ex se ipso horum argumenta sumpsisse, cum tot imagines, & illa pictura impetus commotionisque animi haud repraesentari posse videatur delicate, molliter, ac vere nisi ab eo, cujus sensus acerrime commoti fuerint. Valde illi placebat hoc poesis genus, quamvis voluptatum illecebris minime titillaretur. Sed ingenium Redii mollissimae cerae simillimum, quocumque is vellet, flectebatur ac torquebatur. Dulces adeo sunt versus illius, & ii praesertim, qui epigrammata Latine dici solent, ut Italicae poesis amatores non modo ipsos legant, sed etiam ediscant. Unus est sonus totius epigram-

matis, unus stylus, unum cogitatum; & quae
 in eo lucent ornamenta, adeo sunt propria
 & venusta, ut non in alienum, sed in suum
 immigrasse locum videantur. Fortasse unum
 alteri praeferes, omnia certe laude digna pu-
 tabis, quamvis pleraque eorum festinanter ni-
 mium ad oblectandum animum majoribus cu-
 ris studiisque fessum se scripisse Auctor fateat-
 ur. Adde his si placet carmina, quae ad
 amicos quasi per ludum & jocum scripsit, ex
 quibus intelliges quantum valeret in illo per-
 petuae festivitatis genere. Sed vicit opinio-
 nem omnium Reditus cum an. MDCLXXXV.
 Italicum Dithyrambum cum enarrationibus sa-
 ne copiosis atque eruditissimis (notae alieno
 ineptoque vocabulo appellari solent) in lucem
 emisit. Hoc poesis genus a Graecis inventum
 ad Bacchi laudes canendas, intentatum lique-
 re Latini, ceteraeque nationes, si Italos exci-
 pias. Ante Reditum quasi adumbratam quam-
 dam formam illius dedere Ugolinus Ubaldinus,
 Angelus Politianus, Benedictus Floretius, Ni-
 colaus Villanius, & quem Reditus ipse cer-
 te imitatus est, Bonavita Capezzalius. Ve-
 rum illud ipsum Poeta noster perfecit, ac

tanta elegantia varietateque colorum ornavit, ut Graecos ipsos vicisse videatur. In disparibus numeris molliter & libere fluunt versus, neque duriter bina, aut plura verba Graecorum more interdum simul junguntur. Laudator est ipse Bacchus optimorum vinorum, quibus Etruria mirum in modum abundat; quodque minime patiatur Ariadnam, cum qua loquitur, quidquam sibi reponere, id fortasse dandum est homini, cui vinum defusum est e pleno oenophoro. Ne tamen elinguis esse videretur procaci ingenio femina, hanc Redius in novo Dithyrambo laudantem induxit salubriores Etruriae aquas. Sed rudem & imperfectum hunc Dithyrambum reliquit, propterea quod alterius praestantiam minime aequare illum posse intelligebat. At dum poeticum ingenium in Redio praedicamus, id praesertim intelligi volumus ipsum fuisse ex maxime raro hominum genere, in quibus celeres mentis motus, qui sunt proprii poetarum, cum lenta & considerata philosophorum prudentia conjunguntur. Sic postquam exacuera illam mentis aciem condendis carminibus, investigationi naturae dabat operam, omnia caute & patienter

perpendens non ad disciplinae cujusdam praecepta, sed ad rationem atque experientiam. Cum doleret inquinatam, perversam, conturbatam hominum stultitiis & deliramentis medicinam, non hanc se diligere minus debere putavit, quod esset deformior, sed misereri potius, ejusque dignitati, ut & hominum incolumitati consulere. Placuit sapiens illius consilium Ferdinando II. praesertim cum eidem nihil deesse arbitraretur ad illud ipsum exequendum. Ipsam auctoritatem, quam ei dederat, & quod medico semper, interdum etiam consiliario illo uteretur, plurimum valituram arbitrabatur ad retundendos pertinaces, petulantes, ac protervos medicos. Restabat igitur ut Redius qua voce, qua scriptis, qua exemplo opus magnum aggredere-
 tur, in quo quidem minime desiderari est passus prudentiam, industriam, ac diligentiam suam. Multa expertus, multa diu meditatus non dicam hypothesibus & conjecturis, sed vix sibi ipsi credebat, nisi experientia saepius demonstrasset id verum esse, quod intendebat. Morborum, aiebat, plerumque ignorari obscurissimas causas, vices, effectus, remediorum-

que potestates: frustra confugi ad elateres; aut atomorum figuras, aut salium ~~Lucas~~, aut fermentorum licentiam, aut adfinitatum leges, occultaque qualitates; idque superesse unum ad decus & famam nobilissimae scientiae, si ipsa soluta opinionum & sententiarum vinculis in sola naturae contemplatione consisteret, sicque pristinae redderetur simplicitati. Neque mediocris erat laboris repugnare visis, & eorum obsistere auctoritati (atque haec late quidem dominabatur) qui invec̃tis in medicinam alexipharmacis, cardiacis, & hujusmodi multis medicamentis, quo ruere natura ipsis videbatur, magis magisque illam impellendam putabant; & qui saepius violenterque exonerato ventre, ac sanguine venis emissio, aut moto per vim sudore, omnem vigorem, & quasso in corpore laequentes vires prorsus extinguere conabantur. Horum temeritatem cum increparet Reditus, non satis praecipi posse judicabat, omnem medici artem in imitanda & adjuvanda natura positam esse, saepius cunctando restitui rem, nihil inconsiderate ac temere agendum, simpliciora remedia omnibus praeferenda; & quoniam in similibus morbis

repugnare

magnae saepe existunt varietates ex varia orientes corporum & locorum natura, caeli tempestatibus, aliisque hujusmodi causis, ut nullum fere in usu artis perpetuum medico praeceptum esse videatur, hinc exacuendam mentis aciem ad meliora eligenda, rejicienda contraria, ac nullum non studium adhibendum ad tenendas res, in quibus non causarum, sed eventorum cognitio continetur. Acris isthaec mentis vis, & ut ita dicam, sagacitas cuncta celerrime cogitans, & illico quod probandum sit maxime in unaquaque re dijudicans, quanta esset in Redio ex ejus scriptis conjici potest; quodque illa maxime exercitatione & consuetudine judicandi augetur, nullam homo navus & prudens praetermittebat occasionem perficiendi naturale bonum usu, arte, & patientia prope incredibili. *A primo ortu medicinae ad nostra usque tempora*, ut affirmavit mihi aliquando vir medica doctrina nobilissimus Pringlejus, *vix quemquam invenies, quem cum Redio prudentiae laude audeas comparare*; quo praeconio non sane video quid gloriosius ac magnificentius dici possit. Homo qui convellendum susceperat de-

ter-

terrimum medicinae statum, in quo illam novitatis amor, credulitas ac superstitio collocaverant, multos ferre debuit obrectatores atque adversarios; sed ipse propter salutem hominum inimicitias non solum non recusavit, sed etiam appetiit, neque terendum tempus putavit in refellendis imperitorum maledictis. *Qui me accusant, scribebat aliquando, Hippocratem accusant, quem auctorem me habere glorior, cujusque aemulari exopto negligentiam potius, quam istorum temerariam atque obscuram diligentiam.* Qua re innuere volebat cautiissime tractandam artem medicam, ab ea violenta medicamenta removenda, & reduviam curandam, quoties vel minimum vetaret periculum medicinam capiti adhibere. Si quem vero invenisset Redius, a quo maximis ipse efferretur laudibus, subridens respondere solebat: *quam magni, quam humiles sumus, qui idcirco nominamur, quod nihil nos scire putamus!* Ceterum quis non laudabit Redii modestiam, cujus fama, sicuti locupletissimus testis est Magalottus, quamvis ad Sarmatas, ad Svecos, aliasque remotissimas nationes adeo pervenerit, ut se re instinctu afflatuque divino ejus praecepta,

tanquam oracula, fundi putarentur (1), nullius tamen inventi gloriam ipse sibi arrogabat, & illa ipsa remedia, quae in quibusdam aquis invenit ad sanandum aut morbum regium, aut teneſmon, aut tormina, ſe ab Aſclepiade aliisque didiciſſe palam aperteque dicebat. Addebat etiam ſibi omnia paria cum iis medicis eſſe, qui paucis, neque incertis contenti medicamentis, prudenter, fideliter, amice praefiſto ſunt aegrotis, omnia ſecundum naturam adminiſtrantes. Miraberis fortasſe tam cautum, & fere timidum medicum non alienum, ſi res poſceret, fuiſſe ab uſu hydrargyri, ſed cum in omni re gerenda moderatricem ſemper habuerit prudentiam, nihil ſerme tentavit, quod ex ſententia minime ſucceſſerit. Cum Reditus exauiſſet illam ſuam mentis aciem ad optimum quodque eligendum, id praefertim Provinciae ſuae ſe debere putavit, ut oppugnaret (2) in-

(1) Vid. *Lettere familiari del Co. Magalotti* Part. I. lett. 13. p. 222.

(2) *Non ho prerogative da comparire* (ſcribebat ipſe ad Stephanum Pignattellium) *nel coſpetto dei primi uomini del noſtro ſecolo. Una ſola prerogativa riconoſco in me, ma ella è una prerogativa di deſiderio, e non di fatto. Deſidero*

ptam, & garrulam & odiosam circulatorum scientiam, qua non medicinam modo, sed omnes physicas facultates ii foede deformaverant. Ea propter nulli pepercit industriae, quo in Ferdinando II. magis magisque accenderet desiderium experiendi quid in quaque re verum esset: & quidem vix credibile est quot per Redium coram sapientissimo Principe capta sint experimenta, & habitae observationes de rebus aut ad anatomiam, aut medicinam, aut botanicam, ceterasque physicas facultates pertinentibus. Multis millibus aureorum nummum stetit Ferdinando narratur experimenta, quae a Redio instituebantur; sed hujusmodi impensas occupationesque fructuosas solum putabat Ferdinandus, non illas, quas ambitio, luxuries ac vitiosa consuetudo in Principum aulas induxerat. Tantum Ferdinandi amor erga Redium & disciplinas, quae ab eo colebantur, valebat, ut quotidie ejus congressus sermo-

T 2

rei di potere sciogliere gli uomini da quei buci, o da quella eccità, nella quale sono stretti ed imbavagliati dalla birba, dalla ciurmeria, dalla ciarlataneria, dalla farsanteria de' medici ignoranti, e de' Filosofi (chymicos innuit) che tormentano i poveri cristiani e poi li fanno morire con cirimonia e con lusso di pellegrini e superstiziosi rimedj.

neſque doctiſſimos requireret, & in frequen-
 tioribus urbis locis, ipſoque theatro cum eo-
 dem colloqueretur. Neque minoribus volun-
 tatis ſignificationibus quantum ei tribueret de-
 clarabat Leopoldus Princeps, a quo cum A-
 cademia *del Cimento* ad aemulandam Fratriſ
 gloriam condita fuiſſet, credibile quidem eſt
 ipſum in ea locum dediffe Redio, plurimum-
 que ejus opera uſum fuiſſe. Extat Redii ipſius
 epiſtola ad Carolum Datum, ut eum certio-
 rem faceret, ſe aſſiduo & vehementi ſtudio
 in rerum naturalium inquiſitione cum aliis A-
 cademicis verſari, multa nova ſe detexiſſe,
 & inveniſſe quoque rationem extrahendi ſales
 ex lignorum, herbarum, florum & fructuum
 cineribus. Sed quantaecumque, quamque
 diuturnae eſſent ingenii contentiones, illud
 tamen ſe nunquam efficere poſſe putabat,
 ut non multo plura, quam quae ſciebat, ne-
 ſciret. Ex iis anguſtiis, in quas ſuperiorum
 aetatum philoſophi phyſicam conjecerant, in
 campum paullo patentiorem illam educere
 tantummodo ſibi propoſuerat, & viam quo-
 dammodo monſtrare, qua veritatis amatoribus
 ingrediendum eſſet. Ex multis, quae ſepoſue-

rat, publica luce donanda primum putavit; quae ad viperas pertinent, quod in iis res medica non minus, quam physica contineretur. Quominus veri de iis fuerat memoriae proditum; hoc fuit Redius ad investigandum curiosior. Postquam certissimis experimentis probasset nihil esse venenati in vipera, nisi liquorem quemdam flavi coloris, quem in vagina, qua obducuntur canini dentes, contineri putavit; exposuit qua ratione is emittatur, & cum sanguine vulnerati morfu animalis, quod ad mortem inferendam necessarium est, commisceatur. Ipsos caninos dentes tum in maribus, tum in feminis binos esse, & ab imo ad summum usque excavatos, viamque veneno aperire ait. Istud autem venenum ubi generatur, & quomodo mortem affert? Non a felle vesica, ut erat multorum sententia, illud ortum suum ducere putat, sed in capite gigni, & deferri ad vaginam per salivarios illos ductus, quos recentissime in humano corpore detexerat Thomas Wartonius, & in multis aliis inesse animalibus probaverat Laurentius Bellinius. Sed horum postremum pro certo affirmare non audet Redius, & prorsus

se ignorare fatetur quomodo vitam adimat venenum. Quid? Nonne optimus & gravissimus philosophorum quisque fateri solet, multa se ignorare, & multa sibi etiam atque etiam esse discenda? Viperini veneni quae quantaeque sit vis multis apertum facit experimentis: comparat etiam inter se plura genera venenorum, & quae de eorum medicamentis vulgo tradebantur, pleraque mentita & omnino falsa esse se manifesto comperisse affirmat. Quamvis prolata a Redio de viperis talia essent, ut de iis affirmare posset, *haec omnia vidi*, extiterunt tamen in Gallia, ubi huiusmodi studia sero admodum expetita vix tum colebantur, qui ei se se opposerent, in ea persistentes sententia, nihil venenati esse in vipera, nisi illa irritata esset, & lacessita ad offendendum eum, a quo se laesam esse putaret. His cum responderet Redius illa secutus est, quae paullo ante proposuerat, novis eadem comprobans experimentis, quae vel pervicacissimos convincere erroris potuissent. Sed opinionum vanitas ita iis temporibus animorum imbecillitatem torquebat, ut infanorum potius visis, quam doctorum hominum testi-

monius fides haberetur, & sublata omnis veri & falsi nota esse videretur. Non Gallos, sed Redium imitati sapientes viri Meadius, Nicolsius & Fontana per experimenta viperarum naturam & fabricam iterum indagarunt, & nova multa in lucem protulere, quae superiorum oculos effugerant. Observarunt hi non eundem semper esse caninorum dentium numerum; flavum liquorem non exterius, sed per internum canalem, qui est in iisdem dentibus, a summo ad imum usque excurrere, huncque non a vagina exprimi, sed ab ampulla quadam, quae musculis cingitur supernae mixillae, ad cujus latera posita est, quaeque proprium ductum habet ad labia usque alveolorum, quibus ipsi dentes inseruntur. Ex multis pauca collegi, quod haec minime congruere videntur cum iis, quae Reditus protulerat. Ceterum quod ad viperini veneni naturam pertinet, injuria a Meadio Reditus reprehenditur, quia illud minime falsum acidumque esse putaverat. Cum in hujusmodi rebus perquirendis investigandisque totus esset Reditus, fieri tandem posse minime desperabat, ut naturalis historia, & illa [maxime pars, quae

ad animalia pertinet, veteribus purgaretur fordibus, & nova augetur dignitate. Huius quasi inventor & princeps (lubuit semper disciplinarum originem, vices progressionemque inquirere) fuit Aristoteles, qui liberalitate Alexandri excitatus, & multorum adjutus opera libros XIX. de animalium historia, partibus, & generatione conscripsit, opus copiosum, eruditum, nec minus varium quam ipsa natura. Habet tamen sua vitia & quod ad ordinem, & quod ad rerum delectum pertinet. Majoribus etiam urgentur Plinius & Aelianus, post quos per plura saecula jacuit fere in oblivione historiae naturalis scientia. Ut ipsa cum ceteris disciplinis reviviscere coepit, non ita multum provecta est, quod antiquitas, quasi ipsa proxime ad Deos accederet, omnia vidisse, omniaque praeoccupavisse putaretur. Profecto si Aldovrandus, Gefnerus, Moufetus aliique singulari industria viri tantum operae posuissent in inquirenda consulendaque natura, quantum studii collocarunt in interpretandis, exponendis exquirendisque veterum sententiis, melius suorum famae, melius posteritati prospexissent. Sed haec

potius vitia temporum, quam eorum hominum dixeris, cum in omni re physica, quasi per caliginem perstringere aciem omnium mentium ipsius Aristotelis testimonium atque auctoritas videretur. Excussum est tandem hoc servile jugum, imminuta superiorum auctoritas, avocata philosophia ab inanibus speculationibus, ut in sola inquisitione naturae atque experientia consisteret; & quod ab hac esset approbatum confirmatumque, huic unice habita fides, cum hoc praecipuum esse munus philosophi putaretur obistere visis, assensusque suos sustinere. Hanc quod secuti sint viam Malpighius & Reditus, quodque principes multis extiterint ad suscipiendam & ingrediendam horum studiorum rationem, philosophiam egregiis inventis locupletarunt. At cum invitarent homines ad noscendam praefertim miram insectorum varietatem, proprietates dissimilitudinesque, haud mediocriter iis laborandum fuit, ut convincerent illorum errores, qui a putrore pleraque eorum gigni putabant. Hic primus quasi gradus fuit ad rerum hujusmodi scientiam; sed pertinaces, litigiosos oppugnatores ii invenerunt in ho-

minibus Jesuitis, Kirkerio praesertim, Bonan-
nio & Fabio, quod ea conditione atque eo
fato nati esse viderentur magnarum rerum
inventores (quis Galilaei, Cavallerii, Cassi-
nii, aliorumque exempla ignorat?) ut se sua-
que ab iisdem hominibus defendere deberent.
Sed ut res a Redio prolata in libro, cui ti-
tulus, *Esperienze intorno agl' insetti*, propius at-
tingamus, plurimis variisque idem comprobant
experimentis, putrescentes animalium carnes
ex se minime vermes gignere, nisi muscae
aliaque huiusmodi insecta ova in iis deposue-
rint. Lepide ridet eos, qui aut putri de bo-
ve florilegas nasci apes, aut pressum humo
bellatorem equum crabronis originem esse,
aut de parte sepulta cancri exire scorpionem
putabant, quae & alia huiusmodi multa quam-
vis poetarum esse somnia facile agnoveris,
omnium tamen opinione firmabantur, tantum
licentiae ad huiusmodi disseminanda menda-
cia dabat hominum credulitas. Hinc occasio-
nem cepit Redius verum ortum ac genera-
tionem scorpionum explicandi, deque eorum,
ac praesertim Africanorum (nam nostrates
ferme sunt innocui) veneno, quae ipse primus

animadverterat exponendi. Dubitare videtur num perforatus sit eorum aculeus, in cuius extremo cum saepe vidisset, aquae guttulam albi coloris, dum ipse scorpio ad morsum incitaretur, id ei omnem tollere dubitationem debuisset. Sunt qui tria foramina, per quae scorpio foras venenum emittit, se vidisse testantur, sed probabilius bina tantummodo esse dixeris ad aculei latera posita, ut est loculentus auctor Felix Fontana (1). Tota redundat eruditione atque lepore Redii oratio ubi confutat aut Honorati Fabrii, aut Athanasii Kirkerll fuitles & commentitias sententias de quorundam animalium ortu: parcebat enim adversariorum dignitati, in quo ipse servabat suam; quod est hominibus facietis & argutis difficillimum, habere rationem hominum & temporum, & ea, quae occurrant, cum falsissime dici possint, tenere. Miraberis profecto hominem, quo non felicior alter fuit in convincendis non vulgi modo, sed & illustriorum philosophorum erroribus, turpiter lapsum fuisse in explicanda generatione vermium, qui in interiori parte fructuum,

(1) *Ricerche fisi. ha sopra il veleno della vipera* pag. 321.

leguminum, plantarum, harumque tuberibus inveniuntur. Ait enim haud improbabili argumento affirmari posse animam, vel virtutem illam, a qua flores & fructus in vivis & sensu quodam praeditis plantis generantur, causam & originem huiusmodi vermium esse, ipsosque fortasse fructus magis quam ad usum hominum, ad generationem eorundem vermium, cum matricis vice fungantur, procreatos esse. Qua de re separatim opus edere meditabatur cum hac inscriptione: *Storia de' varj e diversi frutti ed animali, che dalle querce e da altri alberi sono generati*, quod e manibus deposuit, postquam Malpighius suam *de gallis* dissertationem in lucem emisit. Quia immo, ut ipse Malpighius testatur (1) de sua pristina sententia decessit, illi prorsus assentiens vermes omnes, quos abdiros reperimus in interiori parte fructuum, leguminum, & vel eorum, quae magis tuta videntur a muscarum injuriis, & in omnibus morbosis plantarum tumoribus, ortum habere ab ipsarum muscarum ovis. Ceterum ut erat Redius veritatis amantissimus, nihil tam indignum Sa-

(1) Pag. 78. *Oper. Posth. edit. Vener.*

pientis gravitate & constantia putabat, quam aut in falso persistere, aut quod non satis explorate perceptum esset & cognitum sine ulla dubitatione defendere: quapropter errasse se non angebatur, notatione gaudebat, & tam facile errata sua confitebatur, quam alius obstinate defendere solet. Id etiam ex iis intelligi potest, quae attulit in hoc ipso, de quo loquimur, libro, ut probaret cor viperarum unam tantummodo auriculam, atque unum habere cavum, se ipsum reprehendens, quod huic contraria sententiae, specie rerum deceptus, alio in loco ~~asserere~~ *minime* dubitaverit. De metamorphosi quorundam insectorum, & eorum praesertim, quae erucæ dicuntur, sic loquitur Redius, ut dum multa iis temporibus abdita prodit, quaedam in incerto relinquat, & quaedam etiam minus vere tangat; quibus de rebus omnibus accurate sane disputat Antonius Valisnerius (1), ad quem historiae naturalis studiosos delegamus. Per multa alia collegit Redius, ut erat in omni re naturali curiosus, de iis infectis, quae in hominum & brutorum corporibus inveniuntur,

(1) *Dialogo 1. intorno la curiosa origine degl' insetti.*

& pediculorum varia genera pro varia animalium, quibus adhaerent, natura minute describit. Coarguitur tamen a Bidloo (1) aliisque, quod male exprefferit figuram & formam vermium, qui aut in vervecum hepate, aut in cervorum cerebro reperiuntur, quod idem dixeris de aliis vermibus maximeque de frumentario; sed veniam illi dandam puto, quod non adeo perfectis uti potuit microscopiis, qualia nunc magnorum artificum ingeniis elaborata habemus. Librum, qui haec continet, in vulgus edidit Reditus an. MDCLXXXIV. instituitque ad Carolum Datum singulari eruditione virum, & ingenii felicissimi, atque ad omnia, quod de Catone dictum accepimus, versatilis, ex cujus judicio magnum pondus accessurum sperabat ad retundendos adversarios, qui & voluntatem nocendi in iracundia, & vim in ingenio habebant. Quoniam vero hoc sibi sumptuerat Reditus, ut errantibus & vagis opinionibus philosophorum de insectis stabiles certasque sententias opponeret, novum opus aggressus est, quod inscripsit; *Osservazioni intor-*

(1) *Osservat. de animaliculis in ovino aliorumque animantium hepate detectis Lug. Bat. 1698.*

no agli animali viventi, che si trovano negli animali viventi. Permagni quidem aestimari debent ea, de quibus dicitur, non tam eorum praestantia (ut enim elucet mira Dei sapientia in tot minimorum animalium fabrica, varietate atque proprietatibus!) quam novitate: sed ex eruditionis copia, ex orationis elegantia atque splendore magnus ad illa cumulus accedit, ut hac re una potuisse videatur Reditus in eam gloriam, in qua nunc est, celebritatemque venire. Sic studia, quae neglectu hominum atque fastidio obsoleverant, in honore esse coeperunt; ac revocata philosophia ad dignitatis gradum, in quo eam illi non intelligendi solum, sed etiam dicendi gravissimi auctores & magistri Plato atque Aristoteles collocaverant. Exordiri voluit Reditus opus suum a descriptione serpentis, cui duo erant capita. Cum in eo duplicata viscera reperisset, duplici quoque eum moveri anima putavit, & quidem sinistrum caput septem horis serius, quam dextrum mortis signa dedit. Ejus morsum, quem venenatum & pestiferum fore putabat, innocuum expertus est; non propterea tamen ipsum carere veneno affirma-

vit, cum plura sint animalia, in quibus sopita ac pene extincta est vis veneni hiberno tempore, quae verno, ac praesertim aestivo reviviscit. De viperis etiam hoc loco loquitur, cum saepe soleret ab eo quod sibi proposuerat digredi. Accedens tandem ad praecipuum operis argumentum formam exponit eorum vermium, quorum sedes est in diversis viventium animalium partibus; & ex quamplurimis, quos nominat, nonnullos elegit, ut per eos ostenderet quam solers subtilisque sit descriptio partium, quamque admirabilis fabrica membrorum. Magna cura & diligentia quaesivit omnes minimas partes lumbricorum, & quaenam similitudo esset inter eos, qui in hominum aliorumque animalium visceribus, & in terra degunt, ex quo aliquid se colligere posse sperabat, quod ad rem medicam pertineret. Sed dissimili natura eos esse comperit. In magna & involuta canalium copia mirabiliter indicavit uniuscujusque munera; & dum inquitur quomodo foetus suos illi procreent, nullum invenire potuit discrimen inter marem & feminam, quapropter minime asserere dubitavit humanos lumbricos her-

maphroditos esse. Quoniam haec male acceptum iri putabat a molestis & odiosis Peripateticis, similia exempla ad illos convincendos in aliis animalibus quaesivit. Invenit tandem in cochleis nudis, & domiportis, in quibus quid inter marem & feminam intersit non distinguitur. Priorum fabricam praesertim indagavit exposuitque Redius, sicque procreationi illas operam dare animadvertit, ut hac in re nihil commune habeant cum ceteris animantibus. Eadem ferme quae Redius, annis post quatuordecim protulit de nudis cochleis Verneyus in actis Parisinae Scientiarum Academiae, Auctoris nomine, a quo sumpserat, occultato. Nec defuere e nostratibus, qui observationes Gallorum hujusmodi in rebus extulerint, quod hoc sit fere Italici commune vitium (dicam aperte quod sentio.) ut bona sua, quae & multa sunt, & exteris nationibus invidenda, parvi ducant; aliena, quamvis sane mediocria, sic adament atque suspiciant, ut pretium rebus, libris praesertim, non nisi peregrinitas apud eos facere videatur. Sed illuc revertor. Nul- lum cochleae genus, quin immo nullum aut

terrestre aut marinum animal sine corde esse posse probat Redius adversus Bonannii sententiam, qui profitebatur Italis suis se verissimam philosophiam exhibiturum, dum in praeclarissima inventa Malpighii & Redii petulanter invaderet. Hac occasione, novis allatis experimentis, illud ratum, firmum ac fixum esse voluit Redius, nihil *ex putri*, ut loquebantur, nasci; ita tamen disputat homo naturali-
 lenissimus, & a contentionibus, si quis unquam alius, abhorrens, non tanquam adversarium convincere, sed verum unice invenire velle videatur. Naturam quorundam animalium (id' enim sequitur) quae terra aut arena nutrirī videntur, exponit, de hirudinibus, de testudinibus, quae spoliatae cerebro per plures menses vivunt, de anguillis (ac de his quidem separatim opus edere meditabatur, quod minime perfecit) de leporibus, de innumeris pene vermibus, quos in variis avibus quaeſivit, inaudita multa profert; cumque ea diceret, quae sibi erant in promptu, nonnullis fortasse videbitur scriptis Redii deesse lucidus ordo, cui primas nunc tribuere solemus. Extremo libro refert se iterum ad ter-

restres lumbricos, ex quibus illud erat, quod praesertim vellet habere cognitum, quibus gaudeant & excitentur rebus, & a quibus abhorreant atque extinguantur. Sic enim sperabat se facile mederi posse humanis corporibus, quando a rotundis hisce vermibus illa divexantur. Sed hujusmodi curationes, seu potius experimenta, quibus eae innituntur, argutula fane epistola oppugnavit Jacobus Sinibaldius (1), cum aquas, saccharum, omnesque sales stomachi calore concoctos ac fermentatos, priusquam ad sedem & locum vermium perveniant, pristinam illos aut amisisse, aut mutasse vim & naturam non levi argumento contenderet. Et haec quidem ferebat Reditus fronte, ut putabatur, & volebat bellissime: sedangebatur intimis sensibus, cum multa ab aliis vel iracunde, vel insolenter, vel in omni genere stultitiae insulse & arroganter contra id dicerentur, quod omnes habebat in se numeros veritatis. Quoniam vero latissime patere videbatur illa philosophiae pars, quam Italicis litteris illustrandam susceperat, nihil fere intermisit postea nec dispu-

V 2

(1) *Edita est Romae ani. 1687. apud Jo. Angelum Mutium.*

tare, nec scribere, effecitque etiam ut nobilissimi suorum discipulorum (scholas enim Graecorum more domi habebat) in easdem exercitationes operam darent. Hi autem praceptoris voce quotidie admoniti illam perfectam philosophiam esse, quae de maximis quaestionibus copiose posset ornatè dicere, illius gloriae tum se responsuros esse iudicaverunt, quando prudentiam cum differendi elegantia junxissent. Itaque nihil elegantius & accuratius iis libris, quos aut Petrus Paullus Sangallus de culicibus, aut Stephanus Lorenzinius de torpedinibus, aut Joannes Caldesius de testudinibus tum terrestribus tum maritimis in vulgus, diversis temporibus, edidit. Sunt qui putant Radium iis hominibus non modo auctorem fuisse ad illa opera scribenda, sed adiutorem quoque se praebuisse, quod cum nobis nullo certo argumento constet in medio relinquimus. Cum esset quidem Radium moribus facillimis humanissimisque, nihil tam optabat quam impertiri ceteris praestantiam doctrinae, quam consecutus fuerat, multorum favere industriae, honori atque fortunae, quae quidem complere aiebat beatif-

amam vitam, qua benevolentissimorum Principum beneficio fruebatur. Non defuere tamen qui crederent tam facile illum invidere solitum iis, quos gloria pares aut superiores se habiturum suspicabatur, quam favere inferioribus. Quibus profecto non ausim assentiri, quod non deceat de viris fama probatissimis suspicionibus judicare. Sed quoniam Redio maledici deesse non poterant, eo pervenit nonnullorum aut audacia, aut credulitas, ut ficto officio & simulata sedulitate coram religiosissimo Principe religionis munia illum obire dicerent. Sed has accusationes missas facio (diluui enim facile possunt ipsa epistolarum Redii lectione, quarum multae ejus in Deum sinceram pietatem indicant) repetamque narrationem rerum in ejus scriptis contentarum, quae ut illius gloriae seges & materia fuerunt, sic praecipuum hujus commentarioli argumentum esse debent. Placuit Redio uno libro multa, eaque varia sine dispositione atque ordine, quo tamen nihil pulchrius in omni scriptorum ratione, comprehendere. Haec enim omnia opportunissima fore judicavit ad sanandos eos, quorum aures sem-

per patebant circulatorum mendaciis, quique nihil nisi fallacibus judiciis probabant. Profecto propriam erat officium ac munus hominis, qui ad tutandum, conservandum & juvandum genus humanum natus videbatur, revocare omnia ad experientiam, praesertim cum saepe accideret, ut quae remedia nonnullis malis inventa putabantur, ea nulla essent. Nemo tunc erat, qui Indicos lapillos quosdam, quos gigni opinio erat in quorundam serpentum capite, & in magnorum lacertorum, aliorumque animalium stomacho, sanare non posse crederet venenatorum animalium morsus, dolores nephriticos, & ipsum calculorum morbum. Magnum remedium esse putabatur in armadilli (sic Hispani vocant genus quoddam testudinis maritimae) ossibus & cortice adversus surditatem, morbumque gallicum; & mira prorsus praedicabantur de aliis animalibus, de variis radicum generibus, adeo ut quidquid ab Indis ad nos deferretur, tanquam singulare aliquod Aesculapii donum non vulgus modo, sed & plerique sapientum suspicerent ac venerarentur. Has aliasque bene multas hujusmodi opiniones (non enim vacat singulas refer-

re) falsitatis ut convinceret Redius, scribendum suscepit librum, cui titulum fecit: *Esperienze intorno a cose naturali*, in quo dum saepe digreditur a proposito, multa alia quasi semina scientiae spargit. Merito efferruntur quae de cervis exposuit, nec non de torpedine, cujus torpescientem vim primus omnium sedem habere docuit in duobus illis falcatis musculis, quorum extrema cutem dorsi & pectoris tangunt. Horum mollissima est materia, cum ex aqueis vesiculis varia figura praeditis constare videantur. At cum praesertim sibi proposuisset Redius discernere omnia fucata & simulata a sinceris & veris, non recentiorum modo, sed & veterum philosophorum plures errores notat atque emendat; grammatici etiam interdum partes agit in horum scriptis interpretandis, cum esset literis Graecis & Latinis eruditissimus; errata quaedam Scriptoris commentariorum Academiae Florentinae indicat, tantamque eruditionis copiam cum ubertate orationis conjungit, ut eum multi in hujusmodi philosophicis scriptionibus sibi tanquam exemplar ad imitandum proposuerint. Miraberis praesertim ingentem

Scriptorum, quos nominat, numerum, neque Graecos modo, Latinos & Italos, sed Arabos, Gallos, Hispanos & Lusitanos, ex quo conjici potest verissimam illam putasse Plinii senioris sententiam: *nullum esse librum tam magnum, ut non aliqua parte prodesse posset*. Tot Scriptorum referens sententias id praefertim ostendere volebat Redius, perversum esse illud philosophandi genus, quod totum alienis testimoniis auctoritatique innitebatur, quapropter apud cum saepe haec oratio usurpata est, ut nihil praeter experientiam rite ac sapius habitam in universa physica diceretur esse tutum. At cum Jesuitae omnia fere gymnasia tenerent, plerique hominum discum, quam philosophum, audire malebant: extitere etiam, qui, libris editis, sapienter se gessisse Athanasium Kirkerium affirmarent, cum derideret eos, qui omnia vellent confirmari sensibus, nulla aut mediocri tributa fide Scriptorum testimoniis (1).

(1) *Prodromo Apologetico alli studj Chircheriani, Opera di Gioseffo Petrucci Romano, nella quale con un apparato di soggi diversi si dà prova dell'esquisito studio che ha tenuto il celebratissimo Padre Azzasio Chircher circa il credere alle opinioni dell' Scrittori sì de' tempi andati, come de' presenti, e particolarmente intorno a quelle cose naturali dell' India ec. Amsterdam 1687.*

Omniū autem ineptiarum, quae sunt innumerabiles, haud scio an ulla sit major, quam ut ille soleret quocumque in loco, quoscunque inter homines de suis fictis & commentitiis fabellis argutissime disputare, non intelligens se a prudentioribus derideri. Itaque Redius vicem hominis dolens, qui ob praestantiam ingenii & eruditionis clarus & magnus esse poterat, multa cum eo locutus est, quae ad ejus sanandam mentem pertinere arbitrabatur, & ad eum quoque instituit librum *de experimentis rerum naturalium*, ut in eo non adumbratam, sed expressam verae philosophiae formam intueretur. Praeter haec, quae exposuimus, alia sunt, quae explicationem illustrem & perpolitam desiderare putavit Redius. Acaros, qui sub cute generantur, scabiei causam esse probat, quapropter sine periculo, contra ac putabatur, posse nos huic mederi morbo illos perdendo vermiculos, qui cum facile carni ac linteis adhaerescant, inde oriri affirmat ejusdem morbi contagia. Hos vermiculos aliqua in parte testudines referre dicit; albos esse, si dorsum excipias, in quo fusci aliquid apparet, cum pilis longis & rariori-

bus, sex habere pedes, agiles esse & pronos ad motum, & in extremo acuminato rictu bina eisdem exerere cornicula. Horum explicata figura ac proprietatibus, ortum, incrementum & mutationes persequitur aliorum vermium, & eorum praesertim, qui e durioribus lignis, e rubeis betis, e seminibus oleosis, ut sunt amygdalarum, avellandarum, aliarumque nucium, ex arefactis dulcioribus fructibus, atque e casco enascuntur. Sed quoniam in his omnibus, quae exposuimus, pauca quaedam sunt, quae observatoris diligentiam effugerunt, non mediocris laus danda est Antonio Valisnerio, qui quod scriptis Redii deesse videtur, supplevit (1). Porro ea est naturalis historiae difficultas, ut illa agro non semel arato, sed novato & iterato per industres cultores indigeat, quo meliores foetus possit & grandiores edere. Quamobrem Redio sapienter momenti libenter assentimur, plerasque res a natura oculi atque involvi, & idcirco nun-

(1) *Vid. volum. 1. operum Redii quae edita sunt Venetiis an. 1712. Etenim in hujus extremo extant: miglioramenti e correzioni d'alcune sperienze ed osservazioni del Sig. Redi fatte dal Sig. Antonio Valisneri e registrate dal Sig. Dott. Girolamo Gasperi Veronese.*

quam non remittendum laborem in iis quærendis; permulta videri explorata, quæ aut falsa, aut dubia sunt; res plane certas ita modicas & paucas esse, ut plerumque bellum sit confiteri potius nos nescire, quod non bene novimus, quam levia & commentitia effutiendo simplicis veritatis amatores nauseare. In his scriptionibus quamvis attentissime versaretur Reditus, nunquam tamen intermisit medicinam facere, quod egregie non modo iis, qui utebantur ejusdem opera, sed etiam in vulgus gratum esse sentiebat. Itaque domus ejus celebrabatur, ipse deducebatur, salutabatur, consulebatur, unaque vox omnium erat, neminem tulisse Etruriam illo aut gloria clariorem, aut auctoritate graviolem, aut humanitate politiolem. Sensit quidem non vulgari modestia vir ultra quam fines Italiae sunt famam suam peragrasse, cum nobilissimi Gallorum, Germanorum & Britannorum ab eo de rebus medicis consilia petiissent, cum munera eadem de causa vel ab ipsis Turcis, qui in Affrica dominabantur, accepisset, & cum exterorum multi se in hoc Magno Duci invidere dicerent, quod tam frugi, tamque claro viro

illi fruiliceret. Nam honores & copiae non superbiae ac libidini, sed bonitati ac moderationi facultatem & materiam dederant. Nul- lam quidem in Redio sive morum sit, si- ve ingenii virtutem inuenies, quae generi hominum non fructuosa fuerit; sed praefer- tim gratissima laus eorum factorum habetur, quae suscepta videntur ad excitandos studiosos adolescentes ad gloriam, ad eorum mentes erudiendas ac veritatis amore inflammandas sine enuolumento ac praemio. Eminebat is e- tiam, & excellebat ipsa Principum suorum, quae plurimum commendat, gratia, quibus cum serviret, non minus considerabat quid eorum salus exigeret, & quid eorum erudi- tissimae aures appeterent, quam quid virtu- tibus deberetur. Quod vero Ferdinandus, & Leopoldus fratres sic litteris sustentarentur ac recrearentur, ut mallent in illa sedicula, quam olim Laurentius Mediceus habuit sub imagine Platonis, quam in solio sedere, & cum Redio aliisque litteratissimis viris, quam cum sui similibus familiariter vivere, id pro- fecto multorum triumphis antepono. Maxi- ma pars experimentorum de rebus physicis,

quae causam dederunt Redii scriptis, coram
 iisdem Principibus habita fuerunt, de quibus
 satis dixisse videbor, cum commemoravero quae
 pertinent ad sales factitios, eorumque usum
 in medicina, ad vitreas guttas, quae in aliqua
 parte fractae in minutissimum statim abeunt
 pulverem, & ad examen cujusdam aquae,
 quae mirabiliter omnes sanguinis fluxiones co-
 hibere falso dicebatur. Atque hi sapientissimi
 Principes cum minime ignorarent Redium ea-
 dem mentis acie, qua plurimarum rerum vim
 naturamque viderat, hac quoque adspicere,
 quae ad dicendi artem pertinebant, ei mu-
 nus an. MDCLXV. assignarunt docendi Etru-
 scas litteras in Academia Florentina. Post hoc
 mandata ipsi & aliis doctis viris dederunt de
 augendo, ac tertio edendo Etrusco lexico,
 qua quidem in re quamvis non mediocriter
 adlaboravit, consultis praesertim veterum scri-
 ptorum codicibus, quorum festivam copiam
 habebat, quorumque nonnullos edidit, non
 praecipuae tamen illius partes fuerunt, quod
 aliis gravioribusque distineretur occupationi-
 bus. Nihilominus tamen minus facile non quem in-
 venies, cui aeque ac Redio debeat Etrusca

lingua. Genus orationis secutus elegans, come, urbanum, temperatum, quod quidem mores scriptoris exhibet, veluti Augustus gloriari potuit, se *cacozelos*, & *antiquarios*, ut *diverso genere vitiosos*, *pari fastidio sprevisse* (1) *cincinnos*, & *reconditorum verborum foetores persecutum fuisse*, effecisseque ne amplius dominaretur in scholis fex philosophorum, fimioli illi cum annulo & toga, qui quod barbare non esset dictum, non putabant Aristotelium. Quod praecipuum scriptoris munus duxit sensum animi apertissime exprimere, ac necubi lectorem morari, non dubitavit nomina cum praenominibus saepius repetere, & iterare quidquid detractum adferret aliquid obscuritatis, etsi gratiam augeret. Nec elegantia solum, sed etiam omni lepore atque festivitate affluebat, cum vellet narrationibus movere risum, sive mendaciunculis, quod vere narrare poterat, adpergeret, sive fingeret. Temporis autem, loci & personarum ratio, & ipsius joci moderatio & temperatio distinguebat philosophum a scurra. Dixisses hominem

(1) Svet. in vita Aug. §. 86. Vid. Redii epistolae Tom. IV. p. 146. Venet. edit.

ore , vultu gravem , & ferme severum minime ad jocum fuisse factum : verum ejus facetiae non in re , sed in verbo erant positae . Permulta acute & falsissime dicta inveniuntur in ejus familiaribus epistolis , quarum plures nos quoque edidimus (1) . Atque haec omnia quidem , quae a me dicta sunt de Redii elegantia atque eruditione , sic accipi volo , ut non modo laude , sed etiam admiratione , praefertim si tempora , quibus scripsit , inspicias , digna judicentur . Quod ad res , de quibus scripsit , quamvis sint & magnitudine praestabiles , & novitate primae , non ita tamen sunt propriae illius , ut competitores , a quibus fuerit victus , non habeat . Malpighius certe , qui haec naturalis historiae studia paullo post Redium excolenda suscepit , longius in iis processit ; & si a Redio vincebatur prudentia in medicina facienda , illum quidem plurimum superabat rerum anatomicarum scientia , & magnitudine quadam ingenii prorsus ad inventa facti . Se ab eo cupivisse laudari aperte & ingenue aliquando confessus est Redius ;

(1) Inter epistolas Laurentii Magalotti , & in vol. II. delle lettere inedite degli uomini illustri .

nec celebratus modo fuit, sed etiam consultus de rebus ad medicinam pertinentibus. Omnes quidem, qui magnum aliquid memorandumque fecerunt, venia dignissimos iudico, si, tanquam mercedem laborum, laudes laudatorum virorum expetunt. Gloria enim virtuti resonat, tanquam imago; quae quia recte factorum plerumque comes est, non est bonis viris repudianda. Qui ingenuis studiis artibusque delectantur, expectabunt a me, ut commemorem quoque Redium perstudiosum fuisse musices & picturae, & omnia honesta dilexisse, quae cum hominum utilitate & voluptate essent conjuncta. Omnino nescire videbatur quid esset otium, quid quies, quid denique illud iners quidem, jucundum tamen nihil agere, nihil esse; adeo multa & diversa studia illius animum occupabant. Dum rusticaretur cum Magno Duce semper aliquid scribebat & inquirebat, quod ad historiam naturalem pertineret, cui rei indicio sunt plures ejus familiares epistolae, quae diverforum animalium naturam & fabricam accurate describunt (1). Neque senectus coegit eum a suis

exer-

(1) Tom. IV. operum pag. 134. 139. 143. 155. & alibi.

exercitationibus cessare: fuit enim semper operosa, & semper agens aliquid & moliens, tale scilicet, quale illius studium in superiore vita fuit. Porro quid est gloriosius senectute stipata studiis juventutis, decorata comitatu nobilium adolescentium, & recordatione sustentata pure, utiliter & eleganter actae aetatis? Itaque nihil se habere dicebat Reditus, quod illam incusaret, ac de morte sic loquebatur, ut aequissimo animo hanc expectare videretur (1). Christianus enim animus erigens se se futuram beatitudinem ita prospiciebat, quasi cum excessisset e vita, tum denique victurus esset. Pisis cum moraretur Reditus in comitatu Magni Ducis, in cubili mortuus inventus est mane Kal. Mart. an. MDCXCVIII. Ejus cadaver, sicuti jusserat, Aretium delatum est, tumuloque conditum cum hac inscriptione: FRANCISCO REDI PATRITIO ARETINO GREGORIUS FRATRIS FILIUS. Multi ejus casum deplorarunt, & laudatus publice fuit Pisis, Florentiae, & Romae quoque ab Arcadibus collegis suis tum soluto, tum numeris victo sermone. Extat panegyrica ora-

X

(1) Ved. Tom. II. 129.

tio, quam de eodem habuit in Academia
 Furfureorum Antonius Maria Salvinus, qui
 licet ipsi omnia summa tribueret, primum ta-
 men atque universum fere argumentum, in
 quo exultaret oratio, esse voluit ejus in amici-
 tia fidem, constantiam, humanitatem, benigni-
 tatem, quidquid demum hominem homini com-
 mendat. Redii quidem praecipua laus fuit ita
 se gessisse in tribuendis officiis, ut non minus
 a minoribus, quam a Principibus amaretur.
 Solent plerique dum verentur ne gratiae po-
 tentium nimium impetiri videantur, sinisteri-
 tatis atque etiam malignitatis famam conse-
 qui. Sed ab hoc vitio aberat longius Redius;
 neque minus eos oderat, qui intolerantius se
 jactant, & aequabilitatem communis juris
 praestantia dignitatis aut fortunae suae tran-
 seunt. Atque ex multis amoris & estimati-
 onis signis, quae habuit Redius a Cosmo III.
 illud maximi facere videbatur, quod tribus
 numismatibus a peritissimo artifice Maximilia-
 no Soldanio elaboratis, aeternitatem immorta-
 litatemque, ut ipse ajebat, sibi donaverit. Pro-
 fecto si idem studium esset Principibus omni-
 bus ornandi claros viros gloriolae insignibus,

non adeo langueret juvenus, & perinde, arque deberet, in laudis & famae cupiditate versaretur.

OPERA EDITA:

T. I. In referendis Redii operibus cum sequemur ordinem quo disposita fuerunt a Gabriele Hertio Typographo, cum eadem Venetiis ederet an. 1712. adjuvante maxime Antonio Valisferio.

Esperienze intorno alla generation degl' insetti. Haec experientia edita primum fuere Florentiae an. 1668. in 4. Ex Italico in Latinum conversâ fuere ab Andrea Frisio, & edita Amstelodami an. 1671. in 12.

Osservazioni intorno agli animali viventi, che si trovano negli animali viventi. Liber hic prodit primum Florentiae an. 1684. in 4.

Osservazioni intorno a' pellicelli del corpo umano. Hae observationes nomen prae se ferunt Jo. Cosmi Bonomi, editaeque sunt Florentiae an. 1687. Josephus Lanzonius eas Latinas fecit.

T. II. *Esperienze intorno a diverse cose naturali e particolarmente a quelle che ci son portate dall' Indie.* Opus istud typis impressum primum fuit Florentiae an. 1671., secundo vero Amstelodami an. 1675., cum in Latium sermonem conversum ab Andrea Frisio fuisset.

Osservazioni intorno alle vipere. Liber impressus primum Florentiae fuit an. 1664. Conversus etiam in Latinum fuit, relatusque cum aliis Redii operibus inter Miscellaneas Germanicae Academiae Curiosorum,

Lettera sopra alcune opposizioni fatte alle osservazioni intorno alle vipere. Haec epistola edita primum Florentiae fuit an. 1686. Ipsa quoque Latinitate donata fuit ab Andrea Frisio.

Osservazioni intorno a quelle gocciolate e fili di vetro che rotte in qualsivisa parte tutte quante si stritolano. His quoque locus datus est inter Miscellaneas Academiae Carioforum.

Esperienze intorno a quell'acqua che si dice che flagra subito tutti quanti i flussi del sangue, che sgorgano da qualsivisa parte del corpo. Haec experimenta primum exiit in lucem Romae: *Giornale de' Letterati di Roma dell'an. 1673. 31. Agosto.*

Lettera intorno all'invenzione degli occhiali al Sig. Paolo Falconieri. Hanc epistolam Sponius in Latinum convertit, ediditque Lugduni an. 1683. cum aliis scriptis suis. Editam secundo Florentiae fuit an. 1690. nonnullis in locis aucta & emendata.

Esperienze intorno a' sali fatti. Haec experimenta in lucem emissit primum suae a Scriptoribus *del Giornale de' Letterati di Roma an. 1674. 30. Maggio.*

Lettere varie familiari.

Etimologie Italiane tratte dalle origini della lingua Italiana di Egidio Menagio.

T. III. Bacco in Toscana colle annotazioni.

Sonetti. Horum Epigrammatum magnificentissima est editio Florentina, quam faciendam iussit Ferdinandus Princeps Mediceus an. 1702

Giunta di varie poesie.

T. IV. Lettere. Quaedam harum epistolarum impressae fuerunt ne supplementi al *Giornale de' Letterati d'Italia*. Plures etiam edidit Facciolatus in *Ortografia moderna Italiana*. Nuncquam

tatis laudari possunt hae Redii familiares epistolae ob sermonis elegantiam, & ob eruditionis & doctrinae copiam. Ex his multa intelligi possunt ad Redii vitam pertinentia; quot & quam illustribus ipse floruerit amicitiiis, quantaque in opinione doctrinae fuerit vel apud externos Principes. Ludovicus XIV. Galliae Rex Redii Dithyrambum ad se mit- ti curavit; Christina Svecorum Regina Redium quamvis absentem inter Academicos suos legit cum singularibus declarationibus amoris atque exultationis, quae & alia hujusmodi multa satis indicant quam illustris & pervagata illius fama esset. Nomen etiam ejusdem ut multorum celebratum & illustratum est scriptis! Salvinus Salvinus in commentariolo, quod de vita Redii scripsit, illos nominat omnes, qui Redio ingenti monumenta dedicarunt. Cum dono accepisset Hertius ab heredibus Redii quaedam hujus scripta, his se quintum operis Redii volumen consecutum spondit. Qua de causa vero fidem minime liberaverit ignoro. Nos quoque inter Magaletti familiares epistolas plures edidimus, quas ad eum Redius scripsit. Vid. Vol. I. Flor. 1769. Extant etiam nonnullae Redii epistolae in Vol. I. & II. *delle lettere inedite d' uomini illustri*: Florentiae 1775.

Consulti medici di Francesco Redi. Firenze 1726. per Giuseppe Manni.

Ipso an. 1672. edendas curavit ineditas vitas Dantis & Petrarchae, quas Leonardus Aretinus scripserat. Litteras etiam F. Guionis Aretini typis mandare sibi proposuerat, quod tamen non praestitit. Sunt qui narrant multa, quae in adversaria conjecerat Etruscam linguant, Etruscorumque Scriptorum historiam, Graeca Theocriti Idilia, medicinam, & naturalem historiam illustrantia ipsum, paullo ante quam moreretur, in ignem conjecisse.

ANGELUS FABRONIUS

JOANNI TARGIONIO S. D.

NON dubito fore multos, Targioni, qui judicabunt scriptorem hujusce commentarioli de vita Josephi de Papa fuisse nimium & tanquam prodigum in extollendis operibus, quae ille philosophiae consecravit. Sed hi erunt fere qui praeterita tempora ex suis metiuntur, & nihil rectum putant nisi quod acceptae post longum iter diuturnosque labores rerum cognitioni & scientiae conveniat. Profecto nihil est simul inventum & perfectum; & qui severunt aliquid tanquam in inculto & derelicto solo, quanquam ipsi minime uberrimos industriae suae fructus collegerint, operae tamen pretium fecisse existimandi sunt, quod satum ita diligenter coluerunt, ut inde posteritas suas posset augere divitias. Jacuit omnino naturae scientia usque ad Galilaei tempora, ejusque libri, quasi hospites, errantes homines domum deduxerunt, & ubi essent, & quibus itinerebus eo, quo intendebant, pervenire possent docuerunt. Impressa a Galilaeo hujusque sectatoribus vestigia per-

secutus est Josephus de Papa; & quamvis novis inventis Physicam minime locupletaverit, multum tamen luminis attulit scriptis suis ad noscendam frigoris & caloris, humidi & sicci naturam, causasque aperuit plurimorum naturalium effectuum, qui ab illa, tanquam a fonte, profluunt. Fuit haec quidem non mediocris laus, sed illa etiam major, quod illius exemplo, cohortationibus, & auctoritate in primis factum est, ut in Etruria reviresceret optima philosophandi ratio, quae malitia quorundam potentum ferme exaruerat. Postquam enim crepii e vita fuerunt Ferdinandus, & Leopoldus Medicei Principes, quae fuerat olim concessa libertas in investigatione veri cum iis extincta esse videbatur; sublata etiam magna ex parte praemia, ceteraque industriae incitamenta; & si quis majorum gloriae respondere sibi proposuisset revocabatur opera, & machinationibus illorum, qui apud Principem plurimum gratia poterant, a perfecta philosophia tanquam a libidinis scopulo: Haec omnia reputent illi, qui Josephum de Papa minime summorum virorum laudibus dignum arbitrantur, quod ab illius operibus reconditiore quaedam abesse videntur. Quid illa tandem? Num vulgaris est laus, Josephum prudentiam tanta cum

ditionis elegantia junxisse, ut ejus libri mirabiliter scripti ab omnibus judicentur? In quo magis gloriosum erat elaborare, propterea quod plurimi existerent illa aetate philosophi, qui dum mandabant litteris cogitationes suas, omnem sibi licentiam permitti volebant, quasi non vocabulorum opificem, sed rerum inquisitorem unice deceret esse sapientem. Sed plura persequi pro defensione Josephi de Papa prohibet summa bonitas acquitaeque causae, quodque, si opus erit, te fore illius propugnatorem & patronum non dubito, cujus auctoritas, utpote hominis in omni re physica doctissimi, maximi apud omnes esse debet momenti ac ponderis. Ipsi vero obsequi quodammodo sum arbitratus, si ejus vitam a Rediana minime sejungerem. Redium enim, a quo scientiam, honores atque fortunas se accepisse palam profutabatur, sic dilexit, ut non minorem ex pietate laudem, quam ex doctrina tulerit. Nihil vero tam gloriosum ipsi Redio fuit, quam perpetuum studium erga adolescentes, a quibus magni aliquid sperari posse videbatur. Neque enim cuiquam tam clarum statim ingenium est, ut possit emergere, nisi illi materia, occasio, fautor etiam commendatorque contingat. Vale. Pisis Kal. Feb. MDCCLXXII.

JOSEPHUS DE PAPA.

Josephus *de Papa* Emporii, quod oppidum Florentia millibus passuum fere XVIII. distat, anno MDCXLVIII. Kalendis Martii natus est patre Marco Ludovici filio, matre Elisabetha Cannera. Hic ineunte adolescentia jussu patris Pisas demigravit. Nam cum litteris operam daret, fulgere jam in adolescentulo visa est magna docilitas ingenii & indoles virtutis. Cum in eam se civitatem contulisset, quae doctrina & numero litteratorum fere omnes Italiae praestaret, primo anno, ut patri obsequeretur, ad juris prudentiam animum adjecit; cumque celeriter acciperet, quae tradebantur, plurimum studii in mathematicis & physicis disciplinis consumebat. Harum praeceptorem habuit Alexandrum Marchettum. At juris civilis eum brevi peritum est, quod cupidissimus esset perspicendi & penitus cognoscendi constructionem corporum, & quibus insciuntur, morborum causas, &

qua curantur, artem. Itaque audiebat assidue Laurentium Bellinium, qui magna cum laude in Academia Pisana anatomen explicabat, & ceteros quosque medicinae praeceptores. Omnia reliqua tempora, quibus cluso Lyceo quinque ipsis cujusque anni mensibus mos est ferari a studiis, non animi relaxationi & jucunditati, ut condiscipuli consuecebant, sed experimentis artis tribuit. Nam Florentiam concedens exercebatur plurimum in praxi medica, Francisco Redio, qui iis temporibus in Etruria principatum medicinae tenebat, & cum hic abesset, Savona doctoribus. Qua consuetudine factum est, ut Redius captus adolescentis humanitate ac doctrina, ei, quem non secus diligeret ac filium, omne studium & operam detulerit; annoque MDCLXXI. munus publice tradendi in Academia Pisana logicam impetrarit. Id munus Josephus annos natus XXIII. facile affecutus fuit, quod Leopoldus Mediceus Cardinalis & nobilissimus patronus litteratorum nonnullas theses philosophiae, quae in experimentis consistit, ab eo paullo ante, cum Alexandri Marchetti auditor esset, docte & diligenter editas legisset.

Ubi de eo genere studiorum orationem initio habuit, & aggressus est praelectiones recitare, inque circulos venire, in quibus de philosophia disputabatur, statim cognitum est, quam singulari doctrina & eruditione valeret. Tantum autem in philosophia a recentioribus auctoribus tradita progressum fecit, ut brevi tempore illustraretur, atque Pisis quidem sibi devinceret doctissimos viros Laurentium Bellinium, Donatum Rossettum, Alexandrum Marchettum, & Henricum Norisium, qui postea Cardinalis factus maximo ornamento Ecclesiae Catholicorum fuit. Nam Florentiae, quam in urbem stativis feriis quoque anno eum concessisse diximus, in amicorum numero habuit Carolum Datum, Antonium Magliabechium, Vincentium Vivianum, Horatium Oricellarium, Benedictum Menzinium, Laurentium Magalottum, Petrum Andream Fortonium, Antonium Mariam Salvinium, Laurentium Panciaticum, Jacobum Lapium. Utebatur autem intime Antonio Rillio & Bedicto Averanio, quibuscum multo familiarius quam cum ceteris perpetuo vixit, quod ejusdem prope aetatis tota ipsa hyeme & vere

ardent, corporibus pene innumerabilia minutissima & subtilissima corpuscula continenter erumpere, & quam celerrime volitare. Haec obvias res, in quarum occultos poros nisu impetuque suo pervadunt, pulsare, movere, agitare, texturam luxare, nonnullasque ex iis particulas auferre. Quare aquam & fluida omnia ebullire, ligna inflammari, liquefieri metalla, ceram &c. Inde repetendam esse efficientem caloris causam, cum nihil aliud sit calor, nisi affectio quaedam sensuum, quae ortum ex iis corpusculis habeat, ubi in poros carnum pervadunt, agitantque fibrillas & nervulos. Itaque calorem esse rem, seu materiam, quae praesertim in igne, sole, stellis existit; secus vero frigus. Hoc enim nihil aliud esse, nisi variam caloris privationem, atque ex accessu & recessu corpusculorum igneorum sensus affici majore minoreque calore aut frigore, quae a Borellio se didicisse scribit. Hoc libro nihil tum esse potuit jucundius iis, qui aliquam cupiditatem habebant notitiae frigoris & caloris causarum. Namque non solum excogitavit firma ad probandum argumenta, sed etiam oratione perspicua, gravi,

copiosa, & optimo stylo exposuit, & plurimis, iisque certis explicavit experimentis. Talem librum ipse Cosmus III. Etruriae Magnus Dux totum legit, ut judicari possit maximo plausu & approbatione clarorum virorum exceptum fuisse, quibus is Princeps permotus e summis occupationibus eripuerit ad ejusmodi lectionem tempus. Ac probatus quidem Francisco Redio in primis fuit, qui illius exemplum ad Joannem III. Regem Polonorum legendum misit, & ceteris fere omnibus tum apud Italos eruditionis fama florentibus. Satis est nominare Alphonsum Borellium, Carolum Datum, & Geminianum Montanarium, qui Josephum de Papa in epistolis ad eum scriptis summis laudibus extulerunt. Quo factum est, ut hic altiore in Academia gradum ascendens philosophiam traderet. Tunc opusculum breve quidem, sed luculentum Italice confecit de luce & igne, ut eximeret quibusdam hominibus injectos scrupulos ac dubitationes, veri ne esset similis sententia abs se contra Nicolaum Cabeum Jesuitam in superiore libro tradita: idem scilicet & unum esse ignem & lucem. At vigeat iis temporibus Peripateti-

eorum contra sententium schola; quorum diffensio, eo vulgato an. MDCLXXV. Florentiae opusculo, majorem in modum crevit. Nam Joannes Maria Baldigianus Jesuita ea in urbe contra Josephi sententiam argumenta colligere, perque domos nobilium ac potentium virorum, apud quos propter doctrinae & religionis famam plurimum valebat, in medium proferre. Huic Josephus accurate & copiose respondit, & objecta sic diluit, ut Baldigianus vehementer Redium rogarit, ne ejusmodi responsa typis traderentur. At Redius etsi Jesuitae morem gessit, tamen discipuli sui prudentiam & moderationem animi, quam in scribendo adhibuerat, suspiciens, collaudatoque palam magno ejus ingenio, mittere libellum Romam ad litteratos nescio quos amicos suos constituit, ut qui vir Josephus esset, intelligerent. Sed is Redii consilio obstinuit; ratus futurum, ut quae refellendi Baldigianii causa scripserat, ad aliud, quod meditabatur, opus conficiendum sibi ex usu esse possent. Interim, cum nullum detrimentum estimationis fecisset, mirifice augebatur numerus illorum, qui ad eum disciplinae causa conve-

niebant; ac post non multo ferre coepit virtutis fructum. Nam Franciscus Maria Mediceus, post Cardinalis, selectissimus adolescens Cosmi III. frater Florentia anno MDCLXXVII. in hyeme decedens Pisas, propter caeli temperiem, cum venisset, Josephum de Papa geometriae habuit praeceptorem; cui quidem sic fuit deditus, ut non solum quamdiu ibi commoratus est nunquam cum a se dimiserit, sed etiam secum Florentiam deduxerit, & perpetuo quoad vixit cariorem habuerit neminem. Erat enim in eo praeter singularem prudentiam, summa comitas & affabilitas sermonis cum nativo quodam lepore conjuncta. Itaque captus ille amore litterarum plures quotidie horas assidue Pisis ei disciplinae operam dabat, ac deinde Florentiae nullum diem praetermittebat, quin a Josepho praeceptis philosophicis ac mathematicis erudiri vellet: quod maximae laudis praeceptori fuit tenere regium adolescentem ferventi aetate, & alligere. Igitur hujus gratia, magnoque jam merito Josephus suo dictus est eodem anno Medicinae Professor in Academia Pisana. Neque ita multo post honorificum sane munus fuit.

sustinuit, ut Annae Cosmi Magni Ducis filiae, quae Electori Palatino nupsit, animum imbueret aliqua nouitia physicarum rerum. Hic qua prudentia & virtute vixerit, nullum est certius indicium, quam quod, cum difficillimo inuidiaeque pleno munere fungeretur erudiendi fratrem & filiam Magni Ducis, universae regiae domui & aulae esset carissimus: cumque arte medicinae praestaret, etsi quisque ex regia stirpe singularem haberet medicum, tamen Iosephus arcessebatur, qui praescribebat cuique valetudinis curationem; atque anno MDCLXXXII. Francisci Mariae, postea Magni Ducis Cosmi III., postremo Joannis Gastonis, qui post obitum Cosmi Etruriae imperium cepit, Archiaterus renunciatus fuit. Neque vero secunda fortuna elatus se se quieti aut remissioni dedit. Nam magna assiduitate & diligentia habere Pisis in Lycco praelectiones perrexit, ac domi erudire adulescentes cum philosophia & medicina, tum geometria & astronomia, in quorum numero nobiles inter aequales fuerunt Petrus Paullus Sangallius, & Paschasius Giannettus. Ac astronomiae quidem discipulum habuit clarissimum

virum Iosephum Averanium, quem honoris causa nomino; cumque extremo fere anno MDCLXXX. insignis cometa apparuisset, illius ortum, obitum, figuram, trajectiones atque motus omnes reliquos, nondum Pisis constituta specula, diligenter simul cum Alexandro Marchetto observavit, & disertissimam de iis epistolam quinto idus Decembris eodem anno scripsit ad Comitem Philippum Ilcium praepositum cubiculo Francisci Mariae Principis Etruriae. At illud in primis esse sibi enitendum duxit, ut alteram contra qualitates Peripateticorum epistolam conscriberet. Hac Florentiae edita anno MDCCXXXI. & Francisco Redio dicata, complexus est ea, quae ad humidi & sicci naturam explicandam pertinent, Democritum atomorum auctorem secutus. Docet corpore nos sentire humidum, cum aquae humor allapsus extrinsecus tangit cutem, illiusque minutissimae particulae pervadunt in poros carnis, percelluntque nervulos. Tunc novo modo affici sensus, existereque humidum. Aquam enim natura esse maxime humidam, non autem aerem. Siccum vero natura elementum esse nullum, sed id esse

siccum, quod est expers humidi. Quae sane opinio etsi plerisque philosophis fortasse ficta atque vana videretur, multis tamen rationibus, & exquisitis experimentis a Josepho de Papa sic confirmata fuit, ut miram quamdam discendi studiosis afferret delectationem, & physicae lucem. Initio autem epistolae argumenta ille suis objecta opinionibus a Joanne Francisco Vaunio & a Daniele Bartolo Jesuitis graviter confutavit. Sed hujus loci non alienum videtur, qualis animus Vannii & Bartoli in Josephum fuerit, docere, quo facilius intelligi possit, idem omnium Jesuitarum in Acadêmiam Pisanam fuisse ingenium. Vaunius philosophiae praecepta & instituta Florentiae juventuti cum traderet, publicas anno MDCLXXVIII. in collegio Societatis habuit disputationes duas, in quarum una Orlandus, in altera Gherardinius, uterque illius auditor, de editis a praeceptore propositionibus disseruit. His copiose & audacius multo impugnabantur tradita a Galilaeo in indicato libro, qui Italice inscribitur, *Saggiatore*. Quare fiebat, ut dicta quoque recentiorum philosophorum, & in primis epistola Josephi de

Papa de natura caloris & frigoris recte impugnarentur. Aperte autem, & singulatim unamquamque ejus epistolae propositionem evertere conatus est in praeceptionibus philosophicis, quas discipulis dictavit. Neque eo fuit contentus, sed etiam ex omnibus argumentis, quae pugnare cum traditis a Galileo, & a Josepho de Papa existimavit, librum composuit & typis mandavit. Bartolus vero in suo de glaciatis humoribus libro, nihil aliud curavit, nisi ut falsa esse ostenderet, quae de iis Josephus ediderat. In his contra se scriptis, si tantum Josephum patientem & injurias ferentem dicam, minus quam debeam praedicem, cum ille potius prudentissimus & sapientissimus fuerit. Nam cum Vannii liber non modo ceteris litteratis non probaretur, sed ne ipsi quidem Eschinardo Jesuitae (ut ejus oratio, quam Romae habuit in nescio qua Academia indicio fuit) Josephus silentio & judicio doctorum virorum parere sibi victoriam maluit, quam editis responsis molestiam adversario exhibere, & in periculum se se inferre perdendae tranquillitatis animi, cui summe studebat. Itaque non solum ea responsa

pluribus & gravissimis rationibus fulta suppressit, sed etiam Vannium laudavit (nesciens quorsum ejusmodi laus evaderet) litteris ad eum scriptis comitatis, & obsequii plenis: cumque aestate, quae secuta est, Florentiam venisset, ad eundem non semel, sed saepius invisit domum, devinctumque sibi hominem officio & observantia putavit. At ille post non multo in secunda disputatione adeo magnifice eas litteras explicavit, ut mutasse Josephus sententiam, assensisseque Peripateticis videretur. Hoc quoque sit Josephi bonitatis exemplum, quod habere ea de re querimoniam nefas duxerit, ac sibi, amicis, veritati confirmarit se fecisse satis editis, aliisque, quos deinceps ederet, libris: ex quibus cognoscere cuique liceret, in eadem se sententia perpetuo mansisse. Igitur neque conscripta a se contra Bartolum responsa vulgavit, & ob eam potissimum causam; quod is non rationibus, sed assertionibus, contemptu, & irrisu rem se confecisse arbitrabatur. At Peripatetici implacabile odium in philosophos recentiores susceperant. Namque ante id tempus iudicio omnium fere gentium erant in philosophia principes, tum au-

tem mechanica ratione , qua recentiores magnam partem involutarum obscuritate naturae rerum facile dilucideque explicabant , factum est , ut omnes prope Academiae ad eorum societatem se applicarent , & Peripateticos puderet eam scientiam nescire , & discere . Itaque tantum bellum adversus recentiores , & praesertim Academiam Pisanam exarsit , ut nunquam pari periculo fuerint . Illi ira incensi , cum intelligerent sibi cum viris strenuis , omniique doctrina & virtute ornatissimis negotium esse , inierunt consilia , non rationibus ; quibus modicum valebant , sed malis dolis , potentiaque Principum tollere novam , & defendere suam veterem philosophiam . Adorti nobiles homines & aulicos , dederunt operam consiliis clandestinis , ut Atomistas in suspicionem Principibus , Episcopis , Magistratibus adducerent , tanquam alia , atque Catholicorum docet Fides , sentirent . Aiebant nemini sapientum virorum dubium esse , quin brevi tempore vera in Deum religio subverteretur , & animi & mores adolescentium corrumperebantur , si ii philosophi de novarum opinionum commentis disputare , scribere , ac juven-

tuti tradere pergerent. Neceſſum eſſe illorum coercere, & opprimere inſolentiam, jaſtationem, procacitatem. Penitus ac nimis diu inſederant praecepta Peripateticorum in animis mortalium, adeoque altis radicibus Ariſtotelis erat defixum nomen, ut cuique in religionem veniret. His igitur proſpere res incoepit cedere. Namque Piſis Scotiſta Theologiae praeceptor cogitur, ut ea diſciplina diſmiſſa, officium & partes ſcholae Peripateticorum ſuſpiciat, ſubtilique ſuo diſſerendi genere Atomiſtas opprimat. Ad vetera autem ſuſtinenda Galeni placita Senis arceſſitur Piſas; annuo DC. nummorum argenti ſtipendio, Ruſticus Medicus decrepitus ſenex. Bononiae quoque, ut Marcellus Malpighius memoriae prodidit, in recentiorum philoſophiam ſaevitum fuit. Poſtquam enim Capponus doctor contra illos vehementiſſime declamaſſet, collegium Medicorum conſcripſit promulgavitque peculiare edictum, ne quis doctoris laurea decoraretur, niſi conceptis juraret verbis, nunquam ſe veterum auctorum, quos Academia Bononiensis uſque ad eam diem ſecuta eſſet, deſertorem ſectae futurum. Neapoli ve-

ro Cantelmus Cardinalis, ejusque urbis Archiepiscopus ductus studio religionis, quam Peripateticorum calliditate captus in magno periculo esse existimabat, propter licentiam libertatemque differendi ab Atomistis investam, ex suggestu sic concionatus fuit, ut populo persuadere ad veritatem voluerit, eos esse homines sine ulla religione & fide. At Romae aliter Atomistis accidit, si quid accidit. Nonnulli Medici in numero eorum erant, qui novos philosophos de labefactata religione accusabant. Ii sublimitate doctrinae, qua polleere dicebantur, cum magnam gloriam potissimum apud Romanos essent consecuti, manibus pedibus, ut ajunt, noctesque & dies id sunt conati, ut auctoritate Pontificis Maximi opera Petri Gassendi, ac ceterorum philosophorum contra Aristotelem sentientium proscriberentur. Delata causa ad selectos judices ex Cardinalium Collegio, in medium protulerunt indicem ejusmodi librorum. Intercessit Cardinalis Etraeus, atque apud Collegas contendit, injurium esse improbare Gassendi opus, hominis integri animi, Galli, Catholici, & licentiam permittere legendi, sin minus ap-

probare Aristotelis idololatrae libros, quibus complures contineri errores & falsas opiniones, ex eodem Gassendo cognosci plane ad veritatem posse. Praeceptum illud, cum corporibus simul animos interire, ab Aristotele tradi: quo sancto extingui & funditus deleri religionem. Hac ratione sapienissimi Patres adducti, divinaque auctoritate permoti: *traditum a Deo mundum disputationibus hominum; ut hi non invenient opus, quod operatus est Deus ab initio usque ad finem*, consiliis accusatorum obstituerunt. Itaque decreto Innocentii XI. Pontificis Maximi cautum fuit, ne quisquam auderet voce scriptoque reprehendere censoria auctoritate eas propositiones, de quarum falsitate pronunciatum a Sede Apostolica non esset iudicium. At negligere nonnulli Peripatetici decretum Pontificis Maximi maluerunt, quam tacere. Hi vero quorsum spectarent, cum Sotomajor, Scarlattus, Solarius, aliique focii collegii Florentini in publicis disputationibus declaraverunt, tum maxime Niger in concionibus, quas in maxima Aede sacra ad populum habuit Pisis. Namque hic cum ojolans semel clamitasset, & veterem suam

recuperare dignitatem, gloriam, felicitatem cives Pisani vellent, continuo non solum a libidine ceterisque omnibus criminibus desisterent, sed etiam suis ex finibus perniciosas illas, sanctisque Catholicorum Ecclesiae dogmatibus contrarias opiniones perpetuum exterminarent, quae in urbis Academia trahebantur; iterum postrema in concione in eandem sententiam locutus est, usus testimonio Pauli Apostoli: *contristavi vos, sed non me poenitet*. Interim Iosephus de Papa, postea quam vidit non dari sibi facultatem sectam Atomistarum profitendi, quin Cosmum III. Magnum Ducem, & reliquos Mediceos Principes offenderet, quod Peripateticis faverent partibus, & occasionem suae amplificandae fortunae dimitteret; sic se gessit, ut studiis obsequeretur suis, & regiorum Principum sine offensione retineret benevolentiam: Nam etsi quaedam philosophicarum disciplinarum praecepta dictando commutavit, tamen omnia explicando dixit eadem. Haec quidem in Lyceo timide & pedetentim conatus est, domi vero non modo loqui, ac disputare libere, sed etiam impulsu Redii dictare copiose

ae definite plerisque discipulis nonnullos tractatus in ejus sectae sententiam coepit. Atque idoneum tempus ratus conficiendae rei, ad Cosmum Magnum Ducem adiit, & apud eum liberrime prolocutus est: Peripateticos aucupari potius sibi famam obrectatione philosophiae recentiorum, quam studere religioni. Ecquod enim haec accipere detrimentum posset ex nova ratione naturalium explicandarum rerum, quam neque praestantes sapientia viri, neque Pontifex Maximus reprobarit? Nescios esse Peripateticos ejusmodi rationis & disciplinae; quare intelligere magnum se existimationis detrimentum hac constituta facturos. Qui si vicissent, neminem unum deinceps probabilem in universa Etruria futurum medicum. Hac re audita, optimus Princeps aliquantulum placatus animo in Atomistas, Josepho de Papa indulgit, atque delatis in eorum sectam edictis quidpiam derogavit. Hoc Pisis initium fuit conservationis frugiferae philosophiae, hoc robur auctae celebritatis nobilissimae Academiae. Neque minus Senensibus ad colendam philosophiam atque medicinam recentiorum Josephus de Papa adjumento

fuit. Namque eo cum venisset an. MDCLXXXV. Franciscum Principem Mediceum Praefectum provinciae Senensium secutus, & animadvertisset Pyrrhum Gabriellium studiis physicarum rerum sic esse deditum, ut agendorum experimentorum gratia machinam pneumaticam suo sumptu construxisset, illum confirmavit, & assidue cum eo de fructuosa philosophia & medicina tradenda sermonem habuit. Petro autem Beringuccio, (qui, cum genere, prudentia, virtute, omnique eruditione claresceret, educator dictus fuit Joannis Gastonis Cosmi III. filii) persuasit, ut Crescentium Vassellium magni ingenii adolescentulum Pisas sua pecunia mitteret, ac aliquot annos aleret, quo iis disciplinis apprime erudiretur. Quo factum est, ut ea praeclarissima genera studiorum tum Gabriellii opera conservata, deinde Vassellii industria ac labore confirmata, maximo ornamento, & utilitati praesertim Senis forent. Quamdiu ibi Josephus fuit ad Academias illorum ventitavit; quare attingere coepit Italicam poeticen, quem brevi futurum gravem & ingeniosum poetam judicavit Reditus, cognoscique potest ex nonnullis

ejus epigrammatibus Italicis, quae extant. Sermonibus quoque Gallorum & Hispanorum succifiva tempora dedit. Sed poetices expers esse suavitatis maluit, quam heri sui & Principis Cosmi III. offendere pietatem. Nam poetae minus erant huic probati Duci, quod cum ex illis quosdam liberius vixisse intelligeret, ita esse omnes perperam suspicaretur, & eorum carminibus judicaret incendi animos cupiditate liberius vivendi. Cum vero Iosephus latam Senensium regionem, & oram maritimam Praefectum provinciae in venatu comitatus peragrasset, ea omnia diligenter animadvertit & notavit, quae ad historiam naturalem pertinent. Histricem, melem, aliquot pullos luporum, aliasque captas feras rari generis, anatomes caussa, dissecuit. Ubi ad balneas S. Casciani venit, salubritatem aquarum perferutatus est, deque iis doctas & disertas litteras Francisco Redio scripsit. Exposuit quoque in aliis litteris ad eundem Redium cetera, quae in venis aquarum majorem in modum calidarum prope vicum Belfortium viderentur admiranda: eumque de gravioribus & periculosis morbis, quos Senis,

propter egregiam sui apud cives vulgatam famam, non curare non potuit, quam saepissime certiore fecit. Quae fama jam extra fines egressa Etruscorum sic pervaserat per animos longin quarum gentium, ut undique Josephus de Papa consultaretur. In iis fuit Joannes Baptista Garellius Medicus Caesareus, qui ab eo de aegra valetudine Ducis Lotharingiae consilium petiit. Astallus vero Cardinalis omni studio a Cardinali Mediceo contendit, ut eundem mittere Romam vellet, cujus arte Cardinalis Chisus infirmissima valetudine confictatus sanaretur: & fuerunt qui eum a Cosmo Magno Duce flagitarunt, ut Innocentio XII. Pontifici Maximo graviter aegro medicaretur. At satius ille duxit docere litteris remedia, & non discedere a lateribus suorum Principum, quibus summopere studebat, quam proficisci in eam potissimum urbem, in qua, cum esset domicilium orbis terrarum, sine summa invidia atque obtreptione laudis suae mederi Pontifici Maximo, & Chiso Cardinali non posset. Plurima proferre possemus, sed difficile est ea persequi, & non necessarium, quod Josephi consulta duo-

bus comprehensa voluminibus in manibus
sint Medicorum. Illud unum cognosci volu-
mus, illum idcirco evocatum Romam fuisse,
quod jam ibi ab anno MDCLXXXIII. aliquam-
diu moratus magnam reliquerat sui famam
non minus felicitate, quam virtute partam.
Nam afflictis tum rebus philosophorum (de
quibus supra mentionem fecimus) cum in
circulum medicorum veniret, in quo de in-
firma valetudine potentium nobiliumque ho-
minum consultatio haberetur, maxima sapien-
tia atque doctrina de parum cognita iis tem-
poribus ratione adhibendarum curationum dis-
ferebat. Nulla ejusmodi consultatio sine illo
habebatur. Erat satis in dicendo eloquens,
suavis & ornatus, neque minus in propo-
nendis remediis promptus, quam in progno-
sticis pronuntiandis callidus. Quo factum est,
ut non solum iis, quorum valetudinem le-
varat, sed etiam reliquis civibus atque in
primis litteratis, Principibus, Cardinalibus me-
rito esset carissimus. Postquam Magni Ducis
& regiae domus dictus Archiater fuit, Flo-
rentia nunquam discessit, nisi profectus
Franciscum Mariam Cardinalem fratrem Duci-

cis, aut ipsum Ducem, ubi hi Romam petiverunt, aut aulam, ubi haec in aliquam ex amoenissimis Mediceis villis, aut Pisas concessit propter miram caeli in hieme temperiem. Hic quamdiu adfuit, etsi propter sui gravitatem muneris, nullius praelectionis recitandae non haberet potestatem, tamen in Lyceum ventitans id perfecit, ut hac ratione initium dignitatis suae publice, quoad ejus fieri per aetatem posset, non ad ostentationem testaretur; qua animi contentione invitus destitit cum senuit. Neque tamen unquam cessavit ad aedes aegrorum adire, & consulta praescribere. At officium, & partes medici non saepe per se ipsum suscipiebat: quod est signum non solum obsequii, & observantiae erga Principem, sed etiam diligentiae. Nam & non generatim praestare cuique, quod praecipue ad unum aut paucos pertinet, obsequentis & observantis debet duci, & potius abundare otio ad prospiciendum valetudini Principum, quam deficere, non mediocris est diligentiae. Interdum conveniebat in eam Academiam, quam *della Crusca* Florentini vocant. In illam, raro tum beneficio,

cum

eum fuisset coopatus, adeo concinna, eleganti, atque sententiosa oratione collegis, quod talem tribuissent ipsi honorem; gratias egit, ut diu multum de ea a litteratis viris saepe mentio summa cum laude Florentiae fieret; quare tradita demum typis fuit. Omnia reliqua tempora aut libris legendis, aut consultis dictandis, vel scribendis, aut salutandis visendisque regiis Principibus tribuebat; & si quod succisivum incurriisset, in solitudine confidebat, qua mirandum in modum delectabatur, expertus difficillimum esse nullas animi commotiones oriri ex frequentia confessuque hominum. Igitur paucis admodum, quorum mores a suis non abhorrerent, ad eum aditus patebat, sicut Laurentio Magalotto clarissimo viro, qui singulis noctibus, regio, cui interfuerat, misso consilio, ad illius aedes veniebat; quocum ad noctem seram vigilans familiares sermones conferebat, eodemque arbitro & iudice suorum studiorum utebatur, deinde Carolo Rinuccinio, & Joanne Bottario. Nihil minus amicis Josephus diligenter officia praestabat, quantum animi sui tranquillitas, & aulae, cui inserviebat, dignitas patiebatur.

Quin etiam compluribus, quibus rebus poterat, auxilio erat; quod cum faciebat, summo studio nitebatur occulere. Qua de re satis est exempli causa proferre, Petro Michelio contulisse, ut plura a parente proficisci non potuerint. Nam cum multo doctissimum historiae naturalis scriptorem, quem nostram tulisse aetatem videor posse contendere, non solum sua pecunia adjuvit, sed etiam multo labore atque industria simul cum Magalotto effecit, ut gratiam a Magno Duce iniret, ei que in singulos annos stipendium decerneretur. At Joannem Bottarium praecipue, amplius annis XX. habuit carissimum: a quo hactenus vivo, optimeque de re litteratorum publica merito maximam partem eorum, quae scripsimus, & quae persequemur reliqua, accepimus in elogio Josephi de Papa, quod prosa ille oratione Italice composuit, Romaeque elegantibus typis Joannis Mariae Salvionii in vulgus edidit. Ei rei fuit indicio inita a Josepho ratio, ut medica, quae confecerat & penes se erant, consulta, postquam ipse decessisset, Bottario Romam mitterentur, quem unum superstitem ceteris suis amicis esse ajo-

bat, eumque de illis edendis nec ne constituturum, quod in homine & doctrinam & fidem & industriam magnam videret. Id quale sit facile is judicabit, qui foetum suum sic diligit, ut homini nisi probo & fideli illum educandum non tradat. Nihilo secius cum intellexisset complura ex suis consultis diligenti conquisitione collecta in Bottarii jam potestate esse, hujus tandem rogatu inductus ad eum reliqua ipse misit, ut ederentur in lucem. Itaque anno MDCCXXXIII. ejusdem Salvionii typis Romae vulgata fuerunt, ac distributa in tomos duos, quorum primum Trajano Aquavivae, alterum Francisco Burghefio, utrisque S. R. E. Cardinalibus, Typographus dicavit: quae vehementer probata Josepho auctori ceterisque omnibus editio fuit, non autem Veneta parum diligenter paullo post facta. Sed hinc cognosci quidem certe potest, magnam tum hominum fuisse, quae nunc quoque est, ejus operis commendationem. In iis enim multa experientia compareret, multa doctrina: quae qui legat, non multum desideret absolutum exemplar diacreticarum curationum, quas hoc tempore me-

dici adhibent praestantiores. Sunt vero haec consulta non amplius CXLI. quod complurium a se conscriptorum exempla conficere Josephus interdum non potuit propter graves ac multas suas occupationes, & necessitatem ea per litteras flagitantibus quam celeriter transmittendi. Hoc loco ceteros Josephi libros priusquam numeremus, libet praecipere lectoribus, ne aetatem, qua ille scripsit, cum nostra conferant, neve ea, quae ipsis comperta sunt, pari modo eruditis viris eorum temporum fuisse arbitrentur. Scimus enim vires naturae, & rationem, qua hae aptae colligataeque inter se, & potissimum cum geometria sunt, quasi per caliginem tam turbido tempore (sicut supra docuimus) paucis philosophis visas fuisse. Suspiciamus autem non modo inventores rerum atque disciplinarum, sed etiam investigatores, & qui earum progressionem persecuti sunt. Igitur qui percepta habent hujusmodi praecepta non tam laudibus efferent Arvaei opusculum de ratione, qua sanguis circumeat ac diffundatur in omne corpus, Galilaei dialogos de novis disciplinis, & Vivianii geometricas propositiones, quam

Josephi de Papa tractatum de humoribus, aliosque libros. Nam ante annum MDCLXXXIII. quo eum ille Latine confecit, & ad Jacobum Lapum misit, publice nemo, ut ait Bottarius, saltem in Etruria conatus est convelle-
re quatuor humores Peripateticorum, quibus fundamenta medicinae continebantur, & Democritea substruere, atque hominis fabricam, & quae ad medicinam theoricam & practicam pertinent, geometricè explicare. Sed ante id tempus (postquam singulas epistolas de calore & frigore, de humido & sicco, de luce & igne ediderat) librum de febribus scribere instituit, quem caput ac principem ipse credebat ceterorum. Namque in eo exposuit omnia, ex quibus optimae ars medicinae efficitur, confutatisque variis & inter se discrepantibus complurium, qui illustre nomen in medicis habebant, auctorum opinionibus, succo nerveo, quem *animales spiritus* appellamus, naturam & causas febrium attribuit, & multis argumentis docuit. Sed cum ille jam typis mandare librum constituisset, compariit maximam ejus partem ab Alphonso Borellio perscriptam fuisse in opere de motu ani-

malum, Romae anno MDCLXXXI. postquam Auctor vita functus est edito. Itaque perficere aggressus est, quae a Borellio praetermissa videbantur (nam extremam hic operi manum imponere non potuit) ac nonnulla de cordis, & sanguinis motu in primis scripsit: cumque conata ne a se quidem perfecta fuisse intellexisset, fidei vindicum testamenti sui quam diligentissime opus commendavit, eos orans atque obsecrans, ut docto cuiuspiam viro illud transderent, qui perspiceret, corrigeret, tum denique vulgaret. Quod cum Josephus Averanius illius amicissimus, ac vir doctrinae laude celebris accepisset, non esse committendum duxit arbitrio censorum opus viri clarissimi, qui explicare ac defendere sententiam suam per se ipse non posset. Igitur adhuc occulitur. Sed novissimo tempore ex multis opusculis, quae Italice confecerat, sexdecim elegit, quorum exempla Florentinae, & alicubi extare cognoverat, eaque ceteris crematis edenda Tartinio & Franco Typographis Florentinis tradidit. Itaque omnia uno volumine colligata in lucem nomine Josephi de Papa prodierunt anno MDCCXXXIV. an-

aequam ille mortem obiisset uno. In primo sphaeram, Aristotelem & Ptolemaeum secutus, adeo dilucide explicat, ut, omni sublatâ obscuritate verborum, discendi studiosi opus praeceptore non habeant. II. continet nonnulla praecepta & instituta naturalis philosophiae, quae capitulatim sunt dicta, ut iis Anna Medicea adolescentula facile erudiretur. III. & IV. epistolas de cometa viso anno MDCLXXX. duas, quarum prima est ad Comitem Philippum Ilcium, ut supra docuimus, altera data Pisus pridie idus Februarias anno MDLXXXI. ad Marchionem Cosmum Castilioneum, qua nullos esse cometarum *influxus* ostendit, ac propius accedere ad eam opinionem videtur, quae communis nunc est, cometas esse planetas, non vero refractiones lucis. V. antiperistestum Peripateticorum vacuum nomen. In VI. exposuit quae ipse multa meditatione atque experientia perspexit in sandaracha ex China ad Magnum Ducem deportata aliquid admirationis habere. VII. disertissimam continet praelectionem de gravitate corporum, contra quam Aristoteles sensit, quae specimen esse potest praestantiae libri, quem ea de quae-

stione, plurimis jam excogitatis rationibus, scribere constituerat. VIII. falsam fuisse opinionem veterum medicorum, ex imo ventre vapores statumque posse ad caput ferri. IX. gratiarum actionem, quam, ut diximus, in Academia *della Crusca* habuit. X. rationem expurgandarum mercium peste suspectarum. IX. litteras, quibus epistolae Marchionis Chaumontii respondit de admirandis in vesica nescio cujus viri repertis calculis, quam Chaumontii epistolam maximae laudi Josepho de Papa fuisse existimamus, quod homo Gallus extraneum appellet non solum Italiae, sed etiam universae Europae ornamentum, unumque ex illis, qui aevo suo, suaeque regioni sunt honori. XII. & XIII. judicium de totius Etruriae aquis & vinis salubrioribus a Carolo tum Infante, nunc Rege Hispaniae Liburni commorante bibendis. XIV. legitimam excusationem decrepitae aetatis, quare non proficiscatur Liburnum, qua in urbe vario-
lis idem Carolus confictebatur, deque iis curandis consultationem. XV. reliqua consulta, quae scripsit, postquam edita Romae ea fuerunt, de quibus supra mentionem feci-

mus. XVI. postremo aliquot epigrammata Italica. Est etiam unus liber Italice confectus de industria & felicitate in perimendis ac delendis locustis, quae magnam partem occupaverant orae maritimae Pisanorum, Senensium, Volaterranorum, universosque agros Plumbinensium, Scarlinensium, & Suveretanorum. At in eo suum noluit Iosephus inscribi nomen, propterea quod imperata Magni Ducis facturus librum quam celerrime confecerit, quin fas illi fuerit in aliquem eorum locorum se conferre, suisque ipse oculis de talium animalium ortu & propagatione judicare. Tali modo cum VI. & LXXX. annos compleisset, atque ad extremam senectutem non minus doctrina quam prudentia crevisset, subito nactus est morbum, quem medici putarunt esse gangraenam siccam. Itaque paucis diebus interpositis, cum morbus atque aetas medicamenta vicissent, III. idus Martias anno MDCCCXXV. Florentiae decessit. Elatus est pro hominis dignitate honesto & decore funere (namque, ut diximus, Archiater fuerat Magni Ducis Etruriae) cumque iusta facta ei fuissent in Aede S. Felicis, magna bo-

morum frequentia, ibidem in paroecia sua sepultus est. Quamdiu corpus inibi insepultum jacuit, appensa foribus templi honoris causa inscriptio ab Antonio Francisco Gorio celeberrimo in Lyceo Florentino historiae doctore composita, quae ita habebat.

JOSEPHO DEL PAPA EMPORIENSI
GRAVISSIMIS DISCIPLINIS
ET INTERIORIBUS LITERIS
ERUDITISSIMO
IN PISANO LYCEO
PHILOSOPHIAE AC MEDICINAE
CELEBERRIMO PROFESSORI
A STUDIIS SERENISSIMORUM PRINCIPUM
TOTIUS REGIAE MEDICUM DOMUS
ARCHIATRO
QUI AB INEUNTE ADOLESCENTIA
EDITIS EXCELLENTIS INGENII
MONIMENTIS
IMMORTALEM GLORIAM SIBI
COMPARAVIT
IN MEDICINA FACIENDA
PRUDENTISSIMUS
HUIUS AMPLISSIMAE CIVITATIS
TOTIUS ITALIAE PRO CERUM
SALUTI CONSULUIT
INCONMODAM QUA SEMPER FUIT
VALETUDINEM
AD OCTOGESIMUM SEXTUM VITAE ANNUM

REI MEDICAE SCIENTIA
SUBSTENTAVIT
SINGULAREM DOCTRINAM
MORUM INTEGRITATE
INNOCENTIA VITAE
HUMANITATIS SUAVITATE
CUMULAVIT
QUICUMQUE TEMPLUM INGREDERIS
AETERNAM PRECARE FELICITATEM.

Corpore fuit gracili, statura mediocri, vultu tranquillo & sereno, ex quo & ex obtutu oculorum apparebat quidpiam assidue secum cogitare. Animi sensum facile oratione explicavit, secutus eloquendi genus elegans: quotidiano sermone tempestive facetus, vitatis sententiarum ineptiis. Consuetudinem & familiaritatem amicorum sic coluit, ut cum nulli molestus esset, excellentiores sapientia, & virtute praecipue diligeret. Uxorem nunquam duxit, libertatis & tranquillitatis, quam stirpis & familiae cupidior, alienoque semper animo ab amore venereo. In aula ita versatus est, ut observantia omnibus carus, neque se aulicis fluctibus committeret, neque honores peteret, neque clate se gereret, cum suspiciones quoque vitaret invidiae, atque o-

stenderet se non fortunae, & tempori servire; sed Principi. Cumque maxima doctrinae laude floreret, nihil neque insolens, neque gloriosum ex ore ejus exiit, quod prudentia iram reprimeret, resque humanas omnes divino numine agi, fide Catholica crederet. Deum summa religione coluit. Adeo diligens veritatis, ut temere laudaret neminem. Prudens & attentus paterfamilias habitus est, sed parum liberalis, etsi abesse videretur a cupiditate pecuniae, veritus ne si eleganter ac splendide se gereret, in aliquam animi perturbationem incideret, & valetudinis faceret jacturam suae. Id cum difficillimum sit judicare, ea credimus vixisse moderatione, ut collectis opibus magis ex usu esse Patriae posset. Nam testamento Emporium heredem fecit: qua de hereditate nummum argenti LXXXX. millium iussit, ut in primis bonarum artium praeceptoribus, iiique docti, pacta mercede,ducerentur; deinde ejus oppidi adolescentuli bona indole praediti, qui in aliqua celebri Academia studiis litterarum dare operam vellent, quibus rebus indigerent, adjuvarentur; tum pleraeque pauperes virgines dotibus datis aut

collocarentur, aut pudice alerentur. Postremo nonnulla legata Emporienſibus ſalutaria varie dedit, nonnulla amicis. Itaque vindices teſtamenti, ut Joſephi de Papa memoria maneret, illius effigiem marmore inciſam a Joſepho Piamontino in ſuperiore ſepulcri parte poſuerunt, cum inſcriptione a Bottario conſecta, quae eſt hujusmodi:

JOSEPHO DEL PAPA EMPORIENSI
 IN HUMANIORIBUS LITERIS
 ET IN GRAVISSIMIS DISCIPLINIS ERUDITISSIMO
 IN FISANO LYCAEO PHILOSOPHIAE PRIMUM
 DEINDE MEDICINAE
 PROFESSORI CELEBERRIMO
 REGIAE MEDICEAE DOMUS ARCHIATRO
 IN MEDICINA FACIENDA
 MATHEMATICISQ. RATIONIBUS EXPLANANDA
 PRUDENTISSIMO DOCTISSIMOQUE
 VIRO ANTIQUA PROBITATE
 ET OB INGENII MONUMENTA
 HAEREDITATEMQ. IN PATRIAE UTILITATEM
 SAPIENTI TESTAMENTO COLLOCATAM
 IMMORTALI
 CURATORES HAERED.
 P.
 VIX. AN. LXXXVI. OB. CIDIICCXXXV.

OPERA EDITA.

Lettera intorno alla natura del Caldo, e del Freddo scritta all' Illustrissimo Francesco Redi Gentiluomo Arcino dal Dottore Giuseppe del Papa da Empoli Lettore di Logica nell' Università di Pisa. In Firenze per Francesco Livi 1674. in 8.

Lettera nella quale si discorre, se il Fuoco, e la Luce sieno una cosa medesima, scritta all' Illustrissimo Signor Francesco Redi dal Dottor Giuseppe del Papa Lettore straordinario di Filosofia nell' Università di Pisa. In Firenze 1675. in 8.

Della natura dell' umido, e del secco lettera all' Illustrissimo Signor Francesco Redi scritta da Giuseppe del Papa da Empoli Professore straordinario di Medicina Pratica nell' Università di Pisa. In Firenze per Vincenzo Vangelisti 1681. in 4.

Relazione delle diligenze usate con felice successo nell' anno 1716. per distruggere le cavallette, le quali avevano stranamente ingombro una gran parte delle marcemie di Pisa, di Siena, e di Volterra, e tutte le campagne di Piombino, Scarlino, e Savereto; nella Stamperia G. Ducale 1716. in 4.

De Praecipuis humoribus, qui humano in corpore reperiuntur, deque eorum historia qualitatibus & officiis exercitatio Josephi del Papa Regiae Celsitudinis Joannis Gastonis Magni Ducis Etruriae Archiatri, nec non in Pisana Universitate Publici Medicinae Profess. Florentiae 1733. in 4.

Consulti Medici del Signor Dottore Giuseppe del Papa Archiatro della Corte di Toscana, e pubblico Lettore di Medicina nell' Università Pisana ec. Tom. I. e II. in Roma appresso Giovanni Maria Salvioni 1733. in 4.

Trattati varj fatti in diverse occasioni dal Dottore Giuseppe del Papa primo Medico dell' Altezza Reale del Serenissimo Granduca di Toscana. In Firenze 1734.

ANGELUS FABRONIUS

BARTHOLOMAEO BIANUCCIO SUO S. P. D.

Sunt nonnulli adeo antiquitatis amatores, ut omnia in veterum philosophorum scriptis se invenire posse sperent; leges ipsas, quibus corpora omnia se se vicissim pertrahunt, omnesque materiae partes in se invicem tendunt, quidquid demum Keplerus, Galilaeus, & Newtonus feliciter excogitarunt ad mundi systema explicandum, renovatum potius, quam inventum esse affirmantes. Nihil quidem, mea sententia, injustius, quam ex obscuris quibusdam verbis, quae casu magis quam consulto veteres scriptores fuisse videntur, ad minuendam recentiorum gloriam ea velle deducere, quae hi diuturna atque infinita prope meditatione ac labore, tanquam fundamenta scientiae, constabilivere; ex quibus multarum causarum seriem atque colligationem perspicere possemus. Per multa licet exempla ab iis corporibus repetita, quae totius terrae ambitu continentur, docuerint veteres insidere ipsi corporibus gravitatem, longissime tamen ii absueverunt non solum ab intelligentia, sed etiam a suspi-

cione earum rerum, quae mirabilibus Newtoni inventis materiem dederunt. Ad haec obtinenda necesse fuit caelestes peragraré regiones, caeli conversiones atque astrorum cursus diligentissime considerare, ut ex tot ingentibus variisque motibus gravitatis mores perspicerentur, tantique muneris fides eluceret. Quae ille cum diu multumque intellexisset, cum constare omnia cerneret, singulorumque rerum exemplis ac testimoniis comprobari, tum vero ad cetera corporum officia gravitatis accessionem fieri oportere minime dubitavit, ejusque legibus, tanquam vinculis, teneri omnia, ac coalescere. Quam ingens inde ac mirificus rerum ordo emanavit, cum errantium siderum motus, veris atque autumnis antecessiones, accedentis ac recedentis Oceani aestus, telluris ipsius figuram ac conformationem ex una eademque causa naturaliter proficisci videremus! Quae quidem talia sunt, ut denegari laus Newtono minime debeat, sicut in plurimis rebus, ita in explicandis gravitatis viribus fuisse inventorem & quasi architectum veritatis. Quid illa de luce? Quamvis Platonis discipuli (Aristotelem excipio) non ignorasse videntur lucem recta propagari linea, & angulos, ut loquuntur, incidentiae aequales esse angulis reflexio-

xionis, & quaedam haud prorsus contemnenda de refractionibus Ptolemaeus protulerit, laus tamen propria Newtoni fuit opticam non dicam ab oblivione vindicasse, sed omnino genuisse. Cum enim omnia ad experientiam revocasset, nova prorsus, ac prorsus miranda luminis phaenomena detegere ac confirmare potuit, refractionum inaequalitatem, radiorum in eandem superficiem iisdem angulis incidentium alternae reflexionis ac transmissus vices, varias radiorum prope corporum ipsis objectorum extrema parvo intervallo transcurantium inflexiones, proprios & constantes furgulorum radiorum colores, varietatesque, quae ex varia eorumdem admixtione oriuntur; ex quibus tanta subito lux, verique species enituit, ut nihil amplius esse videatur in minimis hisce rebus, atque a sensuum usu remotissimis, quod non optime sit nobis cognitum atque perspectum. Harum quidem & similium rerum vestigia, ac demonstrationes frustra in veterum scriptis quaesiveris. Sed quoniam saepe usuvenire videmus in praestantioribus rebus, ut paullatim suos quaeque gradus faciant, priusquam absolutam praestantiam maturitatemque consequantur, hinc operae pretium semper putavi diligenter inquirere quid magnis inventis occasionem de-

derit, quaeque ipsi rerum inventores ab aliis subsidia habuerint. Succlamatum est & frequenter a Jesuitis plurimum valere ad imminuendam Newtoni gloriam opus, quod de lumine ante illum scripsit Franciscus Maria Grimaldus; hunc praecupavisse & vidisse multa, & ejusdem saltem laudis in difficillima tractatione & gloriosa inventione participem esse debere. Quid porro praestiterit Grimaldus diligenter & accurate exponemus, ut quilibet per se facile judicare possit qua in re ipse palmam tulerit. At semper illud fixum & statutum esse oportet non posse quem ad inventoris gloriam aspirare, nisi omnes inventae rei partes, principia, ordinem, colligationem, munera, viresque noverit, & optimo in lumine collocaverit. Quod ut aliis exemplis comprobemus, recordari juvat haud ignotum fuisse Andreae Caesalpino sanguinem a dextro cordis ventriculo per pulmones circuire, & a vena arteriosa ad arteriam venosam, indeque ad sinistrum cordis ventriculum transire; sed cum ipse non ultra processerit, quidquam minime detraxisse videtur de gloria Harvaei, qui merito sanguinis circuitus per universum corpus inventor ab omnibus praedicatur. Eadem ferme dici possunt de Bartholomaeo Eustachio, qui quamvis narret se

observasse in equis canalem plenum albae materiae dorso haerentem, quia tamen ignoravit quanam esset haec materia, ubi is ductus inciperet ac finiret, an recta pergeret ad cor, quibusque usibus illum natura destinaverit, non videtur laudem ullam habere posse communem cum Paquetio, cui unice gloria debetur invenisse chyli ductum, ejusque mirabilem usum omnibus patefecisse. Non desunt, qui ad minuendam Hallerii gloriam indicia quaedam satis clara irritabilitatis, ut vocant, apparere dicunt non solum in Stenonis, Bellinii, & Baglivii, sed etiam Hippocratis & Virgilii scriptis, quod temere atque injuriose ab iis affirmari probat vir physica doctrina praestans Tissotius (1), cujus ex sententia non minus Hallerius irritabilitatis, quam Newtonus attractionis inventor dicendus est. Non ab re putavi, doctissime Bianucci, haec tecum proloqui, priusquam ad Grimaldii vitam narrandam accedam. Nolo enim quis putet me derogari aliquid velle de dignitate Newtoni, cum Grimaldium extulero in iis, quae de lumine scripsit. Ille enim in *Philosophia archite-*

A a 2

(1) Vid. Tissot *Discours preliminaire aux Dissertation sur le parties irritables des animaux par M. Haller.* [Lausanne 1755.

ctus, molitor, effector dicendus est, qui ea, quae summa ac praecipua erant, invenit atque absolvit, cetera item, quae tenuiora essent, adumbravit, ac aliis excolenda reliquit, atque ita idem omnia & inchoasse & perfecisse videri possit. Tu interea velim quid de hoc commentariolo pro tua in omni re physica praestantia sentias, ad me diligentissime perscribas; neque enim dubito illud ipsum se tibi se probaverit, omnibus fore probatissimum. Vale.

Pisus Id. April. MDCCLXXIX.

FRANCISCUS MARIA GRIMALDIUS.

Postquam superiori libro Joannis Baptistae Ricciolii vitam explicavimus, multi a me exigere visi sunt, ut de Francisco Grimaldio separatim quoque scriberem, quocum usu; consuetudine, studiorum etiam honestissimorum societate Ricciolius ipse conjunctus fuit. Et sane nulla mihi justa esse poterat causa id recusandi, quod Grimaldus etsi varietate & copia eruditionis vinceretur a Ricciolio, illum tamen multum anteibat omni doctrina physica & mathematica, & lenta quadam considerataque prudentia, qua & studia sua, & omnem vitae actionem moderabatur. Natus is est Bononiae an. MDCXVIII. IV. Non. Aprilis; & si munus illud fortunae fuit, quod patriam habuerit humanitate & antiquitate praestantem, & doctissimorum virorum parentem & altricem, hoc specimen prudentiae, quod ea studia potissimum excolenda suscepit, quae tum majori parti hominum, & Jesuitis

praefertim, quibus adscribi an. MDCXXXII. collega voluit, utilitate licet praestantissima, minime probarentur. Hi enim certis destinatisque sententiis quasi addicti & consecrati, vel ipsam veritatis lucem, tanquam religioni inimicam, adspicere verebantur. Dici vero satis non potest quanta voluptate completetur Grimaldii animus, & quam pulcherri-
me ferret magnos labores in signorum ortu & obitu, accessibus & recessibus siderum, conjunctionibus, propinquitatibus, & intervallis observandis notandisque, & tanquam in sedem Dei admitteretur; ardebat desiderio ex illo omnis boni veritatisque fonte aliquid ad communem hominum utilitatem derivare. Nec astronomus modo, sed peritus quoque artifex erat eorum instrumentorum, quibus uti debebat, & quod mireris quadrantem satis accurate divisum sibi confecisse testis est locupletissimus Jo. Dominicus Cassinius. Hae praecipuae exercitationes ingenii, haec curricula industriae summi viri fuerunt, prae quibus minime commemoranda esse putamus munia, quae habuit a majoribus suis tradendi adolescentibus tum humaniores litteras, tum e-

lementa geometriae ac philosophiae, quanquam eidem minime cura in illis exequendis defuit. Multa simul versabantur Grimaldio ante oculos, sed hos praesertim conjecit in lunam, in qua habitari facile cum Galilaeo credebat. Lunares autem regiones sic peragravit, ut propriis nominibus illas distinguere se posse putaverit. Qua in re non tam astronomiae, quam celebriorum astronomorum, physicorum, mathematicorum, aliorumque hominum gloriae servire voluit. Horum enim nominibus, tanquam certis signis, notavit descripsitque praecipuas, quas observaverat, lunae partes. Haud multo post Hevellius nova nomina ex geographia petita iisdem imposuit, vel novitatis amore, vel quod vereretur, ne praetereundo quosdam dignos viros iis injuriam facere videretur. Sed recentioribus astronomis nomina a Grimaldio data retinere placuit; cumque haud amplius lis sit de nomine, illud unice ambigendum videtur, an lunaribus maculis vere quaedam sit similitudo cum mari, & terrae quibusdam partibus eminentibus a mari. Illarum quidem species & forma adeo mutatur pro varia tele-

scopiorum, quibus conspiciuntur, perfectione, pro varia lunae a sole distantia, & praesertim pro vario solis ipsius positu, ut eadem maculae vix agnosci possint. Non respuit Grimaldus dicta illorum philosophorum, qui putabant multa ab luna ad nos manare & fluere, quibus & animantes alantur augebantque, & pubescant maturitatemque assequantur, quae oriuntur a terra. Vetus erat opinio aestus maritimos ortu & obitu lunae commoveri; renovasse illam plurimisque argumentis confirmasse videbatur Schirlacus de Rheita e Cappuccinorum familia; sed protulerunt multa Ricciolus & Grimaldus, quibus satis firmam sententiam se labefactare posse sperabant. In tanta rerum astronomicarum & physicarum incertitudine facile erat in errorem labi; nec male mereri de nobilissimis facultatibus ii videbantur, qui lucis aliquid vel errando hominibus attulissent. Non licet enim uno eodemque temporis momento veritatem assequi, quae latens in occulto lente, patienter, & etiam fastidiose inquirenda est. Id praesertim intelligi potest ex iis, quae Grimaldus de lumine scripsit, in quo non licet

fatis singularem hominis patientiam & acumen admirari. Rem quidem magna & diligentissima contemplatione dignissimam putavit, quam non dubitabat fore plerosque, quibus honestius videretur errare, duce Aristotele, quam se magistro erudiri. Cum igitur hac in re plena errorum essent omnia, cumque tum homines suis maxime delectarentur erroribus, studuit eos ratione & experientia, ipsiusque veritatis judicio convincere. Quoniam vero omnes alicujus argumenti partes, atque omnia membra tum facile noscuntur, cum totae quaestiones scribendo, explicantur; hinc LX. usque propositionibus expositis, effecit Grimaldus, ut esset mira quaedam continuatio seriesque rerum; ut alia ex alia nexa, & omnes inter se aptae colligataeque esse videantur. Diu opus in manu habuit, quam cunctationem varietas & magnitudo rerum desiderabat. Cum vero de illo edendo cogitaret, mortem obivit, in hoc gratulans sibi, fore ut qui opus posthumum lecturi essent, recordarentur illud Homericum

Ὀδὺ δὲ τὴν καταμύσειον ἐπ' ἀνδράσις ἐυχαιέσθαι

Profecto perpauci illud comprobavere; quantoque in pretio esset habendum, tum ma-

xime est cognitum, quando veritas de rebus ad opticam pertinentibus coepit apparere. Ad molliendos Peripateticorum animos, quos se offendisse putabat eorum solemnioribus de luce confutatis opinionibus in prima operis parte, secundam ita contexuit, ut non solum diffidere suis experimentis atque argumentis, sed & eadem retractare velle videretur. Quod timiditatem potius quam inconstantiam appellaveris. Nam, ut diximus, cum Jesuitae omnes solemnibus pene verbis jurare solerent in verba Aristotelis, ceterorumque Peripateticorum, iniquo tulissent animo esse inter suos, qui ad eorum dogmata convellenda unice accommodasset orationem. Sed ut flosculos, illos quidem caeno oblitos (tanta est quaestionum, quae saepe in medium afferuntur, insulitas, tanta dicendi disputandique barbaries) carpam atque delibem, illud affirmare non dubitabo Grimaldium, quamvis minime affectus sit veram lucis, quam dicimus, theoriam, ea tamen protulisse experimenta, quae repetita a Newtono, multisque modis confirmata, illius jecisse fundamenta videntur. Neque in magna laude non ponendum, quod iis tem-

poribus, quibus ubique scholastica disciplina dominabatur, lucem esse corpus immensaeque subtilitatis agnoverit, eandemque maxima, finita tamen, velocitate e loco ad locum deferri; materiam ab ipsa luce minime penetrari, colores non in corporibus, at in ipsa luce existere, hanc prope corpora transeuntem aliquantulum a prima via declinare; nec non in refractione & in diffractione luminis, quin & aliquando in reflexione sub diversis eandem coloribus apparere; hos autem, tum quos permanentes, tum quos emphaticos appellamus, diversae non esse naturae, & ab eodem pendere principio; lucem a densiore medio in minus densum oblique transeuntem magna ex parte reflecti, atque alia praeterea bene multa in ipso operis cursu, cum se se offert occasio, non sine magno ingenii acumine animadversa. Hujusmodi sunt, quae pertinent ad poros innumerabiles, quibus omnia scatere corpora ostendit, ad miram & prorsus incredibilem materiae subtilitatem, nec non ad aquae ascensum in tubis capillaribus, cujus phaenomeni explicationem, si voci *viscositatis*, quam usurpat; vox *attractionis* substituatur, ab explicatione

magni Newtoni vix ac ne vix quidem differre dixeris. Quod si haec etiam silentio praetereantur, geometrica eorum, quos in iride suspicimus, effectuum sane mirabilium enodatio ad aeternitatem nominis Auctori nostro asserendam vindicandamque sufficeret. Sed vir modestia singulari ob haec nec laudem, neque gratiam aut exigebat, aut desiderabat. Magis quam immortalitatem nominis, mortalitatem suam cogitabat; & quamvis semper praeclarum aliquid & immortale meditaretur, non oportere tamen brevem vitam caducis laboribus nimium distineri contendebat. Nihilo tamen minus quod Ricciolio omnino adhaerescere sibi proposuerat (nam cum omnibus virtutibus abundaret, tum hac praecipue, quod habebat maximam in amicitia constantiam) interdum magnitudine rerum mandatarum non occupabatur modo, sed etiam obruebatur. Honestissimum vero judicabat obsequi voluntati, & inservire studiis hominis, a quo omnia summa Jesuitarum Societas expectare videbatur. Laudes, quas a Ricciolio de Grimaldio omnes haberi audiebant, erant huiusmodi, ut sine ejus subsidio nihil magni a se

perfici potuisse confiteretur. Obiit vir sane immortalitate dignissimus Bononiae v. Kal. Januar. an. MDCLXIII. cum compleisset annos XLIV. menses VIII. dies XXVI.

OPERA EDITA.

Physico-Mathesis de lumine coloribus & iride, aliisque adnexis libri duo, in quorum primo afferuntur nova experimenta, & rationes ab iis deductae pro substantialitate luminis. In secundo autem dissolvuntur argumenta in primo adducta, & probabiliter sustineri posse docetur sententia peripatetica de accidentalitate luminis. Qua occasione de hactenus incognita luminis diffusionem, de reflexionis, refractionis, ac diffractionis modo & causis, de visione, deque speciebus intentionalibus visibilibus & audibilibus, ac de substantiali magnetis effluvio omnia corpora pervadente, non pauca scitu digna proferuntur, & specialiter etiam argumento impugnantur Atomistae. Auctore P. Francisco Maria Grimaldio Societatis Jesu. Opus posthumum. Bononiae 1665. Ex Typographia Haeredis Victorii Benarii. Multa ad Grimaldium pertinentia, praesertim astronomica, in Riccioli operibus reperiuntur, ad quae ipsius Grimaldii studiosos delegamus.



731576

I N D E X

RERUM NOTATU DIGNIORUM QUAE IN HOC
VOLUMINE CONTINENTUR.

A
Academia Pisana 1. 43.
----- *del Cimento* 37. 71.
ejus historia 203. & seq.
221. 311.
----- Bononiensis quae-
dam 79.
----- *della Traccia a Mon-*
tanario instituta 21.
Aeris natura examinatur 80.
Alphonfus IV. Mutinae Dux
75.
Anatome ejus tractandae dif-
ficultas 2. e seq. ejus hi-
storia 120. & seq. 143.
Asabes quomodo anatomen
excoluerunt 104. medici-
nam 271.
Aristoteles 296. 297. 345.
Auberius 133.

B
Bartholinus Thomas 7.
31. 47. 49. 126. 252.
Bellinus 23. 144. 248. 293.
330.
Bianuccius Bartholom. 367.
Bilius notatus 13.
Blanchinus Franciscus 96.
101.
Blasius ejus furta 8. 9.
Boerhaavius 17. 25.
Bonannius Philippus repre-
hensus 171. 298. 306.
Bonius Paulus 71. ejus vices
& mors 73.

Bononiensis Academia quid
debeat Montanario 64. &
seq. quot illustribus viris
floruerit 65.
Borellius Petrus 34.
----- Alphonfus 37. 94.
132. 137. 143. 144. 170.
207. 333. 358.
Boyleus Robertus 220. 221.
Buhaldus Ismael 23. 208.

C
Caldesius Joannes 308.
Canterzanius Sebastianus 64.
Cartesius notatus 36.
Castinus Jo. Dominicus 77.
78. 79. 86. 87. 97. 207.
Cavina Petrus reprehensus 90.
Cerebri anatome 34. 47.
Caesalpinus Andreas 370.
Clureherius Athanasius repre-
hensus 298. 299. 312.
Chymiei quid in medicina
praestiterint 274.
Cochleae harum varia natura
305.
Cometae observati 78. 96.
338.
Cornelius Hieronymus 95.
Cor ejus anatome 21. 22.
26. 44. 132. de ejus po-
lypsis varia 155. de ejus
formatione scripta 176.
Cotunius Dominicus 1. 6.
120.

D^Datus Carolus 37. 392.
302.

E^Eclipticae obliquitas 77.
Euremondus Sanctus 254.

F^Falconerius Octavius 206.
225.

Federicus Jacob. laudatus 69.
Fontana ejus experimenta de
vipera 295. de scorpionibus
299.
Fracassius Carolus 134. 136.

G^Gaudentius Paganinus
279.
Glandulae varia de iis a 9.
ad 17. 146. 156. 178.

Grimaldus Franciscus Maria
80. ejus ortus 372. studia
373. Jesuitis nomen dat
373. ejus observationes de
luna 374. nomina dat hu-
jus planetae regionibus 375.
ejus de lumine observationes
& experimenta 376. &
seq. Ricciolium adjuvat
379. mores & mors 379.

Guglielminius Dominic. Mon-
tatarium defendit 90. 94.

H^Hallerius 3. 13. 14. 16.
21. 25. 36. 135. 140.
141. 158. 176. 321.
Heisterus 17.
Historia naturalis 161. 296.
314.

I^Iesuitae Stenoni infensi 54.
89. eorum odia in Acade-
miam Pisanam 335. & seq.
Innocentius XII. 187.
Insecta varia examinata 177.
298. haec omnia ex ovis
nascuntur 171. 298. &
seq. 301. 312. 373.

L^Lancius Antonius lauda-
tus 200.
 Latinae linguae laudes 195.
 Linguae anatome 144.
 Linnaeus reprehensus 170.
 Lorenzinius Stephanus 308.
 Lucis theoria a quo tradita
370. 377. & seq.
 Lumbricorum natura exami-
 nata 304. 307.

M^Magalottus Laurentius
37. ejus ortus 199. inge-
 nii felicitas 201. a com-
 mentariis Academiae *del*
Cimento creatur 203. ejus
 stylus 205. 215. 257. o-
 pus de experimentis ejus-
 dem Academiae scribit 206.
 hujus argumenta 207. ad
 Hugenum Academiae no-
 mine scribit 207. ejus nego-
 tia & conjunctio cum Bar-
 beriniis 210. quam prin-
 cipibus Mediceis acceptus
ib. quam picturae studiosus
211. quam Alexandro VII.
 carus 212. ejus de odori-
 bus scripta 213. de vi e-
 letrica 214. studia sacra
 excolit 214. de Sinesibus

scous scribit 215. 216. a-
jus poetica studia 216. &
quam Dantis amans
217. Anacreontem conver-
sit 218. multarum lingua-
rum peritus 219. ejus iti-
nera 219. 225. 226. fa-
miliaritas cum Boyleo 220.
scripta ad eum 221. ejus
epistolae ad Mediceos Prin-
cipes 222. 239. legatus
mittitur Mantuam 223.
Viennam 227. Coloniam
Agrippinam 228. ejus do-
mestica negotia 224. 237.
de duenda uxore cogitat
228 & 230. ejus Italica
carmina 231. 245. contra
atheos scribit 232. & seq.
de religione & principatu
236. Romanae Philippino-
rum familiae se addicit 240.
hanc deserit 241. ejus oc-
cupationes *ib.* ejus episto-
lae philosophicae 242. S.
Eurimondi imitator 244.
de buecheris scribit 245.
ejus mores 249. 250. 253.
valetudo 251. mors *ib.* o-
pera edita 260 inedita 263.
Magiottus Raphael 280.
Malpighius Marcellus 49. 57.
ejus ortus 128 ejus prae-
ceptores 129. medicinae
studet 131. ejus praeceptor
fit Bononiae *ib.* Pisis 132.
quam per Borellium profe-
cerit 132. dialogos scribit
133. ejus inventa quaedam
in Etruria 132. 133. ad
Bononientes redit 134. de
pulmonibus ejus inventa 135
ejus de generatione sangui-
nis opinio 136. de febribus

contagiosis scribit 138.
Messanae medicinam pro-
fiteretur *ib.* ejus de plantis
inquisitiones 139. 166. de
piscibus varia ejus inventa
140. & seq. ejus de succo
nerveo error 142. de lin-
gua inventa 144. de papillis
145. cum Liparo disputat
147. ejus rei causa Mella-
na discedit 150. de viscera-
bus nova scribit 151. &
seq. de glandulis ejus opi-
nio 152 & seq. de lieus
usu 154. de ossium natura
159. de bombyce 162. 163.
quanta in opinione esset ap-
ud Anglos 165. 166. 169.
178. 184. 189. de anima-
lium generatione ejus in-
venta 172. & seq. diver-
sorum naturam explicat 177
varia ejus anatomica 178.
de cornubus scribit *ib.* de
pilis 179. de sanguinis cir-
cuitu & natura 180. &
seq. suam vitam narrat 182.
Innoc. XII. Archiater 187.
ejus morbi & mors 189.
discipuli 191. opera edita
ibid.

Malvasia Cornelius 76.

Marina corpora cur in mon-
tibus inveniantur 39. &
seq.

Martilius Academiae Pisanae
curator reprehensus 23.

Meadius 295.

Medicei Principes laudati 75.
134. 222. 316.

----- Ferdinandus II. 37.
44. 48. 88. 111. 23. 280.

286. 291. 316.

----- Leopoldus 37. 71. e-
jus

Jus laudes 262. 268. 269.
222. 316. 326.
 Cosmus III. 50. 55.
219. 222. 316. 334. 346.
347.
 Franciscus Maria Car-
 dinal. 218. 336.
 Michelinius Famianus 279.
 Montanarius Geminianus quam
 de Bononiensibus meritis
64. ejus ortus 69. studia
 in Etruria ib. vices 70.
 Viennam concedit ib. Ga-
 lilejanae philosophiae stu-
 diet 71. ejus physica expe-
 rimentum ib. sodinas Ger-
 maniae invisit 72. redux in
 Italiam Mutinae consedit
74. Bononiensi Academiae
 addicitur 76. caelestes e-
 phemerides scribit 77. de
 comets 78. 96. physica
 studia provehit 79. de tu-
 bis capillaribus differit 80.
 & seq. ejus de pluvia sen-
 tentia 83. cum Rossetto dis-
 putat 84. cum Cavina 89.
 ejus epistolae astronomicae
 & physicae 88. 89. 104.
 quam attentus praceptor
85. ejus itinera 86. quam
 Cassinio carus ib. de vitreis
 guttulis scribit 88. de i-
 gneo globo 90. de rebus
 hydrostaticis 91. 94. de
 libella 97. de balistica 98.
 de tuba loquente 99. de
 viribus Acoli 100. de falsi-
 tate astrologiae 103. de re-
 bus variis physicis & ma-
 thematicis 104. de mone-
 tis ib. & 114. Venetia in-
 servit 93. 98. ab his pro-
 fessor fit Patavinus 93. va-

389
 leudinis inconmoda 70.
86. 104. mors 105. mo-
 res 107. opera edita & in-
 nedita 188. & seq.
 Montium origo explicatur 41.
 & seq.
 Morgagnius 13. 14. 15. 18.
140. 157. 158.
 Musculi tractatus de his 17.

N Ewtonus 96. 168. 177.

O Liva Antonius 200.
 Oricellarius Julius 124.
 Ossium structura 152.

P Atquæus 371.
 de Papa Josephus ejus ortus
329. studia 330. amicitiae
331. & 332. de natura
 caloris & frigoris scribit
333. de luce & igne 334.
 Pisnam Academiam ad-
 versus Jesuitas defendit 335.
343. ejus professor decla-
 rat 330. 336. Annae Me-
 dicae Institutio 339. a-
 stronomiae dat operam 338.
 qualitates Peripateticorum
 oppugnat 338. a Jesuitis
 exagitatus 331. ejus scri-
 pta de rebus physicis va-
 ria 349. ejus in medicina
 fama 350. & seq. Medi-
 corum Principum Archia-
 ter 351. In amicos libera-
 lis 354. ejus consilia me-
 dica 355. de febribus scri-
 bit 347. ejus dissertationes
 variae 350. mors 362. mor-
 B b

res 363. opera edita 366.
 Peripateticorum in recentio-
 res philosophos odia 341.
 & seq. de lumine doctri-
 na 377.
 Petrus Iosephus 168.
 Pighius Jacobus 117.
 Pinotius Petrus 136.
 Priglejus ejus de Redio judi-
 cium 188.

R R
 Asponus Franciscus re-
 prehensus 235.
 Redius Franciscus 37. 49.
171. 248. 254. ejus ortus
278. ejus studia 279. Ro-
 mam concedit 280. a Fer-
 dinando II. adhibetur 281.
286. ejus merita in medi-
 cinam & historiam natu-
 ralium 281. 286. & seq.
296. & seq. in poësim ita-
 licam 283. ejus fama &
 modestia 289. 315. ejus ex-
 perimenta de rebus physicis
292. de viperis 298. de in-
 sectis 298. error de vermi-
 bus, qui in fructibus nascun-
 tur 300. alia de animalibus
 viventibus 301. ejus
 mores 308. 309. 320. 322.
 varios errores convellit 320.
 & seq. alia ejus experi-
 menta naturalia 311. ejus
 eruditio 317. scribendi e-
 legantia 318. lepor 319.
 conperatio cum Malpighio
31. industria 320. Religio
321. mors illius laudes de
 e. 322. opera edita 323.
 quam faveret discipulis 300.
328.

Refractionum caelestium do-
 ctina 78.
 Ricciolus Jo. Baptista 78.
372. 379.
 Riccius Michael Angelus 109.
 Rosellius Donatus cum Mon-
 annario disputat 84.
 Ruyschius 127. & 151.

S S
 Ampierius Carolus Anto-
 nius Academiae ejusdem
 institutor 79.
 Sangallus Petrus Paulus 308.
 Saverianus Hieronymus 82.
 Somnerhus Jo. 250.
 Steno Nicolaus ejus opera A-
 cademiae Pisanae utilis 1.
 ortus 7. studia 8. cum Bla-
 sio disputat 8. 9. ductum
 salivalem invenit 8. glandu-
 las varii generis 9. 10.
 de saliva differit 11. de
 glandulis oculorum scribit
12. de narium vasibus 14.
 de glandulis generatim 16.
 de musculis 17. ejus erra-
 ta 21. 24. 25. a Ruyschio
 laudatur 22. zool. gnom. ex-
 colit 27. 44. dentium na-
 turam inquirat 29. de ovibus
 seminarum differit 31. &
 seq. diu in Batavia studio-
 rum causa commoratur 2.
37. in Galliam venit 34.
 ibi cerebri anatomen illu-
 strat 36. in Etruriam venit
37. quam Medicis Prin-
 cipibus carus 37. 43. 50.
51. 55. e. Interano sic Co-
 tholicus 38. 214. de soli-
 do intra solidum scribit 38.
 & 39. de cordis fabrica
45. & seq. de cerebro quae-

dam 47. ejus scribendi mos 48. quam carus Cosmo Mediceo 49. 50. 55. anatomicum H. filiae docet 49 a Lucernis exagriatus in Etruriam redit 50 sic praebiter 51. quantis virtutibus praeditus ib. & seq. sic Ferdinandi Medicei inceptor 51. Episcopus Ticopolitanus & Vicarius Apostolicus 53. ejus studium in catholicam religionem 54. ejus mors 55. ejus corpus Florentiam asportatur 55. opera edita 60. & seq. munerata in Etruria 223.

T Argionius Jo. 326.
Thevenocius laudatus 34.

Trionfettus Laelius ejus laudes 26.
Turbinum descriptio 100. & seq.

V Alisnerius Antonius 301.
314.
Veneciarum lacunae quomodo sanari possint 94.
Venenorum varia natura examinata 294. 298.
Vereheyenius laudatus 15.
Viperarum de harum veneno & natura experimenta 293.
Winslous Jacobus Benignus 55. 157.
Viscerum anatomia 151. & seq.
Vivianus Vincentius 37. 201.

ERRATA

CORRIGE

Pag. 36. I. 6. ETHERODO-
XUM HETERODOXUM

76.	22.	Jambergianis	Lambergianis
82.	12.	capillaribus	capillaribus, &
ibid.	23.	atmosphæra	atmosphæra
103.	23.	profecio	deme
123.	ult.	Averilani	Aureliani
141.	13.	agere	præstare
152.	ult.	foetis	foetibus
187.	prim.	omnium	adde maxime
208.	7.	delabi	se delabit
215.	10.	maxime	maxime se
224.	16.	non parum	aliquid
225.	3.	& sed	sed &
270.	15.	Herophli	Herophil
281.	16.	putabant	negabant
287.	2.	luctas	pugnam
295.		mixillæ	maxillæ
306.	11.	non	ut non
111.		Addi debebat operibus editis Montanarii il	

Trattato del valore dell' abuso delle monete, quem librum edidit Philippus Argelatus in tertia parte de monetis Italianæ.